

本足
王安石全集

大東書



中華民國二十四年十月初版

王安石全集

平裝八册定價六元
精裝本另加實洋四角

(外埠酌加郵費匯費)

重編者 沈卓然

發行人 沈駿聲

印刷者 大東書局

總發行所 大東書局

分發行所

開封 安慶 常州 無錫 信陽
南京 北平 天津 濟陽 西安
長沙 漢口 梧州 重慶
廣州 雲南 杭州 廈門
汕頭 哈爾濱 新嘉坡

大東書局



版權所有
翻印必究

(本 書 校 對 者 朱 晉 材)

王安石唐百家詩選原序

余與宋次道同爲三司判官時，次道出其家藏唐詩百餘編，謾余擇其精者；次道因名曰「百家詩選」。廢日力於此，良可悔也！雖然，欲知唐詩者，觀此足矣。

王安石唐百家詩選序

音有妙而難賞，曲有高而寡和；古今通然，無惑乎唐百家詩選之淪沒於世也。予自弱冠肄業於香溪先生門，嘗得是詩於先生家藏之祕。竊愛其拔唐詩之尤清古典麗，正而不冶，凡以詩鳴於唐，有驚人語者，悉羅於選中；於是心惟口誦，幾欲裂去夏課而學焉。先生知之，一日索而鑰諸笥，越至於今，不復過目者有年矣。頃有親戚游宦南昌，因得之於臨川以歸，首以出示，發卷數過，不啻如獲遺珠之喜，惜其道遠難致。且字畫漫滅，近世士大夫嗜此詩者，往往不能無恨，故鏤板以新其傳，庶幾丞相荆國公銓擇之愛，有所授於後人也。雅德君子，儻於三冬餘暇，玩索唐世作者用心，則發而爲篇章，殆見游刃餘地，運斤成風矣。乾道己丑四月望日，蘭皋盤谷倪仲傅書。

王安石唐百家詩選序

昔予嘗購求王荆公唐百家詩選二十卷，廬得殘帙八卷於江南藏書家。庚辰秋，舉示山陽故人子丘邇求。邇求好學嗜古，請依舊式重梓，以廣其傳。予甚誼之，因序其首。略云：「夫物莫不聚於所好，而天地之氣有開必先，故好龍而龍降，市駿而駿來。天下之大，安知更無嗜古如邇求者？或別購其半，則幾乎全矣。」及梓成，果大行於時，寶愛之者，比于吉光片羽，莫不思復得河東三篋，以覩其全焉。先是，吳中毛黼季氏喜刊古本，而家中藏書最多，予因屬其勤求是選。黼季敬諾而去，旁搜遠索，無日以怠。今癸未秋，黼季來謁予曰：「一日者，辰游江陰，親見王荆公唐百家詩選二十卷於某氏藏書家，特來告公。」予驚喜，趣購得之，凡所亡十二卷皆在焉。總數之，得百有四家，而曰「百家」者，舉成數也。有乾道己丑盤谷倪仲傅後序。夫荆公沒，至孝宗乾道時，不過六十七年間，而序已云「唐百家詩選淪沒於世」，蓋由北轅南渡，播遷喪亂中，其所亡

失書籍，固不止此也。亦可慨夫！况乾道至今，又六百年，而予寤寐之求甚久，一朝忽得，殆如香山居士所云「在在處處有靈物護之」者乎？於是復招邇求補刊十二卷，俾成完書，公諸同好。此固陳農之所不能求，而張安世之所不及識者也。天下賞心樂事，無踰於此。昔雷煥得豐城雙劍，以爲靈異之物，終當化去，留一自佩，送一與張華。華報書曰：「詳觀劍文，乃干將也，莫邪何復不至？雖然，天生神物，終當合耳。」其後果化延津之雙龍。噫！物莫不聚於所好，凡好之而不篤，篤而不久，久而怠倦以忘者，吾未見其能聚也。非邇求嗜古，先梓其半以爲之招，而黼季又爲予勤求，歷久而不倦，其能終合乎哉？是故精誠之至，可以貫金石而通神明；凡事盡然，此其一徵也。康熙癸未中秋，西陂宋犖識。

王安石唐百家詩選目錄

卷一

明皇二首	二
早渡蒲關	二
經魯祭孔子而歎之	二
德宗一首	二
送徐州張建封還鎮	二
薛稷一首	二
秋日還京陝西十里作	二
劉希夷九首（希夷字庭芝武后時人）	二
故園置酒	二
晚憩南陽旅館	二
採桑	二
代閨人春日	二
秋日題汝陽潭壁	二
代悲白頭翁	二

王安石唐百家詩選 目錄

巫山懷古	三
春女行	三
孤松篇	三
王適一首	四
詠江濱梅	四
韋述一首	四
晚度伊水	四
盧象十首（開元天寶時人）	四
雜詩二首	四
八月十五日象自江東止田園移莊 慶會未幾歸汶上小弟幼妹尤悲其 別兼賦是詩	四
寄江上段十六	五
贈劉藍田	五
白髮	五
鄉賦後自羣還田家鄰友見過之作	五

王安石唐百家詩選 目錄

竹里館	五
和徐侍郎叢篠詠	五
宴別趙都護	五
孟浩然三十三首（字浩然襄陽人開元天寶間以詩聞於時不仕卒年五十）	五
（二）	五
湘中旅泊寄閻九司戶防	六
歲暮歸南山	六
陪張丞相自松滋江入舟東泊渚宮作	六
歲暮海上作	六
自洛之越	六
王山人迴見尋	六
遊精思觀迴王山人在後	六
夜泊宣城界	六
永嘉上浦館逢張八子容	七
宿葉師山房期丁鳳進士不至	七
夕次蔡陽館	七

過故人莊	七
登鹿門山懷古	七
裴司空員司士見尋	七
送杜冕進士之東吳	七
登江中孤嶼貽王山人迴	八
晚泊潯陽望廬峰作	八
同張明府清鏡歎	八
宿中山翠微寺上人房	八
送友人之京	八
京還留別新豐諸官	八
江上別流人	八
上巳日洛中寄王山人迴	八
秋登萬山寄張五儂	九
夜歸鹿門寺歌	九
與諸子登峴山作	九
赴京途中遇雪	九
宿建德江	九
萬山潭作	九

卷二

春中喜王九相尋……………九

途中遇晴……………九

送從弟邕落第東遊會稽……………〇

和張丞相春朝對雪……………〇

高適上六十首……………〇

淇上酬薛三據兼寄郭主簿……………〇

途中酬李少府贈別之作……………〇

東平路中遇水……………一

留別洛下諸公兼贈鄭三韋九……………一

封丘作……………一

贈別韋參軍……………一

九月九日酬顏少府……………一

送李少府貶峽中王少府貶長沙……………一

平臺夜遇李景參有別……………一

別晉處士……………一

送別……………一

燕歌行（并序）……………二

古大梁行……………三

行路難……………三

邯鄲少年行……………三

薊門行五首……………三

營州歌……………三

魯郡途中……………四

酬鴻臚裴主簿雨後北樓見贈之作……………四

宋中遇林盧楊十七山人因而有別……………四

送馮判官……………五

酬龐十兵曹……………五

連上酬王秀才……………五

東平留贈狄司馬（曾與田安西充判官）……………五

餞宋八充彭中丞判官之嶺外……………五

同羣公題鄭少府田家（此公昔任白馬尉今寄住滑臺）……………六

同顏六少府旅居秋中之作……………六

王安石唐百家詩選 目錄

酬裴秀才	一六
宋中送族姪式顏時張大夫貶括州	一六
使人召式顏遂有此作	一六
淇上送韋司倉往滑臺	一六
別魏八	一七
宋中三首	一七
自淇涉黃河	一七
和崔二少府登楚丘城作	一七
同朱五題盧使君義井	一七
突單父梁九少府	一七
送柴司戶充劉卿判官之嶺外	一八
雜言賦得還山吟送沈山人	一八
酬岑二十秋夜見贈之什	一八
苦雪	一八
李雲南征蠻（并序）	一八
登百丈峰	一九
送渾將軍出塞	一九
寄宿田家	一九

卷三

酬司空燧少府	二〇
同衛八題陸少府書齋	二〇
同羣公題張處士菜園	二〇
同羣公出獵海上	二〇
魯西至東平四首	二〇
別韋五	二〇
高適下十二首	二一
自淇涉黃河四首	二一
宋中四首	二一
宓公琴臺詩（并序）	二一
贈別沈四山人	二二
岑參上五十首（文本會孫天寶初登	二二
進士第由庫部郎中出嘉州刺史卒）	二二
巴南舟中夜書事	二二
青山峽口泊舟懷狄侍御	二二
送王大昌齡赴江寧	二二

臨河縣客舍呈狄明府兄留題縣南樓	二二二
送楊子	二二三
送蓋孺卿落第歸濟州	二二三
宿太白東溪李老舍寄弟姪	二二三
送張郎中赴隴右觀省卿公（時卿公充節度留後）	二二三
登古鄴城	二二三
送許子擢第歸江寧拜親因寄王大昌齡	二二三
武威送劉單判官赴安西行營便呈高開府	二二四
玉門關蓋將軍歌	二二四
天山雪送蕭沼歸京	二二五
涼州館中與諸判官夜集	二二五
初過隴山途中呈宇文判官	二二五
燉煌太守後庭歌	二二五
誌祁樂歸河東	二二五

送郭又	二二六
安西館中思長安	二二六
送魏四落第還都	二二六
喜韓樽相過	二二六
送張子尉南海	二二七
澧頭送蔣侯	二二七
澧水東店送唐子歸嵩陽	二二七
南樓送衛馮（得歸字）	二二七
送宇文舍人出宰元城（得陽字）	二二七
贈酒泉韓太守	二二七
餞李郎尉武康	二二七
過酒泉憶杜陵別業	二二七
武威春暮聞宇文判官安西使還已到晉昌	二二八
宿鐵關西館	二二八
題首蓂峰寄家人	二二八
玉關寄長安李主簿	二二八
逢入京使	二二八

王安石唐百家詩選 目錄

暮秋山行……………二八

函谷關歌送劉評事使關西……………二八

衛尚書赤驃馬歌……………二八

郡齋閑望……………二九

潼關使院懷王七秀才……………二九

宿華陰郭東客舍憶閻防……………二九

田使君美人如蓮花北鏡歌（此曲
本出北同城）……………二九

衙郡守還……………三〇

陪使君早春東郊游眺（得春字）……………三〇

題虢州西樓……………三〇

虢州後亭送李判官使赴晉絳（得
秋字）……………三〇

和賈舍人早朝大明宮……………三〇

行軍詩二首（時扈從在鳳翔）……………三〇

送許拾遺歸江寧……………三一

北庭北樓早暮中諸公……………三一

岑參下三十一首……………三一

使交河郡（郡在火山脚其地苦熱

無雨雪獻封大夫）……………三一

走馬川行奉出師西行……………三一

熱海行送崔侍御還京（海中有赤

鯉）……………三一

終南東溪中作……………三一

酬成少尹賂角行見呈……………三一

韋員外家花樹歌……………三一

送盧郎除杭州赴任……………三一

趙少尹南亭送鄭侍御歸東臺（得
長字）……………三一

過綠山王處士黑石谷隱居……………三一

奉送李太保兼御史大夫充渭北節

度（卽太尉光弼弟）……………三一

送秘書虞校書赴虞鄉丞……………三一

送王七錄事赴虢州……………三一

送懷州吳別駕……………三一

卷四

太白胡僧歌(并序).....	三三
青門歌送東臺張判官.....	三四
送費子歸武昌.....	三四
送張獻心充副使歸河西雜句.....	三四
送魏叔虹擢第歸東京因懷魏校書	
陸渾喬潭.....	三五
長門怨.....	三五
宿關西客舍寄東山嚴許二山人時	
天寶高道舉徵.....	三五
尋少室張山人聞與偃師周明府同	
入都.....	三五
題匡城周少府廟壁.....	三五
杜公挽歌四首(銀青光祿大夫河	
西太守).....	三五
輪臺歌奉送封大夫出師西征.....	三六
白雪歌送武判官.....	三六
送張都尉歸東都.....	三六
行軍九日思長安故園時未收長安	
.....	三六

送賈侍御使江外.....	三六
儲光羲二十一首(魯人天寶末爲監	
察御史安祿山任僞官賊平貶死).....	三六
新豐道中作.....	三六
羣鴉詠.....	三七
野田黃雀.....	三七
效古.....	三七
尙書省聽誓誠貽太廟裴丞.....	三七
田家卽事.....	三七
田家雜興三首.....	三七
同王十三維偶然作四首.....	三八
貽余處士.....	三八
泊舟貽潘少府(時潘少府在後浦)	
.....	三九
幽居.....	三九
薈薇篇.....	三九
臨江亭.....	三九
仲夏入園東陂.....	三九
洛橋送別.....	三九

王安石唐百家詩選 目錄

八

題山中流泉	四〇
崔國輔二首	四〇
古意	四〇
對酒吟	四〇
崔顥七首（天寶中爲尙書司勳員外郎）	四〇
黃鶴樓	四〇
長安道	四〇
渭城少年行二首	四〇
江南曲二首	四一
定襄郡獄	四一
陶翰一首	四一
塞下曲	四一
常建三首（大曆中爲盱眙尉）	四一
弔王將軍	四一
題破山寺後禪院	四二
春詞	四二
王昌齡二十三首	四二
塞上曲二首	四二
長信愁	四二
放歌行	四二
長歌行	四二
青樓曲	四三
篋篋引	四三
從軍行	四三
出塞行	四三
採蓮曲	四四
諸官遊招隱寺	四四
沙苑南渡頭	四四
鄭縣宿陶大公館贈馮六元二	四四
和振上人秋夜懷士會	四四
寄穆侍御出幽州	四四
灤上閑居	四四
初日	四五
採蓮	四五

卷五

出塞……………	四五
同李四倉曹宅夜飲……………	四五
送韋十四兵曹……………	四五
別李南浦之京……………	四五
聞怨……………	四五
李頎二十四首……………	四六
宋少府東溪泛舟……………	四六
蔡公院各賦一物得初荷……………	四六
題璿公山池……………	四六
題盧五舊居……………	四六
二妃廟送裴侍御使桂陽……………	四六
欲之新鄉答崔顥秦母潛……………	四六
李兵曹壁畫山水各賦得桂水帆……………	四七
王母歌……………	四七
古從軍……………	四七
晚歸東園二首……………	四七
裴尹東溪別業……………	四七
送恭母三謁房給事……………	四七

送劉昱……………	四八
送郝判官……………	四八
聖善閣送裴迪入京……………	四八
贈別張兵曹……………	四八
放歌行答從弟墨卿……………	四八
同員外(闕一字)譚酬答之作……………	四九
夏宴張兵曹東堂……………	四九
答高三十五留別便呈于十一……………	四九
古行路難……………	四九
送盧少府赴廷陵……………	五〇
送馬錄事赴永嘉……………	五〇
戎昱十六首(建中中爲虔州刺史)……………	五〇
羅江舍……………	五〇
採蓮曲……………	五〇
聞笛……………	五〇
漢上題韋氏莊……………	五〇
閨情……………	五一
長安秋夕……………	五一

王安石唐百家詩選 目錄

衡陽春日遊僧院	五一
玉臺體題湖上亭	五一
早梅	五一
移家別湖上亭	五一
客堂秋夕	五一
湖南雪中留別	五一
贈別張駙馬	五一
苦哉行(寶應中作)	五二
涇州觀元戎出師	五二
從軍行	五二
卷六	
沈千運四首	五三
感懷弟妹	五三
贈史修文	五三
澗中言懷	五三
山中作	五三
王季友二首	五三

別李季友	五三
寄韋子春	五四
于遯二首	五四
野外作	五四
憶舍弟	五四
孟雲卿五首	五四
古樂府挽歌	五四
今別離	五四
悲哉行	五五
古別離	五五
傷懷贈故人	五五
張彪四首	五五
雜詩	五五
神仙	五五
北遊遠酬孟雲卿	五六
古別離	五六
趙徵明三首	五六
回軍跋者	五六

挽歌詞	五六
思歸	五六
元季川四首	五六
泉上雨後作	五六
登雲中	五七
山中晚興	五七
古遠行	五七
殷遙二首(潤州人忠王府介曹參軍)	五七
友人山亭	五七
山行	五七
李嘉祐十二首(字從一大歷中爲袁州刺史)	五七
晚春宴無錫蔡明府西亭	五七
送宋中舍遊江東	五七
送王端赴朝	五八
自蘇臺至望亭驛人家盡空春物增	五八
思愴然有作因寄從弟紆	五八
題靈臺縣東山村主人	五八

至七里灘作	五八
題前溪館	五八
送樊兵曹潭州謁韋大夫	五八
送從弟歸河朔	五八
送王牧往吉州謁王使君	五九
早秋京口旅泊章侍御寄書相問因以贈之	五九
江湖愁思	五九
姊係二首	五九
送周原判官歸嶺南	五九
京口遇舊識兼送往隴州	五九
雍裕之二首(貞元後人)	五九
五雜俎(擬古三首)	五九
自君之出矣(擬後漢徐幹)	五九
蔣渙一首	六〇
和徐侍郎中書叢篠詠	六〇
陳羽五首	六〇
送靈一上人	六〇

送友人及第歸江東……………六〇

伏翼洞送夏方慶……………六〇

春日客舍暗原野望……………六〇

公子行……………六〇

楊衡七首……………六〇

盧十五竹亭送姪僂歸山……………六〇

哭李象……………六一

白紵詞二首……………六一

題花樹……………六一

傷蔡處士……………六一

送人流雷州……………六一

卷七

戴叔倫四十七首……………六二

酬贈張衆甫……………六二

客舍秋懷呈駱正字士則……………六二

早行寄朱山人放……………六二

贈殷御史亮……………六二

寄中書李舍人紆……………六二

贈李山人唐……………六二

酬盤屋耿少府諱見寄……………六二

贈康老人洽……………六二

襄州過房評事由……………六二

暮春遊長沙東湖贈辛兗州巢父二首……………六三

同兗州張秀才過王侍御參謀宅賦十韻(柳字)……………六三

同辛兗州巢父盧副端岳相思獻酬之作因抒歸懷兼呈辛魏二院長楊長寧……………六三

對月答元明府……………六四

酬袁太祝長柳小湖村山居書懷見寄……………六四

清明日送鄧芮二子還鄉……………六四

送汶水王明府……………六四

送裴明州郎中徵(効南朝體)……………六四

送觀察李判官巡郴州	六四
京口送皇甫司馬副端曾舒州辭滿	六四
歸東都	六四
奉同汴州李相公勉送郭布殿中出	六四
巡	六四
送東陽顧明府罷歸	六四
戲留顧十一明府	六五
柳花歌送客往桂陽	六五
送前上饒嚴明府攝玉山(同山字)	六五
撫州對事後送外生宋垓歸饒州觀	六五
侍呈上姊夫	六五
潘處士宅會別	六五
江上別張勸	六五
汝南別董校書	六五
留別李道州圻	六六
永康孫明府頌秩滿將歸枉路訪別	六六
將赴湖南留別東陽舊寮兼示吏人	六六
奉天酬別鄭諫議雲遠盧拾遺景亮	六六

見別之作	六六
撫州處士湖泛見送北迴兩館至南	六六
昌縣界重溪蘭若別	六六
將巡郴永途中作	六七
過郴州	六七
桂陽北嶺偶過野人所居聊書卽事	六七
呈王永州邕李道州圻	六七
下鼻亭隴行入十里聊狀艱險寄青	六七
苗鄭副端朔陽	六七
湘南卽事	六七
少女生日感懷	六七
江鄉故人偶集客舍	六八
張評事涉秦居士系見訪郡齋卽同	六八
賦中字	六八
聽歌回馬上贈崔法曹	六八
去歸怨	六八
昭君詞	六八
女耕田行	六八

王安石唐百家詩選 目錄

夜發袁江寄李潁州劉侍郎時二公 流泛在此……………	六九
郎士元二十一首……………	六九
送李將軍赴定州……………	六九
送張南史(一云寄李紆)……………	六九
聞蟬寄友人(李端亦有此詩未知 孰是)……………	六九
送長沙韋明府……………	六九
題劉相三湘圖……………	六九
塞下曲……………	六九
關羽祠送高員外還荊州……………	六九
鄧城西樓吟……………	七〇
宿杜判官江樓……………	七〇
送韋湛判官……………	七〇
春宴王補闕城東別業……………	七〇
柏林寺南望……………	七〇
長安逢故人……………	七〇
聽鄰家吹笙……………	七〇

卷八

贈韋司直……………	七一
蓋少府新除江南尉問風俗……………	七一
酬二十八秀才見寄……………	七一
湘夫人……………	七一
酬王季友題半日村別業兼呈李明 府……………	七一
冬夕寄青龍寺源公……………	七一
送李騎曹之靈武寧侍……………	七一
錢起六首……………	七二
送畢侍御謫居……………	七二
送李秀才落第遊荆楚……………	七二
贈閣下閭舍人……………	七二
和宣城張太守南亭秋夕懷友……………	七二
暮春歸故山……………	七二
駕幸溫泉宮(和李員外作)……………	七三
盧綸三十六首……………	七三

送吉中孚校書歸楚州舊山中孚自 仙官入仕……………	七三
與從弟瑾同下第後出關言別……………	七三
和李使君三郎早秋城北亭宴崔司 士因寄關中弟張評事時錫作……………	七三
逢病軍人……………	七四
村南逢病叟……………	七四
送張郎中還蜀歌……………	七四
臘日觀咸寧王部曲娑勒擒豹歌……………	七四
和張僕射塞下曲……………	七四
從軍行……………	七五
逢南中使因寄嶺外故人……………	七五
代員將軍罷戰後歸舊里贈朔北故 人……………	七五
江北憶崔汶……………	七五
早春歸盤屋舊居却寄耿拾遺緯李 校書端……………	七五
夜中得循州趙司馬侍郎書因寄迴	

使……………	七五
太白西峰偶宿車祝二尊師石室晨 登前嶽憑眺書懷卽事寄呈鳳翔齊 員外張侍御……………	七五
同耿湓宿陸禮放舍……………	七六
題苗外竹閣亭……………	七六
早春遊樊川野居却寄李端校書兼 呈崔峒補闕司空曙主簿耿湓拾遺 春日登樓有懷……………	七六
長安春望……………	七六
山中一絕……………	七七
同薛存誠登栖霞寺……………	七七
賊中與襄越卿曲江看花……………	七七
夜投豐德寺謁液上人……………	七七
酬李端野寺病居見寄……………	七七
贈別李紛……………	七七
送崔琦赴宣州幕……………	七七
至德中途中書事却寄李儋……………	七八

送鮑中丞赴太原	七八
晚到塾屋耆老家	七八
落第後歸終南別業	七八
送從舅成都丞廣南歸蜀	七八
晚次鄂州(至德中作)	七八
酬暢當嵩山尋道士見寄	七八
司空曙二十五首(字文明貞元中爲 尚書水部郎中)	七九
過寶慶寺	七九
送柳震歸蜀	七九
送高勝重謁曹王	七九
送流人	七九
題陵雲寺	七九
題江陵臨沙驛樓	七九
田家	七九
送曲山人衡州	七九
立秋日	八〇
蘇古寺花	八〇

卷九

送魏季羔長沙觀兒	八〇
送曹同椅	八〇
雲陽館與韓申卿宿別	八〇
酬張芬有赦後見贈	八〇
哭苗員外早張參軍(苗公即參軍 舅氏)	八〇
金陵懷古	八一
發渝州韋判官	八一
送盧微之太原謁尚書	八一
秋思呈尹植裴悅鄭銅	八一
峽口送友人	八一
故郭婉儀挽歌	八一
送翰林張學士嶺南勒聖碑	八一
送吉校書東歸	八一
早春遊望	八一
秋日趨府上張大夫	八二

取偉六首(大曆中爲左拾遺).....	八二
秋晚臥寄司空拾遺曙盧少府繪.....	八二
早朝.....	八二
秋日.....	八二
路傍老人.....	八二
送友人遊江南.....	八二
邠州留別.....	八三
李端九首.....	八三
古別離.....	八三
過谷口元贊善所居.....	八三
古別離.....	八三
烏栖曲.....	八三
代從兄衡送友人入關.....	八三
晚夏聞蟬寄戴廣文(前郎士元有 此詩未知孰是).....	八三
早春雪夜寄盧綸呈秘書元丞.....	八四
荆門雨歌送從兄赴夔州.....	八四
贈康洽.....	八四

王安石唐百家詩選 目錄

于武陵八首(或作于鄴).....	八四
孤雲.....	八四
南遊有感.....	八五
客中.....	八五
洛陽道.....	八五
夜與故人別.....	八五
感懷.....	八五
長信宮.....	八五
過侯王故第.....	八五
熊孺登一首(貞元中人).....	八五
經古墓.....	八五
張繼三首(字懿孫大曆中人).....	八五
楓橋夜泊.....	八六
閨門卽事.....	八六
過春申君廟.....	八六
包佶四首(字幼正貞元初爲秘書監 丹陽郡公).....	八六
酬于侍郎湖南見寄.....	八六

王安石唐百家詩選 目錄

一八

贈廬山白鶴觀劉尊師	八六
嶺下臥疾寄劉長卿員外	八六
近獲風痺之疾題寄所懷	八七
包何一首	八七
江上田家	八七
鮑防二首	八七
雜感	八七
送薛補闕入朝	八七
張登二首(貞元中爲漳州刺史)	八七
送王主簿遊南海(得錢字)	八七
因遇小雪日戲題絕句	八八
皇甫冉上二十首(字茂政大曆中王縉爲河南節度鎮徐州辟掌書記後終左補闕)	八八
巫山峽	八八
與張補闕王鍊師徐方清河路同舟南下於臺頭寺留別趙員外裴補闕	八八
同賦雜韻一首	八八

屏風上各賦一物得攜琴客	八八
獨孤中丞筵陪錢韋使君赴昇州	八八
酬李郎中侍御秋夜登福州城樓見寄	八八
送元晟還於潛山所居	八八
送康判官往新安賦得江路西南永	八九
酬廬山十一過宿	八九
三月三日義興李明府後亭泛舟	八九
酬裴十四(得宴字)	八九
夜集張誼所居(得飄字)	八九
送顧襄往新安	八九
送段明府	八九
送王司直	八九
同李蘇州傷美人	九〇
題高雲客舍	九〇
同諸公有懷絕句	九〇
送李錄事赴饒州	九〇
寄高雲	九〇

酬權器……………九〇

卷十

皇甫冉下六十五首……………九一

奉和徐州王相公彭祖井之作……………九一

又和雪……………九一

送蕭處士……………九一

之京留別劉方平……………九一

出塞……………九一

館陶李丞舊居……………九一

送劉兵曹還隴山居……………九二

同裴少府安居寺對雨……………九二

贈鄭山人……………九二

寄劉八山人……………九二

雜言無錫惠山寺流泉歌……………九二

田家作……………九二

寄劉方平……………九三

溫湯卽事……………九三

送張南史劾何記室體……………九三

送孔巢父赴河南軍(得河字)……………九三

和元中丞奉使承恩還終南舊居……………九三

酬李司空直夜晁寄……………九三

送薛判官之越……………九四

同溫丹徒登葛歲樓……………九四

送鄒判官赴河南……………九四

宿淮陰南樓酬常伯熊……………九四

小江懷靈一上人(六言)……………九四

送唐別駕赴鄂州……………九四

酬李補闕……………九四

同韓給事觀畢給事畫松石(入聲)……………九五

送令狐明府……………九五

送從姪栖霞律師……………九五

舟中送辛觀……………九五

故齊王贈承天皇帝挽歌……………九五

贈恭順皇后挽歌……………九五

送太常大夫加散騎常侍赴朔方……………九五

送王翁信還剡中舊居	九五
奉寄皇甫補闕(張繼作附此)	九六
酬張繼(井序)	九六
送柳八員外赴江西	九六
送陸遼潛夫(井序)	九六
又得雲字	九六
又送陸潛夫延陵尋友	九六
送鄭二堪之茅山(六言)	九六
問辛二司直所居雲山	九七
閑居作	九七
和王給事禁省梨花	九七
歸渡洛水	九七
送陸澧郭鄭	九七
重陽日酬李觀	九七
送蔣評事往福州	九七
送從弟豫貶袁州	九七
送錢塘路少府赴制舉	九八
賦得荆溪夜湍送蔣逸人歸義興山	九八

送孔黨赴舉	九八
送裴陟歸常州	九八
徐州送丘侍御之越	九八
送韋山人歸所居鍾山	九八
和袁郎中破賊後經剡中山水(同用溪字)	九八
送處州裴使君赴京	九九
送包佶賦得天津橋	九九
宿嚴維宅送包七	九九
送延陵陳法師赴上元	九九
賦得海邊樹	九九
題昭上人房	九九
寄韋司直(前郎士元有此詩未知孰是)	九九
送魏十六還蘇州	一〇〇
婕妤怨	一〇〇
送客	一〇〇

劉商九首……………一〇〇

送劉南史往杭州拜謁別駕叔……………一〇〇

合溪送王永歸東郭……………一〇〇

春日臥病書情……………一〇〇

銅雀妓……………一〇〇

綠珠怨……………一〇一

醉後口號……………一〇一

秋夜聽嚴紳巴童唱竹枝歌……………一〇一

柳條歌送客……………一〇一

雜言同豆盧郎中郭南七里橋哀悼

姚倉曹……………一〇一

羊士諤十六首……………一〇一

過三鄉望女几山早歲有卜築之志……………一〇一

和都官李郎中經官人斜……………一〇二

郡中卽事二首……………一〇二

小園春至偶書呈吏部寶郎中孟員

外……………一〇二

登樂遊原寄司封孟郎中盧補闕……………一〇二

王安石唐百家詩選 目錄

郡樓晴望……………一〇二

九月十日郡樓獨酌……………一〇二

梁國惠康公主挽歌二首（特詔令

百官進詩駙馬卽司空于公之子）……………一〇二

林館避暑……………一〇三

寒食宴城北山池卽故郡守榮陽鄭

綱自爲折柳亭……………一〇三

夜聽琵琶……………一〇三

酬蕭使君出妓夜宴見送……………一〇三

西川獨孤侍御見寄七言四韻一來

爲郡翰墨都捐逮此酬答誠乖拙速……………一〇三

息舟荆溪入陽羨南山遊善權寺呈

李功曹巨……………一〇三

永甯里園亭休沐愜然成詠……………一〇三

長孫佐輔十三首（德宗時人弟公輔

爲吉州刺史佐輔往依焉）……………一〇四

尋山家……………一〇四

答邊信……………一〇四

山居雨霽即事	一〇四
擬古詠河邊枯樹	一〇四
對鏡吟	一〇四
南中客舍對雨送故人歸北	一〇四
杭州秋日留別故友	一〇五
關山月	一〇五
別友人	一〇五
山行書事	一〇五
古宮怨	一〇五
隴西行	一〇六
代別後夢別	一〇六
李約三首（沂國公勉之子仕爲尚書 兵部員外郎）	一〇六
觀祈雨	一〇六
過華清宮	一〇六
城南訪裴氏昆季	一〇六
寶常二首（字中行扶風平陵人左拾 遺叔向之子與弟牟羣庠鞏俱有名寶	一〇六

曆中爲國子祭酒致仕卒	一〇六
之任武陵寒食日逃次松滋渡先寄 劉員外	一〇七
北固晚眺	一〇七
寶牟一首（字貽周長慶中爲國子司 業）	一〇七
秋夕閑居對雨贈別盧七侍御坦	一〇七
寶羣一首（字丹列元和中自御史中 丞出爲黔中觀察使貶開州刺史徙容 管經略使卒）	一〇七
黔中書事	一〇七
寶庠一首（字胄卿爲婺州刺史）	一〇七
陪留守韓僕射巡內至上陽宮感興	一〇七
寶鞏八首（字友封元稹爲武昌軍節 度使辟爲祕書少監兼御史中丞充節 度副使）	一〇七
南遊感興	一〇八
寄南遊弟兄	一〇八

卷十二

放魚	一〇八
宮人斜	一〇八
代隣叟	一〇八
新營別墅寄兄	一〇八
自京師將赴黔南	一〇八
永甯小園與校書接近因寄	一〇八
楊巨源四十六首	一〇九
送太和公主和蕃	一〇九
春日奉獻聖壽無疆詞	一〇九
贈鄰家老將	一〇九
和練師索秀才楊柳	一〇九
大堤詞	一〇九
聖恩洗雪鎮州寄獻裴相公	一〇九
上劉侍中	一一〇
郊居秋日酬奚贊府見寄	一一〇
上裴中丞	一一〇

送裴中丞出使	一一一
酬崔駙馬惠牋紙百張兼貽四韻	一一一
送司徒童子	一一一
元日含元殿下立仗丹鳳樓下宣赦	一一一
上門下相公二首	一一一
賀田僕射子弟榮拜金吾	一一一
觀打球	一一一
送人過衛州	一一一
贈李膺	一一一
送絳州盧使君	一一一
和裴舍人觀田尚書出獵	一一一
送李舍人歸南陵里	一一一
和人與人分惠賜冰	一一一
寄中書同年舍人	一一一
早春即事呈劉員外	一一一
酬于駙馬二首	一一一
和侯大夫秋原觀征人回	一一一
同太常尉遞博士闕下待漏	一一一

王安石唐百家詩選 目錄

見薛侍御戴不損裘帽子因贈	一一四
寄昭應王丞	一一四
將歸東都別令狐舍人	一一四
寄江州白司馬	一一四
薛司空自青州歸朝	一一四
送章孝標校書歸杭州因寄白舍人	一一四
述舊紀勳寄太原李侍中光顏二首	一一五
胡二十拜戶部判度支	一一五
酬裴舍人見寄	一一五
早朝	一一五
元日呈元逢吉舍人	一一五
酬盧員外(話舊感往年相國河東 張公弘靖常臨北府忝寮屬之末君 有鄉里之親有作)	一一六
述美寄申州盧拱使君	一一六
贈張將軍	一一六
酬崔博士	一一六
古意贈王常侍	一一六

和杜中丞西禪院看花	一一六
王建上二十四首(太和 中為陝州司馬)	一一七
送人	一一七
將歸故山留別杜侍御	一一七
上七泉寺上方	一一七
溫門山	一一七
酬柏侍御聞與韋處士同遊靈臺寺 見寄	一一八
送韋處士老舅	一一八
邯鄲主人	一一八
泛水曲	一一八
題壽安南館	一一九
江南新體二首	一一九
涼州行	一一九
寒食行	一一九
促刺詞	一一九
隴頭水	一一九

卷十三

北邙行	一二〇
溫泉宮行	一一〇
春詞	一一〇
遼東行	一一〇
塞上梅	一一〇
戴勝詞	一一〇
鞦韆詞	一一一
開池得古釵	一一一
賽神曲	一一一
王健下六十八首	一一一
田家留客	一一一
精衛詞	一一二
老婦嘆鏡	一一二
望夫石	一一二
別鶴曲	一一二
烏栖曲	一一二

雉將雛	一一二
白紵歌二首	一一二
短歌行	一一三
飲馬長城窟	一一三
烏夜啼	一一三
簇蠶辭	一一三
渡遼水	一一三
空城雀	一一四
水運行	一一四
當臆織	一一四
失釵怨	一一四
水夫謠	一一四
田家行	一一五
神樹詞	一一五
公無渡河	一一五
行見月	一一五
寄遠曲	一一五
春來曲	一一五

春去曲	一二六
東征行(裴度征淮西事也)	一二六
傷鄰家鸚鵡詞	一二六
傷孔雀詞	一二六
荆門行	一二六
鏡聽詞	一二七
行宮詞	一二七
羽林行	一二七
射虎行	一二七
遠將歸	一二八
尋撞歌	一二八
杜中丞書院新移小竹	一二八
原上新居二首	一二八
題所賃宅牡丹	一二八
送人遊塞	一二八
邊上送故人	一二九
南中	一二九
汴路水驛	一二九
淮南使回留別竇侍御	一二九
汴路卽事	一二九
山居	一二九
醉後憶山中故人	一二九
送流人	一二九
宮中三臺詞	一二九
寄賀田侍中東平功成	一三〇
送裴相公上太原	一三〇
早春五門西望	一三〇
上李庶子	一三〇
周家溪亭	一三〇
從軍後答山友	一三一
唐昌觀玉蕊花	一三一
眼病寄同官	一三一
九日登叢臺	一三一
題酸棗縣蔡中郎碑	一三一
江陵使至汝州	一三一
霓裳詞	一三一

宮中詞五首……………一三一

卷十四

武元衡四首……………一三二

途次近蜀驛蒙恩賜寶刀并借馬使

還奉寄中書李鄭二相……………一三二

早秋西亭宴徐員外……………一三二

夏夜作……………一三二

送唐君次……………一三二

令狐楚四首……………一三二

發潭州日寄李甯常侍……………一三二

鄂城秋懷寄江州錢徽侍郎……………一三三

贈符道士……………一三三

鄂州使至竇鞏中丞副使見示與元

稹相公獻酬之什余頃任戶部尚書

日中丞是當司外郎每有篇章多相

唱和因題四韻以寄所懷……………一三三

劉言史十七首……………一三三

王安石唐百家詩選 目錄

瀟湘遊……………一三三

放螢怨……………一三三

觀繩伎(潞府李相公席上作)……………一三三

買花謠……………一三四

送竇羅門歸本國……………一三四

春過趙墟……………一三四

王中丞宅夜觀舞胡騰……………一三四

葛巾歌(貝州漳南縣贈楊炯爛)……………一三四

與孟郊洛北野泉上煎茶……………一三五

初下東周贈孟郊(時依鄭相)……………一三五

北原情三首……………一三五

林中獨醒……………一三六

江陵客舍留別樊尚書……………一三六

過春秋峽……………一三六

竹裏梅……………一三六

張碧二首……………一三六

題祖山人池上怪石……………一三六

野田行……………一三六

李涉三十七首（渤之兄也大和中爲太學博士）……………一三七

濰陽行……………一三七

六欺（井序）……………一三七

題清溪鬼谷先生舊居……………一三八

閩中紀事想吳楚舊遊寄河陽從事

楊潯……………一三八

醉中贈崔膺……………一三九

岳陽別張祐秀才……………一三九

却歸巴陵途中走筆寄唐知言……………一三九

春山三竭來……………一四〇

山中五無奈何……………一四〇

牧童詞……………一四〇

題鶴林寺僧室……………一四一

春晚遊鶴林寺寄使府諸公……………一四一

題開聖寺……………一四一

再葺夷陵幽居……………一四一

過襄陽寄上于司空相公……………一四一

送魏簡能東遊二首……………一四一

陝中遇赦寄秦洛舊知……………一四一

題連雲堡……………一四一

從秦城回再題武關……………一四二

題宇秀才櫻桃……………一四二

題月水臺……………一四二

黃葵花……………一四二

別南溪二首……………一四二

井欄砂宿遇夜客……………一四二

卷十五

盧全十四首……………一四二

走筆謝孟諫議寄新茶……………一四二

憶金鵝沈山人……………一四三

揚州送伯齡……………一四三

歎昨日……………一四三

月蝕詩……………一四三

有所思……………一四六

樓上女兒曲	一四六
新月	一四六
慈新年	一四六
訪舍曦上人	一四七
寄崔柳州	一四七
蕭二十三赴歙州婚期（僕客揚州）	一四七
早春寄一絕	一四七
出山作	一四七
于鵠三首	一四七
題鄰居	一四七
過凌霄洞天謁張先生祠	一四七
寄盧儂員外秋衣詞	一四八
朱慶餘一首	一四八
題薔薇花	一四八
張祜十二首（字永吉以處士居蘇州）	一四八
令狐楚嘗薦其詩於朝（不報）	一四八
江南雜題	一四八
賦得福州白竹扇子（探得輕字）	一四八

吳京北廡尹	一四八
入關	一四八
潤州楊別駕宅送蔣侍御收兵歸揚州	一四九
觀泗州李常侍打球	一四九
寄遷客	一四九
閑居	一四九
題金山寺	一四九
題惠山寺	一四九
送楊秀才遊雲南	一四九
薔薇花	一四九
洛中感寓	一四九
曹唐二首	一五〇
暮春戲贈吳端公	一五〇
和周侍御買劍	一五〇
賈島二十三首（字閩仙爲倉曹參軍）	一五〇
會昌二年卒	一五〇
寄達	一五〇

王安石唐百家詩選 目錄

和劉餽	一五〇
答王參	一五〇
延康吟	一五一
戲贈友人	一五一
哭柏巖禪師	一五一
山中道士	一五一
哭孟郊	一五一
南池	一五一
寄龍池寺真空二上人	一五一
訪李甘原居	一五一
題李疑幽居	一五一
百門陂留辭從叔馨	一五二
懷博陵故人	一五二
送友人遊蜀	一五二
再投李益常侍	一五二
送惟一遊清涼寺	一五二
酬張籍王建	一五二
方鏡	一五二

渡桑乾	一五二
贈梁蕭秀才班竹拄杖	一五三
宿杜家亭子	一五三
三月晦日贈劉評事	一五三
趙嘏六首(會昌二年擢進士第終涇南尉)	一五三
長安秋望	一五三
長安月夜與友生話故山	一五三
重寄盧中丞	一五三
汾上宴別	一五三
獻淮南李僕射	一五四
曲江春望懷江南故人	一五四

卷十六

許渾三十二首(大中末爲郢州刺史)	一五四
凌歊臺(在當塗縣西宋高祖築)	一五四
送蕭處士歸緱嶺別業	一五四
贈蕭兵曹	一五四

凌歊臺送韋秀才……………	一五五
送嶺南盧判官罷職歸華陰山居……………	一五五
登故洛陽城……………	一五五
檀舊居……………	一五五
突虞將軍……………	一五五
晚自朝臺津至韋隱居郊園……………	一五五
嘗與故宋補闕秋夕遊練湖南亭今……………	一五六
復登賞愴然有感……………	一五六
灑上逢元九處士東歸……………	一五六
經故丁補闕郊居……………	一五六
祇命南海至廬陵逢表兄軍倅奉使……………	一五六
淮海別後却寄……………	一五六
送王總下第歸丹陽……………	一五六
登尉陀樓……………	一五六
題崔處士山居……………	一五七
酬綿竹于中丞使君見寄……………	一五七
金陵懷古……………	一五七
秋晚雲陽驛西亭蓮花池……………	一五七

題衛將軍廟(并序)……………	一五七
歲暮自廣江至新興往復中道題峽……………	一五八
山寺四首……………	一五八
王居士……………	一五八
寄題商洛土隱居……………	一五八
別韋處士……………	一五八
將赴京師留題孫處士山居……………	一五九
春日題韋曲野老村舍……………	一五九
題倪居士舊居……………	一五九
江上喜洛中親友繼至……………	一五九
獻白尹……………	一五九
送從兄別駕歸蜀川從兄彥昭與桂……………	一五九
陽令韋伯達貞元中俱爲千牛伯達……………	一五九
官至王府長史長慶中非罪受譴前……………	一五九
年會救復故秩詔未及而身已沒從……………	一五九
兄自蜀而南發旅櫬歸葬塗上旣而……………	一五九
西還因成十韻贈別……………	一五九
項斯十二首(字子遷江東人會昌四……………	一五九

王安石唐百家詩選 目錄

三二

年擢進士第爲潤州丹徒縣尉卒官	一五九
題令狐處士溪居	一六〇
山友贈薛花冠	一六〇
巖家	一六〇
送華陰隱者	一六〇
欲別	一六〇
留別張籍郎中	一六〇
寄流人	一六〇
長安退將	一六〇
遙裝夜	一六〇
蒼梧雲氣	一六一
送宮人入道	一六一
晚春花	一六一
李頻十九首（睦州遂安人乾符初自 尚書工部員外郎爲建州刺史）	一六一
秦原早望	一六一
送孫明秀才往潘州謁韋卿	一六一
送友人之揚州	一六一

送人入蜀	一六一
送德清喻明府	一六二
南遊湘漢寄友人	一六二
送鳳翔范書記	一六二
送邊將	一六二
細口送人	一六二
太和公主還宮	一六二
春日客舍言懷	一六二
吳門月夜與曹太尉話別	一六二
張司馬別業	一六三
鄂州頭陀寺上方	一六三
將赴黔州先寄本府中丞	一六三
和友人下第北遊感懷	一六三
長安感懷	一六三
送劉山人歸洞庭	一六三
送友人往塞北	一六四

卷十七

李遠五首(字求古大中中爲忠州刺史).....	一六四
贈寫御真李長史.....	一六四
失鶴.....	一六四
送人入蜀.....	一六四
聽話叢臺.....	一六四
黃陵廟詞.....	一六四
雍陶二十五首(大中中終簡州刺史).....	一六四
廬岳閑居十韻.....	一六五
蜀中戰後感事十韻.....	一六五
送于中丞使北蕃(同用聲字).....	一六五
自述.....	一六五
河陰新城.....	一六五
崔少卿池塘詠雙白鷺.....	一六五
哀蜀人爲南蠻浮屠五章.....	一六六
初出成都聞哭聲.....	一六六
過大渡河蠻使許之泣羣鄉國.....	一六六
出青溪關有遲留之意.....	一六六

別嵩州一時慟哭雲日爲之變色.....	一六六
入蠻界不許有悲泣之聲.....	一六六
過舊宅看花(花卽昔年手植).....	一六六
和河南白尹西池北新葺水齋招賞十二韻.....	一六六
蜀中經蠻後友人馬又見寄.....	一六七
送契玄上人南遊.....	一六七
和劉補闕秋園寓興六首.....	一六七
送徐山人歸睦州舊隱.....	一六七
天津橋春望.....	一六七
寄永樂殷堯藩明府.....	一六七
塞上宿野寺.....	一六八
章碣四首(唐末人).....	一六八
旅舍早起.....	一六八
焚書坑.....	一六八
春別.....	一六八
送謝進士歸闕.....	一六八
施肩吾一首(字希聖洪州人).....	一六八

王安石唐百家詩選 目錄

三四

効古興	一六八
陳陶六首(武宣時人自稱三教布衣)	一六九
閑居雜興	一六九
鄱陽秋夕	一六九
旅次銅山途中先寄溫州韓使君	一六九
題徐穉湖亭	一六九
泉州刺桐花詠	一六九
李羣玉七首(字文山澧州人大中中宰相崔鉉進其詩以虞士除弘文館校書郎)	一六九
經費拾遺所居呈封員外	一六九
古鏡	一七〇
傷思	一七〇
洞庭入澧江寄巴丘故人	一七〇
自澧浦東遊江表途出巴丘投員外從公虞	一七〇
洞庭驛樓雪夜宴集奉贈前湘州張員外	一七一

沈溪道中	一七一
章孝標一首(太和中爲山南東道從事試大理評事)	一七一
長安秋夜	一七一
馬戴三首(博士)	一七一
易水懷古	一七一
送客南遊	一七一
寄襄陽王公子	一七一
劉得仁二首	一七一
題邵公院	一七一
悲老宮人	一七一
高塘三首	一七二
春	一七二
灞陵亭	一七二
偶作	一七二
崔塗八首(字禮仙光啓四年登進士第)	一七二
夕次洛陽道中	一七二

卷十八

暮夕旅懷	一七二
上巳日永崇里言懷	一七二
蜀城春望	一七二
鷓鴣洲春眺	一七三
感花	一七三
過陶徵君舊居	一七三
孤雁	一七三
李鄴十八首 (字楚羣大中中進士及第為藩鎮從事兼侍御史)	一七三
夏日登信州北樓	一七三
春晚題山家	一七三
送人之嶺南	一七四
江亭春霽	一七四
友人適越路過桐廬寄題江驛	一七四
秦處士移家富陽發樟亭懷寄	一七四
蕙春山行田家歇馬	一七四

孔雀	一七四
茶山貢焙歌	一七五
江亭晚秋	一七五
鶉兒	一七五
送劉谷	一七五
江上逢王將軍	一七五
秋晚寄題陸勳校書義興禪居時淮南從事	一七六
酬友人春暮寄枳花茶	一七六
郢自街西醉歸馬鞭墜失崔員外趙祕書知其闕用皆許見貽俄頃之間二信俱至短長堅重價不相饒輒杼短章仰酬珍錫	一七六
卽目	一七六
羅敷東館亭下流泉云至前山擁咽經歲移時掬弄惆悵成章	一七六
薛逢三首 (咸通初為嘉州刺史將作監)	一七六

王安石唐百家詩選 目錄

偶題黃花驛	一七七
涼州詞	一七七
宮詞河滿子	一七七
鄭畋一首	一七七
謁昇仙太子廟	一七七
薛能二十八首	一七七
龍門八韻	一七七
送李溟出塞	一七八
山中尋僧	一七八
冬日送僧歸吳中	一七八
僖恭皇太后挽歌	一七八
題逃戶	一七八
寓居有懷呈舊知	一七八
夏日蒲津寺居	一七八
開元觀閑遊因及後溪偶成二韻	一七八
嘉泰驛	一七八
裏斜道中	一七九
新雪	一七九

秋夜旅舍寓懷	一七九
許州題德星亭	一七九
送判官赴京	一七九
獻僕射相公	一七九
漢南春望	一八〇
清河泛舟	一八〇
老圃堂	一八〇
盤屋官舍新竹	一八〇
贈老僧	一八〇
折楊柳	一八〇
吳姬四首	一八〇
秦韜玉四首	一八一
春雪	一八一
對花	一八一
貧女	一八一
送友人罷舉除南陵令	一八一
羅鄴五首	一八一
牡丹	一八一

洛水	一八二
出都門	一八二
水簾	一八二
賞春	一八二
皮日休六首 (字襲美咸通八年登進士第)	一八二
旅舍除夕	一八二
過雲居院玄福上人舊居	一八二
陪江西裴公遊襄州延慶寺	一八二
西塞山泊漁家	一八三
襄州春遊	一八三
送從弟歸復州	一八三

卷十九

劉滄四首 (字蘊靈大中八年進士及第)	一八三
長洲懷古	一八三
經煬帝行宮	一八三

與僧話舊	一八四
咸陽懷古	一八四
劉威一首	一八四
遊東湖黃處士園林	一八四
曹鄴一首	一八四
始皇陵下作	一八四
曹松十四首	一八四
長安春日	一八四
晨起	一八四
秋日送方千遊上元	一八五
金谷園	一八五
夏日東齋	一八五
送喻坦之遊太原	一八五
塞上	一八五
題鶴鳴泉	一八五
己亥歲二首	一八五
南海旅垣	一八五
陪湖南李中丞宴隱谿(璋)	一八六

別湖上主人	八六
商山贈野叟	八六
張喬二首	八六
送河西從事	八六
送進士許彙	八六
劉駕一首	八六
釣臺懷古	八六
崔魯十二首	八七
春日長安卽事	八七
春晚岳陽城言懷	八七
過蠻溪渡	八七
暮春對花	八七
華清宮四首	八七
春晚泊松江村	八八
山路見花	八八
岸梅	八八
張翥六首（字象文昭宗時爲尚書膳部員外郎）	八八

社日村居	八八
送友人歸武陵	八八
別後寄友人	八八
送友人赴涇州幕	八八
野泉	八九
墟懷	八九
方千二首（字雄飛新定人咸通中進士不第隱會稽之鏡湖及江東人謂爲玄英先生）	八九
君不來	八九
山中	八九
王駕四首（字大用河中人大順初進士及第仕至尚書禮部員外郎自稱守素先生與司空圖鄭谷相善爲詩友）	八九
古意	八九
過故友居	八九
晴景	九〇
亂後曲江	九〇

杜荀鶴四首（字彥之自稱九華山人）

大順中登進士第……………一九〇

春宮怨……………一九〇

雪……………一九〇

溪興……………一九〇

哭具韜……………一九〇

卷二十

吳融二十七首（字子華昭宗時爲翰

林學士戶部侍郎）……………一九〇

壬戌歲園鄉卜居……………一九〇

野廟……………一九一

小逕……………一九一

閑望……………一九一

卽亭……………一九一

書懷……………一九一

海棠……………一九一

寄贊休……………一九二

楚事……………一九二

金橋感事……………一九二

送策上人……………一九二

松江晚泊……………一九二

廢宅……………一九二

途中……………一九二

岐下聞杜鵑……………一九二

杏花三韻……………一九三

華清宮三首……………一九三

春寒……………一九三

彭門用兵後經汴路……………一九三

高侍御話皮博士池中白蓮因寄……………一九三

新安道中翫流水……………一九四

憶山泉……………一九四

紅樹……………一九四

微雨……………一九四

韓偓五十九首（字致光一云字致堯昭宗時官翰林學士承旨尙書兵部侍

王安石唐百家詩選 目錄

四〇

- 郎).....一九四
- 雨後月中玉堂閑坐.....一九四
- 六月十七日召對自辰及申方歸本
院.....一九四
- 中秋禁直.....一九五
- 錫宴日作 (是歲大稔內出金帛錫
百官充觀稼宴學士院別賜絳綾百
匹委京尹勾當後宰相一日宴於興
化亭).....一九五
- 冬至夜作 (天復二年隨駕在鳳翔
府).....一九五
- 秋霖夜憶家 (隨駕在鳳翔府).....一九五
- 出官經峽石縣 (天復三年三月二
十日作).....一九五
- 訪同年虞部二十五郎中 (四年二
月在湖南).....一九五
- 春陰獨酌寄同年李郎中.....一九六
- 雪中過重湖信筆偶成.....一九六
-
- 寄湖南從事.....一九六
- 翫水禽 (此後七首禮陵縣作).....一九六
- 早露翫梅有懷親友.....一九六
- 小隱.....一九六
- 曠黑.....一九七
- 醉着.....一九七
- 早起三韻.....一九七
- 卽目.....一九七
- 贈易卜崔江處士 (袁州).....一九七
- 乙丑歲九月蕭灘鎮忽得楊超員外
書賀余除戎曹仍舊承旨還絨後因
書四十字.....一九七
- 登南臺留寺.....一九七
- 花時與錢尊師同醉因成二十字.....一九八
- 有蠟.....一九八
- 蜻蜓.....一九八
- 宮柳 (此後二首在內庭作).....一九八
- 苑中.....一九八

卽目	一九八
過臨淮故里	一九八
亂後卻至近甸有感(乙卯年作)	一九九
寄鄰莊道侶	一九九
亂後春日途經野塘	一九九
惜花	一九九
半醉	一九九
漢江行次	一九九
春盡	二〇〇
贈湖南李思齊處士	二〇〇
睡起	二〇〇
寄友人	二〇〇
見別離者因贈之	二〇〇
傷亂	二〇〇
南亭	二〇〇
太平谷中翫水上花	二〇〇
雨	二〇〇
幽獨	二〇一

江行	二〇一
初赴朝集	二〇一
向隅	二〇一
秋郊閒望有感	二〇二
襄漢旅道值鄰境軍新過村落皆空 因有此感	二〇二
深院	二〇二
辛酉冬隨駕日作今方追憶全篇因 附於此	二〇二
安貧	二〇二
殘春旅舍	二〇二
鵲	二〇二
隰州新驛	二〇三
偶題	二〇三
湖南絕少含桃偶人以新摘者見惠 感事傷懷因成四韻	二〇三
翠碧鳥	二〇三
憶故都	二〇三

王安石唐百家詩選

卷一

明皇二首

早渡蒲關

鍾鼓嚴更曙，山河野望通。鳴鑿下蒲坂，飛旆入秦中。地險關逾壯，天平鎮尚雄。春來津樹合，月落戍樓空。馬色分朝景，雞職逐曉風。所希常道泰，非復俟繡同。

經魯祭孔子而歎之

夫子何爲者，栖栖一代中。地猶鄒氏邑，宅卽魯王宮。歎鳳嗟身否，傷麟怨道窮。今看兩楹奠，當與夢時同。

德宗一首

送徐州張建封還鎮

牧寺寄所重，才賢生爲時。宣風自淮甸，授鉞膺藩維。入覲展遐戀，臨軒慰來思。忠誠在方寸，感激陳情詞。報國爾所向，恤人子是資。歡宴不盡懷，車馬當還期。穀雨將應候，行春猶未遲。勿以千里遙，而云無已知。

薛稷一首

秋日還京陝西十里作

驅車越陝郊，北顧臨大河。隔河見鄉邑，秋風水增波。西登咸陽途，日暮憂思多。傳巖旣紆轡，首山亦嵯峨。揀築無昔老，採薇有遺歌。客遊旣回換，人生知幾何。

劉希夷九首（希夷字庭芝，武后時）

王安石唐百家詩選 卷一

王安石唐百家詩選 卷一

二

故園置酒

酒熟人須飲，春還鬢已秋。願逢千日醉，得緩百年憂。舊里多青草，新知盡白頭。風前燈易滅，川上月難留。卒周姬旦，棲棲魯孔丘。平生能幾日，不及且遨遊。

晚憩南陽旅館

旅館何年廢，征夫此日過。途窮人自哭，春至鳥還歌。行路新知少，荒田古路多。池篁覆丹谷，墳樹遶清波。日照蓬陰轉，風微野氣和。傷心不可去，回首怨如何。

採桑

楊柳送行人，青青西入秦。誰家採桑女，樓上不勝春。盈盈灑水曲，步步春芳綠。紅臉曜明珠，綠唇含白玉。回首渭橋東，遙憐樹色同。釵梳映落日，綉綺弄春風。攜籠長歎息，逶迤戀春色。看花若有情，倚樹疑無力。薄暮思悠悠，使君南陌頭。相逢不相識，歸去夢青樓。

代閨人春日

珠簾的曉光，玉顏豔春彩。林間鳥鳴喚，戶外花相待。花鳥惜芳菲，鳥鳴花亂飛。人今伴花鳥，日暮不能歸。池月憐歌扇，山雲愛舞衣。佳期楊柳陌，攜手莫相違。

秋日題汝陽潭壁

獨垂秋陰至，悲來從所適。行見汝陽潭，飛蘿蒙水石。懸瓢木葉上，風吹何歷歷。幽人不耐煩，振衣步閑寂。同流清見底，金沙覆銀礫。洛水非一丈，空隴幾千尺。魚鱗可憐紫，鴨毛自然碧。秋水弄清光，渺焉忘損益。遊山隨形影，清濁混心跡。歲暮歸去來，東山余宿昔。

代悲白頭翁

洛陽城東桃李花，飛來飛去落誰家？洛陽女兒惜顏色，行逢落花長歎息。今年花落顏色改，明年花開復誰在？已見松柏摧爲薪，更聞桑田變成海。古人無復洛城東，今人還對落花風。年年歲歲花相似，歲歲年年人不同。寄言全盛紅顏子，須憐半死白頭翁。此翁白頭真可憐，伊昔紅顏美少年。公子王孫芳樹下，清歌妙舞落花前。光祿池臺間錦繡，將軍樓閣盡神仙。一朝臥病無人識，三春行樂在誰邊？宛轉蛾眉能幾時？須臾鶴髮亂如絲。但看舊來歌舞地，唯有黃昏鳥雀悲。

巫山懷古

巫山幽陰地，神女豔陽年。襄王伺容色，空日望悠然。歸來高堂夜，金缸斂青煙。頽想臥瑤席，夢魂何翩翩。搖落殊未已，豪華倏徂遷。愁思瀟湘浦，悲涼雲夢田。猿啼秋風夜，雁飛明月天。巴歌不可聽，聽此益潺湲。

春女行

春女顏如玉，怨歌陽春曲。巫山春樹紅，沅湘春草綠。自憐妖豔姿，粧成獨見時。愁心伴楊柳，春盡亂如絲。目極千餘里，悠悠春江水。頽想玉關人，愁臥金闈裏。尙言春花落，不知秋風起。嬌愛猶未終，悲涼從此始。憶昔楚王宮，玉樓妝粉紅。纖腰弄明月，長袖舞春風。容華委西山，光陰不可還。桑林沒東海，富貴今何在？寄言桃李容，胡爲閨閣重？但看楚王墓，唯見數株松。

孤松篇

蠶月桑葉青，鸞時柳花白。澹豔煙雨滋，數芬陽春陌。如何秋風起，零落從此始。獨有南澗松，不歎東流水。玄陰天地冥，皓雪朝夜零。豈不罹寒暑，爲君留青青。青青好顏色，落落任孤直。羣樹遙相望，衆草不取逼。靈龜卜真隱，仙鳥宜棲息。恥受奉帝封，願言唐侯食。寒山夜月明，山冷氣清清。淒兮歸風集，吹之作琴聲。松子臥仙岑，寂聽疑野心。清冷有真曲，樵採無知音。美人何時來，幽逕委綠苔。吁嗟深澗底，棄捐廣廈材。

王安石唐百家詩選 卷一

王適一首

詠江濱梅

忽見寒梅樹，開花漢水濱；不知春色早，疑是弄珠人。

韋述一首

晚度伊水

悠悠涉伊水，伊水清見石；是時春向深，兩岸草如積。迢遞望洲嶼，逶迤互津陌；新樹落疎紅，遙原上深碧。同瞻洛陽苑，遠有長山隔；煙霧猶辨家，風塵已爲客。登涉多異趣，往來見行役；雲起早已昏，鳥飛日將夕。光陰逝不借，超然慕疇昔；遠遊亦何爲？歸來存竹帛。

盧象十首（開元天寶時人）

雜詩二首

家居五原上，征戰是平生；獨負山西勇，誰當塞上名？死生遼海戰，雨雪薊門行；諸將封侯盡，論功獨不成。君家御溝上，垂柳夾朱門；列鼎會中貴，鳴珂朝至尊。死生在片議，窮達獨一言；須識苦寒士，莫矜狐白溫。

八月十五日象自江東止田園移莊慶會未幾歸汶上小弟幼妹尤悲其別兼賦是詩

謝病始告歸，依然入桑梓；家人皆佇立，相候衡門裏；疇類皆長年，成人舊童子。上堂家慶畢，願與親姻邇；論舊或餘悲，思存且相喜。田園轉蕪沒，但有寒泉水；衰柳日蕭條，秋光清邑里。入門乍如客，休騎非便止；中飲顧王程，離憂從此始。兩妹日成長，雙鬢將及人；已能持寶瑟，自解掩羅巾。念昔別時小，未知疎與親；今來識離恨，掩淚方殷勤。小弟更孩幼，歸來不相識；同居雖漸慣，見人猶默默。宛作越人言，殊鄉甘水食；別此最爲難，淚盡有餘憶。

寄江上段十六

與君相識卽相親，聞道君家住孟津；
爲見行舟試借問，「客中時有洛陽人？」

贈劉藍田

籬中犬吠吠，出屋候柴扉；
歲晏輸井稅，山村人暮歸；
晚田始家食，餘布成我衣；
對此能無事，勞君問是非。

白髮

我年一何長，鬢髮日已白；
俛仰天地間，能爲幾時客？
惆悵故山雲，徘徊空日夕；
何事與時人，東城復南陌。

鄉賦後自鞏還田家鄰友見過之作

雞鳴出東邑，馬倦登南巒；
落日見桑柘，翳然丘中寒；
鄰家多舊識，投暝來相看；
且問春稅苦，兼陳行路難。

場邊陰壑草木皆凋殘，
峰暗雪猶積，澗深冰已團；
符名知何用，歲晏不成歡；
置酒共君飲，當歌聊自寬。

竹里館

江南冰不閉，山澤氣潛通；
臘月聞山鳥，寒崖見蟄熊；
柳林青半合，荻筍亂無叢；
回首金陵岸，依依向北風。

和徐侍郎叢篠詠

中禁夕沈沈，幽篁別作林；
色連雞樹近，影落鳳池深；
爲重凌霜節，能虛應物心；
年年承雨露，長對紫庭陰。

宴別趙都護

結客侯旌麾，元戎復在斯；
門開都護府，兵動羽林兒；
黠虜多翻覆，謀臣有別離；
智同天所授，恩共日相隨。

漢使開賓幕，胡笳送酒卮；
風霜迎馬首，雨雪事魚麗；
在策應無戰，深情屬載馳；
不應行萬里，明主寄安危。

孟浩然三十三首（字浩然，襄陽人，開元天寶間，以詩聞於時，不仕，卒年五十）

一一

湘中旅泊寄閻九司戶劄

桂水通百越，扁舟期曉發。荆雲蔽三巴，夕望不見家。襄王夢行雨，才子謫長沙。長沙饒瘴癘，胡爲苦留滯？久別思款顏，承歡懷接袂。接袂杳無由，徒增旅泊愁。清猿不可聽，沿月下湘流。

歲暮歸南山

北闕休上書，南山歸弊廬。不才明主棄，多病故人疎。白髮催年老，青陽逼歲除。永懷愁不寐，松月夜窗虛。

陪張丞相自松滋江入舟東泊渚宮作

放溜下松滋，登舟命楫師。詎忘經濟日，不憚沍寒時。洗憤豈獨古，濯纓良在茲。政成人自理，機息鳥無疑。雲氣羶孤嶼，江天辨四維。晚來風梢急，冬至日行遲。獵響驚雲夢，漁歌激楚詞。渚宮何處是，川暝欲安坻。

歲暮海上作

仲尼既已歿，子亦浮於海。晷見斗柄回，始知星歲改。虛舟任所適，垂釣非有待。借問乘查人，滄洲復誰在？

自洛之越

遑遑三十載，書劍兩無成。山水尋吳越，風塵厭洛京。扁舟汎湖海，長揖謝公卿。且樂杯中酒，誰論世上名？

巫山人廻見尋

歸閑日無事，雲臥晝不起。有客款柴扉，自云「巢居子。」問「君何所之？」「採藥來城市；家在鹿門山，當遊澗湖水。」手持白羽扇，脚踏青芒履。聞道鶴書徵，臨流還洗耳。

遊精思觀廻王山人在後

出谷未亭午，至家已夕曛。同瞻下山路，但見牛羊羣。樵子暗相失，草蟲寒不聞。衡門猶未掩，佇立待夫君。

夜泊宣城界

西塞沿江島，南陵問驛樓；湖平津濟闊，風止客帆收。去去懷前浦，茫茫汎夕流；石逢羅剝礙，山泊敬亭幽。火織梅根冷，煙迷楊葉洲；離家復水宿，相伴賴沙鷗。

永嘉上浦館逢張入子容

逆旅相逢處，江村日暮時；衆山遙對酒，孤嶼共題詩。廓宇鄰鮫室，人煙接島夷；鄉關萬餘里，失路一相悲！

宿葉師山房期丁鳳進士不至

夕陽度西嶺，葦壑倏已暝；松月生夜涼，風泉滿清聽。樵人歸欲盡，煙鳥棲初定；之子期宿來，攜琴候蘿徑。

夕次蔡陽館

日暮馬行疾，荒城人住稀；聽歌知近楚，投館忽如歸。魯堰田疇廣，章陵氣色微；明朝拜家慶，須著老萊衣。

過故人莊

故人具雞黍，邀我至田家；綠樹村邊合，青山郭外斜。開筵面場圃，把酒話桑麻；待到重陽日，還來就菊花。

登鹿門山懷古

清曉因興來，乘流越岷峴；沙禽近初識，浦樹遙莫辨。漸到鹿門山，山明翠微淺；崑潭多屈曲，舟楫屢回轉。昔聞龐德公，采藥遂不返；金澗養芝朮，石床臥苔蘚。紛吾感耆舊，結覽事攀踐；隱迹今尚存，高風邈已遠。白雲何時去，丹桂空偃蹇；探討竟未窮，回轡夕陽晚。

裴司空員司士見尋

府寮能枉駕，家醞復新開；落日池上酌，清風松下來。廚人具雞黍，稚子摘楊梅；誰道山公醉，猶能騎馬回。

送杜冕進士之東吳

荆吳相接水爲鄉，君去春江正淼茫；日暮征帆泊何處？天涯一望斷人腸。

王安石唐百家詩選 卷一

八

登江中孤嶼贈王山人迥

悠悠清江水，水落沙嶼出。回潭石下深，綠篠岸傍密。鮫人潛不見，漁父歌自逸。憶與君別時，泛舟如昨日。夕陽開返照，中坐興非一。南望鹿門山，歸來恨相失。

晚泊潯陽望廬峯作

挂席幾千里，名山都未逢。泊舟潯陽郭，始見香爐峰。常讀遠公傳，永懷塵外蹤。東林精舍在，日暮空聞鐘。

同張明府清鏡歎

妾有盤龍鏡，清光常晝發。自從生塵埃，有若霧中月。愁來試取照，坐歎生白髮。寄語邊塞人，如何久離別。

宿中山翠微寺空上人房

翠微終南裏，雨後宜返照。閉關久沉冥，杖策一遊眺。遂造幽人室，始知靜者妙。儒道雖異門，雲林頗同調。兩心喜相得，畢景共談笑。暝還高窗眠，時見遠山燒。緬懷赤城標，更憶臨海嶠。風泉有清音，何必蘇門嘯。

送友人之京

君登青雲去，子望青山歸。雲山從此別，淚濕薜蘿衣。

京還留別新豐諸官

吾道憐所適，驅車還向東。主人開舊館，留客醉新豐。樹繞溫泉綠，塵昏晚日紅。拂衣從此去，高步躡華嵩。

江上別流人

以我越鄉客，逢君謫居者。分飛黃鶴樓，流落蒼梧野。驛騎尋雲去，孤帆沿溜下。不知從此分，還袂何時把。

卜洛成周地，浮盃上巳筵。鬪雞寒食下，走馬射堂前。垂柳金堤合，平沙翠幕連。不知王逸少，何處會羣賢。

秋登萬山寄張五

北山白雲裏，隱者自怡悅；相望試登高，心隨鳥飛滅。愁因薄暮起，興是清秋發。時見歸村人，沙平渡頭歇。天邊樹若薺，江畔洲如月。何當載酒來，共醉重陽節。

夜歸鹿門寺歌

山寺鳴鐘晝已昏，漁梁渡頭爭渡喧；人隨沙路向江村，予亦乘舟歸鹿門。鹿門月照開煙樹，忽到龐公樓隱處；嵒扉松徑長寂寥，唯有幽人夜來去。

與諸子登峴山作

人事有代謝，往來成古今；江山留勝跡，我輩復登臨。水落漁梁淺，天寒夢澤深；羊公碑尚在，讀罷淚沾襟。

赴京途中遇雪

迢遞秦京道，蒼茫歲暮天；窮陰連晦朔，積雪滿山川。落雁迷沙渚，肌鳥噪野田；客愁空佇立，不見有人煙。

宿建德江

移舟泊滄渚，日暮客愁新；野曠天低樹，江清月近人。

萬山潭作

垂釣坐磐石，水清心自閑；魚游潭樹下，猿挂島藤間。神女昔解珮，傳聞於此山；求之不可得，沿月擣歌還。

春中喜王九相尋

二月湖水清，家家春鳥鳴；林花掃更落，徑草踏還生。酒伴來相命，開尊共解醒；當盃已入手，歌妓莫停聲！

途中遇晴

已失巴陵雨，猶逢蜀坂泥；天開斜景遍，山出晚雲低。餘濕仍霑草，殘流向入溪；今宵有明月，鄉思遠悽悽。

送從弟_昌落第東遊會稽

疾風吹征帆，倏爾向空沒。千里去俄頃，三江坐超忽。向來共歡娛，日夕成楚越。落羽更分飛，誰能不驚骨？

和張丞相春朝對雪

迎氣當春立，承恩喜雪來。潤從河漢下，花瑱豔陽開。不覩豐年瑞，安知變理才。散鹽如可擬，願糝和羹梅。

卷二

高適上六十首

與上_酬薛三_據兼寄郭主簿

自從別京華，我心乃蕭索。十年守章句，萬事空寥落。北上登薊門，茫茫見沙漠。倚劍對風塵，慨然思衛霍。拂衣去燕趙，驅馬悵不樂。天長滄州路，日暮邯鄲郭。酒肆或淹留，魚潭屢棲泊。獨行備艱險，所見窮善惡。永願拯蕩蕩，孰辭千鼎鑊。皇情念淳古，時俗何淨薄。理道責任賢，安人在求瘼。故交負靈奇，逸氣包審諤。隱軫經濟具，縱橫建安作。才望勿先鳴，風期無宿諾。飄飄勞州縣，迢遞限言諫。東馳渺具丘，西顧彌_號洛。淇水徒自流，浮雲不堪託。吾謀適可用，天路豈遼廓。不然買山田，一身與耕鑿。且欲同鶴鶴，焉能志鵲鵲。

途中_酬李少府贈別之作

西上逢節換，東征私自憐。故人今臥疾，欲別還留連。舉酒臨南軒，夕陽滿中筵。寧知江上興，乃在河梁偏。行李多光輝，扎翰忽相解。誰謂歲月晚，交情上貞堅。終嗟州縣勞，官謗復_連連。雖負忠信美，其如方寸懸。連帥扇清風，千里猶眼前。曾是趨藻鏡，不應翻棄捐。日來知自強，氣殊未_痊痊。可以加藥物，胡為輒憂煎。驅馬出大梁，原野一悠然。柳色感行客，雲陰愁遠天。皇明燭幽遐，德澤普昭宣。鸚鵡列霄漢，鸞雀何翩翩。余亦愜所從，漁樵十二年。

種瓜漆園裏，鑿井廬門邊。去去勿重陳，生涯難勉旃。或期遇春事，與爾復周旋。投報空回首，狂歌謝比肩。

東平路中遇水

天災自古昔，昏溺彌今秋。霖霖溢川源，傾河涵田疇。指途適汝陽，挂席經蘆洲。永望齊魯郊，白雲何悠悠。旁沿鉅野澤，大水縱橫流。蟲蛇擁獨樹，麋鹿奔行舟。稼穡隨波瀾，西成不可求。室居相枕藉，蛙鼃聲啾啾。仍憐穴蟻漂，益羨雲禽遊。農人無倚著，野老生殷愁。聖主多深仁，廟堂運良籌。倉廩終爾給，田租應罷收。我心胡鬱陶，征旅亦悲愁。縱橫濟時策，誰肯論吾謀。

留別洛下諸公兼贈鄭三韋九

憶昨相逢論久要，顧君哂我輕常調。鞅旅雖同白社遊，詩書比作青雲料。蹇步蹉跎竟不成，年過四十尙躬耕。長歌達者杯中物，冷笑前人身後名。幸逢明盛多招隱，高山大澤徵求盡。此時也得辭漁樵，青袍裹身荷聖朝。牛犁釣竿不復見，縣人邑吏來相邀。遠路鳴蟬秋興發，華堂美酒雜憂消。不知何時更攜手，應念茲辰去折腰。

封丘作

我本漁樵孟諸野，一生自是悠悠者。乍可狂歌草澤中，寧堪作吏風塵下。祇言小邑無所爲，公門百事皆有期。拜迎官長心欲破，鞭撻黎庶令人悲。悲來向家問妻子，舉家盡笑今如此。生事應須南畝田，世情付與東流水。夢想舊山安在哉，爲銜君命日遲迴。乃知梅福徒爲爾，轉憶陶潛歸去來。

贈別韋參軍

二十辭書劍，西遊長安城。舉頭望君門，屈指取公卿。國風冲融邁三五，朝廷歡樂彌寰宇。白璧皆言賜近臣，布衣不得干明主。歸來洛陽無負郭，東過梁宋非吾土。兔苑爲農歲不登，雁池垂釣心長苦。世人向我同衆人，唯君於我翻相親。且嘉百年有交態，未會一日辭家貧。彈棋擊筑白日晚，縱酒高歌楊柳春。歡娛未盡分散去，使我

王安石唐百家詩選 卷二

一一一

惆悵驚心神！終當作兒女別，臨歧涕泗沾衣巾。

九月九日酬顏少府

簷前白日應可惜，籬下黃花爲誰有？行子迎霜未授衣，主人得錢始沽酒。蘇秦顏頰時多厭，蔡澤栖惶世看醜；縱使登高祗斷腸，不如獨坐空搔首。

送李少府貶峽中王少府貶長沙

嗟君此別意何如？駐馬銜杯問謫居。巫峽啼猿數行淚，衡陽歸雁幾封書。青楓江上秋天遠，白帝城邊古木疎；聖代卽今多雨露，暫時分手莫躊躇！

平臺夜遇李景參有別

離憂忽浩然，策馬對秋天。孟諸薄暮涼風起，歸客相逢渡睢水；
條滿路岐，此行浩蕩令人悲。家貧羨爾有微祿，欲往從之何所之？

別晉虞士

有人家住清河源，渡河問我遊梁園；手持道經注已畢，心知內篇口不言。盧門十年見秋艸，此心惆悵誰能道？
道知已從來不易知，想君爲人與我好。別時九月桑葉疎，出門千里行無車。愛君且欲君先達，今日求賢早上書。

送別

昨夜離心正鬱陶，三更白露西風高。螢飛木落何淅瀝，此時夢見西歸客。曉鍾寥亮三四聲，東鄰嘶馬使人驚；
驚攬衣出戶一相送，唯見歸雲縱復橫。

燕歌行（井序）

開元二十六年有從元戎出塞而還者，作燕歌行以示適；感征戎之事，作燕歌行。

漢家煙塵在東北，漢將辭家破殘賊。男兒本自重橫行，天子非常賜顏色。縱金伐鼓下榆關，旌旆逶迤碣石間。校尉羽書飛瀚海，單于獵火照狼山。山川蕭條極邊土，胡騎憑陵雜風雨。戰士軍前半死生，美人帳下猶歌舞。大漠窮秋草木腓，孤城落日鬪兵稀。身當思過常輕敵，力盡關山未解圍。鐵衣遠戍辛勤久，玉筋應啼別離後。少婦城南欲斷腸，征人塞北空回首。邊庭飄飄那可度，絕域蒼茫何所有。殺氣三時作陣雲，寒聲一夜傳刁斗。相看白刃血紛紛，死節從來豈顧勳。君不見沙場征戰苦，至今猶憶李將軍。

古大梁行

古城蒼茫多荆榛，驅馬荒城愁殺人。魏王宮館盡禾黍，信陵賓客隨灰塵。憶昔雄都舊朝市，軒車照曜歌鍾起。軍容帶甲三十萬，國步連營一千里。全盛須臾那可論，高臺曲池無復存。遺墟但有狐狸窟，古地空餘草木根。暮天搖落傷懷抱，倚劍悲歌對秋草。俠客猶傳朱亥名，行人尙識夷門道。白璧黃金萬戶侯，寶刀駿馬填山丘。年代淒涼不可問，往來唯有水東流。

行路難

君不見，富家翁，舊時貧賤誰比數。一朝金多結豪貴，萬事勝人健如虎。子孫成長滿眼前，妻能管絃妾歌舞。自矜一身忽如此，却笑旁人獨愁苦。東鄰少平安，所如席門窮巷出無車。有才不肯學千謁，何用年年空讀書。

邯鄲少年行

邯鄲城南遊俠子，自矜生長邯鄲裏。千場縱博家仍富，幾處報讎身不死。宅中歌笑日紛紛，門外車馬長如雲。未知肝膽向誰是，令人却憶平原君。君不見，即今交態薄，黃金用盡還疎索。以茲感嘆辭舊遊，更於時事無所求。且與少年飲美酒，往來射獵西山頭。

薊門行五首

王安石唐百家詩選 卷二

一四

邊城十一月，雨雪亂霏霏。元戎號令嚴，人馬亦輕肥。羌胡無盡日，征戰幾時歸？幽州多騎射，結髮重橫行。一朝事將軍，出入有聲名。紛紛獵秋草，相向角弓鳴。黯黯長城外，日沒更煙塵。胡騎雖憑陵，漢兵不顧身。古樹滿空塞，黃雲愁殺人。薊門逢故老，獨立思氛氲。一身既零丁，頭髮白紛紛。勳庸今已矣，不識霍將軍。漢家能用武，開拓窮異域。戍卒厭糟糠，降胡重衣食。關亭試一望，吾欲淚沾臆。

營州歌

營州少年厭原野，皮裘蒙茸獵城下。虜酒千杯不醉人，胡兒十歲能騎馬。

魯郡途中

誰謂嵩嶺客，遂經鄒魯鄉。前臨少昊墟，始覺東蒙長。獨行豈吾心，懷古激中腸。聖人久已矣，游夏遙相望。徘徊野澤間，左右多悲傷。日出見闕里，川平知汶陽。弱冠負高節，十年思自強。終當不得意，去去任行藏。

酬鴻臚裴主簿雨後北樓見贈之作

暮霞照新晴，歸雲猶相逐。有懷晨昏暇，想見登眺目。問禮侍彤襜，題詩訪茅屋。高樓多古今，陳事滿陵谷。地久微子封，臺餘孝王築。徘徊顧霄漢，豁達俯川陸。遠水對秋城，長天向喬木。公門何清靜，列戟森已肅。不嘆攜手稀，常思著鞭速。終當拂羽翰，輕舉隨鴻鶴。

宋中遇林慮楊十七山人因而有別

昔子涉漳水，驅車行鄴西。遙見林慮山，蒼蒼戛天倪。邂逅逢爾曹，說君彼崑崙。蘿徑垂野蔓，石房倚雲梯。秋韭一何青，藥苗數百畦。栗林隘谷口，栝木森迴谿。耕耘有山田，紡績有山妻。人生但如此，寧事組與珪。誰謂遠相訪，曩情常不迷。簷前舉醇醪，舍下烹隻雞。朔風忽振蕩，昨夜寒蟄啼。遊子益思歸，罷琴傷解攜。出門盡原野，白日

贈已低；始驚道路難，終恨言笑睽。因聲謝岑壑，歲暮一攀躋。

送馮判官

碣石遼西地，漁陽薊北天。關山唯一道，雨雪盡三邊。才子方爲客，將軍正愛賢。遙如幕府下，書記日翩翩。

酬龐十兵曹

憶昔遊京華，自言生羽翼。懷書訪知己，末路空相識。許國不成名，還家有慙色。託身從叅叅，浪迹初自得。雨澤感天時，耕耘忘帝力。同人洛陽至，問我唯水北。遂爾款津涯，淨然見胸臆。高談懸物象，逸韻投翰墨。別岸迴無垠，海鶴鳴不息。梁城多古意，攜手共悽惻。懷賢想鄒枚，登高思荆棘。世情惡疵賤，之子憐孤直。酬贈感并深，離憂豈終極。

綉上酬王秀才

飄飄經遠道，客思滿窮秋。浩蕩對長漣，君行殊未休。崎嶇山海側，想像無前儔。誰謂照乘珠，忽然欲暗投。東路方蕭條，楚歌復悲愁。暮帆使人感，去鳥兼離憂。行矣當自愛，壯心莫悠悠。予亦從此辭，異鄉難久留。言宴豈終極，慎勿滯滄洲。

東平留贈狄司馬（曾與田安西充判官）

古人無宿諾，茲道未爲難。萬里赴知己，一言誠可歎。馬蹄經月窟，劍術指樓蘭。地出北庭盡，城臨西海寒。森然瞻武庫，謂是弄儒翰。入幕縮銀綬，乘軺兼鐵冠。練兵日精銳，殺敵無遺殘。獻捷見天子，論功倅可汗。激昂丹墀下，願盼青雲端。誰謂縱橫策，翻爲權勢干。將軍旣坎懷，使者亦辛酸。耿介挹三事，羈離從一官。知君不得意，他日會鵬搏。

錢宋入充彭中丞判官之嶺外

觀君濟時略，使我氣填膺。長策竟不用，高才徒見稱。一朝知已遠，累日詔書徵。羽翮忽然動，風颺誰敢陵？舉鞭趨嶺障，屈指冒炎蒸。北雁送馳驛，南人思飲冰。彼邦本倔強，習俗多驕矜。翠羽干平法，黃金撓直繩。若將除害馬，慎勿信蒼蠅。魑魅寧無患，忠貞適有憑。猿啼山不斷，鶯踏路難登。海岸出交趾，江城連始興。繡衣當節制，幕府盛威稜。勿憚九疑險，須令百越澄。立談多感激，行李卽嚴凝。離別胡爲者，雲霄遲爾昇。

同羣公題鄭少府田家（此公昔任白馬尉，今寄住涪臺）

鄭侯應栖遑，五十頭盡白。昔爲南昌尉，今作東郡客。與語多遠心，論交知損益。秋林旣清曠，窮巷空淅瀝。蝶舞圍更閑，雞鳴日云夕。男兒未稱意，其道固無適。勸君且杜門，勿嫌人事隔。

同顏六少府旅居秋中之作

傳君昨夜悵然悲，獨坐深齋落木時。逸氣舊來陵燕雀，高才何得混妍蚩。迹勞黃綬人多歎，心在青雲世莫知。不是鬼神無正直，從來州縣有瑕疵。

酬裴秀才

男兒貴得意，何必相知早。飄蕩與物華，蹉跎覺身老。長卿無產業，季子慙妻嫂。此事難重陳，未於衆人道。

宋中送族姪式顏時張大夫貶括州使人召式顏遂有此作

大夫擊東胡，胡塵不敢起。胡人山下哭，胡馬海邊死。部曲盡封侯，輿臺亦朱紫。當時有勳績，末路遭讒毀。轉旆燕趙間，剖符括蒼裏。弟兄莫相見，親族遠枌梓。不改青雲心，仍招布衣士。平生懷感激，本欲候知己。去矣難重陳，飄飄自茲始。遊梁且未愜，道越今何以。鄉山西北愁，竹箭東南美。崢嶸縉雲外，蒼茫萬餘里。猿鳥亂啾啾，朝昏孰云已。登臨多瘴癘，動息在風水。雖有賢主人，終爲客行子。我攜一尊酒，滿酌聊勸爾。與爾唯一言，家聲勿淪泯。

與上送韋司倉往涪臺

飲酒草辭醉，醉多適不愁。孰知非遠別？終念對新秋。滑臺門外見淇水，眼前流。君去應回首，風波滿渡頭。

別魏八

更沽淇上酒，還汎驛前舟。爲惜故人去，復憐嘶馬愁。雲山行處合，風雨興中秋。此路方知己，明珠莫暗投。

宋中三首

逍遙漆園吏，冥沒不知年。世事浮雲外，閑居大道邊。古來同一馬，今我亦忘筌。登高臨舊國，懷策對窮秋。落日鴻雁度，寒城砧杵愁。昔賢不復有，行矣莫淹留。闕伯去已遠，高丘臨道傍。人皆有兄弟，獨爾爲參商。終古猶如此，而今安可量。

自淇涉黃河

朝從北岸來，泊船南河澗。試共野人言，深覺農夫苦。去秋雖薄熟，今夏猶未雨。耕耘日劬勞，租稅兼烏鹵。園蔬空寥落，薄產不足數。尙有獻芹心，無因見明主。

和崔二少府登楚丘城作

故人亦不遇，異縣久棲託。辛勤失路意，感歎登樓作。清晨眺原野，獨立窮寥廓。雲散芒碭山，水還睢陽郭。邊梁卽襟帶，封衛多漂泊。事古悲城池，年豐愛墟落。相逢俱未展，攜手空蕭索。何意千里心，仍求百金諾。公侯皆我輩，動用在謀略。聖心思聖才，竭來刈葵菹。

同朱五題盧使君義井

高義惟夏牧，深仁自下車。甯知鑿井處，還是飲冰餘。地卽泉源久，人當汲引初。體清能鑿物，色泊每含虛。上善滋來往，中和浹里閭。濟時應未竭，懷惠復何如。

哭單父梁九少府

開篋淚沾臆，見君前日書。夜臺今寂寞，猶是子雲居。疇昔探靈竒，登臨賦山水。同舟南楚下，望月西江裏。契闊多別離，綢繆到生死。九原卽何處，萬事皆如昨。晉山徒嵯峨，斯人已寂寞。常時祿且薄，沒後家復貧。妻子在遠道，弟兄無一人。十上多苦心，一官恆自哂。青雲將可致，白日忽先盡。唯有身後名，空留無遠近。

送柴司戶充劉鄜判官之嶺外

嶺外資雄鎮，朝端寵節旄。月卿臨幕府，星使出詞曹。海對羊城關，山連象郡高。風霜驅瘴癘，忠信涉波濤。別恨隨流水，交情脫寶刀。有才無不適，行矣莫徒勞。

雜言賦得還山吟送沈山人

還山吟，天高日暮寒山深。送君還山識君心。人生老大須恣意，看君解作一生事。山間偃仰無不至，石泉淙淙若風雨。松花桂子常滿地，賣藥藥中應有錢。還山服藥又長年，白雲勸盡杯中物。明月相隨何處眠，眠時憶問醒時事，夢魂可以長周旋。

酬岑二十秋夜見贈之什

舍下蛩亂鳴，居然有蕭索。緬懷高秋興，忽枉清夜作。感物我心勞，涼風驚二毛。池空藹菖死，月出梧桐高。如何異鄉縣，復得交才彥。泪沒嗟後時，蹉跎取相見。箕山別來後，魏闕誰不戀。獨有江海心，悠然未嘗倦。

苦雪

二月猶北風，天陰雪冥冥。寒落一室中，悵然慙百齡。苦愁正如此，門柳復青青。

李雲南征蠻（并序）

天寶十一載，有詔伐西南夷。丞相楊公兼節制之寄，乃奏前雲南太守李安，涉海自交趾擊之。道路艱難，往復數萬里，蓋百王之所未通也。十二載四月，至於長安。君子是以知廟堂使能而李公効節。余忝斯人

之舊，因賦是詩。

聖人赫斯怒，詔伐西南戎；肅穆廟堂上，深沉節制雄。遂令感激士，得建非常功。料死不料敵，願恩甯願終。鼓行天海外，戰蠻夷中。梯巖近高鳥，穿林經毒蟲。鬼門無歸客，北戶多南風。蜂蟻隔萬里，雲風隨九攻。長驅大瀆破，急擊羣山空。餉道忽已盡，縣軍垂欲窮。精誠動白日，憤薄連蒼穹。野食掘田鼠，晡餐兼爨僮。收兵列亭候，拓地彌西東。臨爭取苟免，履危能飭躬。將星獨照耀，邊色何溟溟。瀘水夜可涉，交州今始通。歸來長安道，召見甘泉宮。廉蘭若未死，孫吳知暗同。相逢論意氣，慷慨謝深衷。

登百丈峯

朝登百丈峰，遙望燕支嶺。漢壘青冥冥，胡天白如掃。憶昔霍將軍，連年此征討。匈奴終不滅，寒山徒草草。惟見鴻雁飛，令人傷懷抱。

送渾將軍出塞

將軍族貴兵且強，漢家已是渾邪王。子孫相承在朝野，至今部曲燕支下。控弦盡用陰山兒，臨陣常騎大宛馬。銀鞭玉勒續登弧，每逐嫖姚破骨都。幸廣從來先將士，衛青未肯學孫吳。傳有沙場千萬騎，昨日邊庭羽書至。城頭畫角三四聲，匣裏寶刀晝夜鳴。意氣能甘萬里去，辛勤動作一年行。黃雲白草無前後，朝建旌旗夕刁斗。塞下應多俠少年，關西不見春楊柳。從軍借問所從誰，擊劍酣歌當此時。遠別無輕繞朝策，平戎早寄仲宣詞。

寄宿田家

田家老翁住東陂，說道平生隱在茲。髮白未曾記日月，山青每到識春時。門前種柳深成巷，野谷流泉添入池。牛壯日耕十畝地，人閑常掃一茅茨。客來滿酌清罇酒，感興平吟才子詩。崑崙窟中藏鼯鼠，潭邊竹裏隱鷓鴣。林稀落日行人少，醉後無心怯路岐。今夜只應還寄宿，明朝拂曉與君辭。

酬司空儼少府

飄飄未得意，感激與誰論？昨日偶夫子，乃欣吾道存。江山滿詞賦，扎翰起涼溫；吾見風雅作，人知德業尊。驚颺萬木，秋氣屯高原；燕趙何蒼茫？鴻雁來翩翩。此時與君別，握手欲無言。

同衛入題陸少府書齋

知君薄州縣，好靜無冬春；散帙至棲鳥，明燈留故人。深房臘酒熟，高院梅花新；若是周旋地，當令風義親。耕地桑柘間，地肥菜常熟；爲問葵藿資，何如廟堂肉？

同羣公題張廩士菜園

同羣公出獵海上

畋獵自古昔，况伊心賞俱；偶與羣公遊，曠然出乎蕪。曾陰漲溟海，殺氣窮幽都；鷹隼何翩翩？馳驟相傳呼。豺狼竄榛莽，麋鹿懼艱虞；高鳥下駉弓，困獸鬪匹夫。塵驚大澤晦，火燎深林枯；失之有餘恨，獲者無全軀。咄彼工拙間，悵非指縱徒；猶懷老氏訓，感歎此歡娛。

魯西至東平四首

南園遠不就，東走豈吾心？索索涼風動，行行秋水深。蟬鳴木葉落，茲夕更愁霖。昨時好書策，動欲干王公；今日無成事，依依親老農。扁舟向何處？吾愛汶陽中。清曠涼夜月，飄飄孤客舟；眇然風波上，獨夢前山秋。秋到復搖落，空吟行者愁。沙岸泊不定，石橋水橫流；問津見魯谷，懷古傷家丘。寥落千歲後，空傳褒聖侯。

別韋五

徒然酌杯酒，不覺散人愁；相識仍遠別，欲歸翻旅遊。夏雲滿郊甸，明月照河洲；莫恨征途遠！東看漳水流。

卷三

高適下十二首

自淇涉黃河四首

川上恆極目，世情今似閑。去帆帶落日，征路隨長山。親友若雲霄，可望不可攀。於茲任所愜，浩蕩風波間。亂流自茲始，倚楫時一望。遙見楚漢城，崔嵬高山上。天道昔未測，人心無所向。屠釣稱王侯，龍蛇爭霸王。緬懷多殺戮，顧此增慘愴。聖代休甲兵，吾共得閑放。

野人盡白頭，與我忽相訪。手持青竹竿，日暮淇水上。雖老美容色，雖貧若閑放。約莫三十年，中心無所向。朝景入平川，川長復垂柳。遙看魏公墓，突兀前山後。憶昔大業中，羣雄各奔走。伊人何電邁，獨立風塵首。傳檄舉棗倉，擁兵屯洛口。連營一百萬，六合如可有。方項終比肩，亂隋將假手。力爭固難恃，驕戰曷能久。若使學蕭曹，功名當不朽。

宋中四首

梁王昔全盛，賓客復多才。悠悠一千年，陳迹唯高臺。寂寞向秋草，悲風千里來。出門望終古，獨立悲且歌。憶昔魯仲尼，栖栖此經過。衆人不可向，伐樹將如何。朝臨孟諸上，忽見芒碭間。赤帝終已矣，白雲長不還。時淸更何有，禾黍遍空山。梁苑白日暮，梁山秋草時。君王不可見，修竹令人悲。九月桑葉盡，寒風吹樹枝。

交公琴臺詩（并序）

甲子歲適登子賤琴臺賦三首。首章懷交公之德，千祀不朽；次章美太守李公能嗣子賤之政，再造琴堂；

末章美邑宰崔公能繼子賤之理。

交子昔爲政，鳴琴登此臺。琴和人亦閑，千祀稱其才。臨眺忽悽愴，人琴安在哉？悠悠此天壤，空有頌聲來。邦伯感遺事，慨然建琴堂。乃知靜者心，千載猶相望。入室想其人，出門何茫茫？唯見白雲合，東臨鄒魯鄉。皤皤邑中老，自言邑中理。何必升君堂，然後知君美。開門無犬吠，早臥常晏起。昔人不忍欺，今我還復爾。

贈別沈四山人

沈侯未可測，其况信浮沉。十載常獨坐，幾人知此心。乘舟蹈滄海，買劍投黃金。世務不足煩，有田西山岑。我來遇知己，遂得開神襟。何意閭閻間，沛然江海深。疾風卷秋樹，濊上多鳴砧。耿耿尊酒前，聯雁飛愁陰。平生重離別，感激對孤琴。

岑參上五十首（文本之曾孫，天寶初登進士第，由庫部郎中，出嘉州刺史，卒。）

巴南舟中夜書事

渡口欲黃昏，歸人爭渡喧。近鍾清野寺，遠火點江村。見雁思鄉信，聞猿積淚痕。孤舟萬里夜，秋月不堪論。

青山峽口泊舟懷狄侍御

峽口秋水壯，沙邊且停橈。奔濤振石壁，峰勢如動搖。九月蘆花新，彌令客心焦。誰念在江島，故人滿天朝。無處豁心胸，愛來醉能銷。往來巴山道，三見秋草凋。狄生新相知，才調陵雲霄。賦詩圻造化，入幕生風飈。把筆判甲兵，戰士不敢驕。皆云梁公後，遇鼎還能調。一別倏經時，音塵殊寂寥。何當見夫子，不歎鄉關遙。

送王大昌齡赴江寧

對酒寂不語，悵然愁送君。明時未得用，白首徒工文。澤國從一官，滄波幾千里。羣公滿天闕，獨去過淮水。舊家富春緒，常憶臥江樓。自聞君欲行，頻夢南徐州。窮巷獨閉門，寒燈靜深屋。北風吹微雪，抱被肯同宿。君行到京

口，正是桃花時；舟中饒孤興，湖上多新詩。潛虬且深蟠，黃鶴舉未晚；惜君青雲器，努力加餐飯！

臨河縣客舍呈狄明府兄留題縣南樓

風陽城南雪正飛，黎陽渡頭人未歸。河邊酒家堪寄宿，主人小女能縫衣。故人高臥黎陽縣，一別三年不相見；邑中雨雪偏著時，隔河東郡人遙羨。鄴都唯見古時丘，漳水還如舊日流。城上望鄉應不見，朝來好是嬾登樓。

送揚子

斗酒涇城邊，城頭耐醉眠；梨花千樹雪，楊葉萬條煙。惜別添壺酒，臨岐贈馬鞭；看君潁上去，新月到家圓。

送蓋孺卿落第歸濟州

獻賦頭欲白，還家衣已穿。羞過灞陵樹，歸種汶陽田。客舍少鄉信，床頭無酒錢；聖朝徒側席，濟上獨遺賢。

宿太白東溪李老舍寄弟姪

渭上秋雨過，北風何騷騷。天晴諸山出，太白峰最高。主人東溪老，兩耳生長毫；遠近知百歲，子孫皆二毛。中庭井欄上，一架獼猴桃；石泉飯香粳，酒甕新開糟。愛茲田中趣，始悟世上勞；我行有勝事，書此寄爾曹。

送張郎中赴隴右觀省卿公（時卿公充節度留後）

中郎鳳一毛，世上獨英豪。弱冠已銀印，出身唯寶刀。還家卿月迥，度隴將星高。暮下多相識，邊書醉嬾操。

登古鄴城

下馬登鄴城，空城復何見？東風吹野火，日暮飛雲電。城隅南對望陵臺，漳水東流不復回；武帝宮中人去盡，年年春色爲誰來？

送許子擢第歸江寧拜親因寄王大昌齡

建業控京口，金陵款滄溟。君家臨秦淮，傍對石頭城。十年自勤學，一鼓遊上京。青春登甲科，動地聞香名。解

櫛皆五侯，結交盡時英。六月槐花飛，忽思葦菜羹。跨馬出國門，丹陽返柴荆。楚雲引歸帆，淮水浮客程。到家拜親時，入門有光榮。鄉人盡來賀，置酒相邀迎。閑眺因登樓，酒眠湖上亭。月從海門出，照見茅山青。昔爲帝王州，今幸天地平。五朝變人世，千載空江聲。玄元告靈符，丹洞獲其銘。皇帝受玉冊，羣臣羅天庭。喜氣薄太陽，祥光徹宵冥。奔走朝萬國，崩騰集百靈。王兄尙謫宦，屢見秋雲生。孤城帶後湖，心與湖水清。一縣無諍辭，有時開道經。黃鶴垂兩翅，徘徊悲且鳴。相思不可見，空望牛女星。

武威送劉單判官赴安西行營便呈高開府

熱海五鐵門，火山赫金方。白草磨天涯，胡沙蒼茫茫。夫子佐戎幕，其鋒利如霜。中歲學兵符，不能守文章。功業須及時，立身有行藏。男兒感忠義，萬里忘越鄉。孟夏邊候遲，胡國草未長。馬疾過飛鳥，天窮超夕陽。都護新出師，五月發軍裝。甲兵二百萬，錯落金光揚。揭旗拂崑崙，伐鼓震蒲昌。太白引官庫，天威臨大荒。西望雲似蛇，戎夷知喪亡。渾驅大宛馬，繫取樓蘭王。曾到交河城，風土斷人腸。塞驛遠如點，邊烽互相望。赤亭多飄風，鼓怒不可當。有時無人行，沙石亂飄颺。夜靜天蕭條，鬼哭夾道傍。地上多髑髏，皆是古戰場。置酒高館夕，邊城月蒼蒼。軍中宰肥牛，堂上羅羽觴。紅淚金燭盤，矯歌豔新教。望君仰青冥，短翮難可翔。蒼然西郊道，握手何慨慷！

玉門關蓋將軍歌

蓋將軍，真丈夫。行年三十執金吾，身長七尺頗有鬚。玉門關城迴且孤，黃沙萬里百草枯。南鄰犬戎北接胡，將軍到來備不虞。五千甲士膽力羸，軍中無事但歡娛。暖屋繡簾紅地爐，織成壁衣花氍毹。燈前侍婢瀉土壺，金鑪亂點野駝酥。紫紱金章左右趨，問著卽是蒼頭奴。美人一雙閑且都，朱脣翠眉映明眸。清歌一曲世所無，今日喜聞鳳將雛。可憐絕勝秦羅敷，使君五馬謾踟蹰。野草繡窠紫羅襦，紅牙鏤馬對樗蒲。玉盤纖手撥作虛，衆中誇道不會輸。捩上昂昂皆駁駒，桃花叱撥價最殊。騎將獵向城南隅，臘日射殺千年狐。我來塞外按邊儲，爲君取醉

酒剩酌；醉爭酒盞相喧呼，却憶咸陽舊酒徒。

天山雪送蕭涇歸京

天山有雪常不開，千峰萬嶺雪崔嵬；北風夜卷赤亭口，一夜天山雪更厚。能兼漢月照銀山，復逐胡風過鐵關；交河城邊飛鳥絕，輪臺路上馬蹄滑。嗟澆寒氣萬里凝，闌干陰崖千丈冰。將軍狐裘臥不暖，都護寶刀凍欲斷。正是天山雪下時，送君走馬歸京師。客中何以贈君別，唯有青青松樹枝。

涼州館中與諸判官夜集

彎彎月出挂城頭，城頭月出照涼州。涼州七城十萬家，胡人半解彈琵琶。琵琶一曲腸堪斷，風蕭蕭兮夜漫漫；河西幕中多故人，故人別來三五春。花門剺前見秋草，豈能貧賤相看老？一年大笑能幾回，斗酒相逢須醉倒。

初過隴山途中呈宇文判官

一驛過一驛，驛騎如星流。平明發咸陽，暮及隴山頭。隴水不可聽，嗚咽令人愁。沙塵撲馬汗，霧露凝貂裘。西來誰家子？自道新封侯。前月發安西，路上無停留。都護猶未到，來時在西州。十日過砂磧，終朝風不休。馬走碎石中，四蹄皆血流。萬里奉王事，一身無所求。也知塞垣苦，豈爲妻子謀。山口月欲出，先照關城樓。谿流與松風，靜夜相颺颺。別家賴歸夢，山塞多離憂。與子且攜手，不愁前路修。

燉煌太守後庭歌

燉煌太守才且賢，郡中無事高枕眠。太守到來山出泉，黃砂磧裏人種田。燉煌耆老鬢皓然，願留太守更五年。城頭月出星滿天，曲房置酒張錦筵。美人紅妝色正鮮，側垂高髻插金鈿。醉坐藏鉤紅燭前，不知鉤在若箇邊。爲君手把珊瑚鞭，射得半段黃金錢。此中樂事亦已偏。

送祁樂歸河東

邪樂後來秀，挺身出河東；往年詣驪山，獻賦溫泉宮；天子不召見，揮鞭遂從戎。前月還長安，囊者金已空；有時忽乘興，畫出江上峰。牀頭蒼梧雲，簾下天台松；忽如高堂上，颯颯生清風。五月火雲屯，氣燒天地紅；鳥且不敢飛，子行如轉蓬。少華與首陽，隔河勢爭雄；新月河上出，清光滿關中。置酒灞亭別，高歌披心胸；君到故山時，為謝吾老翁。

送郭八

地上青草出，經冬今始歸；博陵無近信，猶未換春衣。憐汝不忍別，送汝上酒樓；初行莫早發，且宿灞橋頭。功名須及早，歲月莫虛擲！早年已攻詩，近日兼注易。何時過東洛，早晚渡盟津。朝歌城邊柳，韓地邯鄲道。上花撲人；去年四月初，我正在河朔。曾上君家縣北樓，樓上分明見恆嶽。中山明府待君來，須計行程及早回；到家速覓長安使，待汝書封我自開。

安西館中思長安

家在日出處，朝來喜東風；風從帝鄉來，異鄉家信通。絕域地欲盡，孤城天遂窮；彌年但走馬，終日隨飄蓬。寂寞不得意，辛勤方在公；胡塵淨古塞，兵氣屯邊空。鄉路眇天外，歸期如夢中。遙憑長房術，為縮天山東。

送魏四落第還都

東歸不得意，客舍戴勝鳴；臘酒飲未盡，春衫縫已成。長安柳枝春欲來，洛陽梨花在前開；魏侯池館今尚在，猶有太師歌舞臺。君家盛德豈徒然？時人注意在吾賢；莫令別後無佳句，祇向灤頭空醉眠。

喜韓樽相過

三月灊陵夏已老，故人相逢耐醉倒；鬢頭春酒黃花脂，祿米祇充酤酒資。長安城中足年少，獨共韓侯開口笑；桃花點地紅斑斑，有酒留君且莫還！與君兄弟日攜手，世上虛名好是閑。

送張子尉南海

不擇南州尉，高堂有老親。縣樓重蜃氣，邑里雜鮫人。海暗三山雨，江明五嶺春。此鄉多寶玉，慎莫厭清貧。

澧頭送蔣侯

君住澧水北，我家澧水西。兩鄉見喬木，五里聞鳴雞。飲酒溪雨過，彈碁山月低。徒開蔣生逕，爾去誰相攜？

澧水東店送唐子歸嵩陽

野店臨官路，重城壓御堤。山開灑水北，雨過杜陵西。歸夢秋能作，（音佐）鄉書醉懶題。樓回忽不見，征馬尚

聞嘶。

南樓送衛將軍（得歸字）

近縣多來客，似君誠亦希。南樓取涼好，便送故人歸。鳥向聲中滅，雨侵晴處飛。應須乘月去，且為解征衣。

送宇文舍人出宰元城（得陽字）

雙鳥出未央，千里過河陽。馬帶新行色，衣聞舊御香。縣花迎墨綬，關柳拂銅章。別後能為政，相思淇水長。

贈酒泉韓太守

太守有能政，遙聞如古人。俸錢盡供客，家計常清貧。酒泉西望玉關道，千山萬磧皆白草。辭君走馬歸長安，

憶君倏忽令人老。

餞李郎尉武康

潘郎腰綬新，雪上縣花春。山色低官舍，湖光映吏人。不須嫌邑小，莫即恥家貧。更作東征賦，知君有老親。

過酒泉憶杜陵別業

昨日宿祁連，今朝過酒泉。黃砂西際海，白草北連天。愁裏難銷日，歸期尚隔年。陽關萬里夢，知處杜陵田。

武威春暮聞宇文判官安西使還已到晉昌

片雨過城頭，黃鸝上戍樓。塞花飄客淚，邊柳挂鄉愁。白髮悲明鏡，青春換弊裘。君從萬里使，聞已到瓜州。

宿鐵關西館

馬汗踏成泥，朝馳幾萬蹄。雪中行地角，火處宿天倪。塞迥心常怯，鄉遙夢亦迷。那知故園月，也到鐵關西。

題首蓆峯寄家人

首蓆峰邊逢立春，胡蘆河上淚沾巾。閨中只是空相憶，不見沙場愁殺人。

玉關寄長安李主簿

去去長安萬里餘，故人何惜一行書。玉關西望腸堪斷，况復明朝是歲除。

逢入京使

故園東望路漫漫，雙袖龍鍾淚不乾。馬上相逢無紙筆，憑君傳語報平安。

暮秋山行

疲馬臥長坂，夕陽下通津。山風吹空林，颯颯如有人。蒼旻霽涼雨，石路無飛塵。千念集暮節，萬籟悲蕭辰。鷓

鴉昨夜鳴，蕙草色已陳。况在遠行客，自然多苦辛。

函谷關歌送劉評事使關西

君不見，函谷關，崩城毀壁至今在。樹根草蔓遮古道，空谷千年長不改。寂寞無人空舊山，聖朝無外不須關。白馬公孫何處去，青牛老人更不還。蒼苔白骨空滿地，月與古時長相似。野花不省見行人，山鳥何曾識關吏。故人方乘使者車，吾知郭丹却不如。請君時懷關外客，行到關西多寄書。

衛尚書赤驃馬歌

君家赤驃畫不得，一團旋風桃花色；紅纓紫鞵珊瑚鞭，玉鞍鎮騎黃金勒。請君鞍出看君騎，尾長牽地如紅絲；自矜諸馬皆不及，却憶百金新買時。香街紫陌鳳城內，行人見者誰不愛？揚鞭驟急白汗流，弄影行驕碧蹄碎。紫髯胡雛金鐙刀，平明驚出三驥高。櫪上看時獨意氣，象中牽出偏雄豪。騎將獵向南山口，城南狐兔不復有。草頭一點疾如飛，却使蒼鷹翻向後。懷昨看君朝未央，鳴珂擁蓋滿路香。始知邊將直富貴，可憐人馬相輝光。男兒稱意得如此，駿馬長鳴北風起。待君東去掃胡塵，爲君一日行千里。

郡齋閑望

負郭無良田，屈身徇微祿；平生好疎曠，何事執羈束？幸會趨丹墀，數載侍黃屋；故人盡榮寵，誰念此幽獨？州縣非宿心，雲山忻滿目；頃來廢章句，終日披案牘；佐郡竟何成，自徒悲碌碌。

簾闌使院懷王十秀才

王生今才人，時輩咸所仰；何當見顏色，終日勞夢想。驅車到闕下，欲往阻河廣；滿目徒春華，思君罷心賞。開門見太華，朝日映高堂；忽覺蓮花峰，別來更如長。無心願微祿，有意佳獨往；不負林中期，終當出塵網。

宿華陰郭東客舍憶闕防

次舍山郭近，解鞍鳴鐘時；主人炊新粒，行子充夜飢。關月生首陽，照見華陰祠；蒼茫秋山晦，蕭瑟寒松悲。久從園廬別，遂與朋知辭；舊壑蘭杜晚，歸軒今已遲。

田使君美人如蓮花北鏡歌（此曲本出北周城）

如蓮花，舞北鏡；世人有眼應未見，高堂滿地紅氍毹。試舞一曲天下無，此曲胡人傳入漢，諸客見之驚且歎。慢臉嬌蛾纖復濃，輕羅金縷花蔥籠；迴裾轉袖若飛雪，左鏡右鏡生旋風。琵琶橫笛和未布，花開山頭黃雲合；忽作出塞入塞聲，白草明沙寒颯颯。翻身入破如有神，前見後見回回新。始知諸曲不可比，採蓮落梅徒聒耳。世人

學舞只是舞，姿態豈能得如此？

衙郡守選

世事何反覆，一身難可料。頭白翻折腰，還家私自笑。所嗟無產業，妻子嫌不調。五斗米留人，東溪憶垂釣。

陪使君早春東郊游眺（得春字）

太守擁朱輪，東郊物候新。鶯聲隨坐嘯，柳色喚行春。谷口雲迎馬，溪邊水照人。郡中叨佐理，何幸接芳塵。

題魏州西樓

錯料一生事，蹉跎今白頭。縱橫皆失計，妻子也堪羞。明主雖能棄，丹心亦未休。愁來無去處，只上郡西樓。

魏州後亭送李判官使赴晉絳（得秋字）

西原驛路挂城頭，客散江亭雨未休。君去試看汾水上，白雲猶似漢時秋。

和賈舍人早朝大明宮

雞鳴紫陌曙光寒，鶯囀皇州春色闌。金闕曉鐘開萬戶，玉墀仙仗擁千官。花迎劍珮星初落，柳拂旌旗露未乾；獨有鳳皇池上客，陽春一曲和皆難。

行軍詩二首（時扈從在鳳翔）

吾竊悲此生，四十幸未老；一朝逢世亂，終日不自保。胡兵奪長安，宮殿生野草；傷心五陵樹，不見二京道。我皇在行軍，兵馬日浩浩；胡雛尚未滅，諸將懇征討。昨聞咸陽敗，殺戮淨如掃。積屍若丘山，流血漲澧澆。干戈礙鄉國，豺虎滿城堡。村落皆無人，蕭條空桑棗。儒生有長策，無處豁懷抱。塊然傷時人，舉首哭蒼昊。

早知逢世亂，少小謾讀書。悔不學彎弓，向東射狂胡。偶從諫官列，謬向丹墀趨。未能匡吾君，虛作一丈夫。撫劍傷世路，哀歌泣良圖。功業今已遲，攬鏡悲白鬚。平生抱忠義，不敢私微軀。

送許拾遺歸江寧

詔書下青瑣，駟馬還吳洲。京帛仍賜衣，辱波漲滄流。微祿將及親，向家非遠遊。看君五斗米，不謝萬戶侯。適出西掖垣，如到南徐州。歸心望海日，鄉夢登江樓。大江盤金陵，諸山橫石頭。楓樹隱茅屋，橘林繫歸舟。種藥疏故畦，釣魚垂舊鉤。對月京口夕，觀濤海門秋。天子憐諫官，論事不可休。早來丹墀下，高駕無淹留。

北庭北樓呈幕中諸公

嘗讀西域傳，漢家得輪臺。古塞千年空，陰山獨崔嵬。二庭近西海，六月秋風來。日暮上北樓，殺氣凝不開。大荒無鳥飛，但見白龍堆。舊國眇天末，歸心日悠哉。上將新破胡，西郊絕煙埃。邊城寂無事，撫劍空徘徊。幸得趨幕中，託身廁羣才。早知安邊計，未盡平生懷。

卷四

岑參下三十一首

使交河郡（郡在火山腳，其地苦熱，無雨雪，獻封大夫。）

奉使按胡俗，平明發輪臺。暮投交河城，火山赤崔嵬。九月尙流汗，炎風吹沙埃。何事陰陽工，不遣雨雪來。吾君方憂邊，分關資大才。昨者新破胡，安西兵馬回。鐵關控天涯，萬里何遑哉。煙塵不敢飛，白草空皚皚。軍中日無事，醉舞傾金盃。漢代李將軍，微功今可哈。

走馬川行奉送出師西行

君不見，走馬滄海邊。平砂莽莽黃入天。船臺九月風夜吼，一川碎石大如斗。隨風滿地石亂走，匈奴草黃馬正肥。金山西見煙塵飛，漢家大將西出師。將軍金甲夜不脫，半夜軍行戈相撥。風頭如刀面如割。馬毛帶雪汗氣

蒸，五花連錢旋作冰；幕中草檄硯水凝。虜騎聞之應膽懾，料知短兵不敢接，軍師西門佇獻捷。

熱海行送崔侍御還京（海中有赤鯉）

側聞陰山胡兒語，西頭熱海水如煮；海上衆鳥不敢飛，中有鯉魚長且肥。岸傍青草常不歇，空中白雲遙旋滅，蒸砂爍石燃虜雲，沸浪炎波煎漢月。陰火潛燒天地爐，何事偏烘西一隅？勢入月窟侵太白，氣連赤坂通單于。送君一醉天山郭，正見夕陽海邊落，柏臺霜威寒逼人，熱海炎氣爲君薄。

終南東溪中作

溪水碧於草，潺潺花底流；沙平堪濯足，石淺不勝舟。洗藥朝與暮，釣魚春復秋；興來從所適，還欲向滄洲。

酬成少尹駱角行見呈

聞君行路難，惆悵臨長衢；豈不憚險艱，王程剩相拘。憶昨蓬萊宮，新授刺史符；明主仍賜衣，價直千萬餘。何幸承命日，得與夫子俱；攜手出華省，連鑣赴長途。五馬當路嘶，按節投蜀都；千巖信縈折，一逕何盤紆。層冰滑征輪，密竹礙隼旟；深林迷昏旦，棧道陵空虛。飛雪縮馬毛，烈風擘我膚；峰攢望天小，亭午見日初。夜宿月近人，朝行雲滿車；泉澆石罅坼，火入松心枯。亞尹同心者，風流賢大夫；榮祿上及親，之官隨板輿。高價振臺閣，清詞出應徐；成都春酒香，且用俸錢沽。浮名何足道，海上堪乘桴。

韋員外家花樹歌

今年春似去年好，去年人到今年老；知人老去不及花，可惜落花君莫掃。君家兄弟不可當，列卿太史尙書郎；朝回花底常會客，花撲玉缸春酒香。

送盧郎中除杭州赴任

罷起郎官草，初分刺史符；海雲迎過楚，江月引歸吳。城底濤聲震，樓端蜃氣孤；千家窺驛舫，五馬飲春湖。柳

色供詩用，鶯聲送酒須；知君望鄉處，枉道上姑蘇。

趙少尹南亭送鄭侍御歸東臺（得長字）。

江亭酒翁香白而繡衣郎，砌冷蟲喧座簾疎。雨到床鐘催離興急，絃緩醉歌長。關樹應先落，隨君滿路霜。

過緱山王處士黑石谷隱居

舊居緱山下，偏識緱山雲。處士久不還，見雲如見君。別來餘十秋，兵馬日紛紛。青溪開戰場，黑谷屯行軍。遂令巢由輩，遠逐麋鹿羣。獨有南澗水，潺湲如昔聞。

奉送李太白兼御史大夫充渭北節度（卽太尉光弼弟）

詔出未央宮，登壇近總戎。上公周太保，副相漢司空。弓抱關西月，旗翻渭北風。弟兄皆許國，天地荷成功。

送祕書虞校書赴虞鄉丞

花綬傍腰新，關東縣欲春。殘書厭科斗，舊閣別麒麟。虞坂臨官舍，條山映吏人。看君有知己，坦腹向平津。

送王七錄事赴隰州

早歲卽相知，嗟君最後時。青雲仍未達，白髮欲成絲。小店關門樹，長河華岳祠。弘農人吏待，莫使馬行遲。

送懷州吳別駕

灤上柳枝黃，壘頭酒正香。春流飲去馬，暮雨濕行裝。驛路通函谷，州城接太行。覃懷人總喜，別駕得王祥。

太白胡僧歌（并序）

太白中峰絕頂，有胡僧，不知幾百歲，眉長數寸，身不製繒帛，衣以草葉，常持楞伽經，雲壁迥絕，人跡罕到。嘗東峰有鬪虎，弱者將死，僧杖而解之，西湫有毒龍，久而爲患，僧器而貯之，商山趙叟，前年採茯苓深入太白，偶值此僧，訪我而說，余恆有獨往之意，聞而悅之，乃爲歌曰：

聞有胡僧在太白，蘭若去天三百尺。一持楞伽入中峰，世人難見但聞鐘。甯邊錫杖解兩虎，床下鉢盂盛一龍。草衣不針亦不線，兩耳垂肩眉覆面。此僧年紀那得知，手種青松今十圍。心將流水日清淨，身與浮雲無是非。商山老人已曾識，願一見之何由得？山中有僧人不知，城裏看山空黛色。

青門歌送東臺張判官

青門金鑰平旦開，城頭日出使車回。青門柳枝正堪折，路傍一日幾人別？東出青門路不窮，驛樓官樹灞陵東。花撲征衣看似錦，雲隨去馬色疑驄。胡姬酒壺日未午，絲繩玉缸酒如乳。江頭花落沒馬蹄，昨夜微雨花成泥。鵬黃翅濕飛壓低，關東尺書醉嬾題。須臾望君不可見，揚鞭飛鞚疾於箭。借問使乎何時來，莫作東飛伯勞西飛燕。

送費子歸武昌

漢陽歸客悲秋艸，旅舍葉飛愁不掃。秋來倍憶武昌魚，夢著只在巴陵道。曾隨上將過祁連，離家十年恆在邊。劍鋒可惜虛用盡，馬蹄無事今已穿。知君開館常愛客，樽蒲百金每一擲。平生有錢將與人，江上故園空四壁。吾觀費子毛骨奇，廣眉大口仍赤髭。看君失路尚如此，人生貴賤那得知？高秋八月歸南楚，東門一壺聊出祖。路指鳳皇山北雲，衣沾鸚鵡洲邊雨。勿歎蹉跎白髮新，應須守道勿羞貧。男兒何必戀妻子，莫向江村老却人。

送張獻心充副使歸河西雜句

將門子，君獨賢，一從授命恆在邊。未年三十已高位，腰間金印色艷然。前日承恩白虎殿，歸來見者誰不羨。篋中賜衣十萬餘，案上軍書二千卷。看君智謀若有神，愛君詩句皆清新。澄湖萬頃深見底，清冰一片光照人。雲中昨夜使星動，西門驛樓出相送。玉餅素蟻臘酒香，金鞍白馬紫遊韉。花門南燕支北，張掖城頭雲正黑。送君一去天外憶。

送魏叔虹擢第歸東京因懷蘇校書陸律喬

井上桐葉赤，灞亭卷秋風。故人適戰勝，走馬歸山東。問君如今三十幾，能使香名滿人耳。君不見，三峰直上五千仞，見君文章亦如此。如君兄弟天下稀，雄詞健筆皆若飛。將軍金印鞞紫綬，御史鐵冠重繡衣。喬生作尉別來久，因君為問平安否。魏侯校理復何如，前日人來不得書。陸渾山水佳可賞，蓬閣閑時日應往。自料青雲未有期，誰知白髮偏能長。壘頭青絲白玉瓶，別時相顧酒初醒。搖鞭舉袂忽不見，千樹萬樹空蟬鳴。

長門怨

君王嫌妾妬，閉妾在長門。舞袖垂新寵，愁眉結舊恩。綠錢生履跡，紅粉濕啼痕。羞被桃花笑，看春獨不言。

宿關西客舍寄東山許一山人時天寶高道舉徵

雲送關西頭，風傳渭北秋。孤燈然客夢，寒杵搗鄉愁。灘上思嚴子，山中憶許由。蒼生今有望，飛詔下林丘。

尋少室張山人聞與偃師周明府同入都

中峰鍊金客，昨日遊人間。葉縣鳥共去，葛陂龍暫還。暮雲淩深木，秋雨懸空山。寂寂青溪裏，空餘丹竈閑。

題匡城周少府廳壁

婦姑城南風，雨秋婦姑城中人。獨愁愁雲遮却望鄉處，數日不上西南樓。故人薄暮公事閑，玉壺美酒虎魄

殷；
潁陽秋草今黃盡，醉臥君家猶未還。

杜公挽歌四首（銀青光祿大夫河西太守）

堂叟悲藏壑，殷宗惜濟川。長安非舊日，京兆是新阡。黃霸官猶屈，蒼生望已愆。唯餘卿月在，留向杜陵懸。鼓吹城中出，墳塋郭外新。雨隨思太守，雲慘送夫人。蒿里埋雙劍，松門閉萬春。回瞻北堂上，金印已生塵。憶昨明光殿，新承天子恩。剖符移北地，受鉞領西門。塞草迎軍幕，邊雲拂使軒。至今聞隴外，戎虜尚亡魂。

漫漫澄波闊，耿耿大廈深；秉心常匪石，行義每揮金。汲引窺蘭室，招攜入翰林；多君有令子，猶注世人心。

輪臺歌奉送封大夫出師西征

輪臺城頭夜吹角，輪臺城北旄頭落。羽書昨夜過渠黎，單于已在金山西；戍樓西望煙塵黑，漢兵屯在輪臺北。上將擁旄西出征，平明吹笛大軍行；四邊伐鼓雪海湧，三軍大呼陰山動。虜塞兵氣連雲屯，戰場白骨纏草根；劍河風急雪片闊，沙口石凍馬蹄脫。亞相勤王甘苦辛，誓將報主靜邊塵；古來青史誰不見？今見功名勝古人。

白雪歌送武判官

北風卷地百草折，胡天八月即飛雪。忽如一夜春風來，千樹萬樹梨花開。散入珠簾濕羅幕，狐裘不暖錦衾薄。將軍角弓不得控，都護鐵衣冷難著。瀚海闌干千尺冰，愁雲慘澹萬里凝。中軍置酒飲歸客，胡兒琵琶與羌笛。紛紛暮雪下轅門，風掣紅旗凍不翻。輪臺東門送君去，去時雪滿天山路。山回路轉不見君，雪上空留馬行處。

送張都尉歸東都

白羽綠弓絃，年年祇在邊。還家劍鋒盡，出塞馬蹄穿。逐虜西踰海，平胡北到天；封侯應不遠，燕領豈徒然？

行軍九日思長安故園時未收長安

強欲登高去，無人送酒來，遙憐故園菊，應傍戰場開。

送賈侍御使江外

新騎驄馬復承恩，使出金陵過海門。荆南渭北難相見，莫惜衫襟著酒痕。

儲光義二十一首（魯人，天寶末，爲監察御史。安祿山任僞官，賊平貶死。）

新豐道中作

西下長樂坂，東入新豐道。雨多車馬稀，道上生秋草。太陰蔽皋陸，莫知晚與早。雲雷奮冥冥，川谷漫浩浩。詔

書植嘉木（二十八年有詔種果）衆言桃李好；自願無此容，歸從漢陰老。

羣鴉詠

新宮驪山陰，龍袞時出豫；朝陽照羽儀，清吹肅逵路。羣鴉隨天車，夜滿新豐樹；所思在腐餘，不復憂霜露。河低宮閣深，燈隱鼓鍾曙；繽紛起寒枝，矯翼時相顧。家宰收琳琅，侍臣盡鷄鶩；高舉摩太清，永絕澗激懼。茲禽亦翔翔，不以微小故。

野田黃雀

嘖嘖野田雀，不知軀體微；閑穿深蒿裏，爭食復爭飛。窮老一類舍，棄多桑樹稀；無巢猶可食，無桑何以衣？條空倉暮，相引時來歸；邪路豈不捷，渚田豈不肥？水長路且負，惻惻與心違。

效古

東風吹大河，河水如倒流；河洲沙塵起，有若黃雲浮。頽霞燒廣澤，供曜赫高丘；野老泣相逢，無地可蔭庠。翰林有客卿，獨負蒼生憂；中夜起躑躅，思欲獻厥謀。君門峻且深，跼足空夷猶。

尚書省聽誓誠胎太廟裴丞

皇家有恆憲，齋祭崇明祀；嚴車伊洛間，受誓文昌裏。沉沉雲閣見，稍稍城烏起；曙色照衣冠，虛庭鳴劍履。徘徊念私覲，悵望臨清汜；點翰欲何言，相思從此始。

田家卽事

蒲葉日已長，杏花日已滋；老農要看此，貴不違天時。迎晨起飯牛，雙駕耕東菑；蚯蚓土中出，田烏隨我飛。羣合亂啄噪，嗷嗷如道飢；我心多惻隱，顧此兩傷悲。撥食與田烏，日暮空筐歸；親戚更相誚，我心終不移。

田家雜興二首

王安石唐百家詩選 卷四

三八

春至鷓鴣鳴，薄言向田墅，不能自力作，黽勉娶鄰女。既念生子孫，方思廣園圃。閑時相顧笑，喜悅好禾黍。夜登嘯臺，南望洞庭渚。百草被霜露，秋山響砧杵。却羨故年時，中情無所取。

梧桐蔭我門，薜荔網我屋。超超兩夫婦，朝出暮還宿。稼穡既自種，牛羊還有牧。日旰蠟耕鋤，登高望川陸。空山足禽獸，墟落多喬木。白馬誰家兒，聯翩相馳逐。

楚山有高士，梁國有遺老。築室既相鄰，向田復同道。糧糈常共飯，兒孫每更抱。忘此耕耨勞，媿彼風雨好。蟪蛄鳴空澤，鷓鴣傷秋草。日夕寒風來，衣裳苦不早。

同王十三維偶然作四首

野老本貧賤，冒暑鋤瓜田。一畦未及終，樹下高枕眠。荷篠者誰子，幡幡來息肩。不復問鄉墟，相見但依然。腹中無一物，高話羲皇年。落日臨層隅，逍遙望晴川。使婦提蠶筐，呼兒榜魚舫。悠悠泛綠水，去摘浦中蓮。蓮花豔且美，使我不能還。

仲夏日中時，草木看欲焦。田家惜功力，把鋤來東皋。顧望浮雲陰，往往誤傷苗。歸來悲困極，兄姪相共饒。無錢可沽酒，何以解劬勞。夜深星漢明，庭宇虛寥寥。高柳三五株，可以獨逍遙。

浮雲在虛空，隨風復卷舒。我心方處順，動作何憂虞。但言嬰世網，不復得閑居。超遞別東國，超遙來西都。見人乃恭敬，曾不問賢愚。雖若不能言，中心亦難誣。故鄉滿親戚，道遠情日疎。偶欲陳此意，復無南飛魚。

北山種松柏，南山種蒺藜。出入雖同趣，所向各有宜。孔丘貴仁義，老氏好無爲。我心若虛空，此道將安施。暫過伊闕間，晚三伏時。高閣入雲中，芙蓉滿清池。要自非我室，還幸南山陲。

貽余處士

故園至新浦，遙復未百里。北望是他邦，紛吾即遊士。潮來津門啓，罷檝信流水。客意乃成歡，舟人亦相喜。遲

遲菱葍上，泛泛菰蒲裏；漸聞商旅喧，猶見鵝鷺起。市亭忽雲構，方物如山峙；吳王昔喪元，隋帝又滅祀。停艦一以眺，太息興亡理。秋苑故池田，宮門新柳杞。我行苦炎月，乃及清昊始。此地日逢迎，終思隱君子。莫言異卷舒，形音在心耳。

泊舟貽潘少府（時潘少府在後浦）

行子苦風潮，維舟未能發。宵分卷前幔，臥視清秋月。四澤葭葦深，中洲煙火絕。蒼蒼水霧起，落落疎星沒。所遇盡漁商，與言多楚越。其如念極浦，又以思明哲。常若千里餘，况之異鄉別。

幽居

幽人下山徑，去去夾青林。滑處莓苔濕，暗中蘿薜深。春朝煙雨散，猶帶浮雲陰。

薔薇篇

裊裊長數尋，青青不作林。一莖獨秀當庭心，數枝分作滿庭陰。春日遲遲欲將半，庭影踰踰正堪翫。枝上鶯嬌不畏人，葉裏蛾飛自相亂。秦家女兒愛芳菲，畫眉相喚採菱蕤。高處紅鬢欲就手，低邊綠刺已牽衣。蒲桃架上朝光滿，楊柳園中暝鳥飛。連袂蹋歌從此去，風吹香氣逐人歸。

臨江亭

晉家南作帝，京鎮北爲關。江水中分地，城樓下帶山。金陵事已往，青蓋理無還。落日空亭上，愁看龍尾灣。

仲夏入園東陂

方塘深且廣，伊昔俯吾廬。環岸垂綠柳，盈潭發紅蕖。上延北原秀，下屬幽人居。暑雨若混沌，晴明如空虛。此鄉多隱逸，水陸見樵漁。廢賞亦何貴，爲歡良易據。且言重觀國，當此賦歸歟。

洛橋送別

王安石唐百家詩選 卷四

四〇

河橋送客舟，河水正安流；遠見輕橈動，遙憐故國遊。海禽逢早厲，江月值新秋；一聽南津曲，分明散別愁。

題山中流泉

山中有流水，借問不知名；映地爲天色，飛空作雨聲。轉來深澗滿，分出小池平；恬澹無人見，年年長自清。

崔國輔二首

古意

歸來日向早，却欲向芳洲；渡口水流急，回舟不自由。

對酒吟

行行日將夕，荒村古冢無人跡；蒙籠荆棘一鳥飛，屢唱提壺酤酒喫。古人不逢酒不足，遺恨精靈傳此曲；寄言世上諸少年，平生且盡杯中醪。

崔顥七首（天寶中，爲尚書司勳員外郎）

黃鶴樓

昔人已乘黃鶴去，此地空餘黃鶴樓；黃鶴一去不復返，白雲千載空悠悠。晴川歷歷漢陽樹，春草萋萋鸚鵡洲；日暮鄉關何處是，煙波江上使人愁。

長安道

長安甲第高入雲，誰家居住霍將軍；日晚朝回擁賓從，路旁拜揖何紛紛。莫言炙手手可熱，須臾火盡灰亦滅；莫言貧賤即可欺，人生富貴自有時。一朝天子賜顏色，世上悠悠應始知。

渭城少年行二首

洛陽二月梨花飛，秦地行人春憶歸。揚鞭走馬城南陌，朝逢驛使秦川客。驛使前日發章臺，傳道長安春早

來；棠梨宮中燕初至，蒲桃館裏花正開。念此使人歸更早，三月便達長安道。長安道上春可憐，搖風蕩日曲江邊；萬戶樓臺臨渭水，五陵花柳滿秦川。

秦川寒食感繁華，游子春來喜見家；鬪雞下杜塵初合，走馬章臺日半斜。章臺帝城稱貴里，青樓日晚歌鐘起。貴里豪家白馬驕，五陵年少不相饒；雙雙被彈來金市，兩兩鳴鞭上渭橋。渭橋壘頭酒新熟，金鞍白馬誰家宿。可憐錦瑟華琵琶，玉壺清酒就君家。小婦春來不解羞，嬌歌一曲楊柳花。

江南曲二首

君家何處住，妾住在橫塘。停船暫借問，或可是同鄉。
下渚多風浪，蓮舟欲漸稀。那能不相待，獨自逆潮歸。

定襄郡獄

我在河東時，使往定襄里。定襄諸小兒，諍訟喧城市。長老莫敢言，太守不能理。謗書盈几案，文墨相填委。牽引肆中翁，追呼田家子。我來折此獄，師聽辨疑似。小大必得情，未嘗施鞭捶。是時三月暮，遍野農桑起。里巷鳴春鳩，田園引流水。此鄉多雜俗，戎夏殊音旨。顧問邊塞人，勞情曷云已？

陶翰一首

塞下曲

進軍飛狐北，窮寇勢將變。日落沙塵昏，背河更一戰。駿馬黃金勒，彫弓白羽箭。射殺左賢王，歸奏未央殿。欲言塞下事，天子不召見。東出咸陽門，哀哀淚如霰。

常建二首（大曆中，爲盱眙尉。）

弔王將軍

王安石唐百家詩選 卷四

嫖姚北伐時，深入強千里；戰餘落日黃，軍敗鼓聲死。嘗聞漢飛將，可奪單于壘；今與山鬼鄰，殘兵哭遼水。

題破山寺後禪院

清晨入古寺，初日朗高林；竹迳通幽處，禪房花木深。山光悅鳥性，潭影空人心；萬籟此都寂，但餘鍾磬音。

春詞

宛宛黃柳絲，濛濛雜花垂；日高紅妝臥，倚對春光遲。甯知傍淇水，驪裘黃金羈。

卷五

王昌齡二十三首

塞上曲二首

蟬鳴空桑林，八月蕭關道；出塞入塞雲，處處黃蘆草。從來幽并客，皆向沙場老；莫學遊俠兒，矜誇紫騮好！
邊頭何慘慘，已葬霍將軍；部曲皆相弔，燕南代北聞。功勳多被黜，兵馬亦尋分；更遣黃頭戍，唯當哭塞雲。

長信愁

奉帚平明秋殿開，且將團扇共徘徊；玉顏不及寒鴟色，猶帶昭陽日影來。

放歌行

南渡洛陽津，西望十二樓；明堂坐天子，月朔朝諸侯。清樂動千門，皇風被九州；慶雲從東來，袂漭抱日流。昇平貴論道，文墨將何求？有詔徵草澤，微誠將獻謀。冠冕如星羅，拜揖曹與周；孽塵非吾事，入賦且遲留。幸蒙國士識，因脫負薪裘；今者放歌行，以慰梁甫愁。但營數斗祿，奉養每豐羞；願得金膏送，飛雲亦可儔。

長歌行

曠野饒悲風，颼颼多蒿草。擊馬倚白楊，誰知我懷抱。所是同袍者，相逢盡衰老。況登漢家陵，南望長安道。上有枯樹根，下有石鼠窠。高皇子孫盡，千載無人過。寶玉頻發掘，精靈其奈何。人生須信命，有酒且長歌。

青樓曲

白馬金鞍從武皇，旌旗十萬宿長楊。樓頭小婦鳴箏坐，遙見飛塵入建章。

塗篋引

盧溪郡南夜泊舟，夜聞南岸羌戎謳。其時月黑猿啾啾，微雨霑衣令人愁。有一遷客登高樓，不言不寐彈箏篋；彈作薊門桑葉秋，風沙颯颯青塚頭。將軍鐵騾汗血流，深入匈奴戰未休；黃旂一點兵馬收，亂殺胡人積如丘。瘡病驅來役邊州，仍披漢北羊羔裘。顏色飢枯掩面羞，眼眶淚滴深兩眸。還思本鄉食鼈牛，欲語不得指咽喉；或有強壯能啣嘍，意說被他邊將讎。五世屬蕃漢，主留碧毛氈障河曲遊；蒙駝五萬部落稠，勅賜飛鳳金兜鍪。爲君百戰如過籌，靜掃陰山無鳥投。家藏鐵券特承優，黃金十斤不稱求。九族分離作楚囚，深溪寂寞絃苦幽；草木悲感聲颼颼，僕本東山爲國憂。明光殿前論九疇，簾讀兵書盡冥搜；爲君掌上施權謀，洞曉山川無與儔。紫宸發詔遣懷柔，搖筆飛箱如奪鉤。鬼神不得知其由，憐愛蒼生比蚍蜉。朔河屯兵須漸抽，盡遣降來拜御溝；便令海內休戈矛，何用班超定遠侯。史臣書之得已不。

從軍行

向夕臨大荒，朔風輪歸虜；平沙萬餘里，飛鳥宿何處。虜騎獵長原，翩翩傍河去；邊聲搖白草，海氣生黃霧。百戰苦風塵，十年履霜露；雖投定遠筆，未坐將軍樹。早知行路難，悔不理章句。

出塞行

白花垣上望京師，黃河水流無盡時；窮秋曠野行人絕，馬首東來知是誰？

王安石唐百家詩選 卷五

四四

採蓮曲

荷葉羅裙一色裁，芙蓉向臉兩邊開；亂入池中看不見，聞歌始覺有人來。

諸官遊招隱寺

山館人已空，青蘿換風雨；自從永明世，月向龍宮吐；鑿井長幽泉，白雲今如古；應真坐松柏，錫杖掛懸戶；口云七十餘，能救諸有苦；回指崑樹花，如聞道場鼓；金色身壞滅，真如性無主；僚友同一心，清光遺誰取？

沙苑南渡頭

秋霧連雲白，歸心浦渚懸；津人空守纜，村館復臨川；峰隔蒼茫雨，波通瀆淥田；孤舟未得濟，入夢在何年？

鄭縣宿陶大公館贈馮六元二

儒有輕王侯，脫略當世務；本家藍溪中，非爲漁弋故；無何困躬耕，且欲馳永路；幽居與君近，出谷同所鶩；昨日辭石門，五年變秋露；雲龍未相感，干謁亦已屢；子爲黃綬羈，余忝蓬山顧；京門望西岳，百里見郊樹；飛雨祠上來，鶴然關中暮；驅車鄭城宿，秉燭論往素；山月出華陰，開此河渚霧；清光比故人，谿達展心晤；馮公尚戢翼，元子仍跼步；拂衣易爲高，論迹難有趣；張范善始終，吾等豈不慕；罷酒當涼風，屈伸備冥數。

和振上人秋夜懷士會

白露傷草木，山風吹夜寒；遙林夢親友，高興發雲端；（一作崑嶽）郭外秋聲急，城邊月色殘；瑤琴多遠思，更爲客中彈。

寄穆侍御出幽州

一從恩譴度瀟湘，江北江南萬里長；莫道薊門書信少，鴈飛猶得到衡陽。

寫上閑居

鴻都有歸客，偃臥滋陽村；軒冕無枉顧，清川照我門。空林網夕陽，寒鳥赴荒園；廓落時得意，懷哉莫與言。前有孤鶴，欲啄常翻翻；爲我銜素書，弔彼顏與原。二君既不朽，所以慰其魂。

初日

初日淨金闈，先照牀前暖；斜光入羅幕，稍稍親絲管；雲髮不能梳，楊花更吹滿。

採蓮

越女作桂舟，還將桂爲檝；湖上水渺漫，清江初可涉。摘取芙蓉花，莫摘芙蓉葉；將歸問夫婿，顏色何如妾？

出塞

秦時明月漢時關，萬里長征人未還；但使盧城飛將在，不教胡馬度陰山。

同李四倉曹宅夜飲

霜天留飲故情歡，銀燭金爐夜不寒；欲問吳江別來處，青山明月夢中看。

送韋十四兵曹

縣職如長纆，終日檢我身；平明趨郡府，不得展故人。故人念江湖，富貴如埃塵；迹在戎府掾，心遊天台春。獨立浦邊鶴，白雲長相親；南風忽至吳，分散還入秦。寒夜天光白，海靜月色真；對坐論歲暮，絃歌起無因。平生馳驅分，非謂杯酒仁；出處兩不合，忠貞何由申？看君孤舟去，且欲歌垂綸。

別李南浦之京

故園今在灤陵西，江畔逢君醉不迷；小弟鄰莊尚漁獵，一封書寄數行啼。

閨怨

閨中少婦不曾愁，春日凝粧上翠樓；忽見陌頭楊柳色，悔教夫婿覓封侯。

王安石唐百家詩選 卷五

四六

李頎二十四首

宋少府東溪泛舟

登岸還入舟，水禽驚笑語。晚葉低衆色，濕雲帶繁暑。落日乘醉歸，溪流復幾許？

祭公院各賦一物得初荷

微風和衆草，大葉長圓陰。暗露珠垂合，夕陽花影深。從來不著水，清淨本因心。

題璿公山池

達公遁跡廬山岑，開山幽居祇樹林。片石孤峰窺色相，清池白月點禪心。指揮如意天花落，坐臥閑房春草深。此外俗塵都不染，唯餘女度得相尋。

題盧五舊居

物在人亡無見期，閑庭繫馬不勝悲。窗前綠竹生空地，門外青山如舊時。悵望秋天鳴墜葉，巘岈枯柳宿寒鷗。憶君淚落東流水，歲歲花開知爲誰？

二妃廟送裴侍御使桂陽

沉上秋草色，蒼蒼弄女祠。無人見精魄，萬古寒猿悲。桂水身歿後，椒漿神降時。回雲迎赤豹，颺雨驟文螭。受命出炎海，焚香徵楚詞。乘驄感遺跡，一弔清川湄。

欲之新鄉答崔顥蔡母潛

數年作吏家屢空，雖道黑頭成老翁。男兒在世無產業，行子出門如轉蓬。吾屬交歡此何夕？南家持衣動歸客。銅爐將炙相歡飲，星宿縱橫露華白。寒風卷葉度滄池，飛雪覆地悲峨峨。孤城日落見棲鳥，馬上時聞漁者歌。明朝東路把君手，臘日辭君期歲首。自知寂寞無去思，敢望縣人致牛酒。

李兵曹壁畫山水各賦得桂水帆

片帆在桂水，落日天涯時。飛鳥看共度，閑雲相與遲。長波無曉夜，泛泛欲何之？

王母歌

武皇齋戒承華殿，瑞拱須臾王母見。霓旌照耀騏驎車，羽蓋淋漓孔雀扇。手指玄梨遣帝食，可以長生臨寓縣。頭上復戴九星冠，總領玉童坐南面。欲聞要言今告汝，帝乃焚香請此語。若能鍊魄去三尸，後當見我天皇所。願謂侍女董雙成，酒闌可奏雲和笙。紅霞白日儼不動，七龍五鳳紛相迎。惜哉志驕神不悅，歎息馬蹄與車轍。複道歌鍾杳將暮，深宮桃李花成雪。爲看青玉五枝燈，蟠螭吐火光已絕。

古從軍

白日登山望烽火，昏黃飲馬傍交河。行人刁斗風砂暗，公主琵琶幽怨多。野營萬里無城郭，雨雪紛紛連大漠。胡雁哀鳴夜夜飛，胡兒眼淚雙雙落。聞道玉門猶被遮，應將性命逐輕車。年年戰骨埋荒外，空見蒲桃入漢家。

晚歸東園二首

出郭喜見山，東行亦未遠。夕陽帶歸鷺，靄靄秋稼晚。樵者乘蹇歌，野人及星飯。請謝朱輪客，垂竿不復返。荆扉帶郊郭，稼穡向東菑。倚杖寒山暮，鳴梭秋葉時。迴雲覆陰谷，返景照霜梨。澹泊真吾事，清風別有資。

裴尹東溪別業

公才廊廟器，官亞河南守。別墅臨都門，驚滯激前後。舊交與羣從，十日一攜手。幅巾望寒山，長嘯對高柳。清歡信可尚，散吏亦何有？岸雪青城陰，水光搖林首。閑觀野人筏，或飲川上酒。幽雲澹徘徊，白鷺飛左右。庭竹垂臥內，村煙隔南阜。始知物外情，簪紱固芻狗。

送裴母三謁房給事

王安石唐百家詩選 卷五

四七

夫子大名下，家無鍾石儲。惜哉湖海上，曾校蓬萊書。外物非本意，此生空澹如。所思但乘興，遠適唯單車。高道時坎軻，舊交願吹噓。徒言青瑣闥，不受承明廬。百里人戶滿，片言諍訟疎。手持蓮花經，目送飛鳥餘。晚景南路別，炎雲中伏初。此行儻不遂，歸食蘆洲魚。

送劉昱

八月寒荻花，秋江浪頭白。北風吹五兩，誰是潯陽客。鸕鷀山頭微雨晴，楊州郭裏暮潮生。行人夜宿金陵渚，試聽砂邊南鴈聲。

送郝判官

楚城木葉落，夏口青山遍。鴻鴈向南時，君乘使者傳。楓林帶水驛，夜火明山縣。千里送行人，蔡州如眼見。江連清漢東逶迤，遙望荆雲相蔽虧。應問襄陽舊風俗，爲余騎馬習家池。

聖善閣送裴迪入京

雪華斂高閣，苔色上鉤欄。藥草空階靜，梧桐返照寒。清吟可愈疾，攜手暫同歡。墜葉和金磬，飢鳥鳴露盤。伊川惜東別，瀾水向西看。舊託含香署，雲霄何足難。

贈別張兵曹

漢家蕭相國，功蓋五諸侯。勳業河山重，丹青錫命優。君爲禁鬱壘，爭看玉人遊。荀令焚香日，潘郎振藻秋。新成雞鶩賦，能衣鸕鷀裘。不憚軒車遠，仍尋蘿薛幽。苑（一作花）梨飛絳葉，伊水淨寒流。雪滿故關道，雲遮祥鳳樓。一身輕寸祿，萬物任虛舟。別後如相問，滄波雙白鷗。

放歌行答從弟墨卿

小來好文耽專武，世上功名不解取。雖霑寸祿已後時，徒欲出身事明主。栢梁賦詩不及寔，長楸走馬誰相

數斂述俛眉心甘，高歌擊節聲半苦。由是蹉跎一老夫，養雞牧豕東城隅。空歌漢代蕭相國，豈事霍家馮子都？
虛爾當年聲籍籍，濫作詞林兩京客。故人酒客安陵橋，黃鳥春風洛陽陌。吾家令弟才不羈，五言破鑄人共推。興
來逸氣如瀉湧，千里長江歸海時。別離短景何蕭索，佳句相思能間作。舉頭遙望魯陽山，木葉紛紛向人落。

同員外（闕一字）誣酬答之作

洛中高士日沉冥，手自灌園方帶經。王湛淋頭見周易，張康傳裏好丹青。鶻冠草屨無名位，博奕賦詩聊遣
意；清言只到衛家兒，用筆能誇鍾太尉。東籬二月種蘭蓀，窳巷人稀烏鵲喧。聞道官郎問生事，肯令鬢髮老柴門？

夏宴張兵曹東堂

重林華屋堪避暑，況乃烹鮮會嘉客。主人三十朝大夫，滿座森然見矛戟。北窗臥簾連心花，竹裏蟬鳴西日
斜，羽扇搖風却珠汗。玉盃貯水割甘瓜，雲峰峨峨自冰雪。坐對芳鱗不知熱，醉來但掛葛巾眠。莫道明朝有離別！

答高三十五留別便呈于十一

累薦賢良皆不就，家近陳留訪耆舊。韓康雖復在人間，王霸終思隱農岫。清冷池水灌園蔬，萬物滄江心澹
如。妻子歡同數株柳，雲山老對一牀書。昨日公車見三事，明君賜衣遣爲吏。懷章不使郡邸驚，待詔初從闕庭至。
散誕由來自不羈，低頭授職爾何爲？故園壁掛烏紗帽，官舍塵生白接離。寄書寂寂於陵子，蓬蒿沒身胡不仕。羹
藜被褐環堵中，歲晚將貽故人取。

古行路難

漢家名臣楊德祖，四代五公享茅土。父兄子弟綰銀黃，躍馬鳴珂朝建章。火浣單衣繡方領，茱萸錦帶玉盤
囊；賓客填街復滿座，片言出口生輝光。世人逐勢爭奔走，漉膽斫肝唯恐後。當時一顧登青雲，自謂生死長隨君。
一朝謝病還鄉里，窮巷蒼苔絕知己。秋風落葉閉重門，昨日論交竟誰是。薄俗嗟嗟難重陳，深山麋鹿下爲鄰。魯

王安石唐百家詩選 卷五

五〇

連所以蹈滄海，古往今來稱達人。

送廬少府赴延陵

問君從宦所，何日府中趨。遙指金陵縣，青山天一隅。行人懷寸祿，小吏獻新圖。北固波濤險，南天風俗殊。春山連橘柚，晚景媚菰蒲。漠漠花生渚，亭亭雲過湖。灘沙映村火，水霧斂橋烏。回首東門路，鄉書不可無。

送馬錄事赴永嘉

子爲郡從事，主印清淮邊。談笑一州裏，從容羣吏先。手持三尺令，決遣如流泉。太守旣相許，諸公誰不然？孤城臨海樹，萬室帶山煙。春日溪湖淨，芳洲葭菼連。炊飯蟹螯熟，下筍鱸魚鮮。野鶴宿簷際，楚雲飛面前。聽歌送離曲，且駐木蘭船。贈爾入行字，當聞嘉政傳。

戎昱十六首（建中中，爲虔州刺史。）

羅江舍

山縣秋雲闌，茅亭暮雨寒。自傷庭葉下，誰問客衣單？有興時添酒，無聊嬾整冠。近來鄉國夢，夜夜到長安。

採蓮曲

雖聽採蓮曲，詎識採蓮心。漾楫愛花遠，回船愁浪深。煙生極浦色，日落半江陰。同侶憐波靜，看耕墮玉簪。潯陽女兒花滿頭，麴糵同泛木蘭舟。秋風日暮南湖裏，爭唱菱歌不肯休。

聞笛

入夜歸思切，笛聲寒更哀。愁人不願聽，自到枕前來。風起塞雲斷，夜深關月開。平明獨惆悵，飛盡一庭梅。

漢上題韋氏莊

結茅同楚客，卜築漢江邊。日落數歸鳥，夜深聞扣舷。水痕侵岸柳，山翠借廚煙。調笑提筐婦，春來蠶幾眠？

閨情

側聽宮官說，知君寵尚存；未能開笑頰，先欲換愁魂。寶鏡窺妝影，紅衫裏淚痕；昭陽今再入，寧敢恨長門。

長安秋夕

八月更漏長，愁人起常早；閉門寂無事，滿院生秋草。昨夜西窗夢，夢行荆南道；遠客歸去來，在家貧亦好。

衡陽春日遊僧院

會共劉謫議，同時事道林；與君相掩淚，來客豈知心？堦雪凌春積，爐煙向暝深；依然舊童子，相送出花林。

玉臺體題湖上亭

湖入縣西邊，湖頭勝事偏；綠竿初長筍，紅艷未開蓮；蔽日高高樹，迎人小小船；清風長入坐，夏月似秋天。

早梅

一樹寒梅白玉條，迴臨村路傍溪橋；應緣近水花先發，疑是經春雪未銷。

移家別湖上亭

好是春風湖上亭，柳條藤蔓繫離情；黃鸝久住渾相識，欲別頻啼四五聲。

客堂秋夕

惡；
隔窗螢影滅復流，北風微雨虛堂秋；蟲聲竟夜引鄉淚，蟋蟀何知人自愁；四時不得一日樂，以此方悲客遊
惡（一作客牢落）寂寂江城無所聞，梧桐葉上偏蕭索。

湖南雪中留別

草草還草草，湖東別離早；何處愁殺人，歸鞍雪中道；出門迷轍跡，雲水白浩浩；明日武陵西，相思鬢堪老。

贈別張駙馬

上元年中長安陌，見君朝下欲歸宅；飛龍騎馬三十匹，玉勒雕鞍照初日。數里衣香遙撲人，長衢雨歇無纖塵；從奴斜抱勃賜錦，雙雙感出金麒麟。天子愛婿皇后弟，獨步明時負權勢。一身扈蹕承殊澤，甲第朱門聳高戟；鳳凰樓上伴吹簫，鸚鵡杯中醉留客。泰去否來何足論，宮中晏駕人事翻。一朝負讎辭丹闕，五年待罪湘江源。冠冕淒涼幾遷改，眼看桑田變成海；華堂金屋別賜人，細眼黃頭總何在。清宮相見寸心悲，嬾欲今時問昔時；看君風骨殊未歇，不用愁來雙淚垂。

苦哉行（寶應中作）

妾家清河邊，七葉承貂蟬；身爲最小女，偏得渾家憐。親戚不相識，幽閨十五年；有時最遠出，祇到中門前。前年狂胡來，懼死翻生全；今秋官軍至，有意遭戈鋌。匈奴爲先鋒，長奔黃髮拳；彎弓獵生人，百步牛羊羶。脫身落虎口，不及歸黃泉；苦哉難重陳，暗哭蒼蒼天。

涇州觀元戎出師

寒日征西將，蕭蕭萬馬叢；吹笳覆樓雪，祝纛滿旗風。遮虜黃雲斷，燒荒白草空；金鏡肅天外，玉帳靜霜中。朔野長城閉，河源舊路通；衛青師自老，魏絳賞何功。槍壘依沙迴，轅門壓塞雄；燕然如可勒，萬里願從公。

從軍行

昔從李都尉，雙鞬照馬蹄；擒此黑山北，殺敵黃雲西。太白沉虜地，邊草復萋萋；歸來邯鄲市，百尺青樓梯。感激然諾重，平生膽力齊；芳筵暮歌發，豔粉輕鬟低。半酣秋風起，鐵騎門前嘶；遠戎報烽火，孤城嚴鼓鼙。揮鞭望塵去，少婦莫含啼！

感懷弟妹

今日春氣暖，東風杏花坼。筋力久不如，却羨澗中石。神仙杳難準，中壽稀滿百。逐世多夭傷，喜見鬢髮白。杖藜竹樹間，宛宛舊行跡。豈非林園主，却是林園客。兄弟可存半，空爲亡者惜。冥冥無再期，哀哀望松柏。骨肉能幾入，年大自疎隔。性情誰免此，與我不相易。唯念得爾輩，時看慰朝夕。平生茲已矣，此外盡非適。

贈史修文

故人阻千里，會面非前期。握手於此地，當歡返成悲。念離宛猶昨，俄已經於茅。疇昔皆少年，別來髮如絲。不道舊姓名，相逢知是誰。曩遊盡騫耆，與君仍布衣。豈曰無其才，命理應有時。前路漸欲少，不覺生涕洟。

懷中言懷

聖朝優賢良，草澤無遺匿。人生各有命，在余胡不淑。一生但區區，五十無寸祿。衰退當棄捐，貧賤招禍讟。栖栖去人世，屯蹶日窮迫。不如守田園，歲晏望豐熟。壯年失宜盡，老大無筋力。始愴前計非，將貽後生福。童兒新學稼，少女未能織。顧此煩知己，終日求衣食。

山中作

棲隱非別事，所願離風塵。不辭城邑遊，禮樂拘束人。爾來歸山林，庶事皆吾身。何者爲形骸，辨智與諸仁。寂寞了閑事，而後知天真。咳唾矜崇華，迂俯相屈伸。如何巢與由，天子不知臣。

王季友二首

別李季友

栖鳥不戀枝，嗜嗜在同聲。行子馳出戶，依依主人情。昔時霜臺鏡，醜婦羞爾形。閉匣二十年，皎潔常猶明。今

王安石唐百家詩選 卷六

五四

日照離別，前途白髮生。

寄韋子春

出山秋雲曙，山木已再春。食我山中藥，不憶山中人。山中誰余密，白髮惟相親。雀鼠晝夜無，知我廚廩貧。依北舍松，不厭吾南鄰。有情盡棄捐，土石爲同身。

于邈二首

野外作

老病無樂事，歲秋悲更長。窮郊日蕭索，生意已蒼黃。小弟髮亦白，兩男俱不強。有才且未達，況我非賢良。幸以朽鈍姿，野外老風霜。寒鷗噪晚景，喬木思故鄉。魏人宅蓬池，結網佇鱸魴。水清魚不來，歲暮空彷徨。

憶舍弟

衰門少兄弟，兄弟唯兩人。飢寒各流淚，感念傷我神。夏期秋未來，安知無他因。不怨別天長，但願見爾身。茫茫天地間，萬類各有親。安知汝與我，乖隔同胡秦。何時對彤影，懣懣當共陳。

孟雲卿五首

古樂府挽歌

草草門巷喧，塗車儼成位。冥冥何得盡，載我生人意。北邙路非遠，此別終天地。臨穴頻撫棺，至哀反無淚。爾形未衰老，爾息猶童稚。骨肉安可離，皇天若容易。房帷卽靈帳，庭宇爲哀次。薤露歌若斯，人生盡如寄。

今別離

結髮生別離，相思復相保。如何日已遠，五變中庭草。渺渺天海途，悠悠吳江島。但恐不出門，出門無遠道。遠道行既難，家貧衣服單。嚴風吹積雪，晨起鼻何酸。人生爲有志，豈不懷所安。分明天上日，生死誓同歡。

悲哉行

孤兒去慈親，遠客喪主人。莫吟苦辛曲！此曲誰忍聞？可聞不可見，去去無影跡；行人念前程，不待參辰沒。朝亦常苦飢，暮亦常苦飢，飄飄萬餘里，貧賤多是非。少年莫遠遊，遠遊多不歸。

古別離

朝日上高臺，離人愁秋草；如見萬里天，不見萬里道。含酸欲誰訴？轉轉傷懷抱；君行本遙遠，苦樂良難保。宿昔夢同衾，憂心轉顛倒；結髮年已遲，征行去何早。寒暄有時謝，憔悴亦難好；人皆算年壽，死者何曾老。少壯無見期，水深風浩浩。

傷懷贈故人

稍稍晨鳥翔，浙浙草上霜；人生早艱苦，壽命恐不長。二十學已成，三十名不彰；豈無同門友，貴賤易中腸。驅馬行萬里，悠悠過帝鄉；幸因弦歌末，得上君子堂。衆樂互喧奏，獨子備笙簧；坐中無知音，安得神揚揚。願因高風起，上感白日光。

張翥四首

雜詩

富貴多勝事，貧賤無夏圖；上德兼濟心，中才不如愚。商者多巧智，農者爭膏腴；儒生未遇時，衣食不自如。久與故交別，他榮我窮居；到門嬾入門，何況千里餘。君子有褊性，矧乃尋常徒；行行任天地，無爲強親疎。

神仙

神仙可學無，百歲名大約；天地何茫茫，人間半哀樂。浮生亮多感，善事翻爲惡；爭先等驅逐，中路苦瘦弱。長老思養壽，後生笑寂寞；五穀非長年，四氣乃靈藥。列子何必待，吾心滿寥廓。

北遊筵酬孟雲卿

忽念前事志願能相乖；衣馬久羸弊，誰信文與才；善道居貧賤，清思蒙塵埃；行行無定心，際坎難歸才；慈母愛疾疢，室家念栖栖；與君宿姻親，深見中外懷；俟余惜時節，悵望臨高臺。

古別離

別離無遠近，事歡情亦悲；不聞車輪聲，後會將何時？去日忘寄書，來日乖前期；縱知明當返，一息千萬思。

讀微明三首

回軍跋者

既老又不全，始得離邊城；一枝假枯木，步步向南行；去時日一百，來時一月程；常恐道路傍，掩棄狐兔登；所願死鄉里，到日不願生；聞此哀怨調，念念不忍聽；惜無異人術，倏忽具爾形。

挽歌詞

寒口蒿上明，淒淒郭東路；素車誰家子，丹旄引將去；原下荆棘叢，叢邊有新墓；人間痛傷別，此是長別處；曠野何蕭條，青松白楊樹。

思歸

爲別未幾日，去日如三秋；猶疑望可見，日日上高樓；惟見分手處，白蘋滿芳洲；寸心寧死別，不忍生離憂。

元季川四首

泉上雨後作

風雨薄繁暑，雷息佳霽初；衆峰帶雲雨，清氣入我廬；颯颯涼颼來，臨窺愜所圖；綠蘿長新蔓，蔓垂坐隅；流水復簷下，丹砂發清葉；蒼葛爲我衣，種芋爲我蔬；誰是晚與哇，彌漫連野蕪。

灌田東山下，取藥在爾休。清興相引行，日日三四周。白鷗與我心，不厭此中遊。窮覽頗有道，不極趣無幽。惻然歌採薇，曲盡心悠悠。

山中晚興

河漢降玄霜，昨來節物殊。媿無神仙姿，豈有陰陽俱。靈鳥望不見，慨然悲高梧。華葉隨風揚，珍條雜榛蕪。爲君寒谷吟，歎息知何如。

古建行

悠悠遠行者，羈獨當時思。道與日月長，人無第舍期。出門萬里心，誰不傷別離。縱遠當白髮，歲月非今時。何況異形容，安須與爾悲。

殷遙二首（潤州人，忠王府倉曹參軍）

友人山亭

故人雖薄宦，往往涉青溪。鑿牖對山月，褰裳拂澗霓。遊魚逆水上，宿鳥向風栖。一見桃花發，能令秦漢迷。

山行

寂歷青山曉，山行趣不稀。野花成子落，江燕引雛飛。暗草薰苔徑，晴楊掃石磯。俗人猶語此，余亦轉忘歸。

李嘉祐十二首（字從一，大厯中，爲袁州刺史）

晚春宴無錫蔡明府西亭

芊芊閑寂寂，無事覺人和。井近時澆圃，城低不見河。興緣芳草積，情向遠峰多。別日歸吳地，停橈更一過。

送宋中舍遊江東

王安石唐百家詩選 卷六

五八

孤城郭外送王孫，越水吳洲共爾論。野寺山邊斜有徑，漁家竹裏半開門。青楓獨映搖前浦，白鷺閑飛過遠村。若到西陵征戰處，不看秋草自傷魂。

送王端赴朝

君承明主意，日日上丹墀。東閣論兵後，南宮草奏期。人稀傍河處，槐暗入關時。獨遣吳州客，平陵結夢思。

自蘇臺至望亭驛人家盡空春物增思悵然有作因寄從弟紆

南浦菰蔞覆白蘋，東吳黎庶逐黃巾。野棠自發空流水，江燕初歸不見人。遠樹依依如送客，平田渺渺獨傷春。那堪回首長洲苑，烽火年年報虜塵。

題靈臺縣東山村主人

虞處征胡人漸稀，山村寥落暮煙微。門臨莽蒼經年閉，身逐嫖姚幾日歸。貧妻白髮輸殘稅，餘寇黃河未解圍。天子如今能用武，祇應歲晚息兵機。

至七里灘作

遷客投於越，臨江淚滿衣。獨隨流水遠，轉覺故人稀。萬木迎秋序，千峰駐晚暉。行舟猶未已，惆悵暮潮歸。

題前溪館

兩年謫宦在江西，舉目雲山要自迷。今日始知風土異，潯陽南去鷓鴣啼。

送契兵曹潭州謁韋大夫

塞鴻歸欲盡，北客始辭秦。零桂雖逢竹，湘川少見人。江花鋪淺水，山木暗殘春。脩刺轅門裏，多憐爾爲親。

送從弟歸河朔

故鄉那可到，令弟獨能歸。諸將矜旄節，何人重布衣。空城流水在，荒澤舊村稀。秋日平原路，蟲鳴桑葉飛。

送王牧往吉州謁王使君

細草綠汀洲，王孫奈薄遊。年華初冠帶，文體舊弓裘。野渡花爭發，春塘水亂流。使君憐小阮，應念倚門愁。

早秋京口旅泊章侍御寄書相問因以贈之

移家避寇逐行舟，厭見南徐水自流。吳水征徭非舊日，秣陵凋弊不宜秋。千家閉戶無砧杵，七夕何人草斗牛。祇有同時騁馬客，偏題尺牘問窮愁。

江湖愁思

趨陪禁掖鴈行隨，遷向江潭鶴髮垂。素浪遙疑入谿水，青楓忽似萬年枝。嵩南春徧傷魂夢，壺口雲深隔路岐。共望漢朝多霈澤，蒼蠅早晚得先知。

姚係二首

送周愿判官歸嶺南

早蟬葦秋鳴，夜琴怨離聲。眇然多異感，位子江山行。由來重義人，感激事縱橫。往復念遐阻，淹留慕平生。晨奔九衢賧，幕始萬里程。山驛風月榭，海門煙霧城。易綰泉源近，拾翠沙渚明。蘭蕙一爲贈，貧交空復情。

京口遇舊識兼送往隴州

蟬鳴一何急，日暮秋風樹。卽此不勝愁，隴陰人更去。相逢與相失，共是亡羊路。

雍裕之二首（貞元後人）

五雜俎（擬古二首）

五雜俎，刺繡窠。往復還，織錦梭。不得已，戍交河。

自君之出矣（擬後漢徐幹）

王安石唐百家詩選 卷六

六〇

自君之出矣，寶鏡爲誰明？思君如隴水，長聞嗚咽聲。

蔣夔一首

和徐侍郎中書叢條詠

中禁夕沉沉，幽篁別作林。色連雞樹近，影落鳳池深。爲重陵霜節，能虛應物心。年年承雨露，長對紫庭陰。

陳羽五首

送靈一上人

十年勞遠別，一笑喜相逢。又上青山去，青山千萬重。

送友人及第歸江東

五陵春色泛花枝，心醉花前遠別離。落第恥爲關右客，成名立羨里中兒。都門雨歇愁分處，山店燈殘夢到

時；家住洞庭多釣伴，因來相賀語相思。

伏翼洞送夏方慶

洞裏春晴花正開，看花出洞幾時回。殷勤好去武陵客，莫引世人相逐來。

春日客舍贈原野荃

東風吹暖氣，猶散入晴天。漸變池塘色，欲生楊柳煙。葦葦花向月，潦倒客經年。鄉思盈愁望，江湖春水連。

公子行

金鞍白面郎，何處蹋青來。馬驕郎半醉，躑躅望樓臺。似見樓上人，玲瓏窗戶開。隔花聞一笑，落日不知回。

楊衡七首

盧十五竹亭送姪儺歸山

落葉寒擁壁，清霜夜沾石。正是憶山時，復送歸山客。殷勤一樽酒，曉月當腮白。

哭李象

白雞黃犬不將去，寂寞空餘葬時路。草死花開年復年，後人知是何人墓。憶君思君獨不眠，夜寒月照青楓樹。

白紵詞二首

玉纈翠珮雜輕羅，香汗微漬朱顏醜。爲君起唱白紵歌，清涼裏雲思繁多。凝笳哀瑟時相和，金壺半傾芳夜促。梁塵霏霏暗紅燭，令君安坐聽終曲。墜葉飄花難再復。

躡珠履，步瓊筵，輕身起舞舞紅燭前。芳姿豔態妖且妍，回眸轉袖暗催絃。涼風蕭蕭漏水急，月華泛灑紅蓮濕。牽裙攬帶翻成泣。

題花樹

都無看花意，偶到樹邊來。可憐枝上色，一一爲愁開。

傷蔡處士

篋中遺草是琅玕，對此令人灑淚看。三徑尙疑行跡在，數螢猶自映書殘。晨光不借泉門曉，暝色空添隴樹寒。欲問皇天天更遠，有才無命說應難。

送人流雷州

逐客指天涯，人間此路賒。地圖經大庾，水驛過長沙。臘月雷州雨，秋風桂嶺花。不知荒徼外，何處有人家。

卷七

戴叔倫四十七首

酬贈張象甫

野人無本意，散木任天材。分向空山老，何言上苑來。超遙千里道，依倚九層臺。出處寧知命，輪轅豈自媒。更慙張處士，相與別蒿萊。

客舍秋懷呈駱正字士則

無言堪自喻，偶坐更相悲。木落驚年長，門閑惜草衰。買山猶未得，諫獵又非時。設被浮名繫，歸休漸欲遲。

早行寄朱山人拔

山曉旅人去，天高秋氣悲。明河川上沒，芳草露中衰。此別又萬里，少年能幾時。心知剡溪路，聊且寄前期。

贈殷御史亮

日日河邊見水流，傷春未已復悲秋。山中舊宅無人住，來往風塵共白頭。

寄中書李舍人紉

萍翻蓬自卷，不共本心期。復入重城裏，頻看百草滋。水流歸思遠，花發長年悲。盡日春風起，無人見此時。

贈李山人唐

此意無所欲，閉門風景遲。柳條將白髮，相對共垂絲。

酬盤屋耿少府諱見寄

方文蕭蕭落葉中，暮天深巷起悲風。流年不盡人自老，外事無端心已空。家近小山當海畔，身留還衛隱籬東。遙聞相訪頻逢雪，一醉寒宵誰與同。

贈康老人浴

酒泉布衣舊才子，少知名帝城裏；一篇飛入九重門，樂府喧喧聞至尊；宮中美人皆唱得，七貴因之益相識。南鄰北里日經過，處處淹留樂事多；不脫弊裘輕錦綺，長吟佳句掩笙歌。賢王貴主於我厚，駿馬蒼頭如已有；暗將心事隔風塵，盡擲年光逐杯酒。青門幾度見春歸，折柳尋花送落暉；杜陵往往逢秋暮，草月臨風攀古樹。繁霜入發何足論，舊國連天不知處。爾來倏忽五十年，却憶當時思眇然；多識故侯悲宿草，曾看流水沒桑田。百人會中一身在，被褐飲瓢終不改，陌頭車馬共營營，不解如君任此生。

襄州遇房評事由

移家住漢陰，不復問華簪。貫酒宜城近，燒田夢澤深。暮山逢鳥入，寒水見魚沉。與物皆無累，終年愜本心。

暮春遊長沙東湖贈辛兗州巢父二首

湘流分曲浦，縹繞古城東。岸轉千家合，林開一鏡空。人生無事少，心賞幾回同。且復忘羈束，悠悠落照中。

同兗州張秀才過王侍御參謀宅賦十韻（柳字）

十年官不進，斂跡無怨咎。漂蕩海內遊，淹留楚鄉久。因參戎幕下，寄宅湘川口。翦竹開廣庭，瞻山敞虛牖。閑門早春至，陋巷新晴後。覆地落殘梅，和風裊輕柳。逢迎車馬客，邀結風塵友。意愜時會文，夜長聊飲酒。秉心轉孤直，沉照隨可否。豈學屈大夫，憂慙對漁叟。

同辛兗州巢父盧副端岳相思獻酬之作因抒歸懷兼呈辛魏二院長楊長

甯

暮角發高城，情人坐中起。臨觴不及醉，分散秋風裏。雖有明日期，離心若千里。前歡反惆悵，後會還如此。焉得夜淹留，一回終宴喜。羈遊復牽役，皆去重湖水。早晚泛歸舟，吾從數君子。

對月答元明府

山下孤城月上遲，相留一醉本無期；明年此夕遊何處？縱有清光知見誰？

酬袁太祝長卿小湖村山居書懷見寄

背江居隙地，辭職作遺人；耕鑿資餘力，樵漁逐四鄰；麥秋桑葉大，梅雨稻田新；籬落栽山果，池塘養海鱗；放歌聊自足，幽思忽相親；余亦歸休者，依君老此身。

清明日送劉芮二子還鄉

鐘鼓喧離室，車徒促夜裝；晚廚新變火，輕柳暗翻霜；傳鏡看華髮，持杯話故鄉；每嫌兒女淚，今日自沾裳。

送汶水王明府

何時別故鄉，歸去佩銅章；親族移家盡，閭閻不戰場；背關餘古木，近塞足風霜；遺老應相賀，知君不下堂。

送裴明州郎中徵（劾南朝體）

瀟水連湘水，千波萬浪中；知君未得去，慙愧石尤風。

送觀察李判官巡郴州

行役各遠路，煙波同旅愁；輕橈上桂水，大編下揚州；何處成後會？今朝分舊遊；離心比楊柳，蕭颯不勝秋。

京口送皇甫司馬副端曾舒州辭滿歸東都

潮水忽復過，雲帆儼若飛；故園雙闕下，左宦十年歸；晚景照華髮，涼風吹別衣；淹留更一醉，老去莫相違！

奉同沐州李相公勉送郭布殿中出巡

軒車出東閣，都邑繞南河；馬首先春至，人心比歲和；省風傳隱恤，持法去煩苛；却想埋輪者，論功此日多。

送東陽顧明府罷歸

祖帳臨鮫室，黎人擁鷁舟。坐藍高士去，繼組鄙夫留。白日落寒水，青楓遶曲洲。相看作離別，一倍不禁愁。

戲留顧十一明府

江明雨初歇，山暗雲猶濕。未可動歸橈，前程風浪急。

柳花歌送客往桂陽

滄浪渡頭柳花發，斷續因風飛不絕。搖煙拂水積翠間，綴雪含霜誰忍攀。夾岸紛紛送君去，鳴棹孤尋到何處？移家深入桂水源，種柳新成花更繁。定知別後消散盡，却憶今朝傷旅魂。

送前上饒嚴明府攝玉山（同山字）

家在故林吳楚間，冰為溪水玉為山。更將舊政化鄰邑，遙見道人相逐還。

撫州對事後送外生宋垓歸饒州觀侍呈上姊夫

淮汴初喪亂，蔣山烽火起。與君隨親族，奔迸辭故里。京口附商客，海門正狂風。憂心不敢住，夜發驚浪中。雲開方見日，潮盡爐峰出。石壁轉棠陰，鄱陽寄茅室。淹留三十年，分種越人田。骨肉無半在，鄉園猶未旋。爾家習文藝，旁究天人際。父子自相傳，優游聊卒歲。學成不求達，道勝那歎貧。時入閭巷醉，好是羲皇人。須因物役牽，偶逐簪組輩。謗喧朝市，撫已慙淺味。世業大小禮，近通顏謝詩。念渠還領會，非敢獨為師。

潘處士宅會別

相邀寒景晚，惜別故山空。鄰里疎林在，池塘野水通。十年多難後，一醉幾人同。復此悲行子，蕭蕭逐轉蓬。

江上別張勸

年年五湖上，猷見五湖春。長醉非關酒，多愁不為貧。舊山迷道路，清洛暗風塵。今日扁舟別，俱為滄海人。

汝南別董校書

王安石唐百家詩選 卷七

六六

擾擾倦行役，相逢陳蔡間；何爲百年內，不見一人閑。對酒惜餘景，問程愁亂山；秋風萬里至，又出穆陵關。

留別李道州圻

瀧路下丹微，郵童揮畫橈；山回千騎隱，雪斷兩鄉遙。魚泥擁寒溜，畝田落遠燒；維舟更相憶，惆悵坐通宵。

永康孫明府勸秩滿將歸枉路訪別

門前水流咽，城下亂山多；非是還家路，甯知枉騎過。風煙復欲隔，悲笑屢相和；不學陶公醉，無因奈別何？

將赴湖南留別東陽舊寮兼示吏人

智力苦不足，黎氓殊未安；忽從新命去，復隔舊寮歡。曉路整車馬，離亭會衣冠；冰堅細流咽，燒盡亂峰寒。耆老相餞送，兒童亦悲酸；桐鄉寄生怨，欲話此情難。

奉天酬別鄭諫議雲達盧拾遺景亮見別之作

巨孽盜都城，傳聞天下驚；陪臣九江畔，走馬來赴難。伏奏見龍顏，旋持手詔還；單車不可駐，朱檻未遑攀。故人出相餞，共悲行路遠；臨歧荷贈言，對酒獨傷魂。世故山川險，憂多思慮昏。重陰蔽芳月，疊嶺明舊雪；泥積轍更深，木冰花不發。鄭侯問世賢，忠孝乃雙全。大義棄妻子，至淳易生死；知心三四人，越境千餘里。駿馬帳前發，鶻塵路傍起；樓煩俛首看，莫敢相留止。拜闕奉良圖，留中沃聖護；洗兵收魏郡，誘敵討幽都。多亞典屬國，良選諫大夫；從容九霄上，談笑解陰符。盧生富才術，特立居近密。採掇獻吾君，明廷視聽新；寃鏡狂自比，汲黯直爲隣。就列繼三事，主文當七人；可憐長守道，不覺五逢春。昔去城南陌，各爲天際客；關河煙霧深，寸步音塵隔。羈旅忽相遇，別離又茲夕；前悲涕未乾，後喜心已感。而我方老大，頗爲風眩迫；夫君併少年，何爾鬢鬚白。惆悵語不盡，徘徊情轉劇；一鱗且共持，以慰長相憶。

移罇鋪山曲，徂帳查溪陰。鋪山卽遠道，查溪非故林。悽然誦新詩，落淚霑素襟。郡政我何有？別情君獨深。禪庭古樹秋，宿雨清沉沉。揮袂千里遠，悲傷去住心。

將巡鄱永途中作

行役留三楚，思歸又一春。自疑冠下髮，聊此鏡中人。機息知名誤，形衰恨道貧。空將舊泉石，長與夢相親。

過鄱州

江盡湘南戍，山分桂北林。火雲三月合，石路九疑深。暗谷隨風過，危亭共鳥尋。羈魂已愁絕，不復待猿吟。

桂陽北嶺偶過野人所居聊書卽事呈王永州邕李道州圻

犬吠空山響，林深一逕存。隔雲尋板屋，渡水到柴門。日晝風煙靜，花明草樹繁。乍疑秦世客，漸識楚人言。不記逃鄉里，居然長子孫。種田燒險谷，汲井擊高原。畦葉藏春雉，庭柯宿旅猿。嶺陰無瘴癘，地隙有蘭蓀。內戶均皮席，枯瓢沃野飧。遠心知自負，幽賞詎能論。轉步重崖合，瞻途落照昏。他時願攜手，莫比武陵源。

下鼻亭瀧行八十里聊狀艱險寄青苗鄭副端朔陽

瀧水天際來，鼻山地中坼。盤渦幾十處，疊溜皆千尺。直寫卷沉沙，驚翻衝絕壁。淙淙振崖谷，洶洶竟朝夕。人語不自聞，日光亂相射。艤舟始搖漾，舉棹旋奔激。既下同建瓴，半空方避石。前危苦未盡，後險何其迫。倏閃疾風雷，蒼皇蕩魂魄。因隨伏流出，忽與跳波隔。遠想欲回軒，豈茲還泛鷁。雲涯多候館，努力勤登歷。

湘南卽事

虛橋花開楓葉衰，出門何處望京師。沅湘日夜東歸去，不爲愁人住少時。

少女生日感懷

五逢睭日今方見，置爾懷中自惘然。乍喜老身辭遠役，翻悲一笑隔重泉。欲教針線嬌難解，暫弄琴書性已

王安石唐百家詩選 卷七

六八

便；還有蔡家殘史籍，可能分與外人傳。

江鄉故人偶集客舍

天秋月又滿，城闕夜千里；還作江南會，翻疑夢裏逢。風枝驚暗鵲，露草覆寒葢；羈旅長堪醉，相留畏曉鐘。

張評事涉秦居士系見訪郡齋即同賦中字

輶車忽枉轍，郡府自生風；遣吏山禽在，開罇野客同。古牆抽臘笋，喬木颺春鴻；能賦傳幽思，清言盡至公。城歌殘照入，池曲大江通；此地人來少，相歡一醉中。

聽歌回馬上贈崔法曹

秋風裏許杏花開，杏樹傍邊醉客來；共待夜深聽一曲，醒人騎馬斷腸回。

去婦怨

出戶不敢啼，風悲日悽悽！心知恩義絕，誰忍分明別？下坂車鞿鞿，畏逢鄉里親；空持牀前幔，却見家中人。忽辭王吉去，爲是秋胡死；欲比今日情，煩冤不相似。

昭君詞

漢宮若遠近，路在寒沙上；到死不得歸，何人共南望。

女耕田行

乳燕入巢筍成竹，誰家二女種新穀？無人無牛不及犁，持刀斫地翻作泥。自言「家貧母年老，長兄從軍未娶嫂。去年災疫牛困空，截絹買刀都市中。頭巾掩面畏人識，以刀代牛誰與同？」姊妹相攜心正苦，不見路人唯見土。踈通畦隴防亂田，整頓溝塍待時雨。日正南崗下餉歸，可憐朝雉擾驚飛。東鄰西舍花發盡，共惜餘芳淚滿衣。

夜發袁江寄李潁州劉侍郎時二公流泛在此
半夜回舟入楚鄉，月明山水共蒼蒼；
孤猿更發秋風裏，不是愁人亦斷腸。

郎士元二十一首

送李將軍赴定州

雙旌漢飛將，萬里愛橫戈；
春色臨邊盡，黃雲出塞多。
鼓鼙悲絕漠，烽戍隔長河；
想到陰山北，天驕已請和。

送張南史（一云寄李紱）

雨餘深巷靜，獨酌送殘春；
車馬雖嫌僻，鶯花不棄貧。
蟲聲黏戶網，鼠跡印牀塵；
借問山陽會，如今有幾人？

聞蟬寄友人（李端亦有此詩，未知孰是）

昨日始聞鶯，今朝蟬又鳴；
朱顏向華髮，定是幾年程。
故國白雲遠，閑居青草生；
因垂數行淚，書寄十年兄。

送長沙韋明府

秋入長沙縣，蕭條旅宦心；
煙波連桂水，官舍映楓林。
雲日楚天暮，沙汀白露深；
遙知訟堂裏，佳政在鳴琴。

題劉相三湘圖

昔日醉衡霍，邇來憶南州；
今朝平津邸，兼得瀟湘遊。
稍辨郢門樹，依然芳杜洲；
微明三巴峽，咫尺萬里流。
飛

鳥不知倦，遠帆生暮愁；
潯陽指天末，北渚空悠悠。
枕上見漁父，坐中富狎鷗；
誰言魏闕下，自有東山幽。

塞下曲

寶刀塞下兒，輕身百戰曾百勝；
壯心竟未嫖姚知，白草山頭日初沒。
黃沙戍下悲歌發，蕭條靜夜邊風吹，
獨

倚營門望秋月。

關羽祠送高員外還荊州

王安石唐百家詩選 卷七

七〇

將軍稟天姿，義勇冠今昔。走馬百戰場，一劍萬人敵。誰爲感恩者？竟是思歸客。流落荆巫間，徘徊故鄉隔。難筵對祠宇，瀟酒暮天碧。去去勿復言，銜悲向陳跡。

鄂城西樓吟

連山盡處水縈回，山上戍門臨水開。朱欄直下一百丈，日暖遊鱗自相向。昔人受險閉層城，今人受閑江復清。沙洲楓岸無來客，草綠花紅山鳥鳴。

宿剡判官江樓

適楚豈吾願，思歸秋向深。故人江樓月，永夜千里心。葉落覺鄉夢，烏啼驚越吟。寥寥更何有？斷續空城砧。

送韋灌判官

高閣晴江上，重陽古戍閑。聊因送歸客，更此望鄉關。惜別心能醉，經秋鬢自斑。臨流興不盡，惆悵水雲間。

春宴王補闕城東別業

柳陌乍隨洲勢轉，花源忽傍竹陰開。能將瀑水清人境，直取流鶯送酒杯。山下古松當綺席，簷前片雨滴春苔。地主同聲復同舍，留歡不畏夕陽催。

柏林寺南塋

谿上遙聞精舍鍾，泊舟微徑度深松。青山霧後雲猶在，盡出西南四五峰。

長安逢故人

數年音信斷，不意在長安。馬上相逢久，人中欲認難。一官今嬾道，雙鬢竟羞看。莫問生涯事，只應持釣竿。

聽鄰家吹笙

鳳吹聲如隔綵霞，不知牆外是誰家。重門深鎖無尋處，疑有碧桃千樹花。

贈韋司直

聞君感歎二毛初，舊友相依萬里餘。烽火有時驚暫定，甲兵無處可安居。客來吳越星霜久，家在平陵音信疎。昨日風光還入戶，登山臨水意何如？

蓋少府新除江南尉問風俗

聞君作尉向江潭，吳越風煙到自諳。客路尋常隨竹影，人家大底傍山嵐。綠溪花木偏宜遠，避地衣冠盡向南；唯有夜猿啼海樹，思鄉望國意難堪。

酬二十八秀才見寄

昨夜山月好，故人果相思。清光到枕上，嫋嫋涼風時。永意能在我，惜無攜手期！

湘夫人

蛾眉對湘水，遙哭蒼梧山。萬乘既已歿，孤舟誰忍還？至今楚山上，猶有淚痕斑。南有潯陽路，渺渺多新愁；桂酒神降時，回風江上秋。彩雲忽無處，碧水空安流。

酬王季友題半日村別業兼呈李明府

村映寒原日已斜，煙生密竹早歸鴉。長溪南路當羣岫，半景東鄰照數家。門通小徑連芳草，馬飲春泉踏淺沙；欲待主人林上月，還思滌令縣中花。

冬夕寄青龍寺源公

欹屣入寒竹，安禪過漏聲。高杉殘子落，深井凍痕生。罷磬風枝動，懸燈雪屋明。何當招我宿，乘月上方行。

送李騎曹之靈武寧侍

一歲一歸寧，涼天數騎行。河來當塞曲，山遠與沙平。縱獵旗風卷，聽笳帳月生。新鴻引寒色，同日滿京城。

卷八

錢起六首

送畢侍御謫居

崇蘭香死玉貞折，志士吞聲甘徇節。忠藎不爲明主知，悲來莫向時人說。滄浪之水見心清，楚客辭天淚滿纓。百鳥喧喧噪一鶚，上林高枝亦難託。寧嗟人世棄虞翻，且喜江山得康樂。自憐黃綬老嬰身，妻子朝來勸隱淪。桃花洞裏舉家去，此別相思復幾春？

送李秀才落第遊荆楚

翠羽雖成夢，遷鶯尙後羣。名逃卻說策，興發謝生文。昏旦扁舟去，江山幾路分？上潮吞海日，歸鴈出湖雲。詩思應須苦，猿聲莫厭聞。離居見新月，那得不思君？

贈閣下閩舍人

二月黃鸞飛上林，春城紫禁晚陰陰。長樂鍾聲花外盡，龍池柳色雨中深。陽和不散窮途恨，霄漢常懸捧日心；獻賦十年猶未遇，羞將白髮對華簪。

和宣城張太守南亭秋夕懷友

池館嫺姑聲，梧桐秋露晴。月臨朱戟靜，河近畫樓明。卷幔池涼入，聞鍾永夜清。片雲懸曙斗，數鴈過秋城。羽扇揚風暖，瑤琴寄別情。江山飛麗藻，謝朓讓前名。

暮春歸故山

谷口殘春黃鳥稀，辛夷花盡杏花飛。始憐幽竹山窗下，不改清陰待我歸。

駕幸溫泉宮（和李員外作）

未央月曉度疎鍾，鳳輦時巡出九重。雪霽山門迎瑞日，雲開水殿候飛龍。輕煙不入宮中樹，佳氣常薰仗外峰。遙羨枚臯扈仙躡，偏承霄漢渥恩濃。

盧綸二十六首

送吉中孚校書歸楚州舊山中孚自仙官入仕

青袍芸閣郎，談笑揖侯王。舊錄藏雲穴，新詩滿帝鄉。名高閑不得，到處人爭識。誰知冰雪顏，已雜風塵色。此去復如何？東臯岐路多。藉芳臨紫陌，回首憶滄波。年來倦蕭索，但說淮南樂。並檝湖上遊，連檣月中泊。泓澗入閨門，千燈夜市喧。喜逢鄰舍伴，遙語問鄉園。下淮風自急，樹杪分郊邑。送客隨岸行，離人出帆立。漁村遠水田，澹澹隔晴煙。欲就林中醉，先期石上眠。林昏天未曙，但向雲邊去。暗入無路山，心知有花處。登高日轉明，下望見春城。洞裏草空長，冢邊人自耕。寥寥行異境，過盡千峰影。雲色疑古壇，泉聲落寒井。仙成不可期，多別自堪悲。爲問桃源客，何人見亂時？

與從弟璿同下第後出關言別

同作金門獻賦人，二年悲見故園春。到闕不沾新雨露，還家空帶舊風塵。雜花飛盡柳陰陰，官路遙迤綠草深。對酒已成千里客，望山空寄兩鄉心。出關愁暮一沾裳，滿野蓬生古戰場。孤村樹色昏殘雨，遠寺鐘聲帶夕陽。

和李使君二郎早秋城北亭宴崔司士因寄關中弟張評事時遇作

黃花古城路上盡，見青山桑柘晴川口。牛羊落照間野情，隨卷幔軍事隔重關。道合偏多賞，官微獨不閑。鶴分琴久罷，書到鴈應還。爲謝登龍客，瓊枝寄一攀。

王安石唐百家詩選 卷八

七三

王安石唐百家詩選 卷八

七四

逢病軍人

行多有病住無糧，萬里還鄉未到鄉；蓬鬢哀吟古城下，不堪秋氣入金瘡。

村南逢病叟

雙膝過頤頂在肩，四鄰知姓不知年；臥驅烏雀惜禾黍，猶恐諸孫無社錢。

送張郎中還蜀歌

秦家御史漢家郎，親專兩印征殊方。功成走馬朝天子，伏檻論邊若流水；曉離仙署趨紫微，夜接高儒讀青史。瀘南五將望君還，願以天書示百蠻；曲棧重江初過雨，前旌後騎不同山。迎車拜舞多耆老，舊卒新營遍青草；塞口雲生火候遲，煙中鶴唳軍行早。黃花川下水交橫，遠映孤霞蜀國晴；筇竹筍長椒瘴起，荔支花發杜鵑鳴。回首岷峨半天黑，傳觴接膝何由得？空令豪士仰威名，無復貧交恃顏色。垂楊不動雨紛紛，錦帳胡餅爭送君；須臾醉起簫笳發，空見紅旌入白雲。

臘日觀成寧王部曲安勅擒豹歌

山頭曠曠日將出，山下獵圍照初日。前林有獸未識名，將軍促騎無人聲；潛形踰伏草不動，雙鵬轉旋羣鷗鳴。陰方質子纔三十，譯語受詞蕃語揖；捨鞍解甲疾如風，人忽虎蹲獸人立。歛然扼頰批其頤，爪牙委地涎淋漓；既蘇復吼拘（於絞反）仍怒，果叶英謀生致之。拖自深叢目如電，萬夫失容千馬戰。傳呼賀拜聲相連，殺氣騰凌陰滿川；始知縛虎如縛鼠，敗虜降羌生眼前。祝爾嘉詞爾無苦，獻爾將隨犀象舞。苑中流水禁中山，期爾攫持開天顏；非熊之兆慶無極，願紀雄名傳百蠻。

和張僕射塞下曲

月黑鴈飛高，單于夜遁逃；欲將輕騎逐，大雪滿弓刀。

從軍行

二十在邊城，軍中得勇名。卷旗收敗馬，占磧擁殘兵。覆陣烏鶩起，燒山草木明。塞閑思遠獵，師老厭分營。雪嶺無人跡，冰河有雁聲。李陵甘此沒，惆悵漢公卿。

逢南中使因寄嶺外故人

見說南來處，蒼梧接桂林。過秋天更暖，邊海日長陰。巴路緣雲出，蠻鄉入洞深。信同人自老，夢到月應沉。水通春色，青山寄遠心。炎方難久客，爲爾一沾襟。

代員將軍罷戰後歸舊里贈朔北故人

結髮事疆場，全生俱到鄉。連雲防鐵嶺，同日破漁陽。牧馬胡天晚，移軍磧路長。枕戈眠古戍，吹角立繁霜。歸老勳仍在，酬恩虜未亡。獨行過邑里，多病對農桑。雄劍依塵席，陰符寄藥囊。空餘麾下將，猶逐羽林郎。

江北憶崔汶

夜問江西客，還知在楚鄉。全身出部伍，盡室逐漁商。晴日游瓜步，新年到漢陽。月昏驚浪白，瘴起覺雲黃。望嶺家何處，登山淚幾行。閩中傳有雪，應且住南康。

早春歸藍屋舊居却寄耿拾遺李校書端

野日初晴麥隴分，竹園村巷鹿成羣。萬家廢井生新草，一樹繁花對古墳。引水忽驚冰滿壩，向田空見石和雲。可憐芳歲青山下，唯有松枝好寄君。

夜中得循州趙司馬侍郎書因寄迴使

漳海寄雙魚，中宵達我居。兩行燈下淚，一紙嶺南書。地說炎蒸極，人稱老病餘。殷勤報買傅，莫共酒盃疎。太白西峯偶宿車，祝一二尊師石室晨。登前巖憑眺書懷，卽事寄呈鳳翔齊員。

外張侍御

弱齡誠味鄙，遇勝惟求止；如何羈滯中，得步青冥裏。青冥有桂叢，冰雪兩仙翁；毛節未歸海，丹梯閑倚空。迢迢擬上清，洞府不知名；醜鵠雨常至，客辭山忽明。山明鳥聲樂，日氣生巖壑。巖壑樹脩脩，白雲如水流；白雲銷散盡，隴塞儼然秋。積阻關河固，綿聯烽戍稠；五營承廟略，四野失邊愁。吁嗟繫塵役，又負靈仙跡。芝朮自芳菲，泥沙幾沉溺。書此欲沾衣，平生事每違；煙霄不可仰，鸞鶴自追飛。

同耿湓宿陸澧旅舍

常軒雲月開，清夜故人杯；擁褐覺霜下，抱琴聞雁來。迎風君顧步，臨路我遲回；雙鬢共如此，此歡非易陪。

題苗員外竹間亭

高齋絕行塵，開簾似有春；風傾竹上雪，山對酒邊人。步暖先逢日，書空遠見鄰；還同內齋暇，登賞及諸姻。

早春遊樊川野居却寄李端校書兼呈崔峒補闕司空曙主簿耿湓拾遺

白水遍溝塍，青山對杜陵；晴明人望鶴，曠野鹿隨僧。古柳連巢折，荒堤帶草崩；陰陰橋全覆，雪瀑溜半垂。冰鬪鼠搖松影，遊龜落石層；韶光偏不待，衰敗巧相仍。桂樹曾爭折，龍門幾共登；琴師阮校尉，詩和柳吳興。舐筆求書扇，張屏看畫蠅；卜鄰空遂約，問卦獨無徵。投足經危路，收材遇直繩；守農窮自固，行藥病何能。掩帙蓬蒿晚，臨川景氣澄；颯然成一叟，誰更慕鶯騰？

春日登樓有懷

花正濃時人正愁，逢花却欲替花羞；年來笑伴皆歸去，今日晴明獨上樓。

長安春望

東風吹雨過青山，却望千門草色閑；家在夢中何日到，春來江上幾人還。川原繚繞浮雲外，宮闕參差落照

間；誰念爲儒逢世難？獨將衰髮客秦關。

山中一絕

飢拾松花渴飲泉，偶從山後到山前；陽坡軟草厚如織，因與麕麕相伴眠。

同薛存誠登栖巖寺

衰蹇步難前，上山如上天。塵泥來自晚，猿鳥到何先？萬壑應孤磬，百花通一泉；蒼蒼此明月，下界正沉眠。

賊中與嚴越卿曲江看花

紅枝欲折紫枝殷，隔水連宮不用攀；會待長風吹落盡，始能開眼向青山。

夜投豐德寺謁液上人

半夜風中有磬聲，偶逢樵者問山名；上方月曉聞僧話，下路林疎見客行。野鶴巢邊松最老，毒龍潛處水偏

滑；願得遠公知姓字，焚香洗鉢過浮生。

酬李端野寺病居見寄

野寺昏鍾山正陰，亂藤高竹水聲深；田夫就餉還依草，野雉驚飛不過林。齋沐暫思同靜室，備菹已覺助禪

心；寂寞日長誰問疾，料君惟取古方尋。

贈別李紛

頭白乘驢縣布囊，一回言別淚千行；兒孫滿眼無歸處，唯到罇前似故鄉。

送崔琦赴宣州幕

五馬臨流待幕賓，羨君談笑出風塵；身閑就養寧辭遠？世難移家莫厭貧！天際曉山三峽路，津頭臘市九江

入，何處遙知最惆悵？滿湖青草鴈聲春。

至德中途中書事却寄李儋

亂離無處不傷情，況復看碑對古城。路遠寒山人獨去，月臨秋水鴈空驚。顏衰重喜歸鄉國，身賤多慙問姓名。今日主人還共醉，應憐世故一儒生。

送鮑中丞赴太原

分路引鳴騶，喧喧似隴頭。暫移西掖望，全解北門憂。專幟臨都護，分曹制督郵。積冰營不下，盛雪獵方休。白草連胡帳，黃金擁戍樓。今朝送旌旆，一減魯儒羞。

晚到盤屋耆老家

老翁曾舊識，相引到柴門。苦話別時事，因尋溪上村。數年何處客？近日幾家存？冒雨看禾黍，逢人憶子孫。亂藤穿井口，流水到籬根。惆悵不堪住，空山月又昏。

落第後歸終南別業

久爲名所誤，春盡始歸山。落羽羞言命，逢人強破顏。交疎貧病裏，身老是非間。不及東溪月，漁翁夜往還。

送從舅成都丞廣南歸蜀

巴字天邊永，秦人去是歸。棧長山雨響，溪亂火田稀。俗富行應樂，官雄祿豈微？魏舒終有淚，還濕宵家衣。

晚次鄂州（至德中作）

雲間遠見漢陽城，猶是孤帆一日程。估客晝眠知浪靜，舟人夜語覺潮生。三湘愁鬢逢秋色，萬里歸心對月明；舊業已隨征戰盡，更堪江上鼓鼙聲。

酬暢當嵩山尋道士見寄

聞逐樵夫行看棋，忽逢人世是秦時。開雲種玉嫌山淺，渡海傳書怪鶴遲。陰洞石幢微有字，古壇松樹半無

枝；煩君遠示青囊錄，願得相從一問師。

司空曙二十五首（字文明，貞元中，爲尚書水部郎中。）

過寶慶寺

黃葉前朝寺，無僧寒殿開。池晴龜出暴，松暮鶴飛回。古井碑橫草，陰廊畫雜苔。禪宮亦銷歇，塵世轉堪哀。

送柳震歸蜀

白日雙流靜，西看蜀國春。桐花能乳鳥，竹節競祠神。蹇步徒相望，先鞭不可親。知從江僕射，登榻更何人？

送高勝重謁曹王

江上青楓岸，陰陰萬里春。朝辭鄴城酒，暮見洞庭人。興比乘舟訪，恩懷倒屣親。想君登舊榭，重喜掃芳塵。

送流人

聞說南中事，悲君重竄身。山村楓子鬼，江廟石郎神。童稚留荒宅，圖書託故人。青門好風景，爲爾一霑巾。

題陵雲寺

春山古寺遠滄波，石磴盤空鳥道過。百丈金身開翠壁，萬龕燈焰隔煙蘿。雲生客到侵衣濕，花落僧禪覆地

多；不與方袍同結足，下歸塵世竟如何？

題江陵臨沙驛樓

江天清更愁，風柳入江樓。鴈惜楚山晚，蟬知秦樹秋。淒涼多獨醉，零落半同遊。豈復平生意，蒼然蘭杜洲。

田家

田家喜雨足，鄰老相招攜。泉溢溝塍壞，麥高桑柘低。呼兒催放犢，宿客待烹雞。搔首蓬門下，知將軒冕齊。

送曲山人衡州

王安石唐百家詩選 卷八

七九

王安石唐百家詩選 卷八

八〇

白石先生眉髮光，已分甜雪飲紅漿；衣巾半染煙霞氣，語笑兼和藥艸香。茅洞玉聲流暗水，衡山碧色映朝陽；千年城郭如相問，華表峨峨有夜霜。

立秋日

律變新秋至，蕭條自此初。花酣蓮報謝，葉在柳呈疎。澹日非雲映，清風似雨餘。卷簾涼暗度，迎扇暑先除。草靜多翻鷺，波澄乍露魚。今朝散騎省，作賦興何如？

詠古寺花

共愛芳菲此樹中，千跗萬萼裹枝紅；遲遲欲去猶回望，覆地無人滿寺風。

送魏季羔長沙覲兄

蘆荻湘江水，蕭蕭萬里秋。鶴高看迥野，蟬遠入中流。訪友多成滯，還家不厭遊。惠連有新作，知得從兄酬。

送曹同椅

青春三十餘，衆藝盡無如；中散詩傳畫，將軍扇賣書。楚田晴下鴈，江日暖多魚。惆悵空相送，歡遊自此疎。

雲陽館與韓申卿宿別

故人江海別，幾度隔山川。乍見翻疑夢，相悲各問年。孤燈寒照雨，深竹暗浮煙；更有明朝恨，離盃惜共傳。

酬張芬有赦後見贈

紫鳳朝銜五色書，陽春忽布網羅除。已將心變寒灰後，豈料光生腐草餘。建水風煙收客淚，杜陵花竹夢郊

居；勞君故有詩人贈，欲報瓊瑤恨不如。

哭苗員外呈張參軍（苗公即參軍舅氏）

思君甯家宅，久接竹林期。嘗值偷琴處，親聞比玉時。高人不易合，弱冠早相知；試藝臨諸友，能文即我師。陵

寒松未老，先萼權何衰！季子生前別，羊曇醉後悲。壽堂乖一慟，冥席阻長辭。因瀝殊方淚，遙成墓下詩。

金陵懷古

盤路江楓暗，宮湖野草春。傷心庾開府，老作北朝臣。

發渝州却寄韋刺史官

紅燭津亭夜，見君繁絃急。管雨紛紛，平明分手空江轉。唯有猿聲滿水雲。

送盧徹之太原謁馬尚書

榆落鵬飛關塞秋，黃雲畫角見并州。翩翩羽騎雙旌後，上客親隨郭細侯。

秋思呈尹植裴浚鄭銅

靜與懶相偶，年將衰共催。前途歡不集，往事恨空來。晝景委紅葉，月華鋪綠苔。沉思更何有？結坐玉琴哀。

峽口送友人

峽口花飛欲盡春，天涯去住淚沾巾。來時萬里同爲客，今日翻成送故人。

故朝婉儀挽歌

一日辭秦鏡，千秋別漢宮。豈唯泉路掩，長使月輪空。苦色凝朝露，悲聲切暝風。婉儀餘舊德，仍載禮經中。

送翰林張學士嶺南勒聖碑

漢恩天外洽，周頌日邊稱。文獨司空羨，書兼太尉能。出關逢北鴈，度嶺逐南鷗。使者翰林客，餘春歸灞陵。

送吉校書東歸

少年芸閣吏，罷直暫歸休。獨與親知別，行逢江海秋。聽猿看楚岫，隨鴈到吳洲。處處園林好，何人待子猷？

早春遊堊

王安石唐百家詩選 卷九

八二

東風春未足，試望秦城曲；青草狀寒蕪，黃花似秋菊。壯將歡共去，老與悲相逐；獨作遊社人，暮過咸聲宿。

秋日趨府上張大夫

重城洞啓肅秋煙，共說羊公在鎮年；鞞鼓暗驚林葉落，旌旗遙拂鴈行偏。石過橋下書曾受，星降人間夢已傳；謫吏何能沐風化，空將歌頌拜車前。

卷九

取蔣六首（大曆中，爲左拾遺。）

秋晚臥疾寄司空拾遺盧少府綸

寒几坐空堂，疎髻似積霜；老醫迷舊疾，朽藥誤新方。晚果紅低樹，秋苔綠遍牆；慙非蔣生逕，不敢望求羊。

早朝

鐘鼓餘聲裏，千官向紫微；冒寒人語少，乘月燭來稀。清漏聞馳道，輕霞映瑣闈；猶看嘶馬處，未啓掖垣扉。

秋日

反照入閭巷，憂來與誰語？古道少人行，秋風動禾黍。

路傍老人

老人獨坐倚官樹，欲語潸然淚便垂；陌上歸心無產業，城邊戰骨有親知。餘生尙在艱難日，長路多逢輕薄兒；綠水非山鞋似舊，如今貧病復何爲？

送友人遊江南

遠別悠悠白髮新，江潭何處是通津；潮聲偏懼初來客，海味唯甘久住人。漠漠煙光前浦晚，青青草色定山

春汀洲更有南迴雁，亂起聯翩北向秦。

邠州留別

終歲山川路，生涯總幾何？
艱難爲客慣，貧賤受恩多。
暮角飄長韻，寒流起細波。
懸愁茂陵宅，春色又相過。

李端九首

古別離

水國葉黃時，洞庭霜落夜；
行舟聞商估，宿在楓林下。
此地送君還，茫茫似夢間；
後期知幾日，前路轉多山。
巫峽通湘浦，迢迢隔雲雨；
天晴見海樞，月落聞津鼓。
人老自多愁，水深難急流；
清宵歌一曲，白首對汀洲。

過谷口元贊善所居

入谷訪君來，秋泉已難涉；
林間人獨坐，月下山相接。
重露濕蒼苔，明燈照黃葉；
故交一不見，素髮何稠疊？

古別離

與君桂陽別，令君岳陽待；
後事忽差池，前期日空在。
木落雁嗷嗷，洞庭波浪高；
遠山雲似蓋，極浦樹如毫。
朝發能幾里，暮來風又起；
如何兩處愁，皆在孤舟裏。
昨夜天月明，長川寒且清；
菊花開欲盡，薺菜泊來生。
下江帆勢速，五兩遙相逐；
欲問去時人，知投何處宿。
空令猿嘯時，泣對湘潭竹。

烏栖曲

白馬逐朱車，黃昏入狹斜；
狹斜柳樹烏爭宿，爭枝未得飛上屋。
東房少婦塔從軍，每聽烏啼知夜分。

代從兄衡送友人入關

聞君帝城去，西望一霧中；
落日見秋草，暮年逢故人。
非才長作客，有命嬾謀身；
近更嬰衰病，空思老漢濱。

晚夏聞蟬寄戴廣文（前郎士元有此詩，未知孰是）

王安石唐百家詩選 卷九

八四

昨日鶯囀聲，今朝蟬忽鳴；朱顏向華髮，定是幾年程？故國白雲遠，閑居青草生；因垂數行淚，書報十年兄。

早春雪夜寄盧綸呈祕書元丞

聞君隨謝朓，春夜宿山前；看竹雲垂地，尋僧雪滿船；熊寒方入樹，魚樂稍離泉；猶是羈愁客，誰知惜故年？

荆門雨歌送從兄赴夔州

余兄佐郡經西楚，餞行因賦荆門雨；霹靂變聲漸繁，浦裏人家收市喧；重陰大點過欲盡，碎浪柔紋相與翻。雲間悵望荆衡路，萬里青山一時暮；琵琶寺裏響空廊，鬢斗陂前濕荒戍；沙尾長檣發漸稀，竹竿草屨涉流歸；夷陵遠色半成燒，漢上遊倡始濯衣；船門相對多商估，葛服龍鍾筵下語；自是湘川石燕飛，非關齊地商羊舞；曾爲江客念江行，腸斷秋荷雨打聲；摩天古木不可見，住岳高僧空得名；今朝拜手臨欲別，遙憶荆門雨中發。

贈康洽

黃髮康兄酒泉客，平生出入王侯宅；今朝醉臥又明朝，忽憶舊鄉頭已白；流年恍惚瞻西日，陳事蒼茫指南陌；聲名常歷鮑參軍，班位不過楊執戟；爾來七十遂無幾，空是咸陽一布衣；後輩輕肥賤衰朽，故侯門館許相依；自言「萬物有移改，始信桑田變成海」；同時獻賦人皆盡，共壁題詩君獨在；步出東城風景和，青山滿眼少年多；漢家尚壯今則老，髮短心長知奈何？華堂舉杯莫歎晚，龍鍾相見誰能免？君今已及我正來，朱顏宜笑能幾回；借問蒙龍花樹下，誰家畚鍤築高臺？

于武陵入首（或作于鄴）

孤雲

南北各萬里，有雲心更閑；因風雜海上，伴月到人間；洛浦少高（一作佳）樹，長安無舊山；徘徊不可住，漢漢又東還。

南遊有感

杜陵無厚業，不得駐車輪；重到曾遊處，多非舊主人。東風千嶺樹，西日一洲蘋；又渡湘江水，湘江水復春。

客中

楚人歌竹枝，遊子淚沾衣；異國久爲客，寒宵頻夢歸。一封書未返，千樹葉皆飛；南過洞庭水，更應宿息稀。

洛陽道

伴世若浮雲，千回故復新；旋添青草塚，更有白頭人。歲暮客將老，雪晴山欲春；行行車與馬，不盡洛陽塵。

夜與故人別

白日去難駐，故人非舊容；今宵一別後，何處更相逢？過楚水千里，到秦山幾重；語來天又曉，月落滿城鍾。

感懷

青山長寂寞，南望獨高歌；四海故人盡，九原新塚多。西沉浮世日，東注逝川波；不使年華駐，此生看幾何？

長信宮

竄涼秋氣初，長信恨何如？拂黛月生指，解鬟雲滿梳。一從悲畫扇，幾度泣前魚；坐聽南宮樂，清風搖翠裾。

過侯王故第

過此一酸辛，行人淚有痕；獨殘新碧樹，猶擁舊朱門。歌歇雲初散，簷空燕尙存；不知彈鋏客，何處感新恩？

熊孺登一首（貞元中人）

經古墓

碑折松枯山火燒，夜臺曾閉不曾朝；那將逝者比流水，流水東流逢上潮。

張繼二首（字懿孫，大曆中人）

楓櫓夜泊

月落烏啼霜滿天，江楓漁火對愁眠；
姑蘇城外寒山寺，夜半鐘聲到客船。

閭門卽事

耕夫占募逐樓船，春草青青萬頃田；
試上吳門看郡郭，清明幾處有新煙？

過春申君廟

春申祠宇空山裏，古柏陰陰石泉水；
日暮江南無主人，彌令過客思公子。
蕭條寒景傍山村，寂寞誰知楚相尊？
尊當時珠履三千客，趙使懷慙不敢言。

包佶四首（字幼正，貞元初，爲祕書監，丹陽郡公）

酬于侍郎湖南見寄

桂嶺千崖斷，湘流一派通；
長沙今賈傅，東海舊于公。
章甫經殊俗，離騷繼雅風；
金閨文作字，玉匣氣成虹。
翰墨時無侶，丹青夙在公；
主恩留左掖，人望積南宮。
巧拙循名異，浮沉願位同；
九遷歸上略，三已契愚衷。
賈謝庭中禮，悲寬塞上翁；
楚材欣有適，燕石愧無功。
山曉重嵐外，林春苦霧中；
雪花翻海鶴，波影倒江楓。
去札頻逢信，回帆早挂空；
避賢方有日，非敢愛微躬。

贈廬山白鶴觀劉尊師

蒼蒼五老霧中壇，杳杳三山洞裏官；
手護崑崙象牙簡，心推霹靂棗枝盤。
春飛雪粉加毫潤，曉漱瓊膏冰（去）齒寒。
漸恨流年筋力少，唯思露冕事星冠。

嶺下臥疾寄劉長卿員外

唯有貧兼病，能令親愛疎；
歲時供放逐，身世付空虛。
輕弱秋添絮，頭風曉廢梳；
波瀾喧衆口，藜藿靜吾廬。

馬恩開卦，占鴉嬾發書；十年江海隔，離恨子知予。

近獲風痺之疾，題寄所懷

病夫將已矣，無可答君恩；余枕同轎客，圖書委外孫。久來從吏道，常欲奉空門；急走機先息，欲行力漸煩。無醫能却老，有變是遊魂；鳥宿還依伴，蓬飄莫問根。寓形齊指馬，觀境制心猿；唯借南榮地，清晨暫負暄。

包何一首

江上田家

近海川原薄，人家本自稀；黍苗期臘酒，霜葉是寒衣。市井誰相識？漁樵夜始歸。不須騎馬問，恐畏狎鷗飛。

鮑防二首

雜感

漢家海內承平久，萬國戎王皆稽首；天馬嘗銜苜蓿花，胡人歲獻蒲桃酒。五月荔枝初破顏，朝辭象郡夕函關；雁飛不度桂陽嶺，馬走先過林邑山。甘泉御果垂仙閣，日暮無風香自落。遺物皆重近，昔輕雞雖有德不如鶴。

送薛補闕入朝

平原門下十餘人，獨受恩多未殺身；每歎陸家兄弟少，更憐楊氏子孫貧。柴門豈斷施行馬，魯酒那堪醉近臣？賴有軍中遺令在，猶將談笑對風塵。

張登二首（貞元中，爲漳州刺史。）

送王主簿遊南海（得錢字）

平生推久要，留滯共三年；明日東南路，窮荒霧露天。曠懷常寄酒，素業不言錢；道在貧非病，時來醜亦妍。過山乘蠟屐，涉海附艤船。行矣無爲恨，宗門有大賢。

因遇小雪日戲題絕句

甲子徒推小雪天，刺桐猶綠槿花然；陽和長養無時歇，却是炎洲雨露偏。

皇甫冉上二十首（字茂政，大厠中，王繹爲河南節度，鎮徐州，辟掌書記，後終

左補闕。）

巫山峽

巫峽見巴東，迢迢出半空；雲藏神女館，雨到楚王宮。朝暮泉聲落，寒暄樹色同；清猿不可聽，偏在九秋中。

與張補闕王鍊師徐方清河路同舟南下於臺頭寺留別趙員外裴補闕同

賦雜韻一首

朝朝春事晚，泛泛行舟遠。淮海思無窮，悠悠煙景中；幸將仙子去，復與故人同。高枕隨流水，輕帆任遠風；鍾聲野寺迴，草色古城空。送別高臺上，徘徊共惆悵；懸知白日斜，定是猶相望。

屏風上各賦一物得攜琴客

不是向空林，應當就磬石；白雲知隱處，芳草迷行跡。如何祇役心，見爾攜琴客。

獨孤中丞筵陪饒幸使君赴昇州

中司龍節貴，上客虎符新；地控吳襟帶，才光漢拾紳。泛舟應度臘，入境便行春；何處歌來暮，長江建業人。

酬李郎中侍御秋夜登福州城樓見寄

辛勤萬里道，蕭索九秋殘；月照閩中夜，天凝海上寒。王程無地遠，主意在人安；遙寄登樓作，空知行路難。

送元晟還於潛山所居

深山秋事早，歸去復何如？露收新稼，迎寒葺舊廬。題詩卽招隱，作賦是閑居；別後空相憶，嵇康嬾寄書。

送康判官往新安賦得江路西南永

不向新安去，那知江路長。猿聲比廬霍，水色勝瀟湘。驛樹收殘雨，漁家帶夕陽。何須愁旅泊，使者有輝光。

酬盧十一過宿

乞還方未遂，日夕望雲林。况復逢春草，何勞問此心。閑門公務散，枉策故情深。遙夜他鄉酒，同君梁甫吟。

三月三日義興李明府後亭泛舟

和；更使輕橈徐轉去，微風落日水增波。

江南煙景復如何？聞道新亭更可過。處處蕪蘭春浦綠，萋萋藉草遠山多。壺觴須就陶彭澤，風俗猶傳晉永和。

酬裴十四（得宴字）

淮海各聯翩，三年方一見。素心終不易，玄髮何須變。舊國想平陵，春山滿陽羨。鄰雞莫遽唱，共惜良宵宴。

夜集張誼所居（得飄字）

江南成久客，門館日蕭條。唯有圖書在，多傷鬢髮凋。諸生陪講誦，稚子給漁樵。虛室寒燈淨，空墻落葉飄。滄洲自有趣，誰道隱須招？

送顧長往新安

由來山水客，復道向新安。半是乘潮便，全非行路難。晨裝林月在，野飯浦沙寒。嚴子千年後，何人釣舊灘？

送段明府

遙夜此何其，霜空殊杳靄。方嗟異鄉別，暫是同心會。海林秋更疎，野水寒猶大。離人轉吳岫，旅雁從燕塞。日夕望前期，勞心白雲外。

送王司直

西塞雲山遠，東風道路長；人心勝潮水，相送過潯陽。

同李蘇州傷美人

玉佩石榴裙，當年嫁使君；專房獨見寵，傾國衆皆聞。歌舞嘗無對，幽明忽此分。陽臺千萬里，何處作行雲？

題高雲客舍

孤興日自深，浮雲非所仰；窗中西城峻，樹外東川廣。晏起簪葛巾，閑吟倚藜杖；阮公道在醉，莊子生恆養。五柳轉扶疎，千峰恣來往；清秋香稻穫，白露寒菜長。吳國滯風煙，平陵延夢想；時人趣纓弁，高鳥遠羅網。世事徒糾紛，吾心方浩蕩；唯將山與水，處處諧真賞。

同諸公有懷絕句

舊國迷江樹，他鄉近海門；移家南渡久，童稚解方言。

送李錄事赴饒州

北人南去雪紛紛，雁叫汀沙不可聞；積水長天隨遠客，荒城極浦足寒雲。山從建業千峰遠，江至潯陽九派分；借問督郵纔弱冠，府中年少不如君。

寄高雲

南徐風日好，悵望毗陵道；毗陵有故人，一見恨無因；獨戀青山久，唯令白髮新。每嫌持手板，時見著頭巾；煙景臨寒食，農桑起仲春。家貧仍嗜酒，生事今何有？芳草遍江南，勞心憶攜手。

酬權器

南望江南滿山雪，此情悵悵將誰說？徒隨羸吏不曾閑，願與諸生爲久別。聞君靜坐轉耽書，種樹莖茅還舊居；終日白雲應自足，明年芳草又何如？人生有懷苦不展，出入公門猶未免；回舟朝夕待春風，先報華陽洞深淺。

卷十

皇甫冉下六十五首

奉和徐州王相公彭祖井之作

上公旌節在徐方，舊井莓苔近寢堂。訪古因知彭祖宅，得仙何必葛洪鄉。清虛不共春池競，盥漱偏宜夏日長；聞道延年如玉液，欲將調鼎獻明光。

又和雪

春雪偏當夜，暄風却變寒；庭深不復掃，城曉更宜看。命酒閑令酌，披裘晚未冠；連營鼓角動，忽似戰桑乾。

送蕭處士

惆悵煙郊晚，依然此送君；長河隔旅夢，浮客伴孤雲。淇上春山直，黎陽大道分；西陵儻一弔，應有士衡文。

之京留別劉方平

客子慕儔侶，含悽整晨裝；邀歡日不足，况乃前期長。離袂惜嘉月，遠懷勞折芳；遲遲越二陵，回首但蒼茫。喬木清宿雨，故關愁夕陽；人言長安樂，其奈緬相望。

出塞

吹角出塞門，前瞻即胡地；三軍盡回首，皆洒望鄉淚。轉念關山長，行看風景異；由來征戍客，各負輕生義。

館陶李丞舊居

威名天下挹餘芳，棄置終身不拜郎；詞藻世傳平子賦，園林人比鄭公鄉。門前墜葉浮秋水，籬外寒臯帶夕陽；日日青松成古木，祇應來者為心傷！

送劉兵曹還隴山居

離堂徒讌語，行子但悲辛。雖是還家路，終爲上隴人。先秋雪已滿，近夏草初新。唯有聞羌笛，梅花曲裏春。

同裴少府安居寺對雨

共結尋真會，還當退食初。鑪煙雲氣合，林葉雨聲餘。溽暑銷珍簟，浮涼入綺疏。歸心從念遠，懷此復何如？

贈鄭山人

白首滄洲客，陶然得此生。龐公採藥去，萊氏與妻行。乍見還州里，全非隱姓名。枉帆臨海嶠，貰酒秣陵城。伐木吳山曉，持竿越水清。家人忘貧賤，物外任衰榮。忽爾辭林壑，高歌至上京。避喧心已慣，念遠夢頻成。石路寒花發，江田臘雪明。玄纁儻有命，何以遂躬耕？

寄劉八山人

東皇若遠近，苦雨隔還期。閏歲風霜晚，山田收穫遲。茅簷燕去後，樵路菊黃時。平子遊都久，知君坐見嗤。

雜言無錫惠山寺流泉歌

寺有泉兮泉在山，鏘金鳴玉令長潺湲。作潭鏡兮澄寺內，泛巖花兮到人間。土膏脈動知春早，隈隩陰深長苔草；虞虞縈回石磴喧，朝朝盟漱山僧老。林松自古草自新，清流活活無冬春；任疏鑿兮與汲引，若有意兮山中入。偏依佛界通仙境，明滅玲瓏媚林嶺；宛如太室臨九潭，詎滅天台望三井。我來結綬未經秋，已厭微官憶舊遊；且復遲回猶未去，此心只爲靈泉留。

田家作

臥見高原燒，閑尋空谷泉。土膏消臘後，麥隴發春前。藥驗桐君錄，心齊莊子篇。荒村三數處，衰柳百餘年。好就山僧去，時過野舍眠。汲流寧厭遠，卜地本求偏。向子諳樵路，陶家置畊田。雪峰明晚景，風雁急寒天。且復冠名

蠹寧知冕戴蟬？問津夫子倦，荷襟丈人賢。顧物皆從爾，求心正儻然。嵇康懶慢性，祇自戀風煙。

寄劉方平

十年不出蹊林中，一朝結束甘從戎。嚴子持竿心寂歷，寥落荒籬遮舊宅。終日碧湍聲自喧，暮秋黃菊花誰摘？每望南峰如對君，昨來不見多寒雲。石徑幽人何所在？玉泉疎鐘時獨聞。與君從來同語默，豈是悠悠但相識？天畔三秋空復情，袖中一字無由得。世人易合復易離，故交棄置求新知。歎息青青長不改，歲寒霜雪貞松枝。

溫湯卽事

天仗星辰轉，霜冬景氣和。樹含溫液潤，山入綠垣多。丞相金錢賜，平陽玉輦過。魯人求一謁，無路獨如何？

送張南史劾何記室體

馬卿工詞賦，位下年將暮。謝客愛雲山，家貧身不閑。風波杳未極，幾處逢相識。富貴人更變，誰能念貧賤？岸有經霜草，林有故年枝。俱應待春色，獨使客心悲。

送孔巢父赴河南軍（得河字）

江城相送阻煙波，況復新秋一雁過。聞道全師征北虜，更言諸將會南河。邊心杳杳鄉人絕，塞草青青戰馬多；共許陳琳工奏記，知君名宦未蹉跎。

和元中丞奉使承恩還終南舊居

軒車尋舊隱，賓從滿郊園。蕭散煙霞興，殷勤故老言。謝公山不改，陶令菊猶存。苔蘚侵垂釣，松篁長閉門。風霜清吏事，江海諭君恩。祇召趨宣室，沉冥在一論。

酬李司兵直夜見寄

江城聞鼓角，旅宿復何如？寒月清宵半，春風舊歲餘。徒云資薄祿，未必勝閑居。見欲扁舟去，誰能畏簡書？

王安石唐百家詩選 卷十

九四

送薛判官之越

時艱自多務，職小亦求賢。道路無辭遠，雲山併在前。樟亭待潮處，已是越人煙。

同溫丹徒登萬歲樓

高樓獨上思依依，極浦遙山合翠微。江客不堪頻北望，塞鴻何事復南飛。丹陽古渡寒煙積，瓜步空洲遠樹稀。聞道王師猶轉戰，誰能談笑解重圍。

送劍判官赴河南

看君發原隰，四牡去皇皇。始罷滄江吏，還隨粉署郎。海圻軍未息，河畔歲仍荒。征稅人全少，樵蕪麋近亡。所知宋遠，相隔嘆淮長。早晚裁書寄，銀鉤佇入行。

宿淮陰南樓酬常伯熊

淮陰日落上南樓，喬木荒城古渡頭。浦外野風初入戶，窗中海月早知秋。滄波一望通千里，畫角三聲起百憂。獨立宵分遠來客，煩君步履忽相求。

小江懷靈一上人（六言）

江上年年春早，津頭日日人行。借問山陰遠近，猶聞薄暮鐘聲。

送唐別駕赴鄂州

莫歎辭家遠，方看佐郡榮。長林通楚塞，高嶺見秦城。雪向峽關下，人從郢路迎。翩翩駸馬去，自是少年行。

酬李補闕

十年歸客但心傷，三徑無人已自荒。夕宿靈臺伴煙月，晨趨建禮逐衣裳。久因麋鹿隨豐草，謬荷鸚鵡借末行。縱有諫書猶未獻，春風拂地日空長。

同韓給事觀畢給事畫松石（入聲）

海嶠微茫那得到？楚關迢遞心空憶。夕耶善畫巖間松，遠意幽姿此何極？千條萬葉紛異狀，虎伏螭盤爭勁力；扶疎半映晚天青，凝澹全和曙雲黑。煙籠月照安可道，雨濕風吹未曾息；能將積雪辨晴光，每與連峰作寒色。龍樓不競繁葩吐，騎省偏宜遙夜直；羅浮道士訪移來，少室山僧舊應識。掖垣深沉晝無事，終日亭亭在人側；古槐衰柳寧足論，還對翠幃列行植。

送令狐明府

行當臘候晚，共惜歲陰殘；聞道巴山遠，如何蜀路難？荒林藏積雪，亂石起驚湍；君有親人術，應令勞者安。

送從姪栖閣律師

能知出世法，詎有在家心；南院開門送，東山策杖尋；經年期故里，及夏到空林；念遠長勞望，朝朝草色深。

舟中送李觀

江南近別亦依依，山晚川長客伴稀；獨坐相思計行日，出門臨水望君歸。

故齊王贈承天皇帝挽歌

禮盛追崇口，人知友悌思；舊居從代邸，新壠入文園；鴻寶仙書祕，龍旂帝服尊；蒼蒼松裏月，萬古此高原。

贈恭順皇后挽歌

徂謝年方久，哀榮事獨稀；雖殊百兩送，同是九泉歸；詔使傳金冊，神人送玉衣；空山竟不從，寧肯學湘妃？

送太常大夫加散騎常侍赴朔方

故壘煙塵促，新軍河塞間；金貂寵漢將，玉節度蕭關；散漫沙中雪，依稀漢口山；人知寶車騎，計日勒銘還。

送王翁信還劍中舊居

海岸耕殘雪，溪沙釣夕陽。家中何所有，春草漸看長。

奉寄皇甫補闕（張繼作，附此）

京口情人別久，揚州估客來疎。潮至潯陽回去，相思無處通書。

酬張繼（井序）

懿孫余之舊好，祇役武昌。有六言詩見懷，今以七言裁答，蓋拙于事者繁而費。

悵瑤南徐登北固，迢遙西塞限東關。落日臨川問音信，寒潮唯帶夕陽還。

送柳八員外赴江西

岐路無窮極，長江九派分。行人隨旅雁，楚樹入湘雲。久在征南役，何殊薊北勳。離心不可問，歲暮雪紛紛。

送陸澧潛夫（井序）

頃者江淮征鎮，屢有掄才之舉，予不列焉。有司之過，予方耕山釣湖，避人如逃寇，徒欲羅高鴻，捕深魚，窮年竭日，甚不可得也。今齒髮向暮，執勞無力，衆雖嗷嗷，開口待哺，如有知者，子其行乎！無爲自苦！

高山迴欲登，遠水深難渡。杳杳復漫漫，行人別家去。

又得雲字

何事千年遇聖君，坐令雙鬢老如雲。南行更入山深淺，岐路悠悠水自分。

又送陸潛夫延陵尋友

登山自補屐，訪友不齋糧。坐歇青楓晚，行吟白日長。人煙隔水見，草氣入林香。誰作招尋侶，清齋宿紫陽。

送鄭二堪之茅山（六言）

水流絕澗終日草長深，山暮春犬吠鷄鳴幾處，條桑種杏何人？

問李二司直所居雲山

門外水流何處？天邊樹繞誰家？山色東西多少，朝朝幾度雲遮？

閑居作

多病辭官罷，閑居作賦成。圖書唯藥錄，飲食止藜羹。學謝淹中術，詩無鄴下名。不堪趨建禮，詎是厭承明。已輟金門步，方從石路行。遠山期道士，高柳覓先生。性懶尤因疾，家貧自少營。種苗雖尚短，穀價幸全輕。篇詠投康樂，壺觴就步兵。何人肯相訪，開戶一逢迎。

和王給事禁省梨花

巧解迎人笑，還能亂蝶飛。春風時入戶，幾片落朝衣。

歸渡洛水

暝色赴春愁，歸人南渡頭。渚煙空翠合，灘月碎光流。澧浦饒芳草，滄浪有釣舟。誰知放歌客，此意正悠悠。

送陸澧郭鄴

纔見吳洲百草春，已聞燕雁一聲新。秋風何處催年急，偏逐山行水宿人。

重陽日酬李觀

不見白衣來送酒，但令黃菊自開花。愁看日晚良辰過，步步行尋陶令家。

送蔣評事往福州

江上春常早，關中客去稀。登山怨迢遞，臨水惜芳菲。煙樹何時盡，風帆幾日歸。還看復命處，盛府有光輝。

送從弟豫貶袁州

何事成遷客，思歸不見鄉。遊吳經萬里，弔屈過三湘。水與荆巫接，山通鄢郢長。名嗟黃綬繫，身是白眉良。獨

結南枝恨，應思北雁行；
愛來沽楚酒，玄鬢莫凝霜！

送錢塘路少府赴制舉

公車待詔赴長安，客裏新正阻舊歡；
遲日未能銷野雪，晴花偏自犯江寒。
東溟道路通秦塞，北闕威儀覩漢官；
共許卻就工射策，恩榮請向一枝看。

賦得荆溪夜湍送荊逸人歸義興山

驚湍流不極，夜度識雲岑；
長帶溪沙淺，時因山雨深。
方同七里路，更送五湖心；
揭厲朝將夕，潺湲古至今。
花源若許到，雖遠亦相尋。

送孔黨赴舉

入貢列諸生，詩書業早成；
家承孔聖後，身有魯儒名。
楚水通滌浦，秦山擁漢京；
愛君方弱冠，爲賦少年行。

送裴陟歸常州

夜雨須停棹，秋風暗入衣；
見君常北望，何事却南歸？

徐州送丘侍御之越

時鳥催春色，離人惜歲華；
遠山隨擁傳，芳草引還家。
北固潮當闊，西陵路稍斜；
縱令寒食過，猶有鏡中花。

送韋山人歸所居鍾山

逸人歸路遠，弟子出山迎；
服藥顏須駐，耽書癖已成。
柴扉度歲月，藜杖見公卿；
更作儒林傳，還應有姓名。

和袁郎中破賊後經剡中山水（同用溪字）

武庫分帷幄，儒衣事鼓鼙；
兵連越徼外，寇盡海門西。
節比全疎勒，功當雪會稽；
旌旗回剡嶺，士馬澗耶溪。
偉梅初發，班師草未齊；
行看佩金印，豈得訪丹梯？

送廬州裴使君赴京

使君朝北闕，車馬發東方。別喜天書召，寧愁地脈長。山行朝復夕，水宿露爲霜。秋草連秦塞，孤帆落漢陽。新御趨建禮，舊位識文昌。唯有聯翩翼，翻隨南雁翔。

送包佶賦得天津橋

洛橋歲暮作征客，「第二句闕文」相望依然一水間。相思已如千里隔，晴煙霽景滿天津。鳳闕龍樓映水濱；豈無朝夕軒車度，其奈相逢非所親。鞏樹甘陵愁遠道，他鄉一望人堪老。君報還期在早春，橋邊日日看芳草。

宿嚴維宅送包七

江湖同避地，分手自依依。盡室今爲客，經秋空念歸。歲儲無別野，寒服羨鄰機。草色村橋晚，蟬聲江樹稀。夜涼宜共醉，時難惜相違。何事隨陽侶，汀洲忽背飛。

送延陵陳法師赴上元

延陵初罷講，建業去隨緣。翻譯推多學，壇場最少年。浣衣逢野水，乞食向人煙。遍禮南朝寺，焚香古像前。

賦得海邊樹

歷歷綠荒岸，冥冥入遠天。每同沙草發，長共水雲聯。搖落潮風早，離披海雨偏。故傷游子意，多在客舟前。

題昭上人房

沃洲傳教後，百衲老空林。慮盡朝昏磬，禪隨坐臥心。鶴飛湖草遍，門閉野雲深。地與天台接，中峰早晚尋。

寄韋司直（前則士元有此詩，未知孰是）

聞君感歎二毛初，舊友相依萬里餘。烽戍有時驚暫定，甲兵無處可安居。客來吳地星霜久，家在平陵音信疎。昨夜春風還入戶，登山臨水復何如？

王安石唐百家詩選 卷十一

100

送劉十六還蘇州

秋夜沉沉此送君，陰蟲切切不堪聞；歸舟明日毗陵道，回首姑蘇是白雲。

婕妤好怨

由來詠團扇，今已值秋風；事逐時偕往，思無日再中。早鴻聞上苑，寒露下深宮；顏色年年謝，相如賦豈工？

送客

旗鼓軍威重，關山客路賒；待封甘度隴，回首不思家。城下春山路，營中瀚海沙；河源雖萬里，首信寄來查。

卷十一

劉商九首

送劉南史往杭州拜謁別駕叔

兄弟漂零自長年，見君眉白轉相憐；清揚似玉須勤學，富貴由人不在天。萬里榛蕪迷舊國，兩河烽火復相連；林中若使題書信，但向瀟濱訪客船。

合溪送王永歸東郭

君去春山誰共遊，鳥啼花落水空流；如今送別臨溪水，他日相思來水頭。

春日臥病書情

楚客經年病，孤舟人事稀；晚晴江柳變，春夢塞鴻歸。今日方知命，前年自覺非；不能憂歲計，無限故山薇。

銀雀妓

魏王矜蛾眉，美人美於玉；高臺無晝夜，歌舞竟未足。盛色如轉圓，夕陽落深谷；仍令身歿後，尙縱平生慾。紅

粉橫淚痕，調絃向空屋；舉頭君不在，唯見西陵木。玉輦豈再來？嬌鬢爲誰綠？那堪秋風裏，更舞陽春曲。曲罷情不勝，闌干向西哭。臺邊生野草，來去骨羅縠。况復陵寢間，雙雙見麋鹿。

繡珠怨

從來上臺榭，不敢倚欄干；零落知成血，高樓直下看。

醉後口號

春草秋風老此身，一瓢長醉任家貧；醒來還愛浮萍草，漂寄官河不屬人。

秋夜聽嚴韻紳巴童唱竹枝歌

巴人遠從荆江客，回首荆山楚雲隔。思歸夜唱竹枝歌，庭槐葉落秋風多。曲中歷歷敘鄉思，鄉思綿綿楚詞古；身騎吳牛不畏虎，手提篋笠欺風雨。猿啼日暮江岸邊，綠林連山水連天。來時十三今十五，一成新友已再補；鴻雁南飛報隣伍，在家懽樂辭家苦。天晴露白鍾漏遲，淚痕滿面看竹枝。曲終寒竹風裊裊，西方日落東方曉。

柳條歌送客

露井天桃春未到，遲日猶寒柳開早。高枝低枝飛鷓鴣，千條萬條覆官牆；幾回離別折欲盡，一夜東風吹又長。麤麤拂人行不進，依依送君無遠近；青春去住隨柳條，却寄來人以爲信。

雜言同豆盧郎中郭南七里橋哀悼姚倉曹

橋邊足離別，終日爲悲辛；登橋因歎逝，却羨別離人。橋下東流水，芳樹櫻桃蕊。流水與潮回，花落明年開；可憐三語掾，長作九泉灰。宿昔懽遊在何處，花前飲足求仙去。

羊士諤十七首

過三鄉望女兒山早歲有卜築之志

女几山頭春雪消，路傍仙杏發柔條；心期欲去知何日？惆悵迴車上野橋。

和都官李郎中經宮人斜

翡翠無窮掩夜泉，猶疑一半作神仙；秋來還照長門月，珠露寒花是野田。

郡中卽事二首

紅衣落盡暗香殘，葉上秋光白露寒；越女含情已無限，莫教長袖倚闌干。
登臨何事見瓊枝，白露黃花自繞籬；唯有樓中好山色，稻畦殘水入秋池。

小園春至偶書呈吏部竇郎中孟員外

於蔭雖苦節，冰霜慘其間；欣欣發佳色，如喜東風還；幽抱想前躅，冥鴻度南山；春臺一以眺，達士亦解顏；偃
息非老圃，沉吟闕玄關；馳暉忽復失，壯歲不得閑；君子當濟物，丹梯難共攀；心期自有約，去掃蒼苔斑。

登樂遊原寄司封孟郎中盧補闕

爽節時清眺，秋懷悵獨過；神臯值宿雨，曲水已增波；白鳥陵風迴，紅蕖濯露多；伊川有歸思，君子復如何？

郡樓晴望

霧色朝雲盡，亭臯露亦晞；寒開臨曲檻，蕭瑟換輕衣；地遠素人草，天晴社燕飛；無功慙歲晚，惟念故山歸。

九月十日郡樓獨酌

接史當授衣，郡中稀物役；嘉辰悵已失，殘菊誰爲惜；櫺軒一楫泛，天景洞虛碧；暮節獨賞心，寒江鳴滯石。
歸北州里，舊友東山客；飄蕩海雲深，相思桂花白。

梁國惠康公主挽歌詞二首（特詔令百官進詩，駙馬卽司空之子）

湯沐成塵跡，山林遂寂寥；鶴飛鷹織素，鳳起獨吹簫；玉殿中參罷，雲耕上漢遙；皇情悲不極，空輟未央朝。

授冊榮天使，陳詩感聖恩；河山啓梁國，縞素及于門。泉向金卮咽，霜來玉樹繁；都人聽哀挽，淚盡草寒原。

林館避暑

池島清陰裏，無人泛酒船。山蛸金奏響，花露水精圓。靜勝朝還暮，幽觀白已玄。家林正如此，何事賦歸田？

寒食宴城北山池，卽故郡守榮陽鄭綱自爲折柳亭

別館青山郭，遊人折柳行。落花經上已，細雨帶清明。鶻鳩流芳暗，鴛鴦曲水平。歸心何處醉？寶瑟有餘聲。

夜聽琵琶

破撥聲繁恨已長，低鬟斂黛更摧藏。潺湲隴水聽難盡，併覺風沙繞杏梁。

酬蕭使君出妓夜宴見送

玉顏紅燭忽驚春，微步凌波拂暗塵。自是當歌斂眉黛，不應惆悵爲行人。

西川獨孤侍御見寄七言四韻，一來爲郡翰墨都捐，速此酬答，誠乖拙速。

百雉層城上將壇，列營西照雪峰寒。文章立事須銘鼎，談笑論功取據鞍。草檄青油推健筆，曳裾黃閣舞危冠；雙金未比三年字，負弩空慙知者難。

息舟荆溪，入陽羨南山，遊善權寺，呈李功曹巨

結纜蘭渚曉，柴車上速岡。晏溫值初霽，去邁山河長。獻歲冰雪盡，細泉生路傍。行披煙杉入，激瀾橫石梁。層閣表精廬，飛費切雲翔。冲襟得高步，清眺極遠方。潭嶂積佳氣，萑英多早芳。具觀澤國秀，重使春心傷。念導煩促途，榮利鶩隕光。勉君脫冠意，共匿無何鄉。

永甯里園亭休沐，愜然成詠

雲景台初夏，休歸曲陌深。幽簾宜永日，珍樹始清陰。遲客唯長簟，忘言有匣琴。畫披靈物態，書見古人心。芳

王安石唐百家詩選 卷十一

一〇四

草多留步，鮮飆自滿襟；勞形非立事，蕭灑去頭簪。

長孫佐輔十三首（德宗時人，弟公輔爲吉州刺史，佐輔往依焉。）

尋山家

獨訪山家歇還涉，茅屋斜連隔松葉；主人閒語未開門，繞籬野菜飛黃蝶。

答邊信

征人去年戍遼水，夜得邊書字盈紙；揮刀就燭裁紅綺，結作同心答千里；君寄邊書書莫絕，妾答同心心自結；同心再解心不離，書字頻看字愁滅；結成一夜和淚封，貯書只在懷袖中；莫如書字固難久，願學同心長可同。

山居雨霽卽事

結茅蒼嶺下，自與喧卑隔；况值雷雨晴，郊原轉岑寂；出門看反照，繞屋殘溜滴；古路絕人行，荒陂響螻蟻；籬崩瓜豆蔓，園壞牛羊跡；斷續古祠鴉，高低遠村笛；喜聞東皋潤，欲往未通屐；杖策試危橋，攀蘿瞰苔壁；隣翁夜相訪，緩酌聊跂石；新月出汗蟬，浮雲在中鳥；常隨腐儒操，謬習經邦畫；有待時未知，非關慕沮溺。

擬古詠河邊枯樹

野火燒枝水洗根，數圍枯樹半心存；應是無機承雨露，却將春色寄苔痕。

對鏡吟

憶昔逢君新納媵，青銅鑄出千年鏡；意憐光彩固無瑕，義比恩情永相映；每將鑿面兼鑿心，鑿來不輟情逾深；君非結心空結帶，結處尙新恩已背；開簾覽鏡悲難語，對面相看孟門阻；掩匣徒慙雙鳳飛，懸臺欲効孤鸞舞；妝成持照尙當時，只畏愁多遽變衰；昔日照來人共許，今朝照罷自生疑；鏡上有塵猶可拂，君思詎肯無迴時？

南中客舍對雨送故人歸北

猿聲啾啾雁聲苦，卷簾相對愁不語；幾年客吳君在楚，况送君歸我猶阻。家書作得不忍封，北風吹斷塔前雨。

杭州秋日留別故友

相見又相別，大江秋水深；悲歡一世事，去住兩鄉心。浙瀝籬下葉，淒清塔上琴；獨隨孤棹去，何處更同衾？

關山月

淒淒還切切，戎客多離別；何處最傷心？關山見秋月。關月竟如何？由來遠近過；始經玄兔塞，終繞白狼河。忽憶秦樓婦，流光應共有；已得並蛾眉，還知攬纖手。去歲照同行，比翼復連形；今宵照獨立，願影自瑩瑩。餘暉漸西落，夜夜看如昨；借問映旌旗，何如曉帷幙？拂曉朔風悲，蓬驚雁不飛；幾時征戍罷，還向月中歸。

別友人

愁多不忍醒時別，想極還尋靜處行；誰遣同衾又分手？不如行路本無情。

山行書事

日落風颼颼，驅車行遠郊；中心有所悲，古墓穿黃茅。茅中狐兔窠，四面烏鴛巢；鬼火時獨出，人煙不相交。行行近破村，一徑欲還坳；迎霜聽蟋蟀，向月看蠟蛸。翁喜客來坐，客來羞廚庖；濁醪誇撥蠟，時果仍新苞。相勸對寒燈，呼兒蒸枯梢；性朴頗近古，其言無斗筲。憂歡世上并，歲月途中拋；誰知問津客，空作揚雄嘲。

古宮怨

窗前好樹名玫瑰，去年花落今年開；無情春色尚識返，君心忽斷何時來。憶昔妝成候仙仗，宮璫玲瓏日新上；拊心却笑西子頰，掩鼻誰憂鄭姬謗？草染文章衣下履，花粘甲乙床前帳；三千玉貌休自誇，十二金釵獨相向。盛衰傾奪欲何如？嬌愛翻悲逐佞諛；重遠豈能慙沼鵠，棄前方見泣松魚。看龍不記薰龍腦，詠扇空曾禿鼠鬚；始

喜類蘿新託柏，終傷如薺却甘茶。院深獨開還獨閉，鸚鵡驚飛苔覆地；滿箱舊賜前日衣，漬枕新垂夜來淚。恨多開鏡照還悲，綠鬢青蛾尙未衰。莫道新嫌長絕比，猶逢故劍會相追。

隴西行

陰雲凝朔氣，隴上正飛雪。四月草不生，北風勁如切。朝來羽書急，夜宿長城窟。道隘行不前，相呼抱鞍歇。人寒指欲墮，馬凍蹄亦裂。射雁旋充飢，斧冰還止渴。寧辭解圍鬪，但恐乘疲沒。早晚邊候空，歸來養羸卒。

代別後夢別

別中還夢別，悲後更生悲。覺夢俱千里，追尋難再期。翻思夢裏苦，却恨覺來遲。縱是非真事，何妨夢會時？

李約二首（濟國公勉之子，仕爲尙書兵部員外郎。）

觀祈雨

桑條無葉土生煙，蕭管迎龍水廟前。朱門幾處看歌舞，猶恐春陰咽管絃。

過華清宮

君王遊樂萬機輕，一曲霓裳四海兵。玉輦升天人已盡，故宮猶有樹長生。

城南訪裴氏昆季

相思起中夜，風駕訪柴荆。早霧桑柘隱，曉光溪澗明。村蹊蒿棘間，往往斷新耕。貧野煙火微，晝無烏鶩聲。田頭逢餉人，道君南山行。南山千萬峰，盡是相思骨。野老無拜揖，村童多髣髴。相呼看車馬，顏色喜相驚。荒園雞豚樂，雨牆禾莠生。欲君知我來，壁上空書名。

賈常二首（字中行，扶風平陵人，左拾遺叔向之子，與弟牟、庠、翬俱有名。賈曆中，爲國子祭酒，致仕卒。）

之任武陵寒食日逢次松滋渡先寄劉員外

杏花榆莢曉風前，雲際離離上峽船。江轉數程淹驛騎，楚曾三戶少人煙。看春又遇清明節，算老重輕癸巳年。幸得住山當郡舍，在朝長詠卜居篇。

北固晚眺

水國芒種後，梅天風雨涼。露蠶開晚簇，江燕繞危樑。山趾北來固，潮頭西去長。年年此登眺，人事幾銷亡。

寶牟一首（字貽周，長慶中，爲國子司業。）

秋夕閑居對雨贈別盧七侍御坦

燕燕辭巢蟬蛻枝，窮居積雨壞藩籬。夜長簷溜寒無寐，日晏廚煙濕未炊。悟主一言那可學，從軍五百竟徒爲。故人駿馬朝天使，洛下秋聲恐要知。

寶羣一首（字丹列，元和中，自御史中丞出爲黔中觀察使，貶開州刺史，徙容

管，經略使卒。）

黔中書事

萬事非京國，千山擁麗譙。佩刀看日曬，賜馬傍江調。言語多重譯，壺觴每獨謠。沿流如著翅，不敢問歸橈。

寶庠一首（字胃卿，爲婺州刺史。）

陪留守韓僕射巡內至上陽宮感興

愁雲漠漠草離離，太液鉤陳處處疑。薄暮毀垣春雨裏，殘花猶發萬年枝。

寶鞏八首（字友封，元稹爲武昌軍節度使，辟爲祕書少監，兼御史中丞，充節

度副使。）

王安石唐百家詩選 卷十二

南遊感興

傷心欲問前朝事，惟見江流去不迴；日暮東風春草綠，鷓鴣飛上越王臺。

寄南遊弟兄

書來未報幾時還，知在三湖五嶺間；獨立衙門秋水闊，寒鴉飛去日衙山。

放魚

金錢贖得免刀痕，聞道禽魚亦感恩；好去長江千萬里，不須辛苦上龍門！

宮人斜

離宮路遠北原斜，生死恩深不到家；雲雨今歸何處去？黃鸝飛上野棠花。

代隣叟

年來七十罷耕桑，就暖支贏強下床；滿眼兒孫身外事，閑梳白髮向殘陽。

新營別墅寄兄

嬾性如今成野人，行藏由興不由身；莫驚此度歸來晚，買得西山正值春。

自京師將赴黔南

風雨荊州二月天，問人初屢峽中船；西南一望雲和水，猶道黔南有四千。

永甯小圃與校書接近因寄

故里心期奈別何？手移芳樹憶庭柯；東臯黍熟君應醉，梨葉初紅白露多。

卷十二

楊巨源四十六首

送太和公主和蕃

北路古來難，年光獨認寒。朔雲侵邊起，邊月向眉殘。蘆井尋沙到，花門度磧看。薰風一萬里，來處是長安。

春日奉獻聖壽無疆詞

代是文明畫，春當燕喜時。鑪煙添柳重，宮漏出花遲。漢典方寬律，周官正採詩。碧霄傳風吹，紅旭在龍旗。造化膺神契，陽和沃聖慈。無因隨百獸，率舞奏丹墀。

贈鄰家老將

白首羽林郎，丁年戍朔方。陰天瞻磧路，秋日渡遼陽。大漠寒山黑，孤城夜月黃。十年依募食，萬里帶金韉。拂雪陳師祭，衝風立教場。箭飛瓊羽合，旗動火雲張。虎翼分營勢，魚鱗擁陳行。誓心清塞色，鬪血雜沙光。戰地暗暉薄，軍門曉氣長。寇深爭暗襲，關迴勒春防。身賤竟何訴，天高徒自傷。功成封寵將，力盡到貧鄉。雀老方悲海，鷹衰却念霜。空餘孤劍在，開匣一霜蒙。

和練師索秀才楊柳

水邊楊柳綠煙絲，立馬煩君折一枝。惟有春風最相惜，殷勤更向手中吹。

大堤詞

二八嬋娟大堤女，開爐相對依江渚。待客登樓向水看，遊郎卷幔臨花語。細雨濛濛濕芰荷，巴東商侶住帆多。自傳芳酒翻紅袖，誰調妍妝回翠蛾。珍簾華燈夕陽後，常爐理瑟矜纖手。月落星微五鼓聲，春風搖蕩窗前柳。歲歲逢迎沙岸間，背人多整綠雲鬟。無端嫁與五陵少，難別煙波傷玉顏。

聖恩洗雪鎮州寄獻裴相公

王安石唐百家詩選 卷十二

天借春光洗綠林，戰塵收盡見花陰；好生本是君王德，忍死何妨壯士心？曾賀截雲翻柵遠，仍聞斷凍下營深；井陘昨日雙旗入，蕭相無言淚濕襟。

上劉侍中

命代生申甫，承家翊禹湯；廟謨膺間氣，師律動清霜。鍾鼎勳庸大，河山誠誓長；英姿凌虎視，逸步壓龍驤。道協陶鈞力，恩向日月光；一言弘社稷，九命備珪璋。政治軍逾肅，仁敷物已康；朱門重棨戟，丹詔半縑緇。位總興龍野，師臨逐鹿鄉；射鵰天更碧，吹角塞仍黃。深入平夷落，橫行闢漢疆；功垂貞石遠，名映色絲香。度磧瞻貔武，臨池識鳳凰；舞腰凝綺榭，歌響拂雕梁。杯淨傳鸚鵡，裘鮮照鸛鷺；吟詩白羽扇，校獵綠沉槍。風景佳人地，煙沙壯士場；幕中邀謝監，麾下得周郎。珠影含空徹，瓊枝映坐芳；王渾知武子，陳寶獎元方。富貴春無限，歡娛夜未央；管絃隨玉帳，樽俎奉金章。俗理寧因勸，邊城詎假防；軍容雄朔漠，公望冠巖廊。分野鄰孤島，京坻溢萬箱；曙華分碣石，秋色入漁陽。城遠迷玄兔，川明辨白狼；忠賢多感激，今古共蒼茫。堤擁紅蕖豔，橋分翠柳行；軒車紛自至，亭館鬱相望。珍重回煩暑，層軒引早涼；聽琴知思靜，說劍覺神揚。佳景燕臺上，清暉鄭驛傍；鼓鍾喧北里，珪玉映東牀。敢銜由之瑟，甘循賜也牆；官微思假路，戰勝望升堂。欲奮三年翼，頻回一夕腸；消憂期酒聖，乘興任詩狂。海內分桃李，天涯剪稻梁；升沉門下客，誰道在蒼蒼。

郊居秋日酬奚贊府見寄

繁菊照深居，芳香春不如；聞尋局處士，知伴庾尚書。日晚汀洲曠，天晴草木疎；閑言揮麈柄，清步掩蝸廬。野老能親牧，高人念遠漁；幽叢臨古岸，輕葉度寒蕖。暮色無狂蝶，秋華有嫩蔬；若爲酬樂曲，從此愧璠璣。

上裴中丞

六年西掖弘湯誥，三捷東堂總漢科；政引風霜成物色，語回天地到陽和。清威更助朝端重，聖澤曾隨筆下

多；應笑白鬚揚執戟，可憐春日老如何？

送裴中丞出使

一清淮甸假朝綱，傘印初迎細柳黃；辭闕天威和雨露，出關春色避風霜。龍韜何必陳三略？虎旅由來肅萬方；宣諭生靈真重任，回軒應問石渠郎。

酬崔駙馬惠賡紙百張兼貽四韻

百張雲樣亂花開，七字文頭豔錦回；浮碧定從天上得，殷紅應自日邊來。捧持價重欺雲葉，封裏香深笑海苔；滿篋清光應照眼，欲題幾韻輒徘徊。

送司訓童子

衛多君子魯多儒，七歲聞天笑舞雩；光彩春風初轉蕙，性靈秋水不藏珠。兩經在口知名小，百拜垂髫稟氣殊；况復元侯旌爾善，桂林枝上得鸞鷟。

元日含元殿下立仗丹鳳樓下宣赦上門下相公二首

天垂台耀拂機槍，壽獻山青祝聖明；丹鳳闕前歌九奏，金鷄竿上鼓千聲。衣裳南面薰香動，文字東方喜氣生；從此登封資廟略，兩河連海一時清。

臨軒啓扇似雲收，率土朝天劇水流；瑞色含春當正殿，香煙捧日在高樓。三朝起草迎風澤，萬歲長聲繞冕旒；請問漢家功第一，麒麟閣上識鄴侯。

賀田僕射子弟榮拜金吾

五侯恩澤不同年，叔姪朱門穉稍連；鳳沼九重相喜氣，鷹行一半入祥煙。街衢燭影侵寒月，文武珂聲曉天；為數麒麟高閣上，誰家父子勒燕然？

觀打球

親掃球場如砥平，龍馭驟馬曉光晴；
入門百拜瞻雄勢，動地三軍唱好聲。
玉勒同時露赤汗，花驄分處拂紅纓；
欲令四海氛煙淨，杖底縑塵不敢生。

送人過衛州

憶昔征南府內遊，君家東閣最淹留；
縱橫聯句長侵曉，次第看花直到秋。
論舊舉杯先下淚，傷離臨水更登樓；
相思前路幾回首，滿眼青山過衛州。

贈李傅

知因公葺掩能文，誓激明誠在致君；
曾罷雙旌瞻白日，猶將一劍許黃雲。
搖窗竹色留僧語，入院松聲共鶴聞；
莫被此心生晚計，鎮南人憶杜將軍。

送絳州盧使君

應將清靜結心期，又共陽和到郡時；
絳老問年須算字，庾公逢月要題詩。
朱欄迢遞因高勝，粉蝶清明欲下遲；
他日徵還作霖雨，不須求賽敬亭祠。

和裴舍人觀田尚書出獵

聖代司空比玉清，雄藩觀獵見皇情；
雲禽已覺高無益，霜兔應知狡不成。
飛鞋擁塵寒草盡，彎弓開月朔風生；
今朝始賀將軍貴，紫禁詩人看旆旌。

送李舍人歸蘭陵里

清詞舉世皆藏篋，美酒當山爲滿罇；
三畝嫩蔬臨綺陌，四行高樹擁朱門。
家貧境勝心無累，名重官閑口不論；
惟有道情常自足，啓期天地易知恩。

和人與人分惠賜冰

天水藏來玉墮空，先頒密署幾人同；映盤皎潔非闕露，當扇清涼不在風。瑩質方從綸閣內，凝輝更借錦帷中；麗詞珍貺難雙有，迢遞金鑾殿角東。

寄中書同年舍人

清明紫閣最高峰，仙掖開簾范彥龍；五色天書詞煥爛，九華春殿語從容。綵毫應染鑪煙細，清珮仍含玉漏重；二十年前同日喜，碧霄何路得相逢。

早春卽事呈劉員外

明朝晴暖卽相隨，肯信春光被雨欺；且任文書堆案上，免令杯酒負花時。馬蹄經歷應須遍，鶯語丁寧已怪遲；更待雜芳成豔錦，鄴中爭唱仲宣詩。

酬于駙馬二首

綺陌塵香曙色分，碧山如畫又逢君；蛟藏秋月一片水，驥鎖晴空千尺雲。城裏舊知何駙馬，詩家今得鮑參軍；陽和本是煙霄曲，須向花間次第聞。

芳時碧落心應斷，今日清詞事不同；瑤草秋殘仙圃在，綵雲天遠鳳樓空。晴花曾送金羈影，涼葉還生玉簟風；長得聞詩權自足，會看春露濕蘭叢。

和侯大夫秋原觀征人回

兩河罷戰萬方清，原上軍回識舊營；立馬望雲秋塞淨，射鵬臨水晚天晴。戍閑部伍分岐路，地遠家鄉寄旆旌；聖代止戈資廟略，詩侯不復更長征。

同太常尉遲博士闕下待漏

王安石唐百家詩選 卷十二

王安石唐百家詩選 卷十二

一一四

沉沉延閣抱丹墀，松色苔花黶露滋；爽氣曉來青玉整，薰風宿在翠花旗。方瞻御陌三條廣，猶覺仙門一刻遲；此地含香從白首，馮唐何事怨明時？

見薛侍御戴不損裏帽子因贈

潘郎對青鏡，烏帽似新裁。曉露鴉初洗，春荷葉半開。堪將護巾櫛，不獨隔塵埃；已見籠蟬翼，無因映鹿胎。何人呈巧思，好手自西來。有意憐衰醜，煩君致一枚。

寄昭應王丞

武皇金輅輾香塵，每歲朝元及此辰；光動泉心初浴日，氣蒸山腹總成春。謳歌已入雲韶曲，詞賦方歸侍從臣。瑞靄朝朝猶望幸，天教赤縣有詩人。

將歸東都別令狐舍人

綠楊紅杏滿城春，一騎悠悠萬井塵。岐路未關今日事，風光欲醉長年人。閑過綺陌尋高寺，強到朱門謁近臣；多病晚來還有策，洛陽山色舊相親。

寄江州白司馬

江州司馬平安否？惠遠東林住得無？溢浦曾聞似衣帶，廬峰見說勝香爐。題詩歲晏離鴻斷，望闕天遙病鶴孤；莫謾勾牽雨花社，青雲依舊是前途。

薛司空自青州歸朝

天眷君陳久在東，歸朝人看大司空。黃河岸畔長無事，滄海東邊獨有功。已變畏途成雅俗，仍過舊里揖清風；一門累葉凌煙閣，次第儀形漢上公。

送章孝標校書歸杭州因寄白舍人

曾過靈隱江邊寺，獨宿東樓看海門；潮色銀河鋪碧落，日光金柱出紅盆。不妨公事資高臥，無限詩情要細論；若訪郡人徐孺子，應須騎馬到沙村。

述舊紀勳寄太原李侍中光顏二首

玉塞含悽見雁行，北垣新詔拜龍牀；弟兄間世真飛將，貔虎歸時似故鄉。鼓角因風飄朔氣，旌旗映水發秋光；河源收地心猶壯，笑向西萬里霜。

倚天長劍截雲孤，報國縱橫見丈夫；五載登壇真宰相，六重分閫正司徒。曾聞轉戰平堅寇，共說題詩壓腐儒；料敵知機在方寸，不勞心力講陰符。

胡二十拜戶部兼判度支

清機果被公材撓，雄拜和承聖主恩；廟略已調天府寶，國征方覺地官尊。徒言玉節將分闡，定是沙隄欲到門；爲愛山前新卜第，不妨風月事琴樽。

酬裴舍人見寄

誰道重遷是舊班，自將霄漢比鄉關；二妃樓下宜臨水，五老祠西好看山。再葺吾廬心已足，每來公府跡常閑；詩陪亞相逾三紀，石笥煙霞不共攀。

早朝

鍾傳清禁纔應徹，漏報仙闈儼已開；雙闕薄煙籠菡萏，九城初日照蓬萊。朝時但向丹墀拜，仗下方從碧落回；聖代逍遙更何事，願將巴曲贊康哉？

元日呈元逢吉舍人

華夷文物賀新年，霜仗遙排鳳闕前；一片綵霞迎曙日，萬條紅燭動春天。稱觴山色和元氣，端冕爐香疊瑞

王安石唐百家詩選 卷十二

一一六

煙；共說正初當聖澤，試過西掖問羣賢。

酬盧員外（話舊，感往年相國河東張公弘靖，常臨北府，忝察屬之末，君有鄉里之親，有作。）

謝傳旌旆控上游，盧郎鱗組借前籌。舜城風土臨清廟，魏國山川在白樓。雲寺當時接高步，水亭今日又同遊。滿筵舊府笙歌在，獨有羊曇最淚流。

純美寄申州盧拱使君

領郡仍聞倅虎貌，致身還是見男兒。小船隔水催桃葉，大鼓當風舞柘枝。酒座微酣諸客倒，球場慢撥幾人隨。從來樂事憎詩苦，莫被宵中遠岫知。

贈張將軍

關西諸將揖密光，獨立營門劍有霜。知愛魯連歸海上，肯令王翦在滎陽。天晴紅幟當山滿，日暮清笳入塞長。年少功高人最羨，漢家壇樹月蒼蒼。

酬崔博士

自知頑叟更何能，唯學雕蟲謬見稱。長彼有情邀唱和，近來無力更祇承。青松樹杪千年鶴，白玉壺中一片冰。今日爲君書壁右，孤貞莫怕世人憎。

古意贈王常侍

繡戶紗窗北里深，香風暗動鳳皇簾。組紉長在佳人手，刀尺空搖寒女心。欲學齊謳逐雲管，還思楚練拂霜砧。東家少婦當機織，應念無衣雪滿林。

和杜中丞西禪院看花

一林堆釣映千燈，照眼牽情欲不勝；知倚暗明嬌自足，解將顏色醉相仍。好風輕引香煙入，甘露纒和粉豔凝；深處最憐鶯蹊踐，嫩時先被蝶侵凌。對持真境應無取，分付空門又未能。迎日似翻紅燒斷，臨流疑映綺霞層。幽舍晚態憐丹桂，盛續春光識紫藤。每到花枝獨惆悵，山東唯有杜中丞。

王建上二十四首（太和，中爲陝州司馬）

送人

白日向西沒，黃河復東流；人生足著地，寧免四方遊？我行無返顧，祝子勿回頭！常須向前去，何用起離憂？但恐無廣路，平地作山丘；令我車與馬，欲疾反停留。蜀客多積貨，邊人競封侯；男兒戀家鄉，懼樂爲仇讎。丁寧相勸勉，苦口幸無尤；對面無相成，不如豺虎儔。夜遠不寄書，此寒莫寄裘；與君俱絕跡，兩念無因由。

將歸故山留別相侍御

有川不得涉，有路不得行；沉沉百夢中，一日如一生。錯來干諸侯，石田廢春耕；虎戟衛重門，何因達中誠？日月俱照曜，山川異陰晴；如何百里間，開目不見明。我今歸故山，誓與草木并；願君去丘坂，長使道路平。

上七泉寺上方

長年好名山，本性今得從；回看塵土遙，稍見塵塵蹤。老留雲中居，石門青重重；陰泉養成龜，古壁飛却龍。掃石禮新經，懸幡上高峰；日夕猿鳥合，寃食聽山鍾。將火尋遠泉，煮葑傍寒松；晚隨采藥人，便宿南嶺中。晨起衝露行，濕花枝葦菲；歸依向禪師，願作香火翁。

灑門山

早入溫門山，羣峰亂如戟；崩崖欲相觸，呀豁斷行跡。脫履尋淺流，定足畏欹石；路盡十里溪，地多千歲柏。洞門晝陰黑，深處惟石壁；似見丹沙光，亦聞鍾乳滴。靈池出山底，沸水衝地脈；暖氣成濕煙，濛濛窗中白。隨僧入古

寺，便是雲外客；月出天氣涼，夜鍾山寂寂。

翻柏侍御聞與韋處士同遊靈臺寺見寄

西域傳中說，靈臺屬雍州；有泉皆聖跡，有石皆佛頭。所出薺葡萄，香外國俗來求；毒蛇護其下，樵者不可偷。古碑在雲顛，備載置寺由；魏家移下來，後人始增修。近與韋處士，愛此山之幽；各自具所須，竹籠盛茶甌。牽馬過危棧，屢衣涉奔流；草開平路盡，林下大石稠。回廊轉經峰，忽見東西樓；瀑布當寺門，迸落衣裳秋。石苔鋪紫花，燦葉裁綠油；松根載殿高，飄飄仙山浮。與中賢大夫，一月前此遊；賽神荷得雨，豈暇多停留？二十韻新詩，遠寄尋山僕；清令玉瀾泣，冷切石磬愁。君名高難閑，余身愚終休；相將長無因，從今生離憂。

送韋處士老舅

憶昨癡小年，不知有經籍；常隨童子遊，多向外家劇。偷花入鄰里，弄筆書牆壁；照水學梳頭，應門未穿幘。人前賞文性，梨果蒙不惜；賦字詠新泉，探題得幽石。自從出關輔，三十年作客；風雨一飄飄，親情多阻隔。如何二千里，塵土驅衰疴；良久陳苦辛，從頭嘆衰白。既來今又去，鬢笑還成感；落日動征車，春風卷離席。雲臺觀西路，華嶽祠前柏；會得過帝鄉，重尋舊行跡。

邯鄲主人

遠客無主人，夜投邯鄲市；飛蛾繞殘燭，半夜人醉起。城邊酒家女，遺我細綺被；合成雙鳳花，宛轉不相離。縱令顏色故，勿遣合歡異；一念始爲蕪，萬金誰是貴。門前長安道，去者如流水；道風羣鳥翔，徘徊別離此。

泛水曲

戴酒入煙浦，方舟泛淥波；子酌我復魚，子飲我還歌。蓮深微路通，峰曲幽氣多；閱芳無留瞬，弄桂不停柯。水上秋日鮮，西山碧峨峨；茲歡良可貴，誰復更來過？

題壽安南館

明蒙竹間亭，天暖幽桂碧，雲生四面山，水接富階石。濕樹浴鳥痕，破苔臥鹿跡；不緣麕駕觸，堪作商皓宅。

江南新體二首

江上風脩脩，竹間湘水流；日夜桂花落，行人去悠悠。復見離別處，蟲聲陰雨秋。處處江草綠，行人發瀟湘；瀟湘回雁多，日夜思故鄉。春夢不知數，空山蘭蕙芳。

涼州行

涼州四邊沙皓皓，漢家無人開舊道。邊頭州縣盡胡兵，將軍別築防秋城；萬里征人皆已沒，年年旌節發西京。多來中國收婦女，一半生男爲漢語；蕃人舊日不耕犁，相學如今種禾黍。驅羊亦著錦爲衣，爲惜氈裘防鬪時；養蠶繅繭成匹帛，那將纒帳作旌旗。城頭山雞鳴角角，洛陽家家教胡樂。

寒食行

寒食家家出古城，老人看屋少年行。丘壠年年無舊道，車徒散行入衰草；牧童驅牛下塚頭，畏有家人來洒掃。遠人無墳石頭祭，還引婦姑望鄉拜。三日無火燒紙錢，紙錢那得到黃泉；但看壠上無新土，此中白骨應無主。

促刺詞

促促復刺刺，水中無魚山無石。少年雖嫁不將歸，白頭猶著父母衣；四邊田宅非所有，我身不及逐雞飛。出門若有歸死處，猛虎當衢向前去；百年不遺踏君門，在家誰喚爲新婦。豈不見他隣舍娘，嫁來長在舅姑傍。

隴頭水

隴水何年隴頭別，不在山中亦鳴咽。征人塞耳馬不行，未到隴頭聞水聲；謂是西流入蒲海，還聞北去繞龍城。隴東隴西多屈曲，野麕飲水長萋萋。胡兵夜回水傍住，憶著來時磨劍處；向前無井復無泉，放馬回看隴頭樹。

北邙行

北邙山頭少閑土，盡是洛陽人舊墓；舊墓人家歸葬多，堆著黃金無買處。天涯悠悠葬日促，岡坂崎嶇不停轂；高張素幕繞銘旌，夜唱挽歌山下宿。洛陽城北復城東，魂車祖馬長相逢。車轂廣若長安路，蒿草多於松柏樹。山頭澗底石漸稀，盡向墳前作羊虎。誰家石碑文字滅，後人重取書年月。朝朝車馬送葬回，還起大宅與高臺。

溫泉宮行

十月一日天子來，青繩御路無塵埃；宮前內裏湯各別，每個白玉芙蓉開。朝元閣向山上起，城繞青山龍綬水；夜開金殿看星河，宮女知更月明裏。武皇得仙王母去，山雞晝鳴宮中樹。溫泉泱泱出宮流，宮使年年修玉樓；禁兵去盡無射獵，日西麋鹿登城頭。梨園弟子偷曲譜，頭白人間教歌舞。

春詞

紅煙滿戶日照梁，天絲軟弱蟲飛揚；菱花霍霍繞帷光，美人對鏡著來裳。庭中並種相思樹，夜夜還栖雙鳳皇。

遼東行

遼東萬里遼水曲，古戍無城復無屋；黃雲蓋地雪作山，不惜黃金貴衣服。戰回各自收弓箭，正西回面家鄉遠；年年都郡送征人，將與遼東作丘坂。甯爲草木鄉中生，有身不向遼東行。

塞上梅

天山路傍一株梅，年年花發黃雲下；昭君已沒漢使回，前後征人唯繫馬。日夜風吹滿隴頭，還隨隴水東西流。此花若近長安路，九衢年少無攀處。

戴勝詞

戴勝誰與爾爲名？木中作窠牆上鳴。聲聲催我急種穀，人家向田不歸宿；紫冠綵綵褐羽斑，銜得蜻蜓飛過屋。可憐白鷺滿綠池，不如戴勝知天時。

鞦韆詞

長長絲繩紫復碧，嬋嬋橫枝高百尺。少年女兒重鞦韆，盤巾結帶垂兩邊。身輕裙薄易生力，雙手向空如鳥翼；下來立定重繫衣，復畏斜風高不得。旁人送上那足貴，終暗明璫鬪自起；回回若與高樹齊，頭上寶釵從墮地。眼前爭勝難爲休，足踏平地看始愁。

開池得古釵

美人開池北堂下，拾得寶釵金未化。鳳皇半在雙股齊，鈿花落處生黃泥；當時墮地覓不得，暗想窗中還夜啼。可知將來對夫壻，鏡前學梳古時髻。莫言至死亦不遺，還似前人初得時。

賽神曲

男抱琵琶女作舞，主人再拜聽神語；新婦上酒勿辭勤，使爾舅姑無所苦。椒漿湛湛桂座新，一雙長箭繫紅巾；但願牛羊滿家宅，十月報賽南山神。青天無風水復碧，龍馬上鞍牛服靴，紛紛醉舞踏衣裳，把酒路傍勸行客。

卷十三

王建下六十八首

田家留客

人客少能留我屋，客有新漿馬有粟；遠行僮僕應苦飢，新婦廚中炊欲熟。不嫌田家破門戶，蠶房新泥無風土；行人但飲莫畏貧，明府上來可辛苦。丁甯回語屋中妻，有客勿令兒夜啼。雙塚直西有縣路，我教丁男送君去。

王安石唐百家詩選 卷十三

一一二

精衛詞

精衛誰教爾填海，海邊石子青磊磊。但得海水作枯池，海中魚龍何所爲？口穿豈爲空銜石，山中草木無全枝。朝在樹頭暮海裏，飛多羽折時墮水。高山未盡海未平，願我身死子還生。

老婦嘆鏡

嫁時明鏡老猶在，黃金鏤盡雙鳳背。憶昔咸陽初買來，燈前自繡芙蓉帶。十年不開一片鐵，長向暗中梳白髮；今日後床重照看，生死終當此長別。

荏夫石

荏夫處，江悠悠，化爲石，不同頭。山頭日日風復雨，行人歸來石應語。

別鶴曲

主人一去池水絕，池鶴散飛不相別。青天漫漫碧海重，知向何山風雪中。萬里雖知音影在，兩心終是死生同。池邊巢破松樹死，樹頭年年鳥生子。

烏栖曲

章華宮人夜上樓，君王望月西山頭。夜深宮殿門不鎖，白露滿山山葉墮。

雉將雛

雉啣喔，雛出殼，毛斑斑，觜啄啄；學飛未得一尺高，還逐母行旋母脚。麥壘淺淺難蔽身，遠去戀雛低怕人。時時土中鼓兩翅，引雛拾蟲不相難。

白紵歌二首

天河漫漫北斗燦，宮中烏啼知夜半。新縫白紵舞衣成，來遲邀得吳王迎；低鬟轉面掩雙袖，玉釵浮動春風

生。酒多夜長夜未曉，月明燈光兩相照；後庭歌聲更窈窕。

館娃宮中春日暮，荔枝木瓜花滿樹；城頭烏栖休擊鼓，青娥彈瑟白紵舞。夜天燿燿不見星，宮中火照西江明；美人醉起無次第，墮釵遺佩滿中庭。此時但願可君意，回畫爲宵亦不寐；年年奉君君莫棄。

短歌行

人初生，日初出；上山遲，下山疾；百年三萬六千朝，夜裏分將強半日。有歌有舞聞早爲，昨日健於今日時。人家見生男女好，不知男女催人老。短歌行，無樂聲。

飲馬長城窟

長城窟，長城窟邊多馬骨；古來此地無井泉，賴得秦家築城卒。征人飲馬愁不同，長城變作堊鄉堆。蹄蹤未乾人去近，續後馬來泥汗盡；枕弓睡著待水生，不見陰山在前陣。馬蹄足脫裴馬頭，健兒戰死誰封侯？

烏夜啼

庭樹烏，爾何不向別處栖？夜夜夜半當戶啼。家人把燭出洞戶，驚栖出羣飛落樹；一飛直欲飛上天，回回不離舊栖處。未明重繞主人屋，欲下空中黑相觸。風飄雨濕亦不移，君家樹頭多好枝。

簇蠶辭

蠶欲老，箔頭作繭絲皓皓；埽寬地，高風日多，不向中庭嚙蒿草。神蠶急作莫悠揚，年老爲爾祭神桑；但得青天不下雨，上無蒼蠅下無鼠，新婦拜簇願繭稠，女灑桃漿男打鼓。三日開箔雪團團，先將新繭送縣官。已聞鄉里催織作，去與誰人身上著？

渡遼水

渡遼水，此去咸陽五千里；來時父母知隔生，重著衣裳如送死。亦有白骨歸咸陽，營家各與題本鄰；身死應

王安石唐百家詩選 卷十三

無回渡日，住馬相看遼水傍。

空城雀

空城雀，何不飛來人家住？空城無人種禾黍，土間生子草間長，滿地蓬蒿幸無主。近村雖有高樹枝，雨中無食常苦飢。八月小兒拔弓箭，家家畏我田頭飛。但能不出空城裏，秋時百草皆有子。黃口莫啾啾，長爾得成無橫死。

水運行

江西運船立紅檣，萬棹千帆繞江水。去年六月無稻苗，已說水鄉人餓死。縣官部船日算程，暴風惡雨亦不停；在生有樂宮有苦，三年作官一年行。壞舟畏鼠復畏漏，恐向太倉折勝斗。辛勤耕種非毒藥，看著不入農夫口。用盡百金不爲費，但得一金則爲利。遠徵海稻供邊食，豈如多種邊頭地？

當廳織

歎負復歎負，園中有棗行人食；貧家女爲富家織，翁母隔牆不得力。水寒手澀絲脆斷，續來續去心腸爛；草蟲促促機下啼，兩口僅成一匹半。輪官上頭有零落，姑未得衣身不著。當廳却羨青樓倡，十指不動衣盈箱。

失釵怨

貧女銅釵惜於玉，失却來尋三日哭。嫁時女伴與作裝，頭戴此釵如鳳凰。雙杯行酒六親喜，我家新婦宜拜堂。鏡中乍無失髻樣，初起猶疑在床上。高樓翠鈿飄舞塵，明日從頭一片新。

水夫謠

苦哉生長水驛邊，官家使我牽驛船。苦日多，樂時少，水宿沙行如海鳥；逆風上水萬斛重，前驛迢迢波淼淼。半夜絳堤雪和雨，受他驅遣還復去。夜寒衣濕披短莎，臆穿足裂忍痛何！到明辛苦無處說，齊聲騰踏牽船歌。一

間茅屋何所直？父母之鄉去不得。我願此水作平田，長使水夫不怨天。

田家行

男聲欣欣女顏悅，人家不怨言語別。五月雖熱麥風清，簷頭索索綠車鳴；野蠶作繭人不取，葉間撲撲秋蛾生。麥收上場絹在軸，的是輸得官家足，不望入口復上身，且免向城賣黃犢。田家衣食無厚薄，不見縣門身即樂。

神樹詞

我家家西老棠樹，須臾即暗雨即雨；四時入節上盃盤，願神莫離神處所。男不著丁女在舍，事官上下無言語；老身長健樹婆娑，萬歲千年作神主。

公無渡河

渡頭惡天兩岸遠，波濤塞川如疊坂。幸無白刃驅向前，何用將身自棄捐？蛟龍齧屍魚食血，黃泥直下無青天。男兒縱輕婦人語，惜君性命還須取。婦人無力挽斷衣，舟沉身死悔難追。公無渡河公自爲。

行見月

月初生，居人行見月，一年十二月，強半馬上看盈缺。百年歡樂能幾何？在家見少行見多；不緣衣食相驅遣，此身誰願長奔波。篋中有帛倉有粟，豈向天涯走碌碌？家人見月望我歸，正是道上思家時。

寄遠曲

美人別來無處所，巫山明月湘江雨；千回想見不分明，井底看星夢中語。兩心相見尙難知，何況萬里不相疑。

春來曲

春欲來，每日望春門早開；黃衫白馬有塵土，逢著探春人却回。御堤內圍曉過急，九衢大宅家家入；青帝少

女染桃花，露裝初出紅猶濕。光風瞰瞰蝶宛宛，遶樹氣匝枝柯軟。可憐寒食街中郎，早起著得單衣裳。少年卽見春好處，似我白頭無好樹。

春去曲

春已去，花亦不知春去處。緣岡繞壩却歸來，百回看著無花樹。就中一夜風來惡，收紅拾紫無遺落。老大不比年少兒，不中數與春別離。

東征行（裴度征淮西事也。）

桐柏水西賊星落，梟雛夜飛林木惡。相國刻日波濤清，當朝自請東西征。舍人爲賓侍郎副，曉覺蓬萊欠珮聲。玉墀踏舞謝旌節，生死向前山可穴。同時賜馬并賜衣，御樓看帶弓刀發。馬前猛士三百人，金書左右紅旗新。司庖嘗膳皆得對，好事將軍封爾身。男兒生殺在手裏，營門老將皆憂死。瞳瞳白日當南山，不立功名終不還。

傷鄰家鸚鵡詞

東家小女不惜錢，買得鸚鵡獨自憐。自從死却家中女，無人更共鸚鵡語。十日不飲一滴漿，淚漬綠毛頭似鼠。舌闕啞咽畜哀怨，閉籠放飛離人眼。短聲亦絕翠臆翻，新墓崔嵬舊巢遠。此禽有志女有靈，定爲連理相並生。

傷孔雀詞

可憐孔雀初得時，美人見好別開池。池邊鳳凰作伴侶，新聲鸚鵡無言語。雕籠玉架嫌不栖，夜夜思歸向南廡。如今憔悴人見惡，萬里更求新孔雀。熱眠雨水飢拾蟲，翠尾拖泥金色落。多時人養不解飛，海山風黑無處歸。

荆門行

江邊行人暮悠悠，山頭殊未見荆州。峴亭西頭路多曲，櫟林深深石鏃鏃。看炊紅米煮白魚，夜向雞鳴店家宿。南中三月蚊蚋生，黃昏不聞人語聲。紗帷疎薄如露臥，隔衣嚼膚耳邊鳴。欲明不待燈火起，喚得官船過澗水。

女兒停客茅屋新，開門掃地桐花裏。火盤朴朴塞溪煙，人家燒竹種山田。巴雲欲雨蒸石熱，麋鹿入江蟲出穴。大地過處一山腥，野牛驚跳雙角折。斜分漢水橫湘山，山青水綠荆門間。向前問個長沙路，舊是屈原沉溺處。誰家丹旆已南來，逢著流人從北去。月明山鳥多不栖，下枝飛上高枝啼。主人念遠心不數，羅衫對舞章臺夕。紅燭交橫各自歸，酒醒還是他鄉客。壯年留滯尚思家，況復白頭在天涯。

鏡聽詞

重重摩挲嫁時鏡，夫婿遠行憑鏡聽；回身不遣別人知，人意丁寧鏡神聖。懷中收拾雙錦帶，恐畏街頭見驚怪；嗟嗟嚶嚶下堂階，獨自竈前來跪拜。出門不顧聞悲哀，身在任郎回不回；月明地上人過盡，好語多同皆道來。卷帷上床喜不定，與郎裁衣失翻正。可中三日得相見，重繡鏡囊磨鏡面。

行宮詞

上陽宮到蓬萊殿，行宮磊磊遙相見；向前天子行幸多，馬蹄車轍山山遍；當時州縣每年脩，皆留內人看玉案。禁兵奪得明堂後，長閉桃源與綺岫。開元歌舞百草頭，原州樂世嫌舊遊。官家定人作宮戶，不泥宮牆斫宮樹；兩邊仗屋半崩摧，野火入林燒殿柱。休封中岳六十年，行宮不見人眼穿。

羽林行

長安惡少出名宇，樓下劫商樓上醉。天明下直明光宮，散入五陵松柏中；一回殺人身合死，赦書上有收成功。九衢一日消息定，鄉吏籍中重改姓。出來依舊屬羽林，立在殿前番射禽。

射虎行

自去射虎得虎歸，官差射虎得虎遲。獨行以死當虎命，兩人相疑終不定；朝朝暮暮空手回，山下綠苗已成徑。遠立不教巧箭鏃，聞死還來分虎肉。惜留猛虎著深山，射殺恐畏終身閉。

送將歸

送將歸，勝未別離時。在家相見熟，新歸歡不足；去願車輪遲，回思馬蹄速。但令在會相對貧，不同天涯金鐵身。

尋橦歌

人間百戲皆可學，尋橦不比諸餘樂。重梳短髻下金鈿，紅幘青巾各一邊；身輕足捷勝男子，繞竿四面爭先緣。習多倚付欺竿滑，上下踟躕皆著襪；翻身搖頭欲落地，却住把煙初似歇。大竿百夫擎不起，裊裊半在青雲裏。纖腰女兒不動容，戴行直舞一曲終；回頭但覺人眼見，背難恐畏長天無風。險中更險何曾矢，山鼠懸頭猿挂膝；小垂一手當舞，斜慘雙蛾看落日。斯須改變曲解新，貴欲歡他平地人。散時滿面生顏色，行步依前無氣力。

杜中丞書院新移小竹

此地本無竹，遠從山寺移；經年求養法，隔日記澆時。嫩綠卷新葉，殘黃收故枝；色經寒不動，聲與靜相宜。愛護出常數，稀稠看自知；貧家綠未有，客散獨行遲。

原上新居二首

自掃一間房，唯鋪獨臥床；野蕤溪菜滑，山紙水苔香。陳藥初和蜜，新經未入黃；近來心力少，休讀養生方。住處去山近，傍圍麀鹿行；野桑穿井長，荒竹過牆生。新識鄰里面，未諳村舍情；石田無力及，賤賃與人耕。

題所賃宅牡丹

賃宅得花鏡，初開恐是妖；粉光深紫膩，肉色退紅嬌。且願風留著，唯愁日炙銷；可憐零落蕊，收取作香燒。

送人遊塞

初晴天墮絲，晚色上素枝；城下路分處，邊頭人去時。停車數行日，勸酒問回期；亦是茫茫客，還從此別離。

邊上送故人

百戰一身在，相逢白髮生。何時得家信，每日算歸程。走馬登寒壘，驅羊入廢城。羌歌三兩曲，人醉海西營。

南中

天南多鳥聲，州縣半無城。野市依蠻姓，山村逐水名。瘴煙沙上起，陰火雨中生。獨有求珠客，年年入海行。

汴路水驛

晚泊水邊驛，柳塘初起風。蛙鳴蒲葉下，魚入稻花中。去舍已行遠，問程猶向東。近來多怨別，不與少年同。

淮南使回留別竇侍御

戀戀春恨結，綿綿淮草深。病身愁至夜，遠道畏逢陰。忽逐酒杯會，暫同風景心。從今一分散，還是曉枝禽。

汴路卽事

千里河煙直，青槐夾岸長。天涯同此路，人語各殊方。草市迎江貨，津橋稅海商。迴看故宮柳，憔悴不成行。

山居

屋在瀑泉西，茅房下有溪。閉門留野鹿，分食與山雞。桂熟長收子，蘭生不作畦。初開洞中路，深處轉松梯。

醉後憶山中故人

花開草復秋，雲水自悠悠。因醉暫無事，在生難免愁。遇晴須看月，聞健且登樓。暗想山中伴，如今盡白頭。

送流人

見說長沙去，無親亦共愁。陰雲鬼門夜，寒雨瘴江秋。水國山魈引，蠻鄉洞主留。漸看歸處遠，垂白住炎洲。

宮中三臺詞

魚藻池邊射鴨，芙蓉苑裏看花。日色柘黃相似，不著紅鸞扇遮。

池北池南草綠，殿前殿後花紅；天子千年萬歲，未央明月清風。

寄賀田侍中東平功成

使同高品滿城傳，親見沂公在陣前；百里旗幟衝卽斷，兩重衣甲射皆穿。探知點檢兵應怯，算得新移樹未堅；營被數驚承勢破，將經頻敗逐生全。密招殘寇防人覺，遙斬元兇恐自專。首讓諸軍無敢近，功歸部曲不爭先。開通州縣斜連海，交割山河直到燕。戰馬散驅還逐草，肉牛齊散却耕田。府中獨拜將軍貴，門下兼分宰相權。唐史上頭功第一，春風雙旆好朝天。

送裴相公上太原

還攜堂印向井州，將相兼權是武侯；時難獨當天下事，功成却進手中籌。再三陳乞爐煙裏，前後分章玉案頭。朱架早朝排立戟，綠槐殘雨看張油。遙知鴈塞從今好，直得漁陽以北愁。邊鋪恐巡旗盡換，山城欲過館重脩。千羣白刃兵迎節，十對紅妝妓打球。聖主分明教暫去，不須高起見京樓。

早春五門西望

百官朝下五門西，塵起春風過御堤；黃帕蓋鞍呈了馬，紅羅纏項鬪回雞。宮松葉重牆頭出，渠柳條長水面齊。唯有耕坊南草色，古城陰處冷淒淒。

上李庶子

紫煙樓閣碧沙亭，上界詩仙獨自行；奇險驅回還寂寞，雲上經用始鮮明。藕綃紋縷裁來滑，鏡水波濤濾得清；昏思願因秋露洗，幸容階底禮先生。

周家溪亭

少年因病離天仗，乞得歸家自養身；買斷竹溪無別主，散分泉水與新鄰。山頭鹿下長驚犬，池面魚行不怕

入鄉使到門常款語，還聞世上有功臣。

從軍後答山友

愛仙無藥住溪貧，脫却山衣事漢臣；夜半聽雞梳白髮，天明走馬入紅塵。村童近去嫌腥食，野鶴高飛避俗人；勞動先生遠相視，別來弓箭不離身。

唐昌觀玉蕊花

一樹籠鬆玉刻成，飄廊點地色輕輕；女官夜覓香來處，唯見階前碎月明。

眼病寄同官

天寒眼病少心情，隔霧看人夜裏行；年少往來常不住，牆西凍地馬蹄聲。

九日登叢臺

平原池閣在誰家，雙塔叢臺野菊花；零落故宮無入路，西來礪水繞城斜。

題酸棗縣蔡中郎碑

蒼苔滿字土埋龜，風雨鎖磨絕妙詞；不向圖經中舊見，無人知是蔡邕碑。

江陵使至汝州

回看巴路在雲間，寒食離家麥熟還；日暮數峰青似染，商人說是汝州山。

霓裳詞

勅賜宮人澡浴回，遙看美女院門開；一山星月霓裳動，好字先從殿裏來。

宮中詞五首

雨入珠簾滿殿涼，避風新出石盆湯；內人恐要秋衣著，不住薰籠換好香。

王安石唐百家詩選 卷十四

一三二

金吾除夜進儂名，畫袴朱衣四隊行；院院燒燈如白日，沉香火底坐吹笙。
蜂鬢蟬翅薄鬟鬆，浮動搔頭似有風；一度出時拋一遍，金條零落滿函中。
樹頭樹底覓殘紅，一片西飛一片東；自是桃花貪結子，錯教人恨五更風。
金殿當頭紫閣重，仙人掌上玉芙蓉；太平天子朝元日，五色雲車駕六龍。

卷十四

武元衡四首

途次近蜀驛蒙恩賜寶刀并借馬使還奉寄中書李鄭二相

草草事行役，遲遲出故關；碧幢遙隔霧，紅旆漸依山；感激慙恩淚，風霜去國顏；捧刀金賜字，歸馬玉連環。
龍鳳辭三署，干戈護八蠻；應憐宣室召，溫樹不同攀。

早秋西亭宴徐員外

鼎鉉辭台座，麾幢領益州；曲池連月曉，橫笛滿城秋；有美皇華使，曾同白社遊；今來重相見，偏覺豔歌愁。

夏夜作

夜久喧暫息，池臺唯月明；無因駐清景，日出事還生。

送唐君次

都門去馬嘶，灑水春流淺；青槐驛路直，白日離亭晚；望望煙景微，草色行人遠。

令狐楚四首

發潭州日寄李甯常侍

君今侍紫垣，我已墮青天。委廢從茲日，旋歸在幾年。心爲西靡樹，眼是北流泉。更過長沙去，江風滿驛船。

鄖城秋懷寄江州錢徽侍郎

晚歲俱爲郡，新秋各異鄉。燕鴻一驚叫，鄖樹遠青蒼。山露侵衣潤，江風捲簾涼。相思如漢水，日夜向潯陽。

贈符道士

偶逢蒲家郎，乃是葛仙客。行常乘青竹，飢卽煮白石。腰間嫌大組，心內保尺宅。我願從之遊，深山鑠玉液。

鄂州使至寶鞏中丞副使見示與元稹相公獻酬之什余頃任戶部尙書日

中丞是當司外郎每有篇章多相唱和因題四韻以寄所懷

劉言史十七首

瀟湘遊

夷女采山蕉，緝紗浸江水。野花滿髻粧色新，閑歌暖迺深峽裏。暖迺知從何處生，當時泣舜腸斷聲。翠華寂寞嬋娟沒，野篠空餘紅淚情。青煙冥冥覆杉桂，崖壁麥天風雨細。昔人幽恨此地遺，綠芳紅豔含怨姿。清猿未盡鼯鼠切，淚水流到湘妃祠。北人莫作瀟湘遊，九疑雲入蒼梧愁。

放螢怨

放螢去，不須留。聚時年少今白頭。架中科斗萬餘卷，一字千回重照見。青雲杳眇不可親，開囊欲放增餘怨。且道遙，還醑酌。仲舒漫不窺園井，那將寂寞老病身。更就微蟲借光影，欲放時，淚沾裳，衝籬落，千點光。

觀繩伎（路府李相公席上作）

秦陵遺樂何最珍？絲繩冉冉天仙人。廣場寒食風日好，百夫伐鼓錦臂新。銀畫青綃抹雲髮，高處綺羅香更

王安石唐百家詩選 卷十四

一三四

切重肩接立三四層，著屐背行仍應節。兩邊丸劍漸相迎，側身交步何輕盈？閃然欲落却收得，萬人肉上寒毛生。危機險勢無不有，倒挂纖腰學垂柳。下來一一芙蓉姿，粉薄鈿稀態轉奇。座中還有沾巾者，曾見先皇初教時。

買花謠

杜陵村人不田穡，入谷經溪復緣壁。每至南山草木春，卽向侯家取金碧。幽豔凝華春景曙，採夫移得將何處？蝶惜芳容送下山，尋斷孤香始回去。豪少居連鳩鵲東，千金使買一株紅。院多花少栽未得，零落綠蛾纖指中。咸陽貴戚長安里，無限將金買花子。澆紅膩綠千萬家，青絲玉轡聲啞啞。

送婆羅門歸本國

刺利王孫字迦攝，竹錐橫寫吒蘿芽。遙知漢地未有經，手牽白馬繞天行。龜茲磧西胡雪黑，大師凍死來不得；地盡年深始到船，海裏更行三十國。行多耳斷金環落，冉冉悠悠不停脚。馬死經留却去時，往來應盡一生期。出漢獨行人絕處，磧西天漏雨絲絲。

春過趙墟

下馬邯鄲陌頭歇，寂家崩隧臨車轍。古柏重生枝亦乾，餘漆見風幽餒滅。白蒿微微紫槿新，行人感此復悲春。

王中丞宅夜觀舞胡騰

石國胡兒人見少，躑舞鱗前急如鳥。織成蕃帽虛頂尖，細氎胡衫雙袖小。手中拋下蒲桃醖，西顧忽思鄉路遠；躑跳身轉轂寶帶鳴，弄脚續紛錦鞞軟。四坐無言皆瞪目，橫笛琵琶遍頭促。亂騰新毯雪朱毛，傍拂輕花下紅燭。酒闌舞罷絲管絕，木槿花西見殘月。

葛巾歌（貝州漳南縣贈楊炯）

一片白葛巾，潛夫自能結。籬邊折枯蒿，聊用簪華髮。有時醉倒長松側，酒醒不見心還憶。谷鳥銜將却趁來，野風吹去還尋得。十年紫竹谿南住，跡同玄豹依深霧。草堂窗底灑春醅，山寺門前逢暮雨。臨汝袁郎得相見，關雲引到東陽縣。魯性將他類此身，還拈野物贈傍人。空留柷杖橫鼻禪，濛濛煙雨歸山村。

與孟郊洛北野泉上煎茶

粉細越笋牙，野煎寒谿濱。恐乖靈草性，觸事皆手親。敲石取鮮火，撇泉避腥鱗。熒熒爨風錯，拾得墜巢薪。潔色既爽別，浮氳亦殷勤。以茲委曲靜，求得正味真。宛如摘山時，自歎指下春。湘瓷泛輕花，滌盡昏渴神。此遊愜醒趣，可以話高人。

初下東周贈孟郊（時依鄭相）

鶴老耳更工，龜死殼亦靈。正性非外佞，終始全本情。童子不戲塵，積書就崑局。身著木葉衣，養鹿兼悴耕。偶隨下山雲，荏苒失故程。漸入機險中，危思難太行。十髮九縷絲，悠然東周城。言詞野麋態，出口多累形。因依漢元察，未似羈絏輕。冷窻助新熱，靜砧與寒聲。斷蓬在闌闌，豈高桃李榮。寄食若蠹蟲，侵損利微生。固非拙爲強，懦劣舛療并。素堅冰蘗心，潔立保賢貞。修文返正風，刊字齊古經。慙將衰末分，高樓喧世名。

北原情二首

錯莫天色愁，挽歌出重闌。誰家白網車，送客入幽塵。銘旌下官道，葬輿去隣隣。蕭條黃蒿中，奠酒花翠新。米雪晚霏微，墓成情無人。烏鴛下空地，煙火殘荒榛。生人更多苦，入戶事盈身。營營日易深，却到不得頻。寂寥孤隧頭，草綠棠梨春。

洛陽城北山，古今葬冥客。聚骨朽成泥，此山土多白。近來送葬人，亦去聞歸聲。豈能車輪疾，漸是墓侵城。城中人不絕，哀挽相次行。莫非北邙後，重向洛陽生。

王安石唐百家詩選 卷十四

一三六

卜地起孤墳，全家送葬去，歸來却到時，不復重知處。疊疊葬相續，土乾草已綠；裂紙瀉壺漿，空向春雲哭。

林中獨醒

晚來林沼靜，獨坐間瓢蟬；向已非前跡，齊心欲不言。微涼生亂篠，輕馥起孤萱；未得渾無事，瓜田草正繁。

江陵客舍留別樊尚書

信陵門館下，多病有歸思；墜履忘情後，寒灰更濕時。委欄芳蕙晚，憑几雪髻垂；明日秋關外，單車風雨隨。

過春秋峽

峭壁蒼蒼苔色新，無風晴景自勝春；不知何樹幽崖裏，隲月開花似北人。

竹裏梅

竹與梅花相並枝，梅花正發竹枝垂；風吹總向竹枝上，直似王家雪下時。

張碧二首

題祖山人池上怪石

寒姿數片奇突兀，曾作秋江秋水骨；先生應是壓風雷，著向池邊塞龍窟。我來池上傾酒罇，半酣書破青煙痕；參差翠縷擺不落，筆頭驚怪粘秋雲。我聞吳中項容水墨有高價，邀得將來倚松下；鋪却雙繪直道難，掉首空歸不成畫。

野田行

風昏晝色飛斜雨，冤骨千堆鬻體語；入紘牢落人物稀，盡是田園荒廢主。悲嗟自古爭天子，幾度乾坤復如此；秦皇矻矻築長城，漢主區區白地死。野田之骨今又成塵，樓閣風煙今還復新。願作華山之下長歸馬，野田無復堆冤者。

李涉三十七首（淵之兄也。大和中，爲太學博士。）

離陽行

黃昏日暮驅羸馬，夜宿離陽烽火下。此地新經殺戮來，墟落無煙空碎瓦。層冰塞斷隋朝水，一道銀河貫千里。愁心翻覆夢難成，病僕呻吟呼不起。泗水三千招義軍，本自征戰邀殊勳。十年麾下畜壯氣，一朝北地爲愁雲。昨日太陽回照燭，轉見天心重含育。早晚東風的發生，古堤春草年年綠。

六歎（井序）

五噫四愁，九歌七啓，皆創文者立意之終，紀其數而名之也。清江白雲，孤山遠嶼，皆得時之人，吟詠性情耳。余無暇於是焉。窮居歲陰，偶懷無怙，因追感聞見，成文六篇，目曰六歎，懼質文之不備，復何全於比興乎？錄之私齋，以示同道，格韻枯缺，多慚見知。

綺幕香風翡翠車，清明獨傍芙蓉梁。上有雲鬢洞仙女，垂羅掩靄煙中語。風月頻驚桃李時，滄波久別鴛鴦侶。欲傳一札孤飛翼，山長水遠無消息。却鎖重關一院深，半夜空庭明月色。

蓬萊島邊採珠客，西望人寰星漢隔。千里疊浪聳雲高，萬里平沙連月白。海中洞穴尋難極，水底鮫人半相識。玄蚌初開影暫明，驪龍欲近威難逼。辛苦風濤白首期，得珠却恨求珠時。隋侯歿世幾千載，只今薄俗空嗤嗤。燕王愛賢築金臺，四方豪俊承風來。秦皇燒書殺儒客，肘腋之中千里隔。去年八月幽并道，昭王陵邊哭秋草。今年二月遊函關，秦家城外悲河山。河上山邊車馬路，殘日青煙五陵樹。

關東病儒客梁城，五歲十回逢亂兵。燒人之家食人肉，狼虎熾心都未足。城裏愁雲晝不開，城頭野草春還綠。五十餘年忠烈臣，臨危守節羞謀身。堂上英髦沉白刃，門前輿隸乘朱輪。千古傷心汴河水，陰天落日悲風起。漢臣一沒丁寧塞，牧羊西過陰沙外。朝憑南鴈信難回，夜望北辰心獨在。漢家茅土橫九州，高門長戟分王

王安石唐百家詩選 卷十四

一三八

侯；但將鍾鼓悅私愛，肯以犬戎爲國羞。夜宿寒雲臥冰雪，嚴風獨刃縣旌節。丁年奉使白頭歸，泣盡李陵衣上血。深院梧桐夾金井，上有轆轤青絲索。美人清晝汲寒泉，寒泉欲上銀餅落。迢迢碧螿千餘尺，竟日倚欄空歎息；惆悵不來照明鏡，却掩洞房花寂寂。

題清溪鬼谷先生舊居

翠壁開天池，青崖列雲樹。水容不可狀，杳若秋河霧。常聞先生教，指示秦儀路。二子材不同，遲詞過尺度。偶因從吏役，遠到冥棲處。松月想舊山，煙霞了如故。未遑鍊金鼎，日覺容光暮。萬慮隨境生，何由返真素。寂寞天籟息，清迴鳥聲曙。回首望重重，無期挹風馭。

閑中紀事想吳楚舊遊寄河陽從事揚潛

憶昨天台尋石梁，赤城枕下看扶桑。金烏欲上海如血，翠色一點蓬萊光。安期先生不可見，蓬萊目極滄海長；回舟偶得風水便，煙帆數夕歸瀟湘。瀟湘水清崑崙曲，夜宿朝遊常不足。一自無名身事閑，五湖雲月偏相屬。進者恐不營，退者恐不深。魚遊鳥逝兩雖異，彼此各有遂生心。身解耕耘妾能織，歲晏飢寒免相逼。稚子年才七歲餘，漁樵一半分渠力。吾友從軍在河上，腰佩吳鉤佐飛將。偶與嵩山道士期，西尋汴水來相訪。見君顏色猶憔悴，知君未展心中事。落日驅車出孟津，高歌共歎傷心地。洛邑秦城小年別，兩都陳事空聞說。漢家天子不東遊，古木行宮蔽煙月。洛濱老翁年八十，西望殘陽臨水泣。自言生長開元中，武皇恩化親霑及。當時天下無甲兵，雖聞賦斂毫毛輕。紅車翠蓋滿衢路，洛中歡笑爭逢迎。一從戎馬來幽薊，函谷虎狼無捍制。九重宮殿閉豺狼，萬國生人自相噬。踰躓瘡痍今不平，干戈南北常縱橫。中原膏血焦欲盡，四郊貪將猶憑陵。秦中豪寵爭出羣，巧將言智寬明君。南山四皓不敢語，渭上釣人何足云。君不見，昔時槐柳入百里，路傍五月清陰起。只今零落幾株殘，枯根半死黃河水。

醉中贈崔廣

與君兄弟匡嶺故，與君相逢楊子渡。白浪南分吳塞雲，綠楊西入隋宮路。隋家文物今雖改，舞館歌臺基尚在。煬帝陵邊草木深，汴河流水空歸海。今古悠悠人自別，此地繁華終未歇。大道青樓夾翠煙，瓊墀繡幃開明月。與君一言兩相許，外捨形骸中爾汝。揚州歌酒不可追，洛神映箔湘妃語。白馬黃金爲身置，誰能獨羨他人醉。暫到香爐一夕間，能展愁眉百年事。君看白日光如箭，一度利來顏色變。早謀侯印佩腰間，莫遣看花髮如霰。

岳陽別張祐秀才

十年踰蹬爲逐臣，鬢毛白盡巴江春。鹿鳴猿嘯雖寂寞，水蛟山魃多精神。山瘴困中聞有赦，死灰不望光陰借。半夜州符喚牧童，虛教衰病生驚怕。巫峽洞庭千里餘，蠻陬水國何親疎。由來真宰不宰我，徒勞歎者懷吹噓。霸橋昔與張生別，萬變桑田何處說。龍蛇縱在沒泥塗，長衢却爲鶩駘設。愛君氣堅風骨峭，文章真把江淹笑。洛下諸生懼刺先，烏爲不得齊鷹鷄。岳陽西南湖上寺，水閣松房遍文字。新釘張生一首詩，自餘吟著皆無味。策馬前途須努力，莫學龍鐘虛歎息。

却歸巴陵途中走筆寄唐知言

去年臘月來夏口，黑風白浪打頭吼。櫓聲軋軋搖不前，看他撩亂張帆走。逾月始到鸚鵡洲，嗚嗚暮角喧城頭。遠巡未得見官長，夢寢但覺生愁憂。軍中賢倅李監察，人馬曉來兼手札。教令參謁禮數全，頭頭要處相稱掣。唐氏一門今五龍，聲華殷殷皆如鍾。就中十一最年少，別有俊氣橫心胸。巧綴五言才刮骨，却怕柱天身硨磲。後輩無勞續出頭，拗塘不合窺溟渤。君家三兄舊山侶，方寸久來常許與。不覺淹留兩月餘，風光漫爛生洲渚。宇文文學儒家子，竹邊書齋花映水。醉舞狂歌此地多，有時酩酊扶還起。猥蒙方伯憐飢貧，假名許得陪諸賓。酒家債負有填日，悠意頗敢排青緡。余瞿二家同愛客，園蔬任遣奴人摘。野狐泉頭銀葉方，一別十年今再覲。更有風流

王安石唐百家詩選 卷十四

一四〇

飲奴子，能將盤帕來欺爾；白馬青袍豁眼明，許他真是查郎髓。良會芳時難再來，隙光電影長相催；扁舟惆悵人南去，目斷江天凡幾回？

春山三竭來

釣魚竭來春日暖，泓溪不厭舟行緩；野竹初裁碧玉長，澄潭欲下青絲短。昔人避世兼避仇，暮栖雲外朝悠悠；我今無事亦如此，赤鯉忽到長竿頭。泛泛隨波凡幾里，碧莎如煙沙似砥；瘦壁橫空怪石危，山花鬪日禽爭水。有時帶月歸扣舷，身閑自是漁家仙。

山上竭來採新茗，新花亂發前山頂；瓊英動搖鍾乳碧，叢叢高下隨崖嶺。未必蓬萊有仙藥，能向鼎中雲漢渡；越甌遙見裂鼻香，欲覺身輕騎白鶴。

採藥竭來藥苗盛，藥生只傍行人徑。世人重耳不重目，指似藥苗心不足。野客住山三十載，妻兒共寄浮雲外；小男學語便分別，已辨君臣知匹配。都市廣場開大鋪，疾來求者多相誤；見說韓康舊姓名，識之不識先相怒。

山中五無奈何

無奈落葉何！紛紛滿衰草；疾來無氣力，擁戶不能掃。欲訪雲外人，都迷上山道。
無奈澗水何！喧喧夜鳴石；疎林透斜月，散亂金光滴。欲訪澗底人，路窮潭水碧。
無奈牧童何！放牛喫我竹；隔林呼不應，叫笑如生鹿。欲報田舍翁，更深不歸屋。
無奈阿鼎何！嬌啼索梨栗；柴門正風雨，千向千回出。欲識老病心，賴渠將過日。
無奈梅花何！滿崑光似雪；春風總未至，獨自驚時節。欲見惆悵心，又看花上月。

牧童詞

朝牧牛，牧牛下江曲；夜牧牛，牧牛村口谷。荷簞出林春雨細，蘆替臥吹沙草綠；亂插蓬蒿箭滿腰，不怕猛虎

欺黃犢。

題鶴林寺僧室

終日昏昏醉夢間，忽聞春盡強登山；因過竹院逢僧話，又得浮生半日閑。
春晚遊鶴林寺寄使府諸公

野寺尋春花已遲，背崑唯有兩三枝；
題開聖寺
平明攜酒猶堪醉，爲報春風且莫吹！

宿雨初收草木濃，羣鷗飛散下堂鍾；
長廊無事僧歸院，盡日門前獨看松。

再葺夷陵幽居

負郭依山一徑深，萬竿如束翠沉沉；
從來愛物多成癖，辛苦移家爲竹林。

過襄陽寄上于司空相公

方城漢水舊城池，陵谷依然世自移；
歇馬獨來尋故事，逢人唯說峴山碑。

送魏簡能東遊二首

獻賦論兵命未通，却乘羸馬出關東；
灑陵原上重回首，十載長安似夢中。

燕市悲歌又送君，目隨征雁過寒雲；
孤亭宿處時看劍，莫使塵埃蔽斗文！

陝中遇赦寄秦洛舊知

天網初開釋楚囚，殘骸已廢自知休；
荷篋不是人間事，歸去滄江有釣舟。

題連雲堡

由來天地有關扃，斷壑連山接杳冥；
一出縱知邊上事，滿朝誰信語堪聽？

王安石唐百家詩選 卷十五

一四二

從秦城回再題武關

遠別秦城萬里遊，亂山高下出商州。關門不鎖寒溪水，一夜潺湲送客愁。

題守秀才櫻桃

風光莫占少年家，白髮殷勤最戀花。今日顛狂君莫笑！趁愁得醉眼麻嗒。

題月水臺

平流白日無人愛，橋上閑行若箇知。水似晴天天似水，兩重星點碧琉璃。

黃葵花

此花莫遣俗人看，新染鵝黃色未乾。好逐秋風天上去，紫陽宮女要頭冠。

別南溪二首

如雲不厭蒼梧遠，似鴈逢春又北飛。唯有隱山溪上月，年年相望兩依依。
常歎春泉去不回，我今此去更難來。欲知別後留情處，手種巖花次第開。

井欄砂宿遇夜客

暮雨蕭蕭江上村，綠林豪客夜知聞。他時不用逃名姓，世上如今半是君。

卷十五

盧仝十四首

走筆謝孟諫議寄新茶

日高丈五睡正濃，軍將打門驚周公。口云諫議送書信，白絹斜封三道印。開緘宛見諫議面，手閱月團三百

片。聞道新年入山裏，蟄蟲驚動春風起。天子須嘗陽羨茶，百草不敢先開花；仁風暗結珠璣瑤，先春抽出黃金牙。摘鮮焙芳旋封裹，至精至好且不奢；至尊之餘合王公，何事便到山人家。柴門反關無俗客，紗帽掛頭自煎喫。碧雲引風吹不斷，白花浮光凝碗面。一椀喉吻潤，兩椀破孤悶；三椀搜枯腸，惟有文字五千卷；四椀發輕汗，平生不平事，盡向毛孔散；五椀肌骨清，六椀通仙靈；七椀喫不得也，唯覺兩腋習習清風生。蓬萊山在何處，玉川子，乘此清風欲歸去。山上羣仙司下土，地位清高隔風雨。安得知百萬億蒼生，命墮在顛崖受辛苦；便爲諫議問蒼生，到頭合得蘇息否？

憶金鵝沈山人

君愛煉藥藥欲成，我愛煉骨骨已清；試自比較得仙者，也應合得天上行。天門九重高崔嵬，青空鑿出黃金堆；夜叉守門晝不啓，半夜醮祭半夜開。夜叉喜歡動關鑼，鑼聲撮地生風雷；地上禽獸重血飲，性命血化飛黃埃。太上道君蓮花臺，九門隔闕安在哉？嗚呼沈君大藥成，兼須巧會鬼物情；無貪長生喪厥生！

揚州送伯齡

伯齡不厭山，山不養伯齡；松顛有樵墮，石上無禾生。不忍六尺軀，遂作東南行；諸侯盡食肉，壯氣吞八紘。不啣溜鈍漢，何由通姓名；夷齊餓死日，武王稱聖明。節義士枉死，何異鴻毛輕；努力事干謁，我心終不平。

歎昨日

天下薄夫苦耽酒，玉川先生也耽酒。薄夫有錢恣張樂，先生無錢養恬漠；無錢有錢俱可憐，百年驟過如流川；平生心事消散盡，天上白日悠悠懸。上帝版版主何物？日車劫劫西向沒；自古聖賢無奈何！道行不得皆白骨。白骨化土鬼入泉，生人莫負平生年！何時出得禁酒國，滿瓮釀酒曝背眠。

月蝕詩

新天子卽位五年。歲次庚寅，斗柄插子，律調黃鍾，森森萬木夜殭立，寒氣聶肩頑無風，爛銀盤從海底出，出來照我草屋東。天色紺滑凝不流，冰光交貫寒瞳矐。初疑白蓮花，浮出龍王宮。八月十五夜，比並不可雙。此時怪事發，有物吞食來。輪如壯士斧斫壞，挂似雪山風拉摧。百鍊鏡，照見膽，平地埋寒灰。火龍珠，飛出腦，却入蚌蛤胎。摧環破壁，眼看盡。當天一搭如煤，食磨蹤滅跡，須臾間，便似萬古不可開。不料至神物，有此大狼狽。星如撒沙出，爭頭事光大。奴婢炷暗燈，揜（烏咸）茭如玳瑁。今夜吐微如長虹，孔隲千道射戶外。玉川子，涕泗下，中庭獨自行。念此日月者，太陰太陽精。皇天要識物，日月乃化生。走天汲汲勞四體，與天作眼行光明。此眼不自保，天公行道何由行。吾見陰陽家有說，望日蝕月月光滅。朔月掩日日光缺，兩眼不相攻。此說吾不容。又孔子師老子云：五色令人目盲，吾恐天似人，好色卽喪明。幸且非春時，萬物不嬌榮。青山破瓦色，綠水冰崢嶸。花枯無女豔，鳥死沉歌聲。頑多何所好，偏使一目盲。傳聞古老說，蝕月蝦蟆精。徑圓千里入汝腹，汝此癡骸阿誰生。可從海窟來，便解綠青冥。恐是睚眦間，措塞所化成。黃帝有二目，帝舜重瞳明。二帝懸四目，四海生光輝。吾不遇二帝，混濛不可知。何故瞳子上，坐受蟲豸欺。長嗟白兔搗靈藥，恰似有意防姦非。藥成滿白不中度，委任白兔夫何爲。憶昔堯爲天，十日燒九州。金爍水銀流，玉燭（音炒）丹砂焦。六合烘爲窯（音遙），堯心增百憂。帝見堯心憂，勃然發怒決洪流。立擬沃殺九日妖，天高日走沃不及。但見萬國赤子饑饉生魚頭。此時九御尊，九日爭持節幡麾幢旒。駕車六九五十四頭蛟螭虬，掣電九火輒。汝若蝕開齧鬪輪，御轡執索相爬鉤。推蕩轟匄入汝喉，紅鱗餒鳥燒口快，鉗蠶倒側聲醜。撐腸拄肚礪傀如山丘，自可飽死更不偷。不獨填飢坑，亦解堯心憂。恨汝時當食，藏頭擻腦不肯食。不當食，張唇哆嘴食不休。食天之眼養逆命，安得上帝請汝劉。嗚呼人養虎，被虎齧。天媚蟆，被蟆瞎。乃知思非類，一一自作孽。吾見患眼人，必索良工訣。想天不異人，愛眼固應一。安得常娥氏，來習扁鵲術。手操吞喉戈，去此睛上物。其初猶朦朧，既久如抹漆。但恐功業成，便此不吐出。玉川子又涕泗下，心禱再拜額。榻砂土中地上蠅虱

臣全告懇帝天皇；臣心有鐵一寸，可剗妖蟆癡腸；上天不爲臣立梯磴，臣血肉身無由飛上天，揚天光封詞付與小心風，颺排闥闖入紫宮；密邇玉几前，擊垢奏上臣全頑愚胸，敢死橫干天，代天謀。東方蒼龍角插戟，尾裊風；當心開明堂，統領三百六十鱗蟲，坐理東方宮；月蝕不救援，安用東方龍？南方火鳥赤潑血，項長尾短飛跋躩，頭戴井冠高遠禘；月蝕烏宮十三度，鳥爲居停主人不覺察，貪向何人家？行赤口毒舌，毒蟲頭上喫，却月不啄殺，虛眨鬼眼赤突（音抉）窺，鳥罪不可雪。西方搜虎立踣踣（音几）斧爲牙，鑿爲齒，偷犧牲，食封豕，大蟆一樹固當軟美；見似不見；是何道理？爪牙根天不念天，天若準擬錯準擬。北方寒龜被蛇縛，藏頭入殼如入獄；蛇筋束緊束破殼，寒龜夏驚一種味，且當腫其肉；一底板，沒信處，唯堪支床脚，不堪鑽灼，與天下卜。歲星主福德，官爵奉董秦；忍使黔婁生，覆尸無衣巾；天失眼不弔，歲星胡其仁，熒惑雙鑠翁，執法大不中；月明無罪過，不糺蝕月蟲；年年十月朝大徵，支虛謫罰何災凶？土星與土性相背，反養福德生禍害；到人頭上死破敗，今夜月蝕安可會？太白真將軍，怒激鋒鏑生；恆州陣斬臚定進，項骨脆甚春蔓菁；天唯兩眼失一眼，將軍何處行天兵？辰星任廷尉，天律自主持；人命在盆底，固應樂見天盲時。天若不肯信，試喚皋陶鬼一問，一如今日；三台文昌宮，作上天紀綱；環天二十八宿，磊磊尙書郎；整頓排班行，劍握他人將；一四太陽側，一四天市傍；操斧代大匠，兩手不怕傷；弧矢引滿反射人，天狼呀啄明煌煌；癡牛與騃女，不肯勤農桑；徒勞含淫思，旦夕遙相望；蚩尤簸旗弄旬朔，始撻天鼓鳴璫琅；在矢能虵行，眊目森森張；天狗下舐地，血流何滂滂；譎險萬萬黨，架構何可當；眯目壘成就，害我光明王；請留北斗一星相北極，指麾萬國懸中央；此外盡掃除，堆積如山岡；贖我父母光，當時常星沒，殞雨如澼漿；似天會事發，叱喝誅紆強。何故中道廢？自遺今日殃；善善又惡惡，郭公所以亡；願天神聖心，無信他人忠。玉川子詞訖，風色緊格；近月黑暗邊，有似動劍戟；須臾癡蟆精，兩吻自決拆；初露半箇壁，漸吐滿輪魄；衆星盡原赦，一蟆獨誅磔；腹肚忽脫落，依舊掛穹碧；光彩未蘇來，慘澹一片白；奈何萬里光，受此吞吐厄；再得見天眼，感荷天地力；或問玉川子，

孔子修春秋；二百四十年，月蝕盡不收；今子咄咄詞，頗合孔意不？玉川子笑答，或請聽逗遛；孔子父母魯，諱魯不諱周；書外書大惡，故月蝕不見收。子命唐天口，食唐土，唐禮過三，唐樂過五，小猶不說，大不可數；災沴無有，小大瘡，安引衰周，研覈可否？日分晝，月分夜，辨寒暑；一主刑，一主德，政乃舉，孰爲人面上？一目偏可去，願天完兩目，照下萬方土；萬古更不替，萬萬古更不替，照萬古。

有所思

當時我醉美人家，美人顏色嬌如花；今日美人棄我去，青樓珠箔天之涯。娟娟姮娥月，三五盈又缺；翠眉蟬鬢生別離，一望不見心斷絕。心斷絕，幾千里；夢中醉臥巫山雲，覺來淚滴湘江水。湘江兩岸花木深，美人不見愁人心；含愁更奏綠綺琴，調高絃絕絕無知音。美人兮美人，不知爲暮雨，今爲朝雲；相思一夜梅花發，忽到窗前疑是君。

樓上女兒曲

誰家女兒樓上頭，指麾婢子掛簾鉤；林花撩亂心之愁，卷却羅袖彈箜篌。箜篌歷亂五六絃，羅袖掩面啼向天；相思向天情不斷，落花紛紛心欲穿。心欲穿，悲欄干，相憶柳條綠，相思錦帳寒；直緣感君恩愛，一回願使我雙淚長珊珊。我有嬌靨待君笑，我有嬌蛾待君掃；鶯花爛漫君不來，及至君來花已老；心腸寸斷誰得知？玉階羃歷生青草。

新月

仙宮雲箔卷，露出玉簾鉤；清光無所贈，相憶鳳凰樓。

悲新年

新年何事最堪悲，病客遙聞百舌兒；太歲只避桃李迳，春風肯管歲寒枝？

訪含曠上人

三入寺，曠未來，輓轡無繩井百尺，渴心歸去生塵埃。

寄崔柳州

使者立取書，疊紙生百憂，使君若不信，他時看白頭。三百六十州，剋情唯柳州，柳州蠻天末，鄙夫嚮之幽。花落隴水頭，各自東西流，凜凜長相逐，爲謝波上鷗。

蕭二十三赴欽州婚期（僕客揚州，早春寄一絕）。

淮上客情殊冷落，蠻方春早客何如，相思莫道無來使，回雁峰前好寄書。

出山作

出山忘掩山門路，釣竿插在枯桑樹；當時只有鳥窺窺，更亦無人得知處。家僮若失釣魚竿，定是猿猴把將去。

于鶴三首

題鄰居

僻巷鄰家少，茅簷喜並居；蒸梨常共竈，燒菹亦同渠。傳展朝尋藥，分燈夜讀書；雖然在城市，還得以樵漁。

過凌霄洞天謁張先生祠

戰戰亂峰裏，一峰獨凌天；下看如尖高，上有十里泉。志人愛幽深，一住五十年；懸牘到其上，乘牛耕藥田。衣食不下求，乃是雲中仙；山僧獨知處，相引衝碧煙。斷崖晝昏黑，槎枿橫隻椽；面壁攀石稜，養力方敢前。累歇日已沒，始到茅堂邊；見客不問誰，禮質無周旋。醉臥枕欹樹，寒坐展青氈；折松掃藥牀，秋果顏色鮮。鍊蜜敲石炭，洗礫乘瀑泉；白犬舐客衣，驚走聞腥膻。乃知軒冕徒，寧比雲壑眠。

王安石唐百家詩選 卷十五

一四八

寄盧僊員外秋衣詞

寄遠空以心，心誠亦難知。篋中有秋帛，裁作遠客衣。縫製雖女功，尺度手自持。容貌常目中，長短不復疑。斜縫密且堅，遊客多塵縑。意欲都無言，澣濯耐歲時。殷勤託行人，傳語慎勿遺。別來已年老，亦聞鬢成絲。縱然更相逢，握手唯是悲。所寄莫復棄，願見長相思。

朱慶餘一首

題蕃薇花

四面垂條密，浮陰入夏清。綠攢傷手刺，紅墮斷腸英。粉著蜂須膩，光凝蝶翅明。雨中看亦好，況復值初晴。

江南雜題

積潦池新漲，頽垣趾舊高。怒蛙橫飽腹，鬪雀墮輕毛。碧瘦三稜草，紅鮮百葉桃。幽棲日無事，痛飲讀離騷。

賦得福州白竹扇子（探得輕字）

金泥小扇謾多情，未勝南工巧織成。藤縷雪光纏柄滑，篔簹鋪銀薄露花輕。清風坐向羅衫起，明月看從玉手生。猶賴早時君不棄，每憐初作合歡名。

哭京兆龐尹

楊子津頭昔共迷，一爲京兆隔雲泥。故人昨日同時弔，舊馬今朝別處嘶。向壁愁眉無復畫，扶床稚齒已能啼。也知世路名堪貴，誰信莊周論物齊。

入關

都城連百二，雄險此回環。地勢遙尊嶽，河流側讓關。秦皇曾虎視，漢祖亦龍顏。何事臯兇盡，干戈自不閑。

揚州揚別駕宅送蔣侍御收兵歸揚州

冷氣清金虎，兵威壯鐵冠。揚旌川色暗，吹角水風寒。人對輜輶醉，花垂睥睨殘。羨歸丞相閣，空望舊門闌。

觀泗州李常侍打球

日出樹煙紅，開場畫鼓雄。驟騎鞍上月，輕撥鐙前風。斗轉時乘勢，旁梢乍迸空。等來低背手，爭得旋分驥。遠射門斜入，深排馬迥通。遙知三殿下，長恨出征東。

寄遷客

萬里南遷客，辛勤嶺路遙。溪行防水弩，野店避山魈。瘴海須求藥，貪泉莫舉瓢。但能堅志義，白中甚昭昭。

閑居

僻巷新苔徧，空庭弱柳垂。井欄防稚子，盆水試鵝兒。喜客加蓬食，邀僧長路碁。未能拋世事，除此更何爲？

題金山寺

一宿金山頂，微茫水國分。僧歸夜船月，鶴出曉堂雲。樹影中流見，鐘聲兩岸聞。因悲在朝市，終日醉醺醺。

題惠山寺

舊宅人何在，空門客自過。泉聲到池盡，山色上樓多。小洞穿斜竹，重欄夾瘦莎。殷勤又城市，雲水暮鍾和。

送楊秀才遊雲南

鄂渚逢遊客，瞿唐上去船。江連萬里海，峽入一條天。鳥影沉沙日，猿聲隔樹煙。新詩北來便，爲草寄巴牋。

薔薇花

曉風抹破燕支頰，夜雨催成蜀錦機。當畫開時正明媚，故鄉疑是買臣歸。

洛中感寓

王安石唐百家詩選 卷十五

一四九

王安石唐百家詩選 卷十五

一五〇

擾擾都城曉四開，不關名利也塵埃；千門甲第身遙入，萬里銘旌死後來。洛水暮天橫莽蒼，邙山秋日露崔嵬；須知此事堪爲鏡，莫遣黃金漫作堆！

曹唐二首

暮春戲贈吳端公

年少英雄好丈夫，大家望拜漢金吾；閑眠曉日聽鶻鳩，笑倚春風杖轆轤。深院吹笙從漢婢，靜街調馬任奚奴；牡丹花外簾鉤下，獨凭紅肌捋虎鬚。

和周侍御買劍

將軍溢價買吳鉤，要與中原靜寇讎；試掛窗前驚電轉，略拋床上怕泉流。青天露拔雲霓泣，黑地潛擎鬼魅愁；見說夜深星斗畔，等閑期剋月支頭。

賈島二十三首（字闕仙，爲倉曹參軍，會昌二年卒。）

寄遠

別腸多鬱紆，豈能肥肌膚？始知相結密，不及相結疎；疎別恨應少，密離恨難祛。門前南流水，中有北飛魚；魚飛向北海，可以寄遠書。不惜寄書遠，故人今在無？況此數尺身，阻彼萬里途。自非日月光，難以知子軀。

和劉涵

京官始云滿，野人依舊閑；閉扉一畝居，中有古風還。市井日已午，幽窗夢南山；喬木覆北齋，有鳥鳴其間。前日遠岳僧，來時與開關；新題驚我瘦，窺鏡見醜顏。陶情昔自澹，此意復羣攀。

答王參

寸晷不相待，四時互如競；客思先覺秋，蟲聲各知暝。霜松積舊翠，露月團新鏡；詩負屬景同，琴孤坐堂聽。相

期黃菊節，別約桃花徑；每把式微篇，臨風一長詠。

延康吟

寄居延壽里，爲與延康鄰；不愛延康里，愛此里中人。人非十年故，人非九族親；人有不朽語，得之煙山春。

戲贈友人

一日不作詩，心源如廢井；筆硯無轆轤，吟詠作縈綆。朝來重汲引，依舊得清冷；書贈同懷人，詞中多苦辛。

哭柏巖禪師

苦覆石床新，師曾占幾春；寫留行道影，焚却坐禪身。塔院關松雪，經房鎖隙塵；自嫌雙淚下，不是解空人。

山中道士

頭髮梳千下，休糧帶瘦容；養雛成大鶴，種子作高松。白石通宵煮，寒泉盡日舂。不曾離隱處，那得世人逢？

哭孟郊

身死聲名在，多應萬古傳；寡妻無子息，破宅帶林泉。塚近登山道，詩隨過海船；故人相弔後，斜日下寒天。

南池

蕭條微雨後，荒岸抱清源；入舫山侵塞，分泉稻接村。秋聲依樹色，月影在蒲根；淹泊方難遂，他宵闕夢魂。

寄龍池寺貞空二上人

受命終南住，俱妨去石橋；林中秋信絕，峰頂夜禪遙。寒草煙藏虎，高松月照鵞；霜天期到寺，寺置卽前朝。

訪李甘原居

原西居處靜，門對曲江開；石縫銜枯草，查根漬古苔。翠微泉夜落，紫閣鳥時來；仍憶尋淇岸，同行採蕨回。

題李疑幽居

閑居少鄰並，草徑入荒園；鳥宿池中樹，僧敲月下門。過橋分野色，移石動雲根；暫去還來此，幽期不負言。

百門陂留辭從叔著

幽鳥飛不遠，我行千里間；寒衝陂水路，醉下菊花山。有取長爲客，無成又入關；何時臨澗柳，吾黨共來攀。

懷博陵故人

孤城易水頭，不忘舊交遊；雪壓圍碁屋，風吹飲酒樓。路遙千里月，人別十三秋；吟苦相思處，天寒江急流。

送友人遊蜀

萬岑深積翠，路向此中難；欲暮多羈思，因高莫遠看！家人寂寞，楊子業凋殘；惟有岷江水，悠悠帶月寒。

再投李益常侍

何處初投刺，當時赴尹京；淹留花柳變，然諾肺腸傾。避暑蟬移樹，高眠鴈過城；人家嵩岳色，公府洛河聲。聯句逢秋盡，嘗茶見月生；新衣裁白紵，思從曲江行。

送惟一遊清涼寺

去有巡臺侶，荒溪衆樹分；瓶殘秦地水，錫入晉山雲。秋月離喧見，寒泉入定聞；人間臨欲別，旬日雨紛紛。

酬張籍王建

疎林荒宅古坡前，久住還因太守憐；漸老更思深處隱，多閑數得上方眠。鼠拋貧屋收田日，鴈度寒江擬雪天；身事龍鍾應是分，水曹芸閣枉來篇。

方鏡

背如刀截機頭錦，面似升量澗底泉；銅雀臺南秋日得，照來照去已三年。

渡桑乾

客舍并州已十霜，歸心日夜憶咸陽；無端更渡桑乾水，却望并州是故鄉。

贈梁蒲秀才班竹拄杖

揀得林中最細枝，結根石上長身遲，莫嫌滴瀝紅斑少，恰是湘妃淚盡時。

宿杜家亭子

牀頭枕是溪中石，井底泉通竹下池；宿客未眠過半夜，獨聞山雨到來時。

二月晦日贈劉評事

三月正當三十日，風光別我苦吟身；共君今夜不須睡，未到曉鐘猶是春。

趙嘏六首（會昌二年，擢進士第，終渭南尉）

長安秋望

雲物淒涼拂曙流，漢家宮闕動高秋；殘星幾點鴈橫塞，長笛一聲人倚樓；紫豔半開籬菊靜，紅衣落盡渚蓮愁；鱸魚正美不歸去，空戴南冠學楚囚。

長安月夜與友生話故山

宅邊秋水浸苔磯，日日持竿去不歸；楊柳風多潮未落，蒹葭霜在鴈初飛；重嘶匹馬吟紅葉，却聽疏鐘憶翠微；今夜秦城滿樓月，故人相見一沾衣。

重寄盧中丞

賤子來還去，何人伴使君；放歌迎晚醉，指路上高雲；此夜鴈初至，空山雨獨聞；別多頭欲白，惆悵惜餘曛。

汾上宴別

雲物如故鄉，山川知異路；年來未歸客，馬上春色暮；一罇花下酒，殘日水西樹；不待絃管終，搖鞭背花去。

王安石唐百家詩選 卷十六

一五四

獻淮南李僕射

早年曾謁富人侯，今日難甘失鶴羞。
新諾似山無力負，舊恩如水滿身流。
馬嘶紅葉蕭蕭晚，日照長江艷艷秋。
功德萬重知不惜，一言拋得百生愁。

曲江春望懷江南故人

杜若洲邊人未歸，水寒煙暖想柴扉。
故園何處風吹柳，一鴈南來雪滿衣。
目極思隨原草徧，浪高書到海門稀。
此時愁草情多少，萬里春流遶釣磯。

卷十六

許渾三十二首（大中末，為鄂州刺史）

嶽獻臺（在當塗縣西，宋高祖築）

宋祖高高樂未回，三千歌舞宿層臺。
湘波雲盡暮山出，巴蜀雪消春水來。
行殿有基荒薜合，寢園無主野棠開。
百年便作萬年計，岩畔古碑空綠苔。

送蕭處士歸緜嶺別業

醉斜烏帽髮如絲，曾看仙人一局棋。
賓館有魚為客久，鄉書無鴈到家遲。
縱山住近吹笙廟，湘水行逢鼓瑟祠。
今夜月明何處宿，九疑雲盡綠參差。

贈蕭兵曹

廣陵隄上昔離居，帆轉瀟湘萬里餘。
楚澤瘴時無鴈鳥，越鄉歸去有鱸魚。
潮生水郭蒹葭響，雨過山城橘柚疏。
聞說攜琴兼載酒，邑人爭識馬相如。

廢獻臺送韋秀才

雲起高臺日未沉，數村殘照半岩陰；野蠶成繭桑柘盡，溪鳥引雛蒲稗深。帆勢依依投極浦，鍾聲杳杳隔前林；故山迢遞故人去，一夜月明千里心。

送嶺南盧判官罷職歸華陰山居

會到劉琨鷹塞空，十年書劍似飄蓬；東堂舊屈移山志，南國新留養海功。還挂一帆青草上，更開三徑碧蓮中；關西舊友鷹相問，已許滄浪伴釣翁。

登故洛陽城

禾黍離離半野蒿，昔人城此豈知勞？水聲東去市朝變，山勢北來宮殿高。鷗噪暮雲歸古堞，鴈迷寒雨下空壕；可憐綠鬢登仙子，猶自吹笙醉碧桃。

懷舊居

兵書一篋老無功，故國郊扉在夢中；藤葦覆梨張谷暗，草花侵菊庾園空。朱門跡忝登龍客，白屋心期失馬翁；楚水吳山何處是，北窗殘月照屏風。

哭虞將軍

白首從軍未有名，近將孤劍到江城；巴童戎久能番語，胡馬調多解漢行。對雪夜窮黃石略，望雲秋計黑山程；可憐身死家猶遠，汴水東流無哭聲。

晚自朝臺津至韋隱居郊園

秋來鳧雁下方塘，繫馬朝臺步夕陽；村逕繞山松葉滑，柴門臨水稻花香。雲連海氣琴書潤，風帶潮聲枕簟涼；西去磻溪猶萬里，可能垂白待文王？

嘗與故宋補闕秋夕遊練湖南亭今復登賞愴然有感

前日暮長隄更回首，一聲鄰笛舊山川。
西風渺渺月連天，同醉蘭舟未十年。
鵬鳥賦成人已沒，嘉魚詩在世空傳。
榮枯盡寄浮雲外，哀樂猶驚逝水

鬪上逢元九處士東歸

瘦馬頻嘶灑水寒，灑南高處望長安。
何人更結王生轡，此客虛彈貢氏冠。
江上蟹螯沙渺渺，塢中蝸殼雪漫漫。
舊交已盡新知少，却伴漁師把釣竿。

經故丁補闕郊居

死酬知己道終全，波暖孤冰且自堅。
鵬上承塵纔一日，鶴歸華表亦千年。
風吹藥蔓迷樵逕，水暗蘆花失釣船。
四尺孤墳何處是，闔閭城外草連天。

祇命南海至盧陵逢表兄軍倅奉使淮海別後却寄

盧橘花香拂釣磯，佳人猶舞越羅衣。
三洲水淺魚來少，五嶺山高鴈到稀。
客路晚依紅樹宿，鄉關暗望白雲歸。
交親不念征南吏，昨夜風帆去似飛。

送王總下第歸丹陽

秦橋心斷楚江湄，繫馬秋風酒一卮。
汴水月明東下疾，練塘花發北枝遲。
青蕪定沒安貧處，黃葉應催獻賦時。
憑寄家書問回報，舊居還有故人知。

登尉陀樓

劉項持兵鹿未窮，自乘黃屋島夷中。
南來作尉任羈力，北向稱臣陸賈功。
簫鼓尚陳今世廟，旌旗猶鎮昔時宮。
越人未必知虞舜，一奏薰絃萬古風。

題崔虞士山居

坐窮今古掩書堂，二頃湖田一半荒；
荆樹有花兄弟樂，橘林無實子孫忙。
龍歸曉洞雲猶濕，麝過春山草自香；
向夜欲歸心萬里，故園松月更蒼蒼。

酬綿竹于中丞使君見寄

故人書信越窠斜，新意雖多舊約賒；
皆就一麾先去國，共謀三逕未還家。
荆巫夜隔巴西月，鄢郢春連漢上花；
半月離居猶悵望，可堪垂白各天涯？

金陵懷古

玉樹歌殘王氣終，景陽兵合戍樓空；
松楸遠近千官塚，禾黍高低六代宮。
石燕拂雲晴亦雨，江豚吹浪夜還風；
英雄一去豪華盡，唯有青山似洛中。

秋晚雲陽驛西亭蓮花池

心憶蓮塘秉燭遊，葉殘花敗尚維舟；
煙開翠扇清風曉，水泛紅衣白露秋。
神女暫來雲易散，仙娥初去月難留；
空懷遠道無持贈，醉倚西欄盡日愁。

題衛將軍廟（井序）

將軍名逖，陽羨人。少習詩書，學劍二十七，遊并汾間。神堯皇帝始建義旗，逖以勇藝進備行列。洎擒竇建德，逖持挾槍劍，前突後翼，太宗顧而奇之。天下既定，錄其功，拜將軍宿衛，以母老病，且乞歸侍殘年，辭旨哀激，詔許之。既而以孝敬睦閭門，以然信居鄉里，及卒，邑人懷其賢，廟于荆溪之湄，以平生弓甲懸東西廡下。歲時祠祭，頗福其土焉。文士王勃撰碑，辭實詳備，而國史闕書其人，因題是詩于廟壁。

武牢關下護龍旗，挾槊彎弧馬上飛；
漢業未興王霸在，秦軍纔散魯連歸。
墳穿大澤埋金劍，廟枕長溪挂鐵

王安石唐百家詩選 卷十六

一五八

衣；欲奠忠魂何處問？葦花楓葉雨霏霏。

歲暮自廣江至新興往復中道題峽山寺四首

夜醉晨方醒，孤吟恐失聲。海鮪潮上見，江鷓霧中聞。未臘梅先實，終冬草自薰。樹隨山崦合，泉到石稜分。虎跡空林雨，猿聲絕嶺雲。蕭蕭異鄉鬢，明日共絲棼。

薄暮緣西峽，停橈一訪僧。鷺巢橫臥柳，猿飲倒垂藤。水曲岩千疊，雲重樹百層。山嵐寒殿磬，溪雨夜船燈。灘漲危樑沒，泉衝怪石崩。中臺一襟淚，歲杪別良朋。

密樹分蒼壁，長溪抱碧岑。海風聞鶴遠，潭日見魚深。松蓋環清韻，榕根架綠陰。南方大葉榕樹，橫枝危者輒生根，垂地如柱大。洞丁多斲石，蠻女伴淘金。端州斲石，滄涯縣淘金爲業。南浦驚春至，西樓送月沉。江流不回嶺，何處寄歸心？

月在行人起，千峰復萬峰。海虛爭翡翠，溪澗鬪芙蓉。南方呼市爲虛，呼戎爲澗，新州有翡翠虛，芙蓉澗。古木高生斛，陰池滿種松。木斛花，生於他樹槎枿池沼，多謂之水松。火探深洞驚，香送遠潭龍。南方持火，以乳洞中取驚而食。康州悅城縣，有溫媪龍池，隨來往舟舡，至人家，或千里外，皆以香火酒果送之。藍塢寒先燒，禾堂晚併春。一種藍多在塢中，先燒其地，人以木槽舂禾，謂之禾堂。更投何處宿，西峽隔雲鍾。

王居士

筇杖倚柴關，都城賣卜還。雨中耕白水，雲外斷青山。有藥身長健，無機性自閑。卽應生羽翼，華表在人間。

寄題商洛王隱居

近逢商洛客，知爾住南塘。草閣平春水，柴門掩夕陽。隨蜂收野蜜，尋麝採生香。更憶前年醉，松花滿石牀。

別韋處士

南北斷蓬飛，別多相見稀；更傷今日酒，未換昔年衣。舊友幾人在？故鄉何處歸？秦原向西路，雲晚雪霏霏。

將赴京師留題孫處士山居

草堂近西郭，遙對敬亭開；枕膩海雲起，簾涼山雨來。高歌懷地肺，遠賦憶天台；應學相如志，終須駟馬回。

春日題韋曲野老村舍

背嶺枕南塘，數家村落長；鶯啼幼婦嬾，蠶出小姑忙。煙草近溝濕，風花臨路香；自憐非楚客，春望亦心傷。

題倪居士舊居

儒翁九十餘，舊向北山居；生寄一壺酒，死留千卷書。欄摧新竹少，池淺故蓮疎；但有子孫在，帶經還荷鋤。

江上喜洛中親友繼至

戰馬昔紛紛，風驚蒿少塵；全家南渡遠，舊友北來頻。罷酒松桂晚，賦詩楊柳春；誰言今夜月，同是洛陽人。

獻白尹

醉舞任生涯，褐寬烏帽斜；庾公先在郡，疎傳早還家。林晚鳥爭樹，園春蝶護花；高吟應更逸，嵩路舊煙霞。

送從兄別駕歸蜀川從兄彥昭與桂陽令韋伯達貞元中俱爲千牛伯達官

至王府長史長慶中非罪受譴前年會赦復故秩詔未及而身已沒從兄自

蜀而南發旅櫬歸葬塗上旣而西還因成十韻贈別

聞與湘南令童年侍玉墀，家留秦塞曲，官謫瘴溪瀕。道直茲臣屏，寃深聖主知；逝川東注疾，滯澤北來遲。清漢龍髯失，蒼岑馬鬣移；風悽聞笛處，月慘罷琴時。客路黃公廟，鄉關白帝祠；已稱鸚鵡賦，甯望鶴鶴詩。遠道書難達，長亭醉莫持；富憑蜀江水，萬里寄相思。

項斯十二首（字子遷，江東人。會昌四年，擢進士第，爲潤州丹徒縣尉，卒官。）

王安石唐百家詩選 卷十六

一六〇

題令狐處士溪居

白髮已過半，無心離此溪。病嘗山藥遍，貧起草堂低。爲月窗從破，因詩壁重泥。近來常夜坐，寂寞與僧齊。

山友贈薛花冠

塵汗出山髮，慙君青薛冠。此身閑未得，終日戴應難。好就松陰挂，宜當枕石看。會須尋道士，簪去遶霜壇。

蠻家

領得賣珠錢，還歸銅柱邊。看兒調小象，打鼓試新船。醉後眠神樹，耕時語瘴煙。不逢寒便老，相問莫知年。

送華陰隱者

往往到城市，得非徵藥錢。世人空識面，弟子不知年。自說能醫死，相期更學仙。近來移住處，毛女舊峰前。

欲別

花時人欲別，每日醉櫻桃。買酒金錢盡，彈箏玉指勞。歸期無歲月，客路有風濤。錦段裁衣贈，麒麟落剪刀。

留別張籍郎中

省中重拜別，兼領寄人書。已念此行遠，不應相問疎。子城西並宅，御水北同渠。要取春前到，乘閑候起居。

寄流人

毒草不曾枯，長流客健無。霧開蠻市合，船散海城孤。象跡頻經水，龍涎遠閉珠。家人秦地老，泣對日南圖。

長安退將

塞外衝沙損眼明，將來養病住秦京。上高樓閣看星坐，著白衣裳把劍行。常說老身思鬪將，最悲無力制蕃

；
管；
翠眉紅臉和同鶻，惆悵中原不用兵。

遙裝夜

卷薦貧拋壁下床，且鋪他處對燈光；欲行千里從今夜，猶惜殘春發故鄉。蚊蚋已生團扇急，衣裳未了剪刀忙；誰知更有芙蓉浦，南去令人愁思長。

蒼梧雲氣

何年化作愁，漠漠便難收；數點山能遠，平鋪水不流。濕連湘竹暮，濃蓋舜墳秋；亦有思鄉客，看來盡白頭。

送宮人入道

願隨仙女董雙成，王母前頭作伴行；初帶玉冠多誤拜，欲辭金殿別稱名。將敲碧落新齋磬，却進昭陽舊賜箏；且暮焚香繞壇上，步虛猶作按歌聲。

晚春花

陰洞日光薄，花開不及時；當春無半樹，經燒足空枝。疏與香風會，細將泉影移；此中人到少，開盡幾人知？

李頎十九首（睦州錢安人，乾符初，自尚書工部員外郎，爲建州刺史。）

秦原早望

一忝鄉書薦，長安未得回；年光逐渭水，春色上秦臺。鷺掠平蕪去，人衝細雨來；東風生故里，又過幾花開？

送孫明秀才往潘州謁韋卿

北鳥飛不到，北人今去遊；天涯浮瘴水，嶺外問潘州。草木春冬茂，猿猴日夜愁；定知遷客淚，只敢對君流。

送友人之揚州

一別長安後，晨征便信雞；河聲入峽急，地勢出關低。綠樹叢垓下，青蕪闢楚西；路長知不惡，隨處好詩題。

送人入蜀

天際蜀門開，西看舉別盃；何人不異禮，上客自懷才。花間青林發，煙和綠水來；臨邛行樂處，莫到白頭回。

王安石唐百家詩選 卷十六

一六一

送德清喻明府

棹返雲溪雲，仍參舊使君。州傳多古跡，縣記是誰文？水柵橫舟閉，湖田立木分。但如詩思苦，爲政卽超羣。

南遊湘漢寄友人

南去遠三京，三湘五月行。巴江雪水下，楚澤火雲生。向野聊中飲，乘涼探暮程。離懷不可說，已近峽猿聲。

送鳳翔范書記

京西無暑氣，節候似全秋。大幕來相辟，高人去自由。山川通蜀國，日月近神州。好共將軍話，河關地未收。

送邊將

防秋戎馬恐來奔，詔發將軍入鴈門。遙領短兵登隴首，獨橫長劍向河源。悠揚落日黃雲動，莽蒼陰風白草

翻；若縱干戈更深入，應聞收得到崑崙。

湘口送人

中流欲暮見湘煙，岸草無窮接楚田；去鴈遠衝雲夢雪，離人獨上洞庭船。風波盡日緣原轉，星漢通宵向水

連；回首羨君偏有我，故園歸醉又新年。（一本云「歸去及新年」）

太和公主還宮

天驕發使犯邊塵，漢將推功遂奉親；離亂應無初去貌，死生難有却回身。禁花半老曾攀樹，宮女多非舊識

人；重上鳳樓追故事，幾多愁思向青春？

春日客舍言懷

未識東南此路安，青春日月坐銷難。如何別却故園後？五度花開五處看。

吳門月夜與曹太尉話別

早晚更看吳苑月，西齋長憶月當窗；不知明夜誰家見，應照離人隔楚江。

張司馬別業

庭前樹盡手中栽，先後花分幾番開；巢鳥戀雛驚不起，野人思酒去還來。自拋官與青山近，誰許身為白日？
僮門外尋常行樂處，重重履迹在莓苔。

鄂州韋陁寺上方

高寺上方無不見，天涯客上思迢迢；西江帆挂東風急，夏口城銜楚塞遙。沙岸漁歸多濕網，桑林蠶後盡空條；感時歎物尋僧話，惟向禪心得寂寥。

將赴黔州先寄本府中丞

八月瞿塘到底翻，孤舟上得已銷魂；幕中職罷猶趨府，闕下官成未謝恩。丹嶂聳空無過鳥，青林覆水有垂猿；感知肺腑終難說，從此辭歸便掃門。

和友人下第北遊感懷

聖代爲儒可致身，誰知又別五陵春；青門獨出空啼鳥，紫陌相逢盡醉人。江鳥去尋垂望遠，塞山來見舉頭頻；且須共漉邊城酒，何必陶家有白綸。

長安感懷

一第知何日，全家待此身；空將灞陵酒，酌送向東人。

送劉山人歸洞庭

却共孤雲去，高眠最上峰；半湖乘早月，中路入疎鍾。秋盡蟲聲急，夜深山雨重；當時同隱者，分得幾株松？

送友人往塞北

王安石唐百家詩選 卷十六

王安石唐百家詩選 卷十七

一六四

朔北已秋風，前程見積鴻；日西身獨去，山轉路無窮。樹隔高關斷，沙連大漠空；君看河外將，早晚擬平戎。

卷十七

李筵五首（字求古，大中中，爲忠州刺史。）

贈寫御真李長史

玉坐煙銷硯水清，龍髯不動彩毫輕；乍分隆準山河秀，初點重瞳日月明。宮女卷簾皆暗認，侍臣開殿盡遙驚；六朝供奉應無敵，始覺僧繇浪得名。

失鶴

秋風吹却九臯禽，一片閑雲萬里心；碧落有情應悵望，青天無路可追尋。初來白雪翎猶短，欲去丹砂頂漸深；華表柱頭留語後，更無消息到如今。

送人入蜀

蜀客本多愁，君今是勝遊；碧藏雲外樹，紅壓驛邊樓。杜宇呼名語，巴江學字流；不知煙雨夜，何處夢刀州？

聽話叢臺

有客新從趙地回，自言曾上古叢臺；雲遮襄國天邊盡，樹遶漳河掌裏來。絃管變成山鳥哢，綺羅留作野花開；金輿玉輦無蹤跡，風雨誰知長碧苔？

黃陵廟詞

黃陵廟前莎草春，黃陵女兒舊裙新；輕舟小楫唱歌去，水遠山長愁殺人。

雍陶二十五首（大中中，終簡州刺史。）

盧岳閑居十韻

擾擾走人寰，爭如占得閑。防愁心付酒，求靜力登山。見藥芳時採，逢花好處攀。望雲開病眼，臨澗洗愁顏。春色流巖下，秋聲碎竹間。錦文苔點點，錢樣菊斑斑。路遠朝無客，門深夜不關。鶴飛高縹緲，鶯語巧綿蠻。養拙甘沉默，忘懷絕險巖。更憐雲外路，空去又空還。

蜀中戰後感事十韻

蜀國英靈地，山重水又回。文章四子盛，道路五丁開。詞客題橋去，忠臣叱馭來。臥龍同駭浪，躍馬比浮埃。已謂無妖土，那知有禍胎。蕃兵依漢柳，蠻旆指江梅。戰後悲逢血，燒餘恨見灰。空留犀厭怪，無復酒除災。歲積葭弘怨，春深杜宇哀。家貧移未得，愁上望鄉臺。

送于中丞使北蕃（同用聲字）

朔將引雙旌，山遙積雪平。經年通國信，計日得蕃情。野次依泉宿，沙中望火行。遠鵬秋有力，寒馬夜無聲。看獵臨胡帳，思鄉見漢城。（回鶻中有漢城）來春擁邊騎，新草滿歸程。

自述

萬事誰能問，一名猶未知。貧當多累日，閑過少年時。燈下和愁睡，花前帶酒悲。無媒常委命，轉覺命堪疑。

河陰新城

高城新築壓長川，虎踞龍盤氣色全。五里似雲根不動，一重如月暈初圓。河流暗與溝池合，山色遙將睥睨連。自有此來當汴口，武牢何用鑿風煙。

崔少卿池塘詠雙白鷺

雙鷺應憐水滿池，風飄不動頂絲垂。立當青草人先見，行傍白蓮魚未知。一足獨拳寒雨裏，數聲相叫早秋

王安石唐百家詩選 卷十七

一六六

時；林塘得爾須增價，況與詩家物色宜。

哀蜀人爲南蠻俘虜五章

初出成都聞哭聲

但見城池還漢將，豈知佳麗屬蠻兵。錦江南渡聞遙哭，盡是離家別國聲。

過大渡河蠻使許之泣望鄉國

大渡河邊蠻亦愁，漢人將渡盡回頭。此中郵寄思鄉淚，南去應無水北流。

出青溪關有遲留之意

欲出鄉關行步遲，此生無復却回時。千冤萬恨何人見，唯有空山鳥獸知。

別嵩州一時慟哭雲日爲之變色

越嵩城南無漢地，傷心從此便爲蠻。冤聲一慟悲風起，雲暗青天日下山。

入蠻界不許有悲泣之聲

雲南路出陷河西，毒草長青瘴色低。漸近蠻城誰敢哭，一時收淚羨猿啼。

過舊宅看花（花卽昔年手植）

山桃野杏兩三栽，樹樹繁花去後開。今日主人相引看，誰知曾是客移來？

和河南白尹西池北新葺水齋招賁十二韻

二室峰前水三川，府右亭亂流深竹逕。分遠小花汀池角，通泉脈堂心豁地形。坐中寒瑟瑟，床下細冷冷。雨

夜思巫峽，秋朝想洞庭。千心孤鏡碧，一片遠天青。魚戲搖紅尾，鷗閑退白翎。荷傾瀉珠露，沙亂動金星。藤架如紗

帳，苔牆似錦屏。龍門人少到，仙棹自多停。游憶高僧伴，吟招野客聽。餘波不能惜，便欲養浮萍。

蜀中經蠻後友人馬又見寄

昔馬渡瀘水，北來如鳥輕。幾年期鳳閣，一日破龜城。此地有征戰，誰家無死生。人悲還舊里，鳥喜下空營。弟姪意初定，交朋心尚驚。自從經難後，吟苦似猿聲。

送契玄上人南遊

紅葉落湘川，楓明映水天。尋鍾過楚寺，擁錫上瀧船。病客思留藥，迷人待說禪。南中多古跡，應訪虎溪泉。

和劉補闕秋園寓興六首

水木夕陰冷，池塘秋意多。庭風吹故葉，塔露淨寒莎。愁燕窺燈語，情人見月過。砧聲聽已別，蟲響復相和。閉門無事後，此地即山中。但覺鳥聲異，不知人境同。晚花開爲雨，殘果落因風。獨坐還吟酌，詩成酒已空。自得家林趣，常時在外稀。對僧餐野食，迎客著山衣。鬪雀翻簷散，驚蟬出樹飛。功成他日後，何必五湖歸。秋色庭蕪上，清朝見露華。疎篁抽晚笋，幽藥吐寒芽。引水新渠淨，登臺小徑斜。人來多愛此，蕭爽似山家。禁掖朝回後，林園勝賞時。野人來辨藥，庭鶴住看基。晚日明丹棗，朝霜潤紫梨。還因重風景，猶自有秋詩。聖代少封事，閑居方屏喧。漏寒雲外闕，木落月中圓。山鳥宿簷樹，水螢流洞門。無人見清景，林下自開罇。

送徐山人歸睦州舊隱

君在桐廬何處住，草堂應與戴家鄰。初歸山犬翻驚主，久別江鷗却避人。終日欲爲相逐計，臨時空羨獨行身。秋風釣艇遙相憶，七里灘西片月新。

天津橋春望

津橋春水浸紅霞，煙柳風絲拂岸斜。翠輦不來金殿閉，宮鶯啣出上陽花。

寄永樂殿堯藩明府

王安石唐百家詩選 卷十七

王安石唐百家詩選 卷十七

一六八

古縣蕭條秋景晚，昔年陶令亦如君；
頭巾漉酒臨黃菊，手板支頤向白雲。
百里豈能容驥足？九霄終自別雞羣；
相思不恨書來少，佳句多從闕下聞。

塞上宿野寺

塞上蕃僧老，天寒疾上關。
遠煙平似水，高樹暗如山。
去馬朝常急，行人夜始閑。
更深聽刁斗，時到磬聲間。

章嗣四首（唐末人）

旅舍早起

跡暗心多感，神疲夢不遊。
驚舟同厭夜，獨樹對悲秋。
曉角和人戰，殘星入漢流。
門前早行子，敲鐙唱離憂。

焚書坑

竹帛煙銷帝業虛，關河空鑿祖龍居。
坑灰未冷山東亂，劉項原來不讀書。

春別

擲下離觴指亂山，趨程不待鳳笙殘。
花邊馬嚼金銜去，樓上人垂玉筍看。
柳陌雖然風裊裊，慈河猶自雪漫漫。
殷勤莫厭貂裘重，恐犯三邊五月寒。

送謝進士歸闕

百越風煙接巨鰲，還鄉心壯不知勞。
雷霆入地建溪險，星斗逼人梨嶺高。
却擁木綿吟麈句，便攀龍眼醉香膠。
名場聲利喧喧在，莫向林泉改鬢毛。

施肩吾一首（字希聖，洪州人）

效古興

金雀無舊釵，綉綺無舊裾。
唯有一寸心，長貯萬里夫。
南軒夜蟲織已促，北牖飛蛾遶殘燭。
祇言衆口鑠千金，

誰信獨愁銷片玉？不知歲晚歸不歸？又將啼眼縫征衣。

陳陶六首（武宣時人，自稱三教布衣。）

閑居雜興

一顧成周力有餘，白雲閑釣五溪魚；中原莫道無麟鳳，自是皇家結網疎。
長壽（一作愛）真人王子喬，五松山月伴吹簫；從他浮世悲生死，獨駕蒼麟入九霄。

鄱陽秋夕

憶昔鄱陽旅遊日，曾聽南家爭擣衣；今夜重聞舊砧杵，當時還見雁南飛。

旅次銅山途中先寄溫州韓使君

亂山滄海曲，中有橫陽道；東馬過銅梁，苔華坐堪老；鴉鳴高崖裂，熊鬪深樹倒；絕壑無坤維，重林失蒼昊；躋攀寡儔侶，扶接念輿阜；俛仰慄嵌空，無因掇靈草；梯窮聞戍鼓，魂縉賴丘禱；蔽密天地歸，縈紆村落好；悠悠思蔣徑，擾擾愧商皓；馳想永嘉侯，應傷此懷抱。

題徐穉湖亭

伏龍山橫洲渚地，人如白蘋自生；洪崖成道二千年，唯有徐君播青史。

泉州刺桐花詠

猗猗小豔夾通衢，晴日薰風笑越姝；只是紅芳移不得，刺桐屏障滿中都。

李羣玉七首（字文山，澧州人。大中中，宰相崔鉉進其詩，以處士除弘文館校書郎。）

經費拾遺所居呈封員外

王安石唐百家詩選 卷十七

雲臥竟不起，少微空隕光。惟應孔北海，爲立鄭公鄉。舊館苔蘚合，幽齋松菊荒。空餘書帶草，日日上墻長。

古鏡

明月何處來，朦朧在人境。得非軒轅作，妙絕世莫並。瑤匣開旭日，白電走孤影。泓澄一尺天，徹底函霜景。冰輝凜毛髮，使我肝膽冷。忽驚行深幽，面落九秋井。雲天入掌握，爽朗神魄靜。不必負局仙，金沙發光炯。陰沉畜靈怪，可與天地永。恐爲悲龍吟，飛來在俄頃。

傷思

八月白露濃，芙蓉抱香死。紅枯金粉墮，冢落寒塘水。西風團葉下，疊穀參差起。不見棹歌人，空垂綠房子。

洞庭入澧江寄巴丘故人

四月桑半枝，吳蠶初弄絲。江行好風日，燕舞輕波時。去事旋成夢，來歡難預期。唯憑東流水，日夜寄相思。

自澧浦東遊江表途出巴丘投員外從公虞

短翮後飛者，前攀鸞鶴翔。力微應萬里，矯首空蒼蒼。誰昔探花源，考槃西嶽陽。高風動商洛，綺皓無馨香。一朝下蒲輪，清輝照巖廊。孤醒立衆醉，古道何由昌。經術震浮鱗，國風掃齊梁。文襟卽玄圃，筆下成琳琅。霞水散吟嘯，松筠奉琴觴。冰壺避皎潔，武庫羞鋒鋦。小子書代耕，東髮頗自強。難哉水投石，壯志空摧藏。十年侶龜魚，垂髮在三湘。巴歌掩白雪，鮑肆埋蘭芳。騷雅道未消，何憂名不彰。饑寒東困厄，默塞飛星霜。百志一不成，東波擲年光。塵生脫粟甑，萬里違高堂。中夜恨火來，焚燒九回腸。平明梁山淚，綠枕霑匡床。依泊洞庭波，木葉忽已黃。哀砧搗秋色，曉月啼寒糝。復此棹孤舟，雲濤浩茫茫。朱門待媒贄，短褐誰揄揚。仰羨野陂鳧，無心憂稻粱。不如天邊鴈，南北皆成行。男兒白日閒，變化未可量。所希困辱地，剪拂成騰驤。昨筆話肝肺，詠茲枯魚章。何由首西路，目斷白雲鄉。

洞庭驛樓雪夜宴集奉贈前湘州張員外

昔與張湘州，閑登岳陽樓；目窮衡巫表，興盡荆吳秋。擲筆落郢曲，巴人不能酬；是時簪裾會，景物窮冥搜。謬忝玳筵秀，得陪文苑遊；幾篇雲楣上，風雨沈銀鈎。

沈溪道中

曉發潺湲亭，夜泊潺湲水；風篁拂石澗，琴磬九十里。光奔覺來眼，寒落夢中耳；曾向三峽行，巴江亦如此。

長安秋夜

田家無五行，水旱卜蛙聲；牛犢乘春放，兒孫候暖耕。池塘煙未起，桑柘雨初晴；歲晚香醪熟，村村自送迎。

馬戴二首（博士）

易水懷古

荆卿西去不復返，易水東流無盡期；落日蕭條薊城北，黃沙白草任風吹。

送客南遊

擬卜何山隱，高秋指岳陽；葦乾雲夢色，橘熟洞庭香。疎雨殘虹影，回雲背鳥行；靈均如可問，一爲哭清湘。

寄襄陽王公子

君馬勒金羈，君家貯玉筓；白雲登峴首，碧樹醉銅鞮。澤廣荊州北，山多漢水西；鹿門知不隱，芳草自萋萋。

劉得仁二首

題薛公院

無事門多掩，陰階竹掃苔；勁風吹雪聚，渴鳥啄冰開。樹向寒山得，人從瀑布來；終期天目老，擊錫逐雲回。

王安石唐百家詩選 卷十七

一七二

悲老宮人

白髮宮娃不解悲，滿頭猶自插花枝；
曾緣玉貌君王寵，准擬人看似舊時。

高蟾二首

春

明月斷魂清蕩蕩，平蕪歸思綠迢迢；
人生莫遣頭如雪，縱得春風亦不銷。

灞陵亭

一條歸夢朱絃直，一片離心白羽輕；
明日灞陵新霽後，馬頭煙樹綠相迎。

偶作

丁當玉珮三更雨，平帖金闈一覺雲；
明日薄情何處去，風流春水不知君。

崔塗八首（字禮仙，光啓四年登進士第。）

夕次洛陽道中

秋風吹故城，城下獨吟行；
高樹鳥已息，古原人尙耕。
流年川暗度，往事月空明；
不復嘆岐路，馬前塵夜生。

春夕旅懷

水流花謝兩無情，送盡東風過楚城；
蝴蝶夢中家萬里，杜鵑枝上月三更。
故園書動經年絕，華髮春唯兩鬢

生；自是不歸歸便得，五湖煙景有誰爭？

上巳日永崇里言懷

未敢分明賞物華，十年如見夢中花；
遊人過盡衡門掩，獨自憑欄到日斜。

蜀城春望

鸚鵡洲春眺

天涯憔悴身，一望一沾巾；在處有芳草，滿城無故人。懷材皆得路，失計獨傷春；青鏡不忍照，鬢毛應更新。

來；誰人正得風濤便？一點輕帆萬里回。

感花

繡軀香艷夜不歸，少年爭忍最紅枝；東風一陣黃昏雨，又到繁華夢覺時。

過陶徵君舊居

陶令曾居此，弄琴遺世情；田園三畝綠，軒冕一銖輕。衰柳自無主，白雲猶可耕；不隨陵谷變，應只有高名。

孤雁

幾行歸塞盡，念爾獨何之？暮雨相呼失，寒塘欲下遲。渚雲低暗渡，關月冷相隨；未必逢矰繳，孤飛自可疑。

卷十八

李郢十八首（字楚莖，大中中進士及第，爲藩鎮從事，兼侍御史）

夏日登信州北樓

高樓上長望，百里見靈山；雨歇河珠定，雲開谷鳥還。田苗映林合，牛犢傍村閑；始得銷憂處，蟬聲催入關。

春晚題山家

偶與樵人熟，春殘日日來；依岡尋紫葢，挽樹得青梅。燕靜銜泥起，蜂喧抱蕊回；嫩茶重攪綠，新酒略吹醅。漠漠蠶生紙，涓涓水弄苔；丁香正堪結，留步小庭隈。

王安石唐百家詩選 卷十八

一七四

送人之嶺南

關山迢遞古交州，歲晏憐君走馬遊；謝氏海邊逢素女，越王潭上見青牛。嵩臺月照啼猿曙，石室煙含古桂秋；同望長安五千里，刺桐花下莫淹留！

江亭春霽

江灘漠漠荇田田，江上雲亭霽景鮮；蜀客帆檣背歸燕，楚山花木怨啼鶯。春風掩映千門柳，晚色淒寒萬井煙；金磬冷冷水南寺，上方僧室翠微連。

友人適越路過桐廬寄題江驛

桐廬縣前洲渚平，桐廬江上晚潮生；莫言獨有山川秀，過日仍聞官長清。麥壠虛涼當水店，鱸魚鮮美稱尊羹；王孫客棹殘春去，相送河橋羨此行。

秦虞士移家富陽發樟亭寄

潮落空江洲渚生，知君已上富春亭；常聞郭邑山多秀，更說官寮眼盡青。離別幾宵魂耿耿，相思一坐髮星星；仙翁白石高歌調，無復松齋半夜聽。

暮春山行田家歇馬

雨濕菰蒲斜日明，茅廚煮繭掉車聲；青蛇上竹一種色，黃蠟隔溪無限情。何處樵漁將遠餉，故園田土憶春耕；千峰靄靄水瀟瀟，羸馬此中愁獨行。

孔雀

越鳥青春好顏色，晴軒入戶看沾衣；一身金翠畫不得，萬里山川來者稀。絲竹慣聽時獨舞，樓臺初上欲孤飛；刺桐花謝芳草歇，南國同巢應望歸。

茶山貢焙歌

使君愛客情無已，客在金臺價難比；春風三月貢茶時，盡逐紅旌到山裏。焙中清曉未門開，筐箱漸見新芽來；陵煙觸露不停採，官家赤印連帖催。朝饑暮餉誰興哀，喧闐競納不盈掬，一時一餉還成堆。蒸之馥之香勝梅，研膏架動轟如雷；茶成拜表貢天子，萬人爭嗽春山摧。駟騎鞭聲晝流電，半夜驅夫誰復見？十日王程路四千，到時須及清明宴。吾君可謂納諫君，諫官不諫何由聞？九重城裏雖旰食，天涯吏役長紛紛。使君憂民慘容色，就焙嘗茶坐諸客；幾回到口重咨嗟，嫩綠鮮芳出何力？山中有酒亦有歌，樂營房戶皆仙家。仙家十隊酒百斛，金絲宴饌隨經過。使君是日憂思多，客亦無言徵綺羅；殷勤繞焙復長歎，官府例成期如何？吳民吳民莫憔悴！使君作相期蘇爾。

江亭晚秋

碧江涼冷雁來疎，閑看江雲思有餘；秋館池亭荷葉歇，野人籬落豆花初。無愁自得仙翁術，多病能忘太史書；聞說故園香稻熟，片帆歸去就鱸魚。

鵝兒

臘後閑行村舍邊，黃鶺清水真可憐；何窮散亂隨新草，永日淹留在野田。無事羣鳴遮水際，爭來引逗逼人前；風吹楚澤蒹葭暮，看下寒溪逐去船。

送劉谷

村橋西路雪初晴，雲暖沙乾馬足輕；寒澗渡頭芳草色，新梅嶺外鷓鴣聲。郵亭已送征車發，山館誰將候火迎？落日千峰轉迢遞，知君回首望高城。

江上逢王將軍

王安石唐百家詩選 卷十八

虬鬚憔悴羽林郎，曾入甘泉侍武皇。鵬沒夜雲知御苑，馬隨春仗識天香。五湖歸去孤舟月，六國平來兩鬢霜。唯有桓伊江上笛，臥吹三弄送殘陽。

秋晚寄題陸黼校書義興禪居時淮南從事

禪居秋草晚，蕭索異前時。蓮幙青雲貴，翔翔絕後期。薜房樛架掩，山砌石盆欹。劍戟晨趨靜，笙歌夜散遲。谷寒霜寂寂，林晚磬蟲悲。惠遠煙霞在，方平屨杖隨。骨清須貴達，神重有威儀。萬卒千蹄馬，橫鞭從信期。

酬友人春暮寄枳花茶

昨日東風吹枳花，酒醒春晚一甌茶。如雲正護幽人壑，似雪纔分野老家。金餅拍成和雨露，玉塵煎出照煙霞。相如病渴今全校，不羨生臺白頸鴉。（司馬相如故事）

剡自街西醉歸馬，鞭墜失崔員外。趙祕書知其闕，用皆許見賒。俄頃之間，二信俱至。短長堅重，價不相饒。輒杼短章，仰酬珍錫。

蜀巖陰面冷冥冥，偃雪欺霜半露青。鈿刃剪裁多鵝媚，細鞘揮拂帶龍腥。崖垂萬仞知無影，薜漬千年合有靈。蘭省貴寮逢閣吏，一時絨贈到雲亭。

卽目

自笑騰騰者，非愁又不狂。何爲踈似鼠，而復怯於麀。落拓無生計，伶俜戀酒鄉。冥搜得詩窟，偶戰出文場。愛雪愁冬盡，懷人覺夜長。石樓多爽氣，樗案有餘香。運去非關拙，時來不在忙。平生兩閑暇，孤趣滿滄浪。

羅敷東館亭下流泉云至前山擁咽經歲移時榭弄惆悵成章

看山亭下小鳴泉，嗚咽難通亦可憐。惆悵無人爲踈擊，擁愁含恨過年年。

薛逢三首（咸通初，爲嘉州刺史，將作監。）

偶題黃花驛

孤戍迢迢蜀路長，烏鳴山館客思鄉；更看絕頂煙霞外，數樹巖花照夕陽。

涼州詞

昨夜蕃軍報國讎，沙州都護破涼州；黃河九曲今歸漢，塞外縱橫戰血流。

宮詞河滿子

繫馬宮槐老，持杯店菊黃；故交今不見，流恨滿川光。

鄭畋一首

謁昇仙太子廟

在昔靈王子，吹笙遡次寥；六宮攀不住，三島互相招。亡國原陵古，賓天歲月遙；無蹊窺海曲，有廟訪山椒。石帳龍蛇拱，雲樓彩翠銷；露壇裝琬琰，真像寫松喬。珠館青童宴，琳宮阿母朝；氣與仙女侍，天馬吏兵調。湘妓紅絲瑟，秦郎白管簫；西城鐵綽約，南嶽命嬌嬈。句曲觴金洞，天台嘯石橋；晚花珠弄蕊，春茹玉生苗。二景神光秘，三元寶籙繞；霧垂鶴翅髮，冰凍虎章腰。鶴馭爭銜箭，龍妃各獻綰；衣從星渚浣，丹就日宮燒。物外花常滿，人間葉自凋。望臺悲漢戾，閱水笑梁昭；古殿香殘地，荒堦柳長條。幾曾期七日，無復降重霄；嵩嶺緬天漢，伊瀾入海潮。何由得真訣，使我珮環飄。

薛能二十八首

龍門八韻

河浸華夷闊，山黃宇宙雄；高波萬丈瀉，夏禹幾年功。川迸晴明雨，林生旦暮風；人看翻進退，鳥性斷西東。氣逐雲歸海，聲驅石落空；近身毛乍豎，當面語難通。沸沫歸何處，盤渦傍此中；從來化譽者，攀去路應同。

王安石唐百家詩選 卷十八

一七八

送李湜出塞

邊城官尚惡，况乃是羈遊。別路應相憶，離亭更少留。黃沙人外闊，飛雪馬前稠。甚險穹廬宿，無爲過代州。

山中尋僧

盡日行方到，何年獨此林。客歸唯鶴伴，人少似師心。坐石落松子，禪床搖竹陰。山靈怕驚定，不遣夜猿吟。

冬日送僧歸吳中

去掃東林下，閑持未遍經。爲山低鑿窟，容月廣開庭。舊業雲千里，生涯水一瓶。還應覓新句，看雪倚禪扃。

憶恭皇太后挽歌

八月曾殊選，三皇固異儀。祔陵經瀾流，歸賵雜華夷。旄去題新謚，宮存鏤素帷。重泉應不恨，生見太平時。

題迷戶

幾世葺農桑，凶年竟失鄉。朽關生濕菌，傾屋照斜陽。雨水淹殘白，葵花壓倒牆。明時豈致此，應自負蒼蒼。

寓居有懷呈舊知

綠草閉深院，悄然花正開。新年人未去，戊日燕還來。雨地殘枯沫，燈窗積舊煤。歸田語不忘，桴散料非才。

夏日蒲津寺居

日日閑車馬，誰來訪此身。一門兼鶴靜，四院與僧鄰。雨室牆穿溜，風窗筆染塵。空餘氣長在，天子用平人。

開元觀閑遊因及後溪偶成一韻

山屐經過滿逕蹤，隔溪遙見夕陽春。當時諸葛成何事，只合終身作臥龍。

嘉泰驛

盡室可招魂，蠻餘出蜀門。電涼隨雨氣，江熱傍山根。蠶月繅絲路，農時碌碡村。干將磨欲盡，無位可酬恩。

褒斜道中

十驛褒斜到處慵，眼前常似接靈蹤；江遙旋入旁來水，山闊猶藏向後峰。鳥徑惡時應立虎，畝田開日自燒松；行吟却笑公車役，夜發星馳半不逢。

新雪

細落麤和忽復繁，頓清朝市不聞喧；天迷皓色風何亂？地濕春泥土半翻。香暖會中懷岳寺，樵鳴村外想家園；閑吟只愛煎茶澹，幹破平光向近軒。

秋夜旅舍寓懷

庭鏤荒蕪獨夜吟，西風吹動故山心；三秋木落半年客，滿地月明何處砧？漁唱亂沿汀鷺合，雁聲寒咽隴雲深；平生只有松堪對，露滴霜欺不受侵。

許州題德星亭

漢水南流東有隈，隄邊亭是武陵溪；槎松配石堪僧坐，蕊杏含春欲鳥啼。高處月生滄海外，遠郊山在夕陽西；頻來不似軍從事，只戴紗巾只杖藜。

送判官赴京

闕下情偏已絕稀，天涯身遠復相依；庭花每對從容落，夜燭多同笑語歸。君子是行應柏署，鄙人何望即柴扉？青雲若遇交親話，白璧無心待發揮。

獻僕射相公

清如冰玉重如山，百辟嚴趨禮絕攀；強虜外聞應破膽，平人長見盡開顏。朝廷有道青春好，門館無私白日閑；致却垂衣更何事，幾多詩句詠關關。

王安石唐百家詩選 卷十八

一八〇

漢南春望

獨尋春色上高臺，三月皇州駕未回；
幾處松筠燒後死，誰家桃李亂中開？
姦邪用法元非法，唱和求才不是才；
自古浮雲蔽白日，洗天風雨幾時來？

清河泛舟

都人層立似山丘，坐嘯將軍擁棹遊；
遶郭煙波浮泗水，一船絲竹戴涼州。
城中親望皆丹腹，旗裏驚飛盡白鷗；
儒將不須誇卻殺，未聞詩句解風流。

老圃堂

邵平瓜地接吾廬，穀雨暗時偶自鋤；
昨日春風欺不在，就床吹落讀殘書。

盤屋官舍新竹

心覺清涼體似吹，滿風輕撼葉垂垂；
無端種在幽閑處，衆鳥嫌寒風未知。

贈老僧

清瘦形容八十餘，瓠懸籬落似林居；
勸師莫羨人間有，幸是元無免破除。

折楊柳

和花煙樹九重城，夾路春陰十萬營；
唯向邊頭不堪望，一株憔悴少人行。

吳姬四首

樓臺重疊滿天雲，殷殷鳴雷世上聞；
此日楊花初似雪，女兒絲管弄參軍。
畫燭燒蘭暖復迷，殿帷深密下銀泥；
開門欲作侵晨散，已是明朝日向西。
冠剪黃綃披紫羅，薄施鉛粉畫青蛾；
因將素手誇纖巧，從此板房寵更多。

自是三千第一名，內家叢裏獨分明；芙蓉殿上中元日，水拍銀盤弄化生。

秦韜玉四首

春雪

雲重寒空思寂寥，玉塵如糝滿春朝；片纔著地輕輕陷，力不禁風旋旋銷。惹砌任從香粉妬，縈叢自學小梅嬌；誰家醉捲珠簾看，玆管堂深暖易調。

對花

長與韶光鬧有期，可憐蜂蝶却先知；誰家促席臨低樹，何處橫釵帶小枝。麗日多情疑曲照，和風得路合偏吹；向人雖道渾無語，幾勸王孫到醉時。

貧女

蓬門未識綺羅香，擬托良媒益自傷；誰愛風流高格調，共憐時世儉梳妝。敢將十指誇纖巧，不把雙眉鬪畫長；每恨年年壓金綫，爲他人作嫁衣裳。

送友人罷舉除南陵令

共言愁是酌離杯，况惜弦歌枉大才；獻賦未爲龍化去，除書猶喜鳳銜來。花明驛路煙脂煖，山入江亭罨畫開；莫把新詩題別處，謝家臨水有樓臺。

羅鄴五首

牡丹

落盡春紅始著花，花時比屋事豪奢；買栽池館恐無地，看到子孫能幾家。門倚長衢攢繡輦，幄籠輕日護香霞；歌鍾滿座爭歡賞，肯信流年鬢有華。

浴水

一道游溪澗暖莎，年年惆悵是春過；
莫言行客聽如此，流入深宮恨更多。
橋畔月來清見底，柳邊風去綠生波；
縱然滿眼添歸思，未把魚竿奈爾何！

出都門

青門春色一花開，長到花時把酒杯；
自覺無家似潮水，不知歸處去還來。

水簾

萬點飛泉下白雲，似簾懸處瑤疑真；
若將此水爲霖雨，更勝長垂隔路塵。

賞春

芳草和煙暖更青，閑門要路一時生；
年年點檢人間事，唯有春風不世情。

皮日休六首（字襲美，咸通八年，登進士第）。

旅舍除夕

永夜誰能守羈心，不放眠；挑燈猶故歲，聽角已新年。
出谷空嗟晚，銜杯尙愧先；晚來辭逆旅，雪涕野槐天。

過雲居院玄福上人舊居

重到雲居獨悄然，隔窗窺影尙疑禪；
不逢野老來聽法，猶見鄰僧爲引泉。
龕上已生新石耳，壁間空帶舊茶煙；
南宗弟子時時到，泣把山花奠几筵。

陪江西裴公遊襄州延慶寺

丹霄路上歇征輪，勝地偷閑一日身；
不著前驅驚野鳥，惟將後乘載詩人。
巖邊候吏雲遮却，竹下朝衣露滴新；
更向碧山深處問，不妨猶有草茅臣。

西塞山泊漁家

白纶巾下髮如絲，靜倚楓根坐釣磯；
中婦桑村挑葉去，小兒沙市買筇歸。
雨來蓴菜流船滑，春後鱸魚鑿釣肥；
西塞山前終日客，隔波相羨盡依依。

襄州春遊

信馬騰騰觸處行，春風相引與詩情；
等閑遇事成歌詠，取次衝筵隱姓名。
映柳認人多錯誤，透花窺鳥最分明；
岑牟單絃何曾著，莫道猖狂似禰衡。

送從弟歸衡州

羨爾優遊正少年，竟陵煙月似吳天；
車蓋近岸無妨取，舴艋隨風不費牽。
處處路傍千頃稻，家家門外一渠蓮；
慙慙莫笑襄陽住，爲愛南塘縮項鱸。

卷十九

劉滄四首（字蘊靈，大中八年，進士及第。）

長洲懷古

野燒空原盡荻灰，吳王此地有樓臺；
千年事往人何在？半夜月明潮自來。
白鳥影從江樹沒，清猿聲入楚雲哀；
停車日晚薦蘋藻，風靜寒塘花正開。

經煬帝行宮

此地曾經翠輦過，浮雲流水竟如何？
香銷南國美人盡，怨入東風芳草多。
殘柳宮前空露葉，夕陽川上浩漚波；
行人遙起廣陵思，古渡月明聞棹歌。

王安石唐百家詩選 卷十九

一八四

與僧話舊

巾烏同時下翠微，舊遊因話事多違；
南朝古寺幾僧在？北嶺空林唯鳥歸。
苾徑晚煙凝竹塢，石池春色染苔衣；
此來相見又相別，卽是關河朔雁飛。

咸陽懷古

經過此地無窮事，一望悽然感廢興；
渭水故都秦二世，咸原秋草漢諸陵。
天空絕塞聞邊雁，葉盡孤村見夜燈；
風景蒼蒼多少恨，寒山半出白雲層。

劉威一首

遊東湖黃處士園林

偶向東湖更向東，數聲雞犬翠微中；
遙知楊柳是門處，似隔芙蓉無路通。
樵客出來山帶雨，漁舟過去水生風；
物情多與閑相稱，所恨求安計不同。

曹勣一首

始皇陵下作

千金買魚燈，泉下照孤兔；
行人上陵過，却弔扶蘇墓。
壘壘墟中物，多於養生具；
若使山可移，應將秦國去。
舜殛雖在前，今猶未封樹。

曹松十四首

長安春日

浩浩看花晨，六街揚遠塵；
塵中一丈日，誰是晏眠人？
御柳垂著水，野鶯啼破春；
徒云多失意，猶自惜離秦。

晨起

曉色教不睡，卷簾清氣中；林殘數枝月，髮冷一梳風。並鳥含鍾語，欹河隔霧空；莫疑營白日，道路本無窮。

天高淮泗白，料子趨修程；汲水疑山動，揚帆覺岸行。雲離京口樹，雁入石頭城；後夜分遙念，諸峰霧露生。

金谷園

當年歌舞時，不說草離離；今日歌舞盡，滿園秋露垂。

夏日東齋

三庚到秋伏，偶來松檻立；熱少清風多，開門放山入。

送喻坦之遊太原

北鄙征難盡，詩愁滿去程；廢巢侵燒色，荒塚入鋤聲。逗野河流濁，離雲磧日明；并州戎壘地，角動引風生。

塞上

邊寒來處闊，今日復明朝；河凌（去聲）堅通馬，胡雲缺見鵞。砂中程獨泣，鄉外隱誰招；回首苦經歲，靈州生

柳條。

題鶴鳴泉

仙鶴曾鳴處，泉兼半井苔；直峰拋影入，片月寫光來。繳鸞侵顏冷，深沉斲眼開；何因值丹頂，滿汲石銜回。

己亥歲二一首

南國江山入戰圖，生民何計樂樵蘇？憑君莫話封侯事！一將功成萬骨枯。

波間一戰百神愁，兩岸強兵過未休；誰道滄江總無事，近來常共血爭流。

南海旅垣

王安石唐百家詩選 卷十九

一八六

憶歸休上越王臺，歸思臨高不易裁；
爲客正當無雁處，故園誰道有書來？
城頭早角吹霜盡，郭裏殘潮漲月回；
心似百花閑未得，年年爭發被春催。

陪湖南李中丞宴隱齋（璋）

竹林啼鳥不知休，羅列飛橋水亂流；
觸帶柳絲回玉勒，約開蓮葉上蘭舟；
酒邊舊侶真何遜，雲裏新聲是莫愁；
若值主人嫌晝短，應陪秉燭夜深遊。

別湖上主人

門繫釣舟雲滿岸，借君幽致坐移旬；
湖村夜叫白蕪雁，菱市曉喧深浦人；
遠水日邊重作雪，寒林燒後別生春；
不辭更住醒還醉，太一東峰歸夢頻。

商山贈野叟

垂白商於原下住，兒孫共死一身忙；
木弓未得長離手，猶與官家射麝香。

張喬二首

送河西從事

結束佐戎旃，河西往幾年；
隴頭隨日去，破裏寄星眠；
水近沙連帳，程遙馬入天；
聖朝思上策，重待奏安邊。

送進士許棠

離鄉積歲年，歸路遠依然；
夜火山頭市，春江樹杪船；
干戈愁鬢改，瘴癘喜家全；
何處營甘旨，潮濤浸薄田。

劉駕一首

釣臺懷古

澄流可濯纓，嚴子但垂綸；
孤坐九層石，遠笑清洲濱；
潛龍飛上天，四海豈無雲；
清氣不零雨，安使洗塵氛；
我

來吟高風，鬢髮見斯人；江月尚皎皎，江石亦磷磷。如何臺下路，明日又迷津。

崔儺十二首

春日長安卽事

一百五日又欲來，梨花梅花參差開；行人自笑不歸去，瘦馬獨吟真可哀。杏酪漸香鄰舍粥，榆煙將變舊爐灰；玉樓春暖清歌夜，肯信愁腸獨九回。

春晚岳陽城言懷

翠煙如鈿柳如環，暗倚南樓獨看山；江國草花三月晚，帝京塵夢一年閑。虛舟尚笑縈難解，飛鳥空慚倦未還；何似不羈詹父伴，睡煙歌月老潺湲。

煙花零落過清明，異國光陰老客情；雲夢夕陽愁裏色，洞庭春浪坐來聲。天邊一與舊山別，江上幾看芳草生；獨凭欄干意難寫，暮笳鳴軋調孤城。

過蠻溪渡

綠楊如髮雨如煙，立馬危橋獨喚船；山口斷雲迷舊路，渡頭芳草憶前身。身隨遠道徒悲梗，詩費明時不值錢；歸去楚臺還有計，釣船春雨日高眠。

暮春對花

病香無力被風欺，多在青苔少在枝；馬上行人莫回首，斷君腸是欲殘時。

華清宮四首

銀河漾漾月輝輝，樓礙星邊織女機；橫玉叫雲清似水，滿空霜逐一聲飛。

障掩金雞蓄禍機，翠環西拂蜀雲飛；珠簾一閉朝元閣，不見人歸見燕歸。

王安石唐百家詩選 卷十九

一八八

草遮回磴絕鳴鑿，雲樹深深碧殿寒；明月自來還自去，更無人倚玉闌干。
門橫金鎖情無人，落日秋聲渭水濱；紅葉下山寒寂寂，濕雲如夢雨如塵。

春晚泊松江村

芳草青青古渡頭，漁家住處暫維舟；殘花半樹情無語，細雨滿天風似愁。
家信不來春又晚，客程難盡水空流；自憐愛失心期約，看取花時更遠遊。

山路見花

曉紅初坼露香新，獨立空山冷笑春；春意自知無主惜，恣風吹逐馬蹄塵。

岸梅

含情含態一枝枝，斜壓漁家短短籬；惹袖尙憐香半日，向人如訴雨多時。
初開偏稱雕梁畫，未落先愁玉笛吹；行客見來無去意，解帆煙浦爲題詩。

張贛六首（字象文，昭宗時，爲尙書膳部員外郎。）

社日村居

鵝湖山下稻梁肥，鵝奔雞棲對掩扉；桑柘影斜春社散，家家扶得醉人歸。

送友人歸武陵

聞近桃源住，無村不是花；戎旗招海客，廟鼓集江鴉。
別島垂橙實，閑田長荻芽；遊秦未得意，看卽更離家。

別後寄友人

上馬如飛鳥，飄然隔去塵；共看今夜月，獨作異鄉人。
就養江田熟，移居井賦新；襄陽堪卜隱，應與孟家隣。

送友人赴涇州幕

杏園沉飲散，榮別就嘉招；日月相期盡，山川獨去遙。府樓明蜀雪，關磧轉胡鷗；縱有煙塵動，應隨上策銷。

野泉
遠出白雲中，長年聽不窮；細聲縈石亂，寒色入潭空。挂壁聊成雨，穿林別起風。溫泉非爾類，源發在深宮。

純懷

白首成空事，無歡可替悲；空餘酒中興，猶似少年時。

方干二首（字雄飛，新定人，咸通中，進士不第，隱會稽之鏡湖，及江東人謂爲

玄英先生。）

君不來

遠路東西欲問誰，寒來無處寄寒衣；去時初種庭前樹，樹已勝巢人未歸。

山中

愛山却把圖書賣，嗜酒空教僮僕賒；只向堦前使魚釣，那知枕上有雲霞；暗泉出石飛仍咽，小徑通橋直復

斜；窗竹未抽今夏筍，庭梅曾試當年花。姓名未及陶弘景，鬚髮白於姜子牙。松月水煙千古在，未知終久屬誰家。

王駕四首（字大用，河中人。大順初，進士及第，仕至尚書禮部員外郎，自稱守

素先生，與司空圖、鄭谷相善，爲詩友。）

古意

夫戎蕭關妾在吳，西風吹妾妾憂夫；一行書信千行淚，寒到君邊衣到無？

過故友居

鄰笛寒吹日落初，舊居今已別人居；亂來兒姪皆分散，惆悵僧房認得書。

王安石唐百家詩選 卷二十

一九〇

晴景

雨前初見花間蕊，雨後兼無葉裏花；
蛺蝶飛來過牆去，應疑春色在鄰家。

亂後曲江

憶昔爭遊曲水濱，未春長有探春人；
遊春人盡空池在，直至春深不似春。

杜荀鶴四首（字彥之，自稱九華山人，大順中，登進士第。）

春宮怨

早被嬋娟誤，欲妝臨鏡慵；
承恩不在貌，教妾若爲容？
風暖鳥聲碎，日高花影重；
年年越溪女，相憶採芙蓉。

雪

風攪長空寒骨生，先於曉色報窗明；
江湖不見飛禽影，巖谷唯聞折竹聲。
巢穴幾多相似處？路岐兼得一般平；
擁袍公子莫言冷，中有樵夫跣足行。

溪興

山雨溪風卷釣絲，瓦甌蓬底獨斟時；
醉來睡著無人喚，流下前溪也不知。

哭具鞞

交朋來哭我來歌，喜傍山家葬薜蘿；
四海十年人殺盡，似君埋少不埋多。

卷二十

吳融二十七首（字子華，昭宗時，爲翰林學士，戶部侍郎。）

壬戌歲闋鄉卜居

六載抽毫待禁闈，不堪多病決然歸；五陵年少如相問，阿對泉頭一布衣。（阿對是楊伯起家僮，嘗引泉應蔬，其泉至今尚在。）

野廟

古原荒廟掩莓苔，何處喧喧鼓笛來？日暮烏啼人散盡，野風吹起紙錢灰。

小逕

礙竹妨花一逕幽，攀緣應對玉峰頭；若教須似康莊好，便有高車駟馬憂。

閑望

三點五點映山雨，一枝兩枝臨水花；
蚊蝶狂飛掠芳草，鴛鴦熟睡翹暖沙。
闕下新居非己業，江南舊隱是誰家？
東還西去都無計，却羨暝歸林上鷗。

卽事

抵鵲山前寄掩扉，便甘終老脫朝衣；
曉窺湖鏡千峰入，暮倚長松獨鶴歸。
雲裏引來泉脈細，雨中移得藥苗肥；
何須一箇鱸魚膾，始挂孤帆問釣磯。

書懷

傍巖依樹結蒼楹，夏物蕭疎景更清；
灘響忽高何處雨，松陰自轉遠山晴。
見多鄰犬遙相認，來慣幽禽近不惊；
爭敢便誇鏑勝事，九衢塵裏免勞生。

海棠

太尉園林兩樹春，（今番禺太尉徐公興化亭子，有海棠兩株。）
年年奔走探花人；
今來獨傍荆山看，回首長安落戰塵。

寄賈休

休公何處在？知我宦情無。已似馮唐老，方知武子愚。一身仍更病，雙鬢又須趨。若得重相見，冥心學半銖。

楚事

悲秋應亦抵傷春，屈宋當年並楚臣。屈原云「極目千里傷春心」。宋玉云「悲哉秋之爲氣」。何事從來好時節？只將惆悵付詞人。

金橋感事

太行和雪疊晴空，二月郊原尚朔風。欽馬早聞臨渭北，射鵬今欲過山東。百年徒有伊川歎，五利寧無魏絳功。日暮長亭正愁絕，哀笳一曲戍煙中。

送策上人

昨來非有意，今去亦無心。闕下拋新院，江南指舊林。銜添新澗綠，笠卸晚峰陰。八字如相許，終辭尺組尋。

松江晚泊

樹遠天疑盡，江奔地欲隨。孤帆落何處？殘日更新離。客是淒涼本，情爲繫滯枝。寸腸無計免，應只楚猿知。

廢宅

風飄碧瓦雨摧垣，却有鄰人爲鎖門。幾樹好花虛白晝，滿庭荒草易黃昏。放魚池涸蛙爭聚，棲燕梁空雀自喧。不獨淒涼眼前事，咸陽一火便寒原。

途中

一棹歸何處？蒼茫落照昏。無人因失路，有樹始知村。湖岸春耕廢，江城戰鼓喧。儒冠竟相誤，學劍盡乘軒。

岐下聞杜鵑

化去蠻鄉北，飛來渭水西；爲多亡國恨，不忍故山啼。怨已驚秦鳳，靈應識漢雞；數聲煙漠漠，餘思草萋萋。樓
河波無際，林昏日又低；如何不腸斷，家近五雲溪。

杏花三韻

春物競相妬，杏花應最嬌；紅輕欲愁殺，粉薄似啼消。願作南華夢，翩翩遠此條。

華清宮二首

中原無鹿海無波，鳳輦鸞旗出幸多；今日故宮歸寂寞，太平功業在山河。
四郊飛雪暗雲端，唯此宮中落旋乾；綠樹碧簷相掩映，無人知道外邊寒。
漁陽烽火照函關，玉輦忽忽下此山；一曲羽衣聽不盡，至今遺恨水潺潺。

春寒

固教梅忍落，休與杏藏嬌；已過冬疑剩，將來暖未饒。玉墀殘雪在，羅薦暗香銷；莫問王孫恨，煙蕪尙寂寥。

彭門用兵後經汴路

長亭一望一徘徊，千里關河百戰來；細柳舊營猶鎖月，祁連新冢已封苔。霜凋綠野愁無際，燒接黃雲慘不
開；若比江南更牢落，子山詞賦莫興哀！

隋堤風物已淒涼，堤下仍多舊戰場；金鏃有苔人拾得，蘆花無主鳥銜將。秋聲暗促河聲急，野色遙連日色
黃；獨上寒城正愁絕，戎鼙驚起雁行行。

高侍御話皮博士池中白蓮因寄

白玉花開綠錦池，風流御史報人知；看來應是雲中墮，偷去須從月下移。已被亂蟬催晚晚，更禁涼雨動離
襟；習家秋色堪圖畫，只欠山公倒接羅。

新安道中翫流水

一渠春碧弄潺湲，密竹繁花掩映間；看處便須終日住，算來爭得此身閑。縈紆似接迷人洞，清冷應連有雪山；上却征車更回首，了然塵土不相關。

憶山泉

穿雲落石細湔湔，杳杳疑聞弄管絃；千仞灑來寒碎玉，一泓深處碧涵天。煙迷葉亂尋難見，月好風清聽不眠；春雨正多歸未得，只應流恨更潺湲。

紅樹

一聲南雁已先紅，撼撼淒淒葉葉同；自是孤根非暖地，莫驚他木耐秋風。曉煙散去陰全薄，明月臨來影半空；長憶洞庭千萬樹，照山橫浦夕陽中。

微雨

天清織未遍，風急舞難成；粉重低飛蝶，黃濃不語鶯。乍隨春靄亂，還放夕陽明；惆悵池塘遠，荷珠點點輕。

雨後月中玉堂閑坐

銀臺直北金鑿外，暑雨初晴皓月中；唯對松篁聽刻漏，更無塵土翳虛空。綠香馥齒冰盤果，清冷侵肌水殿風；夜久忽聞鈴索動，玉堂西畔響丁東。

六月十七日召對自辰及申方歸本院

清暑簾開散異香，恩深咫尺對龍章；花應洞裏常時發，日向壺中特地長。坐久忽疑（一作驚）星犯斗，歸來兼恐海生桑；如今冷笑東方朔，唯用詼諧侍漢皇。

中秋禁直

星斗疎明禁漏殘，紫泥封後獨憑欄。露和玉屑金盤冷，月射珠光貝闕寒。天觀樓臺籠苑外，風吹歌管下雲端。長卿祇爲長門賦，未識君臣際會難。

錫宴日作（是歲大稔，內出金帛錫百官，充觀稼宴。學士院別賜綾百匹，委京尹勾當後，宰相一日宴於興化亭。）

玉銜花馬踏香街，詔遣鉅權綺席開。中使押從天上去，（是日在外四學士，排門齊入，同進狀辭赴宴，所奉差，學士院使二人押去。）外人知自日邊來。臣心淨比漪漣水，聖澤深於激灑杯。纔有異思頒稷卨，已將優禮及綱枝。清商適向梨園降，妙妓新行峽雨回。不敢通宵離禁直，晚乘殘醉入銀臺。

冬至夜作（天復二年，隨駕在鳳翔府。）

中宵忽見動葭灰，料得南枝有早梅。四野便應枯草綠，九重先覺凍雲開。陰冰莫向河源塞，陽氣今從地底回。不道慘舒無定分，却憂蚊響又成雷。

秋霖夜憶家（隨駕在鳳翔府）

垂老何時見弟兄，背燈悲泣到天明。不知短髮能多少，一滴秋霖白一莖。

出官經峽石縣（天復二年三月二十日作）

謫宦過東畿，所抵州名濮。故里欲清明，臨風堪慟哭。溪長柳似帷，山暖花如繡。逆旅訝簪裾，（南路以久無僮服，經過皆相聚觀。）野老悲陵谷。暝鳥影聯翩，驚狐尾繚繚。尙得佐方州，信是皇恩沐。

訪同年虞部二十五郎中（四年二月在湖南）

策蹇相尋犯雪泥，廚煙未動日平西。門庭野水灘灘鷺，鄰里短牆啾啾雞。未入慶霄君擇肉，長逢華轂我吹

王安石唐百家詩選 卷二十

一九六

盡地爐黃酒成狂醉，更覺襟懷得喪齊。

春陰獨酌寄同年李郎中

春陽度漠土脈潤，寒氣微微風意和。閑嗔入甲奔競態，醉唱落調漁樵歌。詩道揣量疑可進，宦情刳缺轉無多。酒酣狂興依然在，無奈千莖鬢雪何？

雪中過重湖信筆偶成

道方時險擬如何？謫去甘心隱薜蘿。青草湖將天暗合，白頭浪與雪相和。旗亭臘酌踰年熟，水國春寒向晚多。多處困不忙仍不怨，醉來唯是欲傴傴。

寄湖南從事

索漠襟懷酒半醒，無人一爲解餘酲。岸頭柳色春將盡，船背雨聲天欲明。去國正悲同旅雁，隔江何忍更啼鶯。蓮花幕下風流客，試與溫存謹逐情。

翫水禽（此後七首，醴陵縣作。）

兩兩珍禽渺渺溪，翠矜紅掌淨無泥。向陽眠處莎成毯，踏水飛時浪作梯。依倚雕梁輕社燕，抑揚金距笑晨雞。勸君細認漁翁意，莫遣鮪羅誤穩棲。

早雪翫梅有懷親友

北陸候纔變，南枝花已開。無人同悵望，把酒獨徘徊。凍白雪爲伴，寒香風是媒。何因逢越使，腸斷謫仙材。

小隱

借得茅齋岳麓西，擬將身世老鋤犁。清晨向市煙涵郭，寒夜歸村月照溪。爐爲窗明僧偶坐，松因雪折鳥驚啼。靈椿朝菌由來事，却笑莊生始欲齊。

曠黑

古木侵天日已沉，露華涼冷潤衣襟；江城曠黑人行絕，唯有鶯爲伴夜砧。

醉着

萬里清江萬里天，一村桑柘一村煙；漁翁醉着無人喚，過午醒來雪滿船。

早起二韻

萬樹綠楊垂，千般黃鳥語；庭花風雨餘，岑寂如村塢；依依官渡頭，晴陽照行旅。

卽目

萬古離懷憎物色，幾年愁緒弱風光；廢城沃土肥春草，野渡空船蕩夕陽；倚道向人多脈脈，爲情因酒易佯佯；宦途棄擲須甘分，回避紅塵是所長。

贈易卜崔江虔士（袁州）

白首窮經通秘義，青山養老度危時；門傳組綬身能退，家學樵漁跡更奇；四海盡聞龜策妙，九霄堪嘆鶴書遲；壺中日月將何用，借與閑人試一窺。

乙丑歲九月蕭灘鎮忽得楊逵員外書賀余除戎曹仍舊承旨還絨後因書四十字

登南臺僧寺

旅寓在江郊，秋風正寂寥；紫泥虛寵髮，白髮已漁樵；事往淒涼在，時危志氣銷；若爲將朽質，猶擬杖於朝。
無奈離腸日九回，強摠懷抱立高臺；中華地向城邊盡，外國雲從島上來；四序有花長見雨，一冬無雪却聞雷；日官紫氣生冠冕，試望扶桑病眼開。

王安石唐百家詩選 卷二十

一九八

花時與錢尊師同醉因成一十字

橋下淺深水竹間紅白花酒仙同避世何用厭長沙

有闕

晚涼閑步向江亭，默默看書旋旋行。風轉滯帆狂得勢，潮來諸水寂無聲。誰將覆轍詢長策，願把琴絲屬老成。成安石本懷經濟意，何妨一起爲蒼生。

蜻蜓

碧玉眼睛雲母翅，輕於粉蝶瘦於蜂。坐來迎拂波光舞，可是慇懃爲蓼叢。

宮柳（此後一二首，在內庭作。）

莫道秋來芳意違，宮娃猶似妬蛾眉。幸當玉輦經過處，不怕金風浩蕩時。草色長承垂地葉，日華先照映樓枝。澗松亦有凌雲分，爭似盤根太液池。

苑中

上苑離宮處處迷，相風高與露盤齊。金階鑄出狻猊立，玉柱雕成獬豸啼。外使調鷹初得案，（五坊外案使，以鷹隼初調習，始能擒獲，謂之得案。）中官過馬不教嘶，（上每乘馬，必闔官馭以進，謂之過馬，既乘之，而後踐蹀嘶鳴也。）笙歌繡錦雲霄裏，獨許詞臣醉似泥。

卽目

書牆暗記移花日，洗盃先知醞酒期。須信閑人有忙事，早來衝雨覓漁師。

過臨淮故里

交遊昔歲已凋零，第宅今來亦變更。舊廟荒涼時饗絕，諸孫飢凍一官成。五湖竟負他年志，百戰空垂異代

名；榮盛幾何流落久？遣人襟抱薄浮生。

亂後卻至近甸有感（乙卯年作）

狂童容易犯金門，比屋齊人作旅魂。夜戶不扃生茂草，春渠自溢浸荒園。關中却見屯邊卒，塞外翻聞有漢村。堪恨無情清渭水，渺茫依舊遶秦原。

寄鄰莊道侶

聞說經旬不啓關，藥窗誰伴醉開顏？夜來雪壓村前竹，剩見溪南幾尺山。

亂後春日途經野塘

世亂他鄉見落梅，野塘晴煖獨徘徊。船衝水鳥飛還住，袖拂楊花去又來。季重舊遊多喪逝，子山新賦極悲哀。眼看朝市成陵谷，始信昆明是劫灰。

惜花

皺白難情高處切，膩紅愁態靜中深。眼隨片片沿流去，恨滿枝枝被雨淋。總得苔蘚猶慰意，便教泥污更傷心。臨軒一盞悲春酒，明日池塘是綠陰。

半醉

水向東南更不回，紅顏白髮遞相催。壯心暗逐高歌盡，往事空因半醉來。雲護雁霜籠淡月，雨連鶯曉落殘梅。西樓悵望芳菲節，處處斜陽草似苔。

漢江行次

竹寺雖深已暗知，幡竿殘日迥依依。沙頭有廟青林合，驛步無人白鳥飛。牧笛自由隨草遠，漁歌得意扣舷歸。竹圍相接春波暖，痛憶家鄉舊釣磯。

春盡

惜春連日醉昏昏，醒後衣裳見酒痕。
細水浮花歸別澗，斷雲含雨入孤村。
人閑易有芳時恨，地勝難招自古魂。
慚愧流鶯相厚意，清晨猶爲到西園。

贈湖南李思齊處士

兩板船頭濁酒壺，七絲琴畔白髭鬚。
三春日日黃梅雨，孤客年年青草湖。
燕俠冰霜難狎近，楚狂鋒刃觸凡愚。
知余絕粒窺仙事，許到名山看藥爐。

睡起

睡起牆陰下藥欄，瓦松花白閉柴關。
斷年不出僧嫌癖，逐日無機鶴伴閑。
麈尾莫尋行止處，煙波長在夢魂間。
終撐舴艋稱漁叟，賒買湖心一葦山。

寄友人

傷時惜別心交加，搢頭一向千咨嗟。
曠野風吹寒食月，廣庭煙著黃昏花。
長擬曛酣遺世事，若爲局促問生涯。
夫君亦是多情者，幾度將愁泥酒家。

見別離者因贈之

征人草草盡戎裝，征馬蕭蕭立路傍。
鱗酒闌珊將遠別，秋山邈迤更斜陽。
白髭兄弟中年後，瘴海程途萬里長。
會向天涯懷此恨，見君嗚咽更淒涼。

傷亂

岸上花根總倒垂，水中花影幾千枝。
一枝一影寒山裏，野水野花清露時。
故國幾年猶戰鬪，異鄉終日見旌旗。
交親流落身羸病，誰在誰亡兩不知。

南亭

每日在南亭，南亭似僧院，人語靜先聞，鳥啼深不見。松瘦石稜稜，山光溪澗澗；
蜃蔓墜長葦，鳥花垂小蓓。行簪隱士冠，臥讀先賢傳；更有興來時，取琴彈一遍。

太平谷中翫水上花

山頭水從雲外落，水面花自山中來；一溪紅點我獨惜，幾樹密房誰見開？
應有妖魂隨暮雨，豈無香跡在蒼苔？
凝眸不覺斜陽盡，忘採樵人蹶石回。

雨

坐來蕪蕪山風急，山雨隨風暗原隰；樹帶繁聲出竹聞，溪將大點穿籬入。
鉤婦寥翹布領寒，牧童擁葦笠衣濕；此時高味共誰論？掩鼻吟詩空佇立。

幽獨

幽獨起侵晨，山鶯啼更早；門巷掩蕭條，落花滿芳草。煙愁魂共遠，春與人同老；
默默又依依，淒然此懷抱！

江行

浪感青山江北岸，雲含黑雨日西邊；舟人偶語憂風色，行客無聊罷晝眠。
爭似槐花九衢裏，馬蹄安穩慢揚鞭。

初赴朝集

輕寒着背雨淒淒，九陌無塵未有泥；還是平時舊滋味，慢垂鞭袖向街西。

向隅

守道得途遲，中兼遇亂離；剛腸成繞指，玄髮變垂絲。客路少安處，病床無穩時；
弟兄消息絕，獨斂向隅眉。

秋郊聞堇有感

楓葉微紅近有霜，碧雲秋色滿吳鄉。
魚衝駭浪雪鱗健，鴉閃夕陽金背光。
心爲感恩長慘戚，髮緣經亂早蒼浪。
可憐廣武山前事，楚漢寧教作戰場？

襄漢旅道值鄰境軍新過村落皆空因有此感

水自潺湲日自斜，盡無雞犬有鳴鴉。
千村萬落似寒食，不見人煙空見花。

深院

鶉兒啜噉捩黃嘴，鳳子輕盈膩粉腰。
深院下簾人晝寢，紅蕖薇架碧芭蕉。

辛酉冬隨駕日作今方追憶全篇因附於此

曳裾談笑殿西頭，忽聽征鑼從冕旒。
風蓋行時移紫氣，營旗駐處認皇州。
曉題御服頒羣吏，夜發官嬪詔列侯。
雨露涵濡三百載，不知誰擬殺身酬？

安貧

手風慵展入行書，眼暗休尋九局圖。
窗裏日光飛野馬，案頭筠管長蒲盧。
謀身拙爲安蛇足，報國危曾捋虎鬚。
滿世可能無默識，未知誰擬試齊竽？

殘春旅舍

旅舍殘春宿雨晴，恍然心地憶咸京。
樹頭蜂抱花鬚落，池面魚吹柳絮行。
禪伏詩魔歸靜域，酒衝愁陣出奇兵。
兩梁免被塵埃污，掃拭朝簪待眼明。

鷓鴣

偏承雨露潤毛衣，黑白分明衆所知。
高處營巢親鳳闕，靜時閑語上龍墀。
化爲金印新祥瑞，飛向銀河舊路

岐；莫怪天涯樓不穩，託身須是萬年枝。

隰州新驛

威德已圖形，胡爲忽構兵。燎原雖自及，誅亂不無名。擲鼠須防誤，連雞莫憚驚！本期將係虜，末策但嬰城。肘腋人情變，朝廷物論生。果聞荒谷溢，旋覩葦街烹。帝怒今方息，時危喜暫清。始終俱以此，天意甚分明。

偶題

俟時輕進固相妨，實行丹心仗彼蒼。蕭艾轉肥蘭蕙瘦，可能天亦妬馨香。

湖南絕少含桃，偶人以新摘者見，惠感事傷懷，因成四韻

時節雖同氣候殊，未知堪薦寢園無。合充風食留三島，誰許鶯偷過五湖。苦彥恐難同象七，（秦中謂三月爲櫻筍時。）酪漿無復營蠟珠。（湖南無牛酪之味。）金鑾歲歲長宣賜，忍淚看天憶帝都。（每歲初進之後，先宣賜學士。）

翠碧鳥

天長水遠網羅稀，保得重重翠碧衣。挾彈少年多害物，勸君莫近五陵飛！

憶故都

故都遙想草萋萋，上帝深疑亦自迷。塞雁已侵池籞宿，官鴉猶戀女牆啼。天涯烈士空垂涕，地下強魂必噬臍。臆掩鼻計成終不覺，馮諼無路効鳴雞。

王安石唐百家詩選終

